




15

e

24



12-24-D-26

Animadversiones  
IOAN. PISCATORIS ARG. IN DIALECTICAM

*Exemplis Sac. literarum passim  
illustrata.*

EDITIO SECUNDA:  
Nonnullis locis correctâ, compluribus  
locupletata.

*Epistola duæ de huius in P. Rami Dialecticam animad-  
versionibus: altera Gulielmi Tempelli, altera  
Joan. Piscatoris, separatim excusa  
extant.*



FRANCOFURTI  
Apud hæredes Andreæ Wecheli,  
M. D. LXXXII.



ΕΙΣ ΠΕΤΡΟΝ ΤΟΝ ΟΖΟΝ  
 Ιωάννη τῷ Αλτίος περὶ σιχόν.

ΠΕΤΡΕ ἴης, ὅππῃ δὲ διωχθεὶς, καρτερὸς ἔτλης·  
 ὅζος ἔπε, σφίσις αἵ δια καλὰ φέρων·  
 Οὐ μοῖοι αἵ δια καλ', ἀτὰρ αὖ γλυκερὸς ἔπ καρπύς·  
 Καρπύς σακχάρους ἐμείλεις γλυκίης.


# CLARISS. VIRI IOAN.

STVRMII DE PETRO

RAMO JUDICIUM.

*Epistola ad  
Henr. Scho-  
rum.*

**D**E P. Ramo si petis, ut petis, quid sentiam: Virum bonum illum esse judico: & hominem bene literatū, & judicio expolito præditum: qui hac vita, ut vocant, Scholastica, & illius stipendio contentus, ampliores opes aut honores nō requirit. Nam quod alios offendit, me non lædit: quoties liberius judicat de Aristotelicis præceptis, alium in iis ordinem & viam requirens: quædam etiam desiderās quæ deesse videntur. Fecit idem Aristoteles iis qui ante ipsum scripserunt: Dialecticis, Rhetoricis, Philosophicis scriptoribus. Et scholæ ipsæ in Academiis, quas defendunt reprehensores ~~Rami~~: & ordinem immutarunt Aristotelicum, & multa præterierunt, multaq; de suo addiderunt: & Rudolphus Agricola istud jus sibi etiam arrogavit: & non idem quod Aristoteles, sentit & tradit de locis inveniendi. Ipsi etiam Mathematici, quorum certę sunt semitæ: tamen non iisdem insistent omnes, quibus Euclides & Ptolemæus, vestigiis. Ego æquitatem & humanitatem in nostris judiciis quæ de aliis facimus, desidero. Si idem semper sentiendum & loquendum sit: nihil novi invenire liceat,




IOAN. PISCATORIS  
AD OPT. INDOLIS MAGNÆ  
QVE SPEI ADOLESCENTEM

PAUL. OLEVIANUM GASPA-  
ris F. præfatio.



DERIQUE adhuc philosophia  
studiosi (charissime Paule) præ-  
clara quadam opinione ac præ-  
judicio, sicut de reliquis Aristo-  
telis libris, ita inprimis de Or-  
gano ejus Logico imbuti: agré fe-  
runt, Petrum Ramum suis animadversionibus  
jam pridem illud reprehendere ausum, à pluri-  
mis quibus refertū est erroribus & nugis & tri-  
cis ipsum repurgasse. Contra non desunt etiam  
qui nimio novæ P. Rami Dialecticæ amore ab-  
repti, plus quàm par est, illi tribuant, nimiumq;  
secure in ipsa acquiescant. Utrique reprehensio-  
ne digni sunt. nam philosophia studiosum neque  
ita ignavum esse oportet, ut ad judicandum alio-  
rum inventa sui vires ingenii non adhibeat: ne-  
que ita servili ingenio esse convenit, ut in ullius  
magistri, sive veteris sive novi, verba juret: quin  
potius libertatem judicandi, cum singulari veri-  
tatis studio conjunctam, retinere atque usurpare  
omnes debent. Ac ut de me ipso non nihil dicam:  
non quidem ulla jactantia, sed simpliciter verita-  
tis attestande gratia: equidem à puero in præce-  
ptis Aristotelicis Sturmianarum partitionum  
ennutri-



enutritus, ipsum postea Aristotelis Organum, primum in patria, tum á M. Melchiore Spec-  
 cero Theologo, tum á Leonhardo Hertelio, utro-  
 que sané docto viro: deinde veró Tubinga á cla-  
 riss. philosopho Jacobo Schegkio per quinquenni-  
 um, maxima sui parte explicari audiui: priva-  
 tim quoq, tum illa quæ audiveram, tum reliqua  
 quorum explicationem ex ullo praeceptore audire  
 non contigerat (ea autem sunt Topica) adhibitis  
 Schegkii commentariis, partim in lucem editis,  
 in sextum scilicet & septimū librum, partim pri-  
 vatim ex dictantis ore conscriptis, in quinq, prio-  
 res, meditatsum: atque ita totam meam adole-  
 scentiam, florentissimam nimirum ætatis partem  
 & ad discendum accommodatissimam, post stu-  
 dium sacrarum literarum in Logicis Aristote-  
 lis potissimū consumpsi. Et sané neque temporis  
 in istud studium impensi, neque laboris adhibiti  
 me unquam pœnituit. Veruntamen per id tem-  
 pus in tanta veritatis luce versatus nō sum, quā-  
 tam postea ex lectione ac meditatione Dialecti-  
 ces P. Rami, per gratiam Dei sum adeptus. quor-  
 sum enim attinet, vel odii declinandi, vel mode-  
 stia nescio cujus præpostera affectanda studio, in-  
 grato silentio tegere atq, suppressere beneficium  
 Dei? Primum igitur quum mihi Tubinga Ar-  
 gentinam reverso, amicus quidam Dialecticam  
 P. Rami legendam dedisset: perlegi illam unā cū  
 Audomari Talai prælectionibus: & quanquam  
 non omnino sine sinistro præiudicio, quo Tubinga

imbutus fueram, ac proinde adhibita singulari cautione, ista perlegissem: tamen ex illa lectione jam tum clarior veritatis lux affulgere mihi cœpit. Contemsi tamen illam, aut certè non satis colui: abreptus illo præjudicio: itaque semel legisse contentus, plus temporis in disputationibus illis cognoscendis tunc non posui. Postea verò quum Heidelbergæ in Padagogio oratio quædam Ciceronis explicanda mihi esset: egoque in illa explanatione usitatum scholarum morem quem à præceptoribus meis didiceram, sequi cœpissem: ibi tunc pater tuus, quum ut meus magistratus, docentem me audivisset: postea domi sua meam docendi rationem improbare, meq; ad analysin Ramæã cohortari. Ejus igitur hortatu impulsus, ego Dialecticam Rami relegere, diligentiusq; quam antea meditari: deniq; in resolvenda tum illa oratione, tum etiam Ciceronis Officijs, ad usum adhibere cœpi: ac tum primùm nativos & maturos studii mei Logici fructus percipere mihi visus sum. Quumq; Dialectica Philippi, quã discipulis meis explicabam, indies minús mihi satisfaceret: pleraq; præsertim in libro ultimo quide Locis argumentorum est, emendare melioraque efficere studui. Quum verò de istiusmodi emendationis partim tadio, partim invidia apud patrem tuum quereretur: is hac molestia & me & discipulos meos sublevaturus, adhibita mea opera Dialecticam Rami, ubi opus videretur, reformare, melioremque aut certè utiliorem nostrisq; scholis ac-

commodatiorem efficere conatus est. Quāquam non nisi priorem artis partem qua de Inventione seu locis argumentorum est, reformandam suscepimus: quod ea potissimum in Philippo emendationem desiderare, cetera verò partim tolerabilia, partim etiam laudabilia utiliq; viderentur. Et sanè ille noster labor non parum postea me adjuvit, quum Sigena juniores Comites Nassovii, ceterique illis adjuncti, in Dialecticis instituendi mihi essent. Verum enim vero posteaquam illis in Geldariam cum patre profectis, scholaeq; ad quam Sigena instituendam vocatus fueram, consilio in aliud tempus rejecto, huc Neostadium me contulisset: existimaui me operapretium facturum, si qua jam ante per biennium & eo amplius, in tota Rami Dialectica mihi minùs satisfacere animadverteram, literis mādarem: illasq; meas animadversiones, non quidem in nonum annum, ut ille poëtis imperat: sed tamen ad aliquod tempus quod editioni tempestivum videretur, pressas: aliquando in lucem emitterem, & cum philosophia studiosis communicarem. Hasce igitur animadversiones, jam ante annum à me conscriptas, divulgare visum est hoc tempore, meis quidem rationibus non satis (ut arbitror) tempestivo: sed non privatorum commodorum, verum commodi publici rationem habendam duxi. Spero enim, hac qualiacunque studiosis philosophia, quicandorem ad legendum attulerint, non nihil profutura. Ad te autem mi Paule, nominatim

mittere volui: ut aliquas patri tuo gratias, tum pro alijs ipsius in me beneficiis, tum pro communicata in hoc studiij genere opera atque etiam ope (non pauca enim exempla ex ipsius volumine quodam Dialectico excerpimus) referrem: tibiq<sup>3</sup> tanquam legitimo heredi, hanc patrimonii tui particulam, á patre tuo acceptam, restituerem. Etsi enim fortasse meis animadversionibus non admodum eges: quum domesticum praeceptorem habeas patrem, in hujus artis usu jam diu multumque versatum, & singulari ad pueros instituendos dexteritate praeclitum: tamen quum ut in proverbio est, oculi plus videant quám oculus: velim, te meum oculum ad oculum patris tui: hoc est, meae mentis iudicium ad iudicium illius adjungere: maximé quum illa minimum discrepare, plurimumq<sup>3</sup> inter se congruere atq<sup>3</sup> consentire putem. Deum patrem luminum oro, ut mentem tuam non solum hac lucerationis, verum in primis luce illa divina sui spiritus quotidie magis magisq<sup>3</sup> illustret: ut aliquando lucem veritatis tum philosophicae, tum Christianae, iis qui in ignorantia errorumq<sup>3</sup> tenebris constituti fuerint, praeferre, eosque ut utile Dei organon illustrare atq<sup>3</sup> erudire possis. Amen. Ex Neapoli Casimiriána, 4. Februar.

M. D. LXXX.

IN

IN P. RAMI DIALECTICES LIBRVM PRIMVM,  
QVI EST DE INVENTIONE,

ANIMADVERSIONES IOAN.  
Piscatoris Argentinensis.

CAP. I. *Quid Dialectica.*



IALECTICA, "est ars" bene differendi: eodemq; sensu Logica dicta est.

*Dialectica*] Vocabula hæc, διαλεκτική & λογική, sua natura adjectiva sunt: sed usurpantur substantivé: eo quod brevitatis studio substantivum omittitur: quod est δύναμις, vel ἐπιστήμη, vel τέχνη: ut plenè dicatur δύναμις διαλεκτική, id est, differendi facultas: vel ἐπιστήμη διαλεκτική, differendi scientia: vel τέχνη διαλεκτική, differendi ars. Similiter δύναμις λογική, rationis facultas, &c. Nam etsi inter tria illa vocabula quorum aliquod supplendum esse judicamus, nonnihil discriminis sit: nulum tamen eorum est, quod non sit ad naturam Dialecticæ declarandam accommodatum. Etenim δύναμις, id est facultas, meritò vocatur Dialectica: quoniam ipsius vi Dialecticus bene differit de quæstione qualibet. sicut vi Rhetoricæ orator bene dicit de qualibet causâ. Vnde & Aristoteles has duas artes, Dialecticam inquam & Rhetoricam, δυνάμεις, id est facultates, esse ait, lib. I. Rhet. cap. 4. Επιστήμη verò, id est scientia, Dialectica vocari etiam potest, quatenus intelligitur Dialecticæ vocabulo ipsa de bene differendo præceptio atq; institutio, seu bene differendi doctrina: idque tum ratione subjecti, tum ratione principiorum. Ratione sub-



jecti: quia sicut reliquæ scientiæ seu disciplinæ, ut Mathematica, Physica, Ethica, circa certum genus rei extra intellectum positæ contemplatione sua versantur: sic Dialectica seu bene differendi doctrina occupatur in considerandis instrumentis docendi. quo respectu Aristoteles Dialecticam τρόπον ἐπισήμης, id est modum scientiæ, appellasse videtur: Metaphys. α' ἐλάττωσι, circa finem: ubi ait, ἄπορον ἅμα ζητεῖν ἐπισήμην καὶ τρόπον ἐπισήμης: hoc est, Absurdum est simul quærere scientiam  
 & modum scientiæ. Primo autem artis Rhetoricæ, cap. 4. vocat ἀναλυτικῶν ἐπισήμην, analyticam scientiam: ubi ait, ἡ ῥητορικὴ σύγκειται μὲν ἐκ τῆς ἀναλυτικῆς ἐπισήμης, καὶ τῆς περὶ τὰ ἥθη πολιτικῆς. hoc est, Rhetorica constat ἐ scientia analytica, & politica ea quæ circa mores versatur. Quam enim hîc scientiam, analyticæ scientiæ nomine intelligit: nisi eam ipsam quæ considerat περὶ τῶν ἀτέχνων κρίσεων, de artificiosis probationibus: quam considerationem in Rhetorica arte tradenda ab aliis suæ ætatis dicendi magistris neglectam fuisse, capite primo reprehendit. At hæc, inquam, scientia nihil aliud quàm Logica seu Dialectica est. Id quod ipse Aristoteles capite primo apertè profitetur: ubi ita scribit:  
 ἐπεὶ δὲ φανερόν ἐστι, ὅτι ἢ μὲν ἐν τεχνος μέθοδος, πρὸς τὰς πείρας ὅτιν' ἢ τὴν πίσιν, ἀπὸ δέξις τις (τότε γὰρ πισυόμεν μάλιστα, ὅταν ἀπεδέδειχθαι ὑπελάβωμεν) ἐστὶ τὸ ἀπὸ δέξις ῥητορικῆς, ἐ. θύμμημα. Ἐστὶ τὸ τῷ, ὡς εἶπεν: ἀπλῶς, κυριώτατον ἢ μὴ πισίων· τὸ δὲ ἐ. θύμμημα, συλλογισμὸς τις· πρὸς τὸ συλλογισμὸν ὁμοίως ἅπαντος, τῆς διαλεκτικῆς ὅτιν' ἰδεῖν· ἢ αὐτῆς ὁλοῦς, ἢ μέρος τιός· δῆλον, ὅτι ὁ μάλιστα τὸ το διωάμενος θεωρεῖν, ὅκ πίων καὶ πῶς γίνεται ὁ συλλογισμὸς, ὅς καὶ ἐ. θυμμηματικὸς αὐτὸς εἰη μάλιστα· πρὸς λαβὼν, πρὸς πᾶσι τε ὅτι τὰ ἐ. θυμμήματα, Ἐπίαι ἐχθ' ἀφορεὰς πρὸς τὸς λογικὸς συλλογισμὸς. τὸ, τε γὰρ ἀληθές, Ἐ τὸ ὅμοιον τῷ ἀληθεῖ, τῆς αὐτῆς ὅτι διωάμεως ἰδεῖν. hoc est, Quum verò ma-

nife-

nifestum sit, artificiosam *de dicendo* institutionem, circa probationes versari: probatio autem, sit demonstratio quædam (tunc enim credimus maximè, quum rem demonstratam esse putamus) demonstratio autè rhetorica, enthymema sit: & hoc, ut simpliciter dicam, inter probationes principatum obtineat: enthymema verò, sit syllogismus quidā: de syllogismo verò pariter omni, Dialecticæ sit considerare: aut ipsius totius, aut partis alicujus: liquet, qui hoc maximè potest contemplari, è quibus & quomodo fiat syllogismus, hunc etiam enthymematum faciendorum facultate maximè instructum esse; si præterea assumat, circa quales res versentur enthymemata, & quibus rationibus differāt à syllogismis logicis. nam & ipsum verum, & id quod simile vero est, considerare, ejusdem facultatis est. Ecce, considerationem τῷ πείσειων, id est probationum, quam paulo antè tribuerat Rhetoricæ, hinc Dialecticæ vèndicat. quare quum postea dicat, Rhetoricam ex analytica scientia constare: equidem non video, quid nam aliud eo nomine quàm ipsam Dialecticam intelligi velit. Sed in eodem quarto capite Dialecticam rursus scientiam nominat, nempe ἐπιστήμῳ τῷ λόγων, id est scientiam rationū: ubi ita ait: ὅσω δ' αὖτις ἢ πλὴν δ' ἀλεχλυκὴν, ἢ ταύτῳ, μὴ κατὰ τὸν αὐτὸν δυνάμεις, ἀλλ' ὅπτημας, περὶ εἰσὶται κατὰ σκευάξιν: λήσεται τὴν φύσιν αὐτῶν ἀφανίξας, τῶ μετὰ βάλειν ὅπτημας εἰς ὅπτημας ὑποκειμένων ἱνῶν περὶ μέρων, ἀλλὰ μὴ μόνον λόγον. hoc est, Quoad aliquis vel Dialecticam, vel hanc (*id est Rhetoricam*) non tanquam facultates, sed scientias, conabitur instituire: is non animadvertit, se naturam earum obscurare, eò quòd sua institutione transcendat in scientias subjectarum quarundam rerum, non autem solum rationum. Quibus verbis etsi Aristoteles *scientie* nomen abrogare Dialecticæ videatur; tamen ei propriè acceptum relinquit: nec nisi per synecdochen generis usurpatū admittit. Quippe scientiam in scientiam rerum & rationum;

distinguit: & Dialecticam atque Rhetoricam scientias  
 rationum esse cōcedit: non autem vult, eas tractari tan-  
 quam scientias rerum: quas quidem primò synecdochicè  
 scientias appellans, facultatibus opposuit. Sic igitur  
 apparet, vel Aristotele auctore, Dialecticā ratione sub-  
 jecti, nomen scientiæ mereri. Ratione verò principio-  
 rum Dialectica etiam ἐπισήμυς nomen meretur: quia  
 bene disserendi doctrina suis nititur principiis & tan-  
 quam fundamētis, in quibus ἐφίσταται, id est insistit, nec  
 ulterius progreditur. Hæc enim hujus verbi origo vide-  
 tur esse, ut acutè D. Scheccius observavit ac tradidit. Cu-  
 jus quidem etymi veritatem confirmare videtur Ger-  
 manorum verbum *Verstehen*, id est intelligere: quod si-  
 militer à stando, id est *stehen*, originem traxit. Porro  
 τέχνη, id est ars, jure appellatur Dialectica: quoniam  
 Dialecticus illius vi τέκλει, id est parit artificiosum quod-  
 dam opus, videlicet rectam legitimamq; institutionem  
 seu doctrinam. Et quanquam Aristoteles lib. 6. Ethic.  
 ἐπισήμην & τέχνην, id est scientiam & artem, diversos  
 mentis habitus facit: tamen idem alibi popularem lo-  
 quendi rationem secutus, discrimen illud negligit: ut in  
 Topicis Musicam & Grammaticam, quas τέχνας id est  
 artes esse constat, tamen ἐπισήμας, id est scientias, vocat.  
 2. Top. 2. item 4. Top. ult. Item Metaphys. α μείζονι, cap.  
 1. ait, τὴν τέχνην, τῆς ἐμπειρίας οἰόμεθα μᾶλλον ἐπισήμῳ  
 εἶναι. id est, Artem existimamus experientia magis scien-  
 tiam esse. Sic est apud Ciceronem lib. 4. Academ. quæst.  
 Artem sine scientia esse non posse. An pateretur hoc  
 Zeufis, aut Polycletus, nihil se scire, quum in his esset tā-  
 ta solertia? Sic Medicina, & scientia est sanitatis ac mor-  
 bi, & ars sanitatem restituendi atque conservandi, mor-  
 bum verò depellendi atque præcavendi. Huc facit di-  
 stinctio illa quorundam, qui Dialecticam distinxerunt  
 in docentem & utentem. DOCENTEM videtur vocare  
 eam quæ de bene disserendo docet ac præcipit: UTEN-  
 TEM verò qua Dialecticus in disserendo utitur. Harum  
 illi, nomen *scientia*: huic verò, nomen *artis* convenit.

Potró

Porro etſi Ariſtoteles vocabulo *διαλεκτικῆς* interdum tanquam ſpeciali utitur, ad ſignificandum artē de quolibet propoſito problemate in utramque partem diſputandi probabiliter: quam artem ſeſe in Topicis tradere proſitetur: tamen quum iſta diviſio artis diſſerendi in *διαλεκτικῶν* & *ἀποδελτικῶν*, tanquam in ſpecies contrarias, legitima non ſit: ut paulo poſt oſtendemus: quumque ipſemet Ariſtoteles conſiderationem ſyllogiſmi, Dialecticæ tribuat: cujus tamen conſideratio ad neutram illarum quæ ponuntur ſpecierum pertinet: author noſter meritō Dialectices vocabulo neque ſpeciem artis intelligit, cui ſpeciei alia aliqua ſpecies contrariē ſit oppoſita: neque etiam genus quod in ſpecies poſſit dividi: (niſi in ſpecialiſſimas, quas vulgus vocat individua, ut Ariſtoteles *ἄτομα*) ſed intelligit genus quoddam infimum, quod vulgō vocant ſpeciem ſpecialiſſimam, item individuum: ut Porphyrius *εἶδος εἰδικώτατον* & Ariſtoteles *εἶδος ἄτομον*: ejusque non ſpecies, ſed partes tradit. Verba Ariſtotelis ē primo capite libri primi Rhet. paulo antē recitavimus. Cæterum *διαλεκτικῆ* dicta eſt *περὰ τὸ διαλέγεσθαι*, id eſt *ἀ* colloquendo. quam eſſe nativam huius verbi ſignificationem, arguunt nomina inde ducta, *διάλογος* colloquium, & *διάλεκτος* ſermonis proprietas. Sic autem appellata hæc ars videtur, quod Philoſophi in collocutionibus & congreſſibus ſuis ſtudioſē ea uterentur. Quanquam *διαλέγεσθαι* non tam colloqui, quā interloqui ſignificat: unde in dialogis interloquutores nominantur, qui Græcis dicuntur *οἱ διαλεγόμενοι*. Hanc enim ſermonis interruptionem ſeu interſectionem quæ in colloquiis ſit, notat præpoſitio *διά*. quod ipſum etiam notari videtur phraſi illa apud Terentium, Sermones cædere. In colloquiis enim alter alterius ſermonem interrumpit & quaſi cædit ac ſecat: ſicut cōtrā in oratione perpetua quum unus tantum loquitur, omnia inter ſe cohærent. Reſpondet Germanorum verbum *unterreden*: dicunt enim, *ſich mit einander unterreden*: ut *διαλεκτικῆ* Germanicē ſonet *unter-*

*redkundst*: sicut recté Philippus tradidit. Λογική veró dicta est παρὰ τὸν λόγον, id est, á ratione. Est enim ars ratiocinandi, id est argumentandi, & omnino ratione utendi. Sunt qui λογικῶν interpretentur artem orationis: nam λόγοι orationem quoq; significat. Illi nomen hoc Dialecticæ attributum existimât per synecdochen generis: idque κατ' ἐξοχὴν, propter excellentiam. Cúm enim etiam Grāmatica & Rhetorica λογικαὶ sint: quarum altera circa orationis puritatem, altera circa ornatum versatur: tamen inprimis esse λογικὴν Dialecticam: ut quæ versetur circa orationis veritatem. Hæc sententia cum vulgari illa consentit, qua Grammaticam, Rhetoricam & Dialecticam artes dicendi nominant. Sed dicendi ars, sola Rhetorica est: Grammatica veró loquendi & scribendi: Dialectica ratiocinandi, seu ratione utendi. Interea tamen notandum est, Aristotelem vocabulo Logices aliquando specialiús uti: videlicet ad significandum artem quam fingit peculiarem, argumentandi ex probabilibus atque communibus: quam aliás, idque sæpius, Dialecticam vocat: eique Analyticam seu Apodicticam opponit. ut 1. Analyt. post. cap. 18. λογικῶς μὲν ὕνεκ τέτων ἀντις πιτεύσκει περί τῆ λεχθέντος· ἀναλυτικῶς δὲ, διὰ τῶν συντεμώτερον. Et in fine ca. ὅτι δὲ ἐπίστανται, δὲ δέχεται· λογικῶς μὲν πρότερον, ἀναλυτικῶς δὲ νῦν. ubi vox λογικῶς, ponitur pro διαλεκτικῶς: & ἀναλυτικῶς, pro ἀποδεδικτικῶς.

*Est ars*] Dialecticam esse artem, probant vulgó ex artis definitione quam tradit Lucianus his verbis, τέχνη ἐστὶ σύστημα ἐγκαταλήψεων ἐγγεγμνασμένων πρὸς τι τέλος εὐχρηστον τῶν ὅν βίω. id est, Ars est veluti corpus doctrinæ, constans præceptionibus exerceri solitis ad utilem aliquem in vita finem. Hic ars definitur, quatenus literis imandata est. Aristoteles veró artem definit, quatenus artificem perficit. τέχνη (inquit) ἐστὶν ἕξις ποιητικὴ μετὰ λόγῳ ἀληθῆς, id est, ars est habitus faciendi cum ratione vera. Ubi etfi artis vocabulum ad opificum artes quæ mechanicæ appellantur, restringi videatur: illæ enim

enim sunt πολιτικά: tamen sciendum, πραγματικάς etiam esse artes: cujusmodi sunt omnes artes quæ liberales dicuntur, quod libero homine dignæ sint, & à liberis ferè exerceri soleant. Caterùm ποίσις & πράξις, id est effectio & actio, ita differunt: quod illa opus aliquod post se relinquit, hæc nullum. Exempli gratia, ποίσις sutoris relinquit post se calceum: πράξις Musici, nullum relinquit opus. Quum enim desit cantus, nihil inde remanet quod oculis subjici atq; ostendi possit.

*Bene differendi*] Adverbium *Bene* redundare videtur: ut quod contineatur artis vocabulo. Ars enim omnis, bene seu rectè faciendi agendive habitus est: ut modò ex Aristotele tradidimus. Differendi autem verbum hoc loco (sicut & apud Ciceronem passim) per metaphoram usurpatum, idem valet quod Docere. Sumta metaphorà ab olitoribus, ut Varro admonet. Quemadmodum enim olitor diversa semina in diversas areas ferit, atque ita differit, id est hac illac ferit: ita qui docet, diversas quæstiones diversis locis proponit & explicat, unamquamque scilicet suo loco. Unde intelligitur, differendi verbo non omnem Dialectices vim comprehendere: sed unam tantum ejus particulam, videlicet methodum, notari. Methodi enim est, singula suis locis dicere: non autem diversa unum in locum confundere: ut nec olitor diversa semina in unam aream confundit: sed singula suis in areis ferit. Et quamquam hæc propria est hujus verbi significatio: tamen ejus usum vix apud ullum authorem reperiatis. Metaphoricè autem illius significationis usus tum apud alios authores, tum imprimis apud Ciceronem frequentissimus est. Quod ipsum etiam evenit verbo Disputandi: quo tanquàm synonymo creberrimè Cicero utitur. Disputare enim (si Varroni credimus) propriè significat, diligenter vites putare. quare Disputare pro Docere, metaphorà à vinitore est. Quemadmodum enim vinitor vites putat, id est, superflua sarmenta ferro amputat: ita qui docet, is superflua, id est aliena & quæ ad rem non pertinent,

amputare atq; omittere debet: quæ una ex methodi legibus est. Unde perspicitur, nec disputandi verbum totam Dialectices vim complecti. Quæ quum ita sint, melior Philippi definitio videtur: quatenus Dialecticam artem docendi esse tradidit, nam adverbia quæ addit, Rectè, ordine & perspicuè, superflua videntur: quum ipso artis contineantur vocabulo: quemadmodum & pauló antè de adverbio Bene in definitione Rami, admonuimus. Diligenter tamen hîc cavendum, ne docendi verbum quod hîc proprium est, arctiùs restringamus quàm natura ejus postulat: hoc est, ne concionatores tantum in templis, & professores atque præceptores in scholis docere putemus. Non ita est: sed docet, quicumque alterum in cognitionem rei incognitæ ducit: sive is naturam rei declaret, sive demonstret sententiæ veritatem. hæc enim duo sunt docendi genera. Itaque docendi verbum etiam ad forum & curiam, deniq; ad quemcunq; sermonem pertinet. Quo loco & illud notandum est, Dialecticam non solum esse artem docendi, sed discendi etiã, id est intelligendi & judicandi, quid & quo modo dicat is qui docet. Itaque hac arte utimur in ἀναλύσει authorum: quando illorum scripta velut retextimus, ut & quid & quo modo dixerint, accuratiùs exactiusque intelligamus. Similiter si per teipsum sine doctore rem quampiam discere, id est cognoscere atq; intelligere velis: hac arte tibi opus est. Quare hæc ars non solum tam latè patet, quàm latè patet hominū sermo: sed etiam quàm latè patet usus humanæ rationis. Vnde non solum διαλεκτικὴ appellata est, á sermone: verum etiam λογικὴ, á ratione. Sermonis, docere est: rationis, discere. Quare Dialectica & docendi & discendi ars est.

CAP. 2. DE PARTIBUS DIALECTICÆ,  
deg. argumenti generibus.

Dialecticæ partes duæ sunt, "Invectio & "judicium.

dicium. Inventio, est pars Dialecticæ de inveniendis argumentis. Argumentum, " est quod ad aliquid arguendū affectum est: quales sunt singulæ rationes, solæ & " per se consideratæ. Argumentum, est " artificiale aut inartificiale: Artificiale, quod ex sese arguit: est autem, primum vel à primo ortum.

Primum, quod est suæ originis: estque simplex aut comparatum. Simplex, quod simpliciter & " absoluté consideratur: Estq; consentaneum aut dissentaneum. Consentaneum, est " quod consentit cum re quam arguit: estq; consentaneum absoluté aut modo quodam: absoluté, ut caussa & effectum.

*Partes duæ*] Partitio hæc Stoicorum fuit, authore Cicerone in Topicis. Estque vera & legitima hujus artis partitio: quippe sumpta ex caussis subjectum artis constituentibus, materia scilicet & forma. Etenim subjectum Dialecticæ docentis seu præcipientis, est explicatio quæstionis: sicut subjectum Dialecticæ utentis ipsa quæstio est. At materia explicationis, argumenta sunt: nam ex his explicatio constat. Forma, est argumentorum cum quæstione explicanda dispositio: quæ facit ut explicatio quæstionis judicati atque intelligi possit, ac proinde nomen explicationis mereatur. Simili ratione dividitur Grammatica in Etymologiam & Syntaxim. nam sermo (quod Grammaticæ subjectum est) constat ex vocibus tanquam materia, & vocum constructione tanquam forma. De vocibus Etymologia, de vocum conjunctione Syntaxis præcipit. Sed hanc partitionem nonnulli hodie reprehendunt: existimantes, judicium non esse peculiarem Dialectices partem, sed commune totius artis adjunctum, per totam artem fusum: quippe quod & in inventione judicio opus sit, nimirum in de-



*lectu* argumentorum. Verum illi (quod pace eorum dixerim) non attendunt, quid Stoici vocabulo *Judicii* intellexisse videantur: nempe argumentorum inventorum dispositionem seu collocationem ad bene judicandum. Itaque *judicium* pro dispositione dixerunt per metonymiam effecti. *Judicium* enim, id est intelligentia explanationis, ex argumentorum dispositione nascitur. Hoc sensu Stoicos *judicii* vocabulum in hac partitione usurpasse, ipsa *ἀντίθεσις* arguit: qua inventioni *judicium* opponunt. Quod si illos offendit *judicii* vocabulum, utantur vocabulo dispositionis: dummodo veram hanc artis partitionem retineant. Nec verò dispositio logica & *judicium* res adeo diversae sunt, ut non possint jure eodem nomine appellari: quasi scilicet perinde hoc esset (sicut nuper quidam confidenter scripsit) atque hominem & bovem eodem nomine nominare. Etenim *judicium*, dispositionis logicae effectum est: ac proinde per metonymiam nomen illi suum convenienter potest attribuire. at homo & bos non consentanea, sed dissentanea sunt; ac proinde neutrum alteri suum nomen per metonymiam communicare potest. Sed afferunt iidem loco hujus partitionis, divisionem quandam hujus artis in duas species, *Topicam* scilicet & *Apodicticam*. Et hanc divisionem videntur sumere ex divisione enuntiationis quae extat apud Aristot. in principio *Analyticorum*: ubi *πρότασις* dividit in *διαλεκτικήν* & *ἀποδικτικήν*. *Topicam* igitur faciunt artem argumentandi ex contingentibus seu probabilibus: *Apodicticam* verò, ex necessariis. Verum hac divisio vitiosa videtur: quum sit una eademque ars argumentandi & ex contingentibus & ex necessariis, quin etiam eadem sunt utrobique argumentorum genera, seu iidem (ut vulgo appellant) loci. quippe sunt causae tum contingentes, tum necessariae: similiter effecta, subjecta, adjuncta. Nec verò si Aristoteles propositionem in *dialecticam* seu *topicam* & *apodicticam* divisit, continuo dux species *Dialectices*, id est artis differendi, hinc existunt. Duplex quidem hinc oritur syllogismus,

*Topicus*

Topicus & Apodiſticticus: ſed ratione tantum materiæ duplex, non autem ratione formæ. Eadem enim utriuſque ſyllogiſmi formulæ ſunt, tribus figuris ab Ariſtotele comprehenſæ. Declaremus rem ſimili. Aurifaber poculum nunc ex auro facit, nunc ex argento. num igitur quia materia poculi duplex eſt, ars etiam faciendi poculum erit duplex? Imò pari modo tractat aurifaber & aurum & argentum: fundendo ſcilicet, cudendo, ſcabendo, limando, poliendo. Sic ſutor calceum nunc facit ex corio taurino, nunc ex vitulino, aliàs ex hircino aut caprino: num igitur pro varietate corii, ars faciendi calceum erit multiplex? Imò pariter tractat ſutor quodvis corium: ſcindendo ſcilicet, ſuendo, modulis extendendo. Sic etiã diſputator argumẽta ſeu probabilia ſeu neceſſaria pari ratione invenit ac diſponit, ut quaſtionem ſibi propoſitam explicet. Retineamus igitur veterem illam Stoicorum partitionem in *ἐνρετικὴν* & *κριτικὴν*: quam & Cicero & poſt illum Philippus retinuit.

*Inventio*] invenire, propriè eſt in rem quam quaſſeris, venire: id quod corporis eſt, rerumque corporearum corporis enim motu, oculorumque aſpectu, & quaerimus & invenimus. Eſt igitur hîc metaphora à corpore ad animum: nam invẽtio hîc eſt argumentorum, id eſt, earum rerum quæ ad docendum requiruntur, excogitatio. quanquã hîc inventionis nomine non ipſa illa excogitatio, ſed ejus ars, per metonymiam effecti intelligitur. Traduntur enim hoc primo libro, argumentorum genera: quæ qui memoria tenet, quaſtioneq; propoſita mentem ad ſingula refert, cogitando quænam in ſingulis illis generibus ſpecies ad quaſtionem propoſitam pertinentes contineantur: is artem inveniendi quæ hîc traditur, tenet & exercet: ut qui cogitat, quæ ſint rei propoſitæ cauſæ, quæ effecta, quæ ſubjecta, quæ adjuncta, &c.

*Judicium*] Judiciî nomine intelligitur hîc argumentorum inventorum diſpoſitio ſeu collocatio ad bene judicandum: per metonymiam effecti.

*Est quod*] Satis commoda videretur hæc argumenti ex conjugato definitio: nisi author arguendi verbo novè uteretur. Arguere enim auctori significat non solum veritatem alicujus affirmationis aut negationis probare seu demonstrare: qui vulgaris hujus verbi usus est: verum etiam rei cuiuspiam naturam declarare seu explicare absque ullo syllogismo. Et si autem eadem omnino rationes sunt, quarum usus est & ad demonstrandum & ad declarandum: tamen quum argumentum propriè dicatur, quatenus adhibetur ad demonstrandum: sciendum est catachresin esse, quum natura rei argumento quopiam declarari dicitur. Quod ut melius intelligatur: sciendum est, argumenti usum esse duplicem, prout est duplex quæstio. Quæstio enim aut simplex est, aut conjuncta. Simplex, qua quæritur de re simplici seu unica: ut ejus natura declaretur. Et ad hanc nec Ita, nec Non, responderi potest. ut, Quid est peccatum? Quotuplex est peccatum? Quæ est causa peccati? qui effectus? &c. Cōjuncta quæstio est, qua quæritur de rerum duarum inter se conjunctione, id est, affirmatione vel negatione: ut illius cōjunctionis veritas demonstretur. Et ad hanc responderi potest Ita vel Non. ut, Estne diabolus causa peccati? Ita. Estne Deus causa peccati? Non. Quum igitur duo sint quæstionis genera: duo etiam sint necesse est genera explicationis. Ea sunt, declaratio & demonstratio. Declaratio, est explicatio quæstionis simplicis: demonstratio, est explicatio quæstionis conjunctæ. Jam rationes quæ tum ad declarandum, tum ad demonstrandum, id est, omnino ad explicandum docendumve adhibentur, eadem sunt reipsa: sed ratione usus differunt. Quatenus enim adhibentur ad demonstrandum, nominantur argumenta, quomodo & Cicero argumentum definivit, rationem quæ rei dubiæ faciat fidem. unde etiam argumentum Aristoteli *πίστις*, id est, fides, per metonymiā effecti dicitur. Quatenus verò adhibentur argumenta ad declarandum, id est, explicandum quæstionem simplicem: jam non  
amplius

amplius argumenta (nisi *καταχρηστικῶς*) nominari possunt: quum non arguant, id est, sententię dubię veritatē non demonstrent. Esse autē hanc genuinam argumenti significationem: verbum Argumentari & nomen Argumentatio inde ducta, satis arguunt. Argumentari enim, est argumento demonstrare: & argumentatio, per argumentum demonstratio. Quod de duplici argumenti usu admonuimus, exemplo planum faciemus. Primum argumēti genus quod ab authore nostro traditur, causā est. Jam causę usus est tum in declaranda quęstione simplici, tum in demonstranda conjuncta. Declarationis exemplum extat Jacob. i. 13. Nemo quum tentatur, dicat se ā Deo tentari: nam Deus tentari malis non potest, nec quenquam tentat. Sed unusquisque tentatur, dum ā propria cupiditate abstrahitur & inescatur: deinde cupiditas posteaquam concepit, parit peccatum. His verbis Jacobus causā peccati indicat: & hęc quęstio simplex est, unde nascatur peccatum? Respondet Apostolus: Non ā Deo: sed ā cupiditate hominis. Demonstrationis exemplum est in illo Christi, quum ad Phariseos ait, Quomodo potestis bona loqui, quū mali sitis? His verbis argumentatur Dominus ā causā: & argumento causę demonstrat, Phariseos bona loqui nō posse, sed tantū mala. Malitia enim cordis, malorum sermonum causā & quasi fons est: sicut idem ait, Ex abundantia cordis os loquitur. Hęc est quęstio conjuncta, An Pharisei possint bona loqui? Responsio, Non: argumentum ā causā. Duplex hic argumenti usus bene notandus & diligenter distinguendus est: magnam enim lucem doctrinę Inventionis affert: ubi singuli argumentorum loci exemplis utriusque usus, declarationis inquam & demonstrationis, illustrandi sunt. Videtur hoc ā paucis animadverti: quę quidem ignorantia ex inopia vocabulorum nascitur. Quod si vocabula novare ac fingere auderemus: clarē rem proponeremus ad hunc modum. Dialectica, est ars docendi. Id quod ad docendum proponitur, vocatur quęstio. Id quod ad docendū

b ij



adhibetur, generali nomine vocari possit documentum. Jam documētum est duplex: sicut & quæstio. Quæstio .n. aut simplex, aut conjuncta sic documentum, aut declaramentum aut argumentum. Declaramentum, est documentum quod adhibetur ad explicandum quæstionē simplicem: Argumentum, est documentum quod adhibetur ad explicandum quæstionem conjunctam. Sed quoniam documenti vocabulum hic novatum est: declaramenti, omnino novum: (analogum tamen deliramenti) proximum est, si a vocabulis istis abhorremus, ut argumenti duplicem esse usum dicamus: quemadmodum explicatum est.

*Per se considerata*] Hoc minus recte dictum videtur. Argumenta enim per se & absolute considerari non possunt: quum argumentum non possit esse aut intelligi sine eo quod arguitur, id est, argumento demonstratur vel etiam declaratur: ut causa non potest intelligi sine effectu, subjectum sine adjuncto, &c.

*Artificiale aut inartific.*] Sumpta est hæc divisio ex Rhetoricis Aristotelis: sed vitiosa videtur propter posterioris membri falsitatem. Testimonium enim, quod inartificialis argumenti nomine intelligitur, non minus artificiale est, quam cæterorum argumentorum quodlibet. Neque enim majoris artis est, cogitare quæ nam sit causa rei, aut effectus, aut subjectum, aut adjunctum, aut alia quæcunque ratio: quam cogitare, quodnam testimonium extet ad sententiam propositam confirmandam. Et in arte inventionis tam de testimonio, quam de cæteris argumentis præcipitur. Commodioribus vocabulis Cicero usus videtur, quum in Partitionibus oratoriis argumentum divisit in insitum & assumptum. Insitum argumentum, est quod in ipsa quæstione quasi insitum est atque inhæret. itaque etiam quum investigatur, ex quæstione eruendum est: quod sit, dum cogitatur, quænam sit partis in quæstione conjuncta antecedentis vel consequentis causa, qui effectus, &c. Assumptum argu-

mentum, est quod extrinsecus ad quæstionis conjunctæ alteram responsionem, nempe affirmationem aut negationem probandam seu confirmandam assumitur: cujus generis unicum est, testimonium.

*Absolutè consideratur*] Nullum argumentum absolutè cōsiderari posse, paulò antè admonuimus. Sed simplex argumentum absolutè considerari hīc dicitur respectu comparati: quia simplex argumentum comparatur tantum cum eo de quo est quæstio: comparatum autem etiam cum re alia extra quæstionem posita.

*Quod consentit cum re quam arguit*] Ita scilicet, ut altero affirmato, etiam alterum affirmandum sit: itemque altero negato, alterum quoque negandum: siue necessario, siue probabiliter. Hæc enim consequutio per istam consensionem intelligenda est.

### CAP. 3. DE EFFICIENTE, PRO- creante & conservante.

Causa, est<sup>r</sup> cujus vi res est. Itaq; primus hic locus inventionis, fons est omnis scientiæ: sciri que demum creditur, cujus causa teneatur: ut meritò dicatur à Poëta:

*Felix qui potuit rerum cognoscere causas.*

Causa, est<sup>r</sup> efficiens & materia, aut forma & finis. Efficiēs, est causa<sup>a</sup> a qua res est: cujus etsi vera genera nulla nobis appareant, ubertas tamē permagna modis quibuldam distinguitur: Primò quòd<sup>r</sup> procreet aut tueatur. Ovid. l. de Remedio:

*"Ergo ubi visus eris nostra medicabilis arte,*

*Fac monitis fugias otia prima meis:*

*Hac ut ames, faciunt: hac que fecere, tuentur:*

*Hac sunt jucundi causa cibusque mali.*

*Otia sit tollas, periêre, Cupidinis arcus:*

*Contemtaq̃, jacent, & sine luce, faces.*

*Sic pater & mater procreant: nutrix tuetur.*

4. *Aeneid.*

*"Non tibi diva parens generis, nec Dardanus  
author,*

*Perfide: sed duris genuit te cautibus horrens*

*Caucasus, Hyrcanag, admôrunt ubera tigres.*

*Sic Romulus conditor Romanæ urbis: Re-  
ges deinde reliqui, Consules, Imperatores, tu-  
tores & conservatores fuêre.*

*Cujus vires est]* Videtur dicendum, Fit vel est. Sunt enim causse (ut Aristoteles tradidit) aliæ τῆς ἐσίας, id est essentia: ut materia & forma: aliæ τῆς γενέσεως, id est generationis: ut efficiens & finis. Finis enim efficientem ad generandum movet atque impellit: Efficiens formam ex materia educit, aut in materiam introducit. Opus effectum, ex materia & forma constat. Itaque materia & forma non solum causse ἐσίας, verum etiā γενέσεως sunt: Et respectu ἐσίας potiùs partes, quàm causse sunt. Integra enim rei essentia ex materia & forma tâquam partibus constat. *Efficiens & materia, aut, &c.]* Author singulari studio διχοτομίαν confectatus est, pulcherrimā certè & fortassis unicam legitimam dividendi rationē: verum hîc, ut & aliis nonnullis locis, vocabulorum inopia laborat. Efficientem tamen & materiam tanquā sub uno genere anonymo comprehensas causas cōjunxit, itemque formam & finem. Mihi hæc quatuor causarū genera aliter digerenda videntur, nempe ad hunc modum: Causa est aut externa, aut interna. Externa, quæ extra effectū manet: ut efficiens & finis. Interna, quæ effectum ingreditur: ut materia & forma. *Aquæ res est]* Pro Est, malim dicere Fit, propter rationem paulo antè expositam.

*Procreet*

*Procreet aut tueatur*] Divisio hæc augenda videtur ad hunc modum. Efficiens, est aut generans aut corrumpens. Generans, est quæ facit ut res sit. Et est vel procreans vel conservans. Procreans, est quæ facit ut res quæ antea non erat, postea sit. Sic Deus creavit mundum: Noë extruxit arcam. Conservans, est quæ facit ut res quæ jam est, porro sit. Sic Deus mundum conservat: sic conservavit Noachum in diluvio. Corruptens, est quæ facit ut res quæ antea erat, postea non sit. Estque vel abolens, vel labefactans. Abolens, est quæ facit ut res quæ jã est, postea omnino non sit. ut Deus diluvio delevit omnia animalia terrestria quæ erant extra arcam. Labefactans, est quæ facit ut res quæ jam est, postea aliquo modo nõ sit, id est, facit ut aliquam perfectionis partem amittat. ut diabolus per peccatum labefactavit, naturam hominis: per peccatũ enim homo amisit imaginẽ Dei ad quã erat cõditus. Sic morb<sup>9</sup> labefactat vitã animalis: sic mutilatio aut trũcatio mēbri, labefactat corp<sup>9</sup> animalis: sic omissio fractionis panis, labefactat ritũ cœnẽ Domini.

*Ergo ubi*] Hoc exemplũ, demonstracionis est. *Quærit amator*, Estne mihi vitãdum otium, si velim evitare amorẽ? Respondet poëta, Ita. Affirmationem demonstrat argumẽto causæ: Quia otium amoris caussa fit, tum procreans tum conservans. *Qui* autem vult vitare effectum, is caussam vitet necesse est. *Nõ tibi disca*] Hoc exemplum, declarationis est. *Quæstio*, Quibus parentibus natus sit Æneas? Respondet Dido: Non Venere matre, nec Anchisẽ patre: sed patre Caucaso monte, matre veró Hyrcana tigride. Porro hoc exẽplum, sicut & sequens, utpote ejusdem generis, præcedenti præponi debuit. nam declaratio demonstratione naturã prior est: quippe quum enũciatum prius sit syllogismo.

## CAP. 4. DE EFFICIENTE SOLA

*Et cum aliis.*

Secundó caussa efficiens "sola efficit, aut cū



aliis: "Earumque omnium sæpe alia principa-  
lis, alia adjuvans & ministra. 9. Æneid. Nifus a-  
vocat ab Euryalo in se, factæ cædis & culpam  
& pœnam: quia solus author fuerit:

*Me me: adsum, qui feci: in me convertite ferrum  
O Rutuli: mea fraus omnis: nihil iste nec ausus  
Nec potuit. —*

Solitaria causâ cum plerisque & principali-  
bus & sociis, pro Marcello variè adhibetur. Nā  
" bellicas laudes (ait Orator) solēt quidam exte-  
" nuare verbis, easque detrahere ducibus & cō-  
" municare cum multis, ne propriæ sint impera-  
" torū: & certē in armis, militum virtus, locorū  
" opportunità, sociorum auxilia, classes, cōmea-  
" tus, multum juvāt: maximam verò partē quasi  
" suo jure fortuna sibi vendicat, & quicquid est  
" prosperè gestum, id penē omne ducit suum. At  
" verò hujus gloriæ, Cæsar, quā es pauló antè ad-  
" eptus, socium habes neminem: totū hoc, quan-  
" tumcūque est (quod certē maximum est) totū  
" (inquam) est tuum. Nihil tibi ex ista laude cen-  
" turio, nihil præfectus, nihil cohors, nihil turma  
" decerpit: quinetiam illa ipsa rerum humanarū  
" domina fortuna in istius se societatem gloriæ  
" non offert: tibi cedit, tuam esse totam ac pro-  
" priam fatetur. Instrumenta etiam in causis ad-  
" juvantibus connumerantur: quo argumentō  
" impie Epicurēus disputat, mundum nunquā  
" esse factum. i. de Nat. " Quibus enim (ait) oculis  
" animi intueri potuit vester Plato fabricam illā  
tanti

tanti operis, qua construi á Deo atque edificari  
mundum facit? Quæ molitio? quæ ferraméta?  
qui vectes? quæ machinæ? qui ministri tanti o-  
peris fuerunt?

*Sola efficit, aut cum aliis*] Divisio hæc sic proponē-  
da videtur. Efficiens, est aut solitaria aut socia. Solitaria,  
quæ sola rem efficit: ut, Deus solus mundum condidit,  
Christus solus nos redemit. Socia efficiens est, quæ non  
sola, sed uná cum aliis rem efficit. Socia, est aut principa-  
lis aut instrumentalis. Principalis, quæ instrumenta-  
lem in efficiendo regit & gubernat. ut, faber est caus-  
sa principalis quæ efficit gladiū: Spiritus sanctus est caus-  
sa principalis quæ efficit in homine fidem in Christum.  
Instrumentalis, est qua principalis utitur ad rem effici-  
endam. Et est vel otiosa seu quiescens, vel adjuvans seu mi-  
nistra. Otiosa est, quæ in efficiendo seipsam non mo-  
vet, sed tantum movetur á principali. Sic serra secat  
lignum, malleus cudit ferrum: & omnino omnia arti-  
ficum aliaque instrumenta inanimata suum quæque  
opus efficiunt ita, ut sese ipsa non moveant: sed ab arti-  
ficibus, aliisque moveantur. Adjuvans seu ministra est,  
quæ ita á principali movetur, ut etiam ipsa sei-  
psam moveat. Hujus generis sunt instrumenta anima-  
ta: ut animalia bruta quorum usus est ad opus facien-  
dum, itemque homines. Sic bos arat, equus trahit aut  
vehit: sic Deus ministerio hominum utitur ad fidem in  
electis gignendam. Hinc Paulus 1. Corinth. 3. 5. Quis i-  
gitur (inquit) Paulus est? quis Apollos? nisi ministri per  
quos credidistis. & ut cuique Dominus dedit. Et ibidem  
versu 9. Etenim Dei sumus *συνεργοί*, id est, cooperarii  
seu administri. Cæterum instrumenta etiá alio modo  
congrui possunt. Aut enim ejusmodi sunt, ut sine iis effi-  
ciens principale, effectum producere non possit: ut sine mal-  
leo gladium efficere non potest faber: aut talia sunt, ut  
efficiens principale sine ipsis rem efficere posset, si vel-  
let. Sic Deus sine verbi & sacramentorum ministerio

fidem nobis donare & augere posset: sed non vult. *Ea- rumq; omnium*] Sermo nō videtur hīc esse cōmodus. nā quum pronome plurali numero positū, ad utrumq; distributionis propositę membrū referri videatur, falsum est si referatur ad membrū prius. nā quæ causā sola efficit, ea nec principalis, nec instrumentalis dici potest: quū principalis causā sic nominetur respectu causę instrumentalis tanquam socię, & contrā. Quod si cui fortē videbitur pronomen *earum* referendum esse ad præcedens nomen *aliis*, ita ut causā solitaria excludatur: ne sic quidem commodē hoc dictum fuerit. Etenim fieri potest ut nō solū illarum *aliarum* causarū alia principalis, alia adjuvans & ministra sit: sed etiam ea ipsa quę cum *aliis* rem efficit, in altero istorū generū contineatur. Itaque tunc violaretur τὸ καθόλου πρῶτον. Videtur ergo sic potius dicendum: *Ac sociarum quidem causarū sæpe alia principalis, alia adjuvans & ministra est.*

*Quibus enim (ait) oculis*] Procedit proposita argumentatio à negatione causę ad negationē effecti, hoc modo: Deo nulla fuerūt instrumenta ad mundū condendū: Ergo mūdus à Deo nō est cōditus. Quæ cōclusio falsa ex falsitate propositionis omissę nascitur, nēpe, Cuicumq; instrumenta desunt, is rem efficere non potest. Deus enim efficere sine ullis instrumentis potest, quæcunque vult. Quo loco nonnihil de argumentandi regulis quas author noster olim axiomata appellabat, dicendum videtur. Philippus regulas consequentiarū vocat: Aristoteles τόπος, id est, locos. Eiusmodi regulę seu axiomata à nostro authore in aliquibus tantū argumentorum generib<sup>9</sup> seu locis aliquādo fuerūt tradita: verū ad doctrinæ atque institutionis constantiam pertinet, ut aut in singulis tradantur, aut in nullis prorsus. Neque enim major ratio est, cur in his tradenda sint, quā in illis: quum omnia æquę argumenta sint. Etsi autem axiomata quædam seu regulę argumentandi ad consequentię enthymematum confirmandam percommoda videantur: tamen compendiosior ac certior consequentię cōfirmandę

firmãdæ ratio est, si propositio in enthymemate omiſſa ſuppleatur, atque ita ſyllogiſmus integretur. Syllogiſmi enim verę ac infallibiles ſunt conſequentiarum regulę: Rem exemplo illuſtrems. Enthymema ſit, Quicumque in Chriſtum crediderit, ſalvus erit: quare & ego ſalvus ero. Petis rationem conſequentiæ? Dico hanc eſſe, Quia ego in Chriſtum crẽdo. Vides, conſequentiæ rationem in ſyllogiſmo eſſe poſitam: adde enim hanc ſententiam enthymemati, & habebis ſyllogiſmũ integrum, ad hũc modum: Quicumque in Chriſtum credit, ſalvus erit: Atqui ego in Chriſtum crẽdo: Quare ego ſalvus ero. Atq; hæc una eſt conſequentiæ confirmandæ ratio: altera eſt per axioma: ut hĩc per locum generis hunc, Quęcunq; de genere affirmantur, eadem necesse eſt affirmari de qualibet ejus generis ſpecie. Hoc axioma ad enthymema propositum ſic accommodo: Fidelis, eſt genus ſingularum fidelium. Ergo quęcunq; de fideli affirmantur, nempe ſimpliciter, id eſt generaliter: ea etiam de ſingulis fidelibus affirmari necesse eſt: ut de me, te, &c. De fideli autem affirmatur æterna ſalus: Ergo etiam de me, te & ſingulis fidelibus. Vides, hanc poſtერიore conſequentiæ confirmandæ rationem per ambages cõducere, quõ prior uno veluti paſſu ducebat.

CAP. 5. DE EFFICIENTE PER  
ſe & per accidens.

Tertiõ, cauſſa efficiens, per ſe efficit, aut per accidens: Per ſe, quæ ſua facultate efficit: ut quę natura vel conſilio faciunt. Ventorum naturalis efficientia eſt. i. Æneid.

*Incubnẽre mari, totumq; á ſedibus imis  
Uná Eurufque Notufque ruunt, creberque  
procellis  
Africus: & vaſtos tollunt ad littora fluctus.*

Consilii exemplum est illa Ciceronis de se  
 „ confessio. Suscepto bello, Cæsar, gesto etiam  
 „ magna ex parte, nulla vi coactus, iudicio meo,  
 „ ac voluntate ad ea arma profectus sum, quæ e-  
 „ rant sumpta contra te.

Per accidens efficit causa, quæ externa fa-  
 cultate efficit: ut in his quæ fiunt necessitate vel  
 fortuna: necessitate, cum efficiens vi cogitur  
 ad effectum, qualis est Pompejanorum excu-  
 „ satio. At mihi quidem (ait Orator) si proprium  
 „ & verum nomen nostri mali quaeratur, fatalis  
 „ quædam calamitas incidisse videtur, & impro-  
 „ vidas hominum mentes occupavisse: ut nemo  
 „ mirari debeat, humana consilia, „ divina neces-  
 „ sitate esse superata.

„ Fortuna est causa per accidens, quando  
 præter efficientis scopum aliquid accidit. Sic  
 casu „ fortuito (ait Tullius 3. de Nat. Deorum)  
 „ Pheræo Jæsoni profuit hostis, qui gladio vomit-  
 „ cam ejus aperuit: quam sanare medici non po-  
 „ terant. In hoc genere causarum imprudentia  
 connumerari solet. Ovid. 2. Trist.

*Cur aliquid vidi: cur noxia lumina feci?*

*Cur impudenti cognita culpa mihi est?*

*Inscius Actæon vidit sine veste Dianam:*

*Præda suis canibus nec minus ille fuit.*

*Scilicet in superis etiam fortuna luenda est:*

*Nec veniam, læso numine, casus habet.*

Hinc sumitur deprecatio: qualis est pro Li-  
 gario;

garió: Ignosce pater: erravit: lapsus est: non pu- «  
 tavit: si unquam posthac. Et pauló póst. Erra- «  
 vi: temeré feci: pœnitet: ad clementiam tuam «  
 confugio: delicti veniam peto: ut ignoscas oro. «  
 Fortunæ autem nomen ignoratio caussarum  
 confinxit: cûm enim aliquid præter consilium  
 spemq; contigerit, fortuna vulgo dicitur: nec  
 inscitæ juvenalis,

*Nullum numen abest, si sit prudentia: sed te  
 Nos facimus, Fortuna, deam, calog<sub>3</sub> locamus.*

*Natura &el consilio*] Horum alterum vulgo appel-  
 latur agens naturale: alterum agens voluntarium. NA-  
 TURA LE agens actionem suspendere, id est in aliud tē-  
 pus differre, nō potest, sed præsentē objecto agit neces-  
 sarió: ut ignis admotam stipulam non potest nō accen-  
 dere & comburere: corpus grave injectum aquæ, mer-  
 gitur necessarió. VOLUNTARIUM veró agens, actio-  
 nem potest suspendere. Hujusmodi agentia sunt, Deus  
 & creaturæ rationis participes, ut angeli & homines.  
 Quanquam si Dei providētiā respicias, ne hæ quidem  
 creaturæ actionem suspendere possunt. Porro ad na-  
 turalia agentia referendæ etiam videntur animantes  
 rationis expertes. Etsi enim illæ agunt cum appetitio-  
 ne, quæ voluntatis similitudinem habet (unde & velle  
 dicuntur vulgó) tamen actiones suas suspendere non  
 possunt: sed in res objectas feruntur, aut eas fugiunt  
 subito, sine deliberatione & consilio. Sic bos esuriens,  
 prosequitur conspectum pabulum: sitiens, prosequitur  
 aquam: nec potest non prosequi, quantum quidem in  
 ipso est. Sic formicæ colligunt cibum æstate & recon-  
 dunt: apes colligunt flores & mel faciunt solo naturæ  
 instinctu, nec sua natura agere aliter possunt.

*Necessitate*] Id est, vi seu violentia, impulsu scilicet  
 vel tractu violento cogentis aut detinentis. Dicuntur

autem vi cogi, quæ agunt contra appetitionem suam. Sic fur tractus, in carcerem it: sic bos tractus, ad macellum it. Vulgo huc referunt, quum quis peccat, aut jacturam rerum suarum facit, metu gravioris mali: ut si quis metu mortis abneget Christum: si mercator metu naufragii abjiciat mercès in mare: si viator metu mortis promittat latroni certam pecuniæ summam. Sed istiusmodi actiones etsi non proficiuntur ex voluntate plena: tamen quum proficiuntur ex voluntate (quippe tunc inter duo mala id quod minus videtur, eligitur) ideo potius quæ ita agunt, voluntate agere dicenda sunt, & ad voluntaria agentia referenda. Nam etsi homines illa & illis similia agunt inviti: (mallent enim non agere) tamen non agunt coacti: Voluntas enim cogi non potest: sed corpus hominis contra hominis voluntatem ad huc vel illum motum cogi potest.

*De divina necessitate*] At hæc necessitas, non est necessitas violēta & coactionis: ac proinde hoc exemplū non est huic loco accommodatum. Etsi enim divinæ providentiæ respectu omnia & in rebus naturalibus & in rebus humanis fiunt necessarió, ita scilicet ut necesse sit eas ita fieri ut fiunt, nec fieri aliter possint: tamen divina providentia homines ad agendum ea quæ agunt, non cogit, sed tantum mentes eorum in agendo flectit, regit & gubernat, ut id agant quod ipse Deus agi vult: sive id agant libenter, sive inviti.

*Fortuna*] Fortunam finxerunt Ethnici deam gubernatricem seu moderatricem rerum humanarum, quæ bona & mala in singulos homines distribuât. Cumque viderent, sæpe malis esse bene, & bonis malè: plurimis eam convitiis prosciderunt, appellâtes cæcam, brutam, iniquam, &c. quæ totidem in Deum verum blasphemie fuerunt. Cùm enim omnia regantur voluntate ac providentia Dei: diabolus convitia illa sub nomine Fortunæ in Deum verum expuit. Itaque á Fortunæ vocabulo, tanquam Ethnicorum proprio, Christianos homines abstinere decet: quæque illi fortuito casu evenisse dixerunt,

runt, per providentiam Dei facta esse dicere. Germanica phrasis qua dicimus, aliquid factum esse *ongefar*: si vim vocabuli spectes, nihil impietatis continet. Idem enim valet ac si dicas, Sine periclitatione id est, ita ut non feceris periculum ejus rei efficiendæ quæ tibi evénit. Nec veró Fortunæ vocabulum causam per accidens notat, sed effectum: idq; usurpatum *μετῶν μικῶς*. nam propriè acceptum significat causam per se, videlicet ipsum Deum universi authorem ac moderatorem: cujus majestatem ista appellatione homines ἀθεοί impiè profanârunt. Effectus autem seu eventus seu casus fortuitus appellatur, qui præter efficientis scopum accidit. Itaque definitio ab authore proposita, non causam, sed effectum per accidens, definit.

*Fortuito* hoc est, á fortuna dea illa rerum humanarum domina gubernato contra agentis consilium. At quum *Fortuna* nihil sit: nullus etiam esse potest casus fortuitus, qui quidem verè ac meritó sic appellatur. Casus quidem varios accidere in rebus humanis, certum est: & Scriptura etiam appellatione casus utitur: verum quicquid accidit, sive bonum sive malum, id omne divino consilio divinaque providentia, ac proinde & sapientissimè & justissimè accidit.

## CAP. 6. DE MATERIA.

"Materia, est causâ" ex qua res est. Hoc argumento ficto, apud Ovid. 2. Metam. Solis domus auro, pyropo, ebore, argento componitur.

"Regia Solis erat sublimibus alta columnis,  
(lara micante auro flammæq; imitante pyropo:  
Cujus ebur nitidum fastigia summa tegebat:



*Argenti bifores radiabant limine valvæ.*

” Cæsar i. bel. civil. Imperat militibus Cæsar,  
 ” ut naves faciant, cujus generis eum superiori-  
 ” bus annis usus Britanniae docuerat: carinæ pri-  
 ” mum ac statumina ex levi materia fiebant: re-  
 ” liquum corpus navium viminibus cōtextum,  
 ” coriis integebatur.

*Materia*] Materiam Latini propriè appellant ligna  
 è quibus ædificatur naves, ædes, &c. quomodo & ὕλη  
 significat Græcè sylvam. Itaque hîc per synecdochen  
 speciei accipitur, pro quolibet ex quo aliud fit, nō solum  
 corporeo & sensili, sed etiam incorporeo atque intelle-  
 ctuali. Sic syllogismi materia enunciationes sunt, sive ne-  
 cessariæ, sive probabiles. *Ex qua*] Materiã vulgo tripli-  
 cem faciunt, Ex qua, In qua, & Circa quam. Materia ex  
 qua, dicitur ea quæ hîc definitur. Materia in qua, nihil  
 aliud est quàm subjectum: nam in subjecto adjuncta  
 inhaerent atque insunt: ut in mente scientia aut ignorã-  
 tia: in voluntate virtus aut vitium: in corpore animalis,  
 sanitas aut morbus, robur aut imbecillitas, pulchritu-  
 do aut deformitas. Materia circa quam, nihil aliud est  
 quàm quod aliàs vocatur objectum: Objectum enim  
 dicitur res circa quam mens vel sensus versatur atque  
 occupatur cognoscendo seu percipiendo: nempe circa  
 notions mens: circa qualitates passibiles, sensus: ut cir-  
 ca colores visus, circa sonos auditus, &c. Sed præstat sin-  
 gula hæc suis distinctè appellare vocabulis: primum sci-  
 licet materiam, alterum subjectum, tertium objectum.  
*Regia Solis*] Utrumque exemplum quod hîc proponi-  
 tur, ad usum declarationis pertinet. Cujus generis sunt  
 & hæc in sacris literis. Genes. 1. describitur materia ex  
 qua Deus creavit mundum, videlicet abyssus aquarum,  
 quam Ovidius chaos vocat. Genes. 2. indicatur materia  
 ex qua Deus fecit primum hominem, videlicet pulvis  
 terre: item materia ex qua ædificavit illi uxorem, vide-  
 licet

licet una de costis illius. Gen. 6. indicatur materia ex qua Noë fabricavit arcam, videlicet ligna Gopher: quæ cedri species putatur, cariem non sentiens. Sic in historia sacra describitur materia ex qua Moses tabernaculum, item materia ex qua Salomon templum ædificavit. Atque hæc ad usum declarationis pertinent; jam demonstrationis seu argumentationis exempla sunt ista: Genes. 18. ex argumento à materia materiam humiliandi sui sumit Abraham, ubi Deū sic affatur, En obsecro induxi animum ut loquerer cum domino meo, qui pulvis sum & cinis. quasi dicat, Consto ex pulvere & cinere, vili scilicet materia: Ergo vilis & abjectus sum, ac proinde indignus qui loquar cum Deo. Hujus generis est & illud Job. 4. Nunquid homo, Dei comparatione justificabitur? aut factore suo purior erit vir? Ecce qui serviunt ei, non sunt stabiles: & in angelis suis reperit pravitatem. Quanto magis hi qui habitant domos luteas, qui terrenum habent fundamentum, consumuntur velut à tinea? &c. Argumentum est à materia, illustratum comparatione minoris; corpus enim hominis, similitudine domus luteæ notat: quæ nimirum vilis & contempta est. quasi dicat, Homo constat ex luto: ergo est creatura vilis & abjecta: & per consequens non potest consistere coram majestate divina: sed ab ea necessarió cōsumetur: idque eo magis quod etiam angeli coram majestate divina consistere nequeunt: quorum tamen natura est nobilior.

## CAP. 7. DE FORMA.

Causæ primum genus ejusmodi est, in efficiēte & materia: secundum sequitur, in forma & fine. "Forma, est causā, per quam res est id quod est: ideoque hinc à cæteris rebus distinguitur: & forma simul cum re ipsa ingeneratur. Anima rationalis, est forma hominis: quia

per eam homo est homo, & distinguitur à cæteris omnibus naturis. Geometricatum figurarum, in triangulis, quadrangulis sua forma est: Physicarum rerum, cæli, terræ, arborum, piscium sua forma est. unde præcipua rerum ut naturâ est, sic erit explicatio, si possit inveniri: ut in artificiosis rebus facilius occurreret. Cæsar

» 7. Muri aut omnes Gallici hac ferè forma sunt:  
 » trabes directæ perpetuæ in longitudinem, pa-  
 » rib<sup>9</sup> intervallis distâtes inter se binos pedes, in  
 » solo collocâtur: hæ revinciuntur introrsus &  
 » multo aggere vestiuntur. ea autè, quæ diximus,  
 » intervalla gradibus in fronte saxi effarciuntur.  
 » His collocatis & coagmētatis alius in super or-  
 » do adjicitur, ut idem illud intervallū servetur,  
 » neque inter se contingant trabes; sed paribus  
 » intermissis spatiis, singulæ singulis saxi interje-  
 » ctis arctè contineantur: sic deinceps omne o-  
 » pus contextitur, dum iusta muri altitudo exple-  
 » atur: hoc cum in speciem varietatemque opus  
 » deforme non est, alternis trabibus ac saxi, quæ  
 » rectis lineis suos ordines servant: tum ad utili-  
 » tatem & defensionem urbium, summam ha-  
 » bet opportunitatem: quod & ab incendio la-  
 » pis, & ab ariete materia defendit: quæ perpe-  
 » tuis trabibus pedes quadragenos plerunque  
 » introrsus revincta neque perrumpi, neque dis-  
 » trahi potest. Sic forma Virgiliani portus ex-  
 » plicatur Æneid. 1.

*Est in secessu longo locus: insula portum*

*Efficio*

*Efficit objectu laterum, quibus omnis ab alto  
 Frangitur, inque sinus scindit sese unda reductos.  
 Hinc atque hinc vasta rupes geminiqu<sub>3</sub> minantur  
 In cælum scopuli, quorum sub vertice laté  
 Æquora tuta silent: tum sylvis scena coruscis  
 Desuper, horreti qu<sub>3</sub> atrū nemus imminet umbra:  
 Fronte sub adversa scopulis pendentibus antrum.  
 Intus aquæ dulces, vivo qu<sub>3</sub> sedilia saxo,  
 Nympharū domus: hic fessas non vincula naves  
 Ulla tenent: unco non alligat ancora morsu.*

*Forma*] Forma propriè corporis est: & aliàs figura, item species nominatur. Græcè μορφή, σχῆμα, ἄδω: Germanicè *die gestalt*. Quia autem formæ corporum, maximè artificialium, eis suum esse dant: ita ut ejusdem materiæ corpora formis inter se essentialiter distinguantur: factū hinc est ut Dialectici per synecdochē speciei, formam appellarint omne id quod rei cuiusdam suum esse dat, quoque res à cæteris rebus essentialiter distinguitur. Traditur aut̃ vulgò duplex forma: alia substantialis, accidentalis alia: utraq; tamē essentialis, id est, essentialiter rem à rebus cognatis, adeoque cæteris rebus omnibus distinguēs. Substantialis forma dicitur, per quā unaquęque substantia naturalis est id quod est: ut anima rationalis est forma hominis: nam per hanc homo est homo. Accidētalis forma nihil aliud esse intelligitur quā ipsa figura corporis: sive à natura ei in sit, ut figura corporis humani, arboris: sive ab arte sit educta, ut figura g'adii, domus, navis, &c. Corpus hominis & corpus quadrupedis, ratione materiæ cognata sunt: utrumqu; n. ex carne, ossibus, nervis, &c. constat: sed forma seu figura multum inter se differunt: & ex figura sua unumquodq; agnoscitur. Sic gladius & olla etiamsi fortasse materia non differant: ut si utrumque ex ferro sit: forma tamen seu figura differunt plurimum: & à figura ha-

bet ferrum, quod vel gladius vel olla vel etiam aliud instrumentum est & nominatur. Cæterum quod ad substantiales rerum naturalium formas attinet: perdifficilis homini, vel potius impossibilis earum est cognitio: si unicam ipsius hominis formam exceperis. Communi quidem ratione & definitione intelligimus, esse rerum formas: at quid singularis & unaquæque forma sit, ut leonis, equi, arboris, ab hominibus ignoratur. Omnino enim fatendum nobis est: substantias non sua specie cognosci à nobis: sed per earum accidentia. id quod totidē verbis fatetur philosophus acutissimus Julius Cæsar Scaliger de Subtilitate ad Cardan. exercit. 307. sectione 21. Et pulchrè admodum, Sicut vulpes, ait, elusa à ciconia, lambimus vitreum vas: pultem haud attingimus. *Per quam res est*] Vulgo idem dicitur his verbis, *Quæ dat esse rei.*

## CAP. 8. DE FINE.

Finis est causa, cujus gratiâ res est. Physicis rebus finis homo propositus est: homini Deus. Omnium artium est aliquod summum bonum & finis extremus: ut Grammaticæ, bene loqui: Rhetoricæ, bene dicere: Logicæ, bene disserere. Juno I. Æneid. connubii finem assumit, cum Æolo Deïopejam pollicetur, solatii scilicet prolisque gratiâ:

*Sunt mihi bis septē præstanti corpore Nympha,  
Quarum (quæ forma pulcherrima) Deïopejam  
Connubio jungam stabili, propriamque dabo;  
Omnes ut tecum meritis pro talibus annos  
Exigat, & pulchrâ faciat te prole parentem.*

In defensione Ligarii, Cicero Tiberonem  
accu-

accusatorem urget, cum armorum contra Cæsarem susceptorum finem premit. Et certè (ait) contra ipsum Cæsare est congressus armatus. Quid enim Tubero tuus ille districtus in acie Pharsalica gladius agebat? cuius lat<sup>9</sup> ille mucro petebat? quis sensus erat armorum tuorum? quæ tua mens? oculi? manus? ardor animi? quid cupiebas? quid optabas?

*Finis* Finis nominatur hoc causæ genus per synecdochen generis: intelligitur enim propriè finis actionis, id est, ea res in qua actio finitur ac desinit: seu quam adeptum agens, agere desinit, id est, agendi finem facit. Nonnulli vocant scopum, metaphora sumta à jaculantibus. Quemadmodum enim illi scopum intuentur, & ad illum sagittas dirigunt: ita qui consilio & ratione agunt, certum quasi scopum propositum sibi habent quò in agendo respiciunt, & ad quem actiones suas referunt. Porro divisio finis esto hæc: Finis vel summus vel subordinatus est. Summus finis est, què efficiens propter ipsummet desiderat: ut finis hominis voluptarii est, frui voluptatibus: finis avari est, possidere magnas divitias: finis hominis pii est, glorificare Deum. Finis summus est aut universalis aut specialis. Universalis est ad què omnes omnino totius universi res tendunt: is est gloria Dei, juxta dictum Salomonis Proverb. 16, 4. Omnia condidit Dominus propter suam gloriam: etiam impium ad diem malum. Ad hunc finem hortatur & Paulus 1. Corinth. 10. Omnia ad gloriam Dei facite. Specialis finis summus est, ad quem unaquæque res in suo genere tendit: ut ædificantis finis est domus, belli finis victoria. Hæc in suo genere summa sunt (ait Rodolphus) neque enim ædificat amplius ille, neque hic bellum gerit: ubi domum fuerint atque victoriam consequuti. Sic sacræ eucharistiæ finis specialis summus est, annūciatio mortis Christi, seu publica & sollemnis glorificatio Christi

sti redemptoris. Jam subordinatus finis est, quē efficiens non propter ipsummet, sed propter summum finem expetit. Sic discimus literas ut cōsequamur doctrinam: sed doctrinam expetimus propter aliud: alii quidē propter nominis sui gloriam ac laudem, alii propter divitias, alii ut sua doctrina gloriam Dei illustrent & ecclesiæ Christi prosint. Axioma finis, id est regula à fine argumentandi, traditur ab Aristotele lib. 3. Topic. cap. 1. his verbis: τὸ τέλος τῶν πρὸς τὸ τέλος αἰρετώτερον δοκεῖ εἶναι. id est, Finis videtur magis expetendus esse quā ea quæ ad finem tendunt ac destinata sunt. Sic Marc. 2. 27. ait Christus: Sabbathum propter hominē factum est, non homo propter sabbathum: ut ostendat, hominem esse meliorem sabbatho: ac proinde discipulos rectē fecisse, quod majorem habuerint rationem vitæ suæ, quā sabbathi. Syllogismus: Finis est melior destinatis: Homo est finis sabbathi: nam propter hominem sabbathū factum & homini destinatum est. Ergo homo melior est sabbatho: & per consequens, major habenda est hominis ratio quā sabbathi. Aliud axioma: Qui vult finem, vult etiam destinata. Jam assumo: Atqui Christus vult nos celebrare sacram cœnam in memoriā mortis suæ. Concludo: Ergo vult nos in sacra cœna celebranda frangere panem. fractionem enim panis ipsemet destinavit ad mortem suam repræsentandam.

#### CAP. 9. DE EFFECTIS.

"Effectū est quod" ē causis existit. sive igitur gignatur; sive corrūpatur; sive modo quolibet moveatur quidlibet: hic motus & res motu facta effectum dicitur. Hujus loci sunt laudes & vituperationes; quarum pleni sunt libri sacri & profani. Æneid. 6. facta variorum populorum comparantur ad nominis Romani laudem:

*Excudent*

*Excudent alii spirantia mollius ara:  
 Credo equidem ducēt viuos de marmore vultus,  
 Orabunt caussas melius, cœliq; meatus  
 Describent radio, & surgentia sidera dicent.  
 Turegere imperio populos Romane memento:  
 Hæ tibi erunt artes, paci q; imponere morem:  
 Parcere subiectis, & debellare superbos.*

Huc dicta scriptaque referenda sunt. Pericles & Hortensius bene dicēdi laude celebrātur: eodemque argumento Demosthenes & Cicero, etiam bene scribendi. Ad hunc locum referuntur consilia & deliberationes, etiam si omnino ad exitum perductæ non fuerint. Parmenio & Philotas morte mulctati sunt, quia conjurationis in Alexandrum essent suspecti: ut Curtius & Arrianus meminerunt. De Lentulo & Cethego aliisque Catilinæ popularibus, Romani Senatus iudicio supplicium sumtum est. Sunt etiam effecta virtutum & vitiorum. Horatius hoc modo ebrietatis effecta describit:

*Quid non ebrietas designat? operta recludit,  
 Spes jubet esse ratas, in prælia trudit inermem,  
 Sollicitis animis onus eximit, ac docet artes.  
 Fœcundi calices quem non fecere disertum?  
 Contracta quem non in paupertate solutum?*

*Effectum* Effectum hîc per synecdochē speciei intelligitur quodlibet causatū: sic. n. propriè appellatur ab Aristotele αἰτία. Porro ut causa, sic & causatū quadruplex est: Effectū scilicet propriè dictum, Materiātū, Formatum & Destinatum. Præcipuus tamen usus est effectū



cti propriè dicti. Exempla è sacris literis. Rom. I. ait Paulus, invisibilia Dei, videlicet æternam ejus tum potentiã tum divinitatem cognosci atque intelligi posse ex rebus ab ipso creatis. Matth. 7. ait Christus: Cavete vobis à pseudoprophetis: qui veniunt ad vos cum vestimentis ovium, sed intrinsecus sunt lupi rapaces. A fructibus eorum agnosceris eos. Num colligunt ex spinis uvam, aut ex tribulis ficus? Ica omnis arbor bona fert fructus bonos: putris autem arbor fert fructus malos, &c. Gal. 5. recenset Paulus præcipua aliquot effecta carnis, itemque fructus spiritus.

*E causis*] Malim, Vi caussarum. nam propriè loquendo ex efficiente & fine non existit effectum, sed ex materia & forma. *Laudes & vitup.*] Quippe quæ factorum sunt: illæ quidem honestorum, hæ verò turpium. *Dispositæque*] Sunt enim effecta loquentium & scribentium.

## CAP. IO. DE SUBJECTO.

Argumentum modo quodam consentaneum succedit, ut subjectum & adjunctum. Subjectum, est cui aliquid adjungitur. "Anima, est subjectum scientiæ, ignorantia, virtutis, vitii: quia hæc præter essentiam accedunt: corpus, sanitatis, morbi: roboris, infirmitatis: pulchritudinis, deformitatis. "Homo, subjectum est divitiarum, paupertatis: honoris, infamiae: vestitus, comitatus. "Locus, est subjectum rei locatae. Sic Philosophi divinis entibus, licet parte & magnitudine carètibz, attribuunt locum. Sic Geometrae locum locique differentias in rebus Geometricis: Sic Physici multo etiam diligentius in rebus Physicis considerant: in mundo,

mundo, in elementis simplicibus, in rebus compositis. Sic Virgilius in Georgicis suum quemque propositis rebus locum deligendum admonet: ut segetibus, arboribus, vitibus, pascuis:

*At prius ignotum ferro quam scindimus æquor,  
Ventos & varium cæli prædiscere morem  
Cura sit, ac patrios cultusq; habitusq; locorum:  
Et quid quæq; ferat regio, & quid quæq; recuset.  
Hic segetes, illic veniunt felicius uvæ:  
Arbores fetus alibi, atque injussa virescunt  
Gramina.—*

“Sensilia, sensuum; & res virtutibus ac vitiis propositæ, subjecta vitiorum & virtutum” hoc modo nominantur. Color est subjectum visus, sonus subjectum auditus: quia hi sensus, in his sensilibus occupantur & exercentur. Virtutes & vitia declarantur in Ethicis hoc argumento: temperantia & intemperantia voluptate, magnanimitas & ignavia periculo, liberalitas & avaritia divitiis. “Sic res numerabilis, Arithmetica: mensurabilis (ut ita dicam) Geometriae subjicitur.” Ejusmodi subjecto Cicero 2. Agr. disputat, inter Campanos nullam contentionem esse, quia nullus sit honor. “Non gloriae cupiditate (ait) efferebantur, propterea “ quod ubi honos publicè non est, ibi cupiditas “ gloriae esse non potest: non contentione nec ambitione discordes: nihil enim supererat, de quo “ certarent: nihil quod contra peterent: nihil ubi “

diffiderent. Eodem argumento à Propertio dictum est:

*Navita de ventis, de tauris narrat arator:*

*Enumerat miles vulnera, pastor oves.*

*Anima, est subjectum*] Notandum, exempla subjectorum quæ hic multa commemorantur, non omnia esse unius ejusdemque generis. nam certè alio modo anima subjectum est scientiæ, & alio modo homo subjectum est divitiarum, & rursum alio modo color subjectum est visus. Itaque ut ista distinguantur, notanda est subjecti divisio. Subjectum igitur aut recipit rem adjunctam, aut eam occupat & afficit. quæ docendi gratiâ appellantur subjectum recipiens aut occupans. Subjectum recipiens, rursum duplex est: recipit enim rem adjunctam vel in se, vel ad se. Subjectum occupans est, in quo res adjuncta (videlicet homo aut aliud animal) occupatur atque exercetur sentiendò, appetendò, cognoscendò, loquendò, scribendò: atque hoc propriè in scholis vocatur Objectum. Nunc ad hanc divisionem accomodemus exempla quæ ab autore sunt proposita. *Anima*] Exemplum primi generis, id est, subjecti recipientis in se. Hujusmodi subjectum Aristoteles appellare solet *ἑκτικόν*, & investigare τὸ πρῶτον *ἑκτικόν*, subjectum primum, id est, proximum & proprium: atque sic scientiæ & ignorantiæ πρῶτον *ἑκτικόν*, est mens: virtutis & vitii, appetitus: commune autem illorum omnium subjectum, est anima *Homo*] Exemplum secundi generis, id est subjecti recipientis ad se. *Locus*] Rursus exemplum primi generis: Locus enim rem locatam in se seu intra se & in suum, quali sinum recipit. Sic cælum subjectum est corporis Christi: quia illud *δέχεται*, id est, intra se recipit seu capit: juxta dictum Petri Act. 3. *ὅτι δεῖ τὸν ἑρὰν δέξασθαι*: Quem oportet cælo capi, id est, Oportet seu necesse est ut cælum capiat Christum, tanquam locus rem locatam.

*Sensibilia*] Sequuntur exempla tertii generis, nimirum

rum subjecti occupantis seu objecti. Itaque quod in textu dicitur, *Subjecta hoc modo nominantur*: illud *Hoc modo*, tanquam falsum expungendum est, quia objecta non eodem modo comparata sunt ad sua adjuncta, quo subjecta recipientia de quibus dictum est superius. *Sic res numerabilis*] Sic res disputabilis, id est quaestio, Dialecticæ subijcitur. *Ejusmodi subjecto*] Scilicet occupante, seu objecto: honos enim, ambitionis objectum est: quippe in honore ambitio occupatur atque exercetur. *Non gloria*] Exemplum hoc demonstrationis est: superiora omnia fuerunt declarationis: quemadmodum & quod sequitur, postremum. Procedit autem hæc argumentatio à negatione subjecti, id est objecti, ad negationem adjuncti. Nos argumentationis exempla plura afferamus. Consimilis superiori est illa Anacharsidis scita argumentatio: qui arguebat, in Scythia non esse tibicines, quia nullæ ibi vites essent. *Dann die pfeiffer lassen sich gern beim Wein finden.* unde proverbium, Cantores amant humores. Atque istud jocosum: quod sequitur, serius est. De transubstantiatione panis in corpus Christi, itemque de consubstantiatione corporis Christi cum pane, nulla extat Dei promissio: Ergo nulla potest esse horum dogmarum fides. Falluntur ergo & fallunt, qui dicunt, se ista simpliciter credere. Procedit argumentatio à negatione promissionis ad negationem fidei, id est à negatione objecti ad negationem adjuncti. Hæc igitur exempla negativa sunt: Affirmativa ab objecto ad adjunctum ratiocinatio est illa Ulyssis, qui Achillem habitu muliebri inter puellarum choros occultum, admodum acutè hoc argumento deprehendit: quum ipse mercatoris habitu accessisset ad eas, cum variis fœmineis mercibus: inter quas erant arma quædam virilia, ad quæ Achilles sese protinus convertit. Locus est Metamorph. 13.

*Præscia venturi genitrix Nereia lethi,  
Dis simulat culu natum: & deceperat omnes  
(In quibus Ajacem) summa fallacia vestis.*

*Arma ego fœmineis, animum motura virilem,  
 Mercebus inferui: neque adhuc projecerat heros  
 Virgineos habitus, cum parmam hastamq; tenenti,  
 Nate dea, dixi, tibi se peritura referant  
 Pergamæ: quid dubitas ingentem evertere Trojam?  
 Injecitq; manum, fortemq; ad fortia misi.*

Sic igitur Ulysses ratiocinatus est: Iste appetit arma virilia: ergo vir est. nam ut ille apud Virgilium ait Eclog. 2. *Transit sua queng; voluptas.* Et objecti argumentum ab ipso poëta hic notatur, ubi ait, *Animum motura virilem.* Objecta enim (ut vulgo in scholis dicitur) movent sensus. quod Aristoteles dicit, τὰ ὑποκείμενα ποιεῖ τὴν αἴσθησιν, id est, Subjecta afficiunt sensum, vel potius efficiunt sensationem. E sacris literis afferamus hæc. Malach. 1. ait Deus ad populum: Si vester pater sum: ubi est meus honor? si dominus: ubi timor? Hujus generis sunt illa Christi, Ubi cadaver est, ibi congregantur aquilæ. Item, Ubi thesaurus vester est, ibi est & cor vestrum. Quorum priore innuit, fideles congregaturi in cælum: quoniam & ipse ibi sit. posteriore autem: fideles cogitationibus ac desideriis suis versari in cælo: quoniam ibi sit eorum thesaurus, nempe vita æterna. Hujus loci est regula illa consequentiæ, quæ in scholis traditur his verbis, Ab est secundi adjecti ad Est tertii adjecti valet consequentia negando. Quod enim omnino nō est, de eo nihil affirmari potest. Vocant autem Est secundi adjecti, quando verbum Est, in propositione prædicati locum obtinet: ut Deus est, Angeli sunt, Purgatorium non est, Centauri non sunt. Est tertii adjecti vocant, quando verbum Est, in propositione copula est qua prædicatum cum subjecto connectitur: ut Deus est justus: purgatorium non est calidum. Sic autem vocant, quod illic verbum Est, secundum membrum propositionis est, & subjecto adjicitur: hinc autem tertium. Regule allatæ exemplum est enthymema illud apud Cic. Tuscul. quæst. lib. 1. Mortui non sunt: ergo mortui non sunt miseri. Consequentia bona est: sed antecedens falsum.

sum. Et si enim mortui non sint, ratione compositi, id scilicet quod fuerunt, ex anima & corpore constans: non tamen ideo prorsus non sunt. nam sunt adhuc ratione partium separatarum. quippe anima quidem quum immortalis sit, incorruptibilis permanet: corpus verò licet in cineres resolvatur, non tamē in nihilum redigitur: & suo tempore instaurabitur, nempe in resurrectione mortuorum. Quatenus igitur mortui sunt, eatenus etiam vel miseri vel beati sunt. Qui enim in fide Christi mortui sunt, beati sunt: tum ratione animæ, quæ in cælesti paradiso apud Christum agit: tum verò etiā ratione corporis, quod in terra gloriosam ac beatam resurrectionem expectat. Contrā qui mortui sunt in incredulitate, miseri sunt: tum ratione animæ, quæ in inferno apud divitem epulonem cruciatur: tum ratione corporis, quod resurget ad ignominiam & damnationem æternam. Eiusdem generis entymema est hoc: Purgatorium non est: ergo purgatorium neque calidum neque frigidum est.

## CAP. II. DE ADJUNCTO.

Adjunctum est, cui aliquid subicitur: quod argumentum etsi subiecto est levius, attamen est copiosius & frequentius. Itaque quod de ejusmodi signis ait Ovid. 2. de Remedio:

*Forsitan hæc aliquis (nam sunt quoq<sub>3</sub>) parvā vocabit.*

*Sed quæ non prosunt singula, multa juvant.*

Animi corporisque & totius hominis bona & mala, quæ dicuntur, adjuncta sunt animi, corporis, hominis: Denique quicquid ulli subiecto extrinsecus accidit, adjunctum ejus est. Ut autem locus est in subiectis, sic tempus est

in adjunctis, duratio nempe rerum, præterita, præsens, futura: omninoque qualitates subjectis præter causas adjunctæ: siue propriæ sint, quæ omni soliq; subjecto semper conveniunt, ut homini risus, equo hinnitus, cani latratus: siue communes, quæcunque non sunt eo modo propriæ. Hoc genere argumenti Fannium Chæream Cicero pro Roscio Comædo cavil-

- » latur: "Nonne ipsum caput & supercilia illa pe-  
 » nitus abrasa, oleæ malitiam & clamitare cal-  
 » liditatem videntur? Nonne ab imis unguibus  
 » usque ad verticem summum (si quam conje-  
 » cturam affert homini tacita corporis figura) ex  
 » fraude, fallaciis, mendaciis cõstare totus vide-  
 » tur? qui idcirco capite & superciliis semper est  
 » rasis, ne pilum ullum viri boni habere dicatur.

Sic Martialis 2. lib. Zoilum ludit: (scus:

"Crine ruber, niger ore, brevis pede, lumine lu-  
 Rem magnam præstas, Zoile, si bonus es.

"Sic vestitus & comitatus res adjunctæ sunt: quo circûstantiæ genere Dido venatum proficiscens, magnificè 4. Æneid. depingitur:

*Oceanum interea surgens aurora reliquit.*

*It portis jubare exorto delecta juvenus:*

*Retiarara, plaga, lato venabula ferro:*

*Massyliq; ruunt equites, & odora canum vis:*

*Reginam thalamo cûctantē, ad lumina primi*

*Pænorum expectant: ostrog; insignis & auro*

*Stat sonipes, ac freno ferox spumatiâ mandit.*

*Tandem progreditur magna stipâte caterva*

*Sidoni-*

*Sidoniam picto chlamydem circūdata limbo,  
Cui pharetra ex humero, crines nodantur in  
aurum:*

*Aurea purpuream subnectit fibula vestem.*

“Est veró adjunctorum ad subjecta, quibus occupantur, usus item magnus. Hoc argumento” Plato miseras civitates auguratur, quæ medicorum & judicum multitudine indigeant: quia multam quoq; & intemperantiam & injustitiam in ea civitate versari necesse sit.

Sed consentaneorum categoria sic est, unde quidvis alteri consentaneum, vel idem vel unū dici possit: omnesque modi unitatis, & ut ita dicam, identitatis, huc sunt tanquam ad primos & simplices fontes referendi.

*Leviu]* Imó par adjuncti & subjecti in argumentando vis est: interdum quidem necessaria, interdum veró probabilis: ut pauló póst in exemplis intelligetur. *Signu]* Signorum locum alii peculiarem faciunt. Sed signa partim ad hunc locum, partim ad locum effectórum pertinent, partim etiam ad locum testimoniorum. Huius etiam loci sunt quæ ab aliis vocantur Conjuncta, ite Adjacentia, item communiter accidentia. Est autem híc notanda adjunctorum divisio. Adjunctum igitur aut receptum est aut occupatum. Receptum, quod subjecto vel inhæret vel adhæret. Occupatum, quod in subjecto seu objecto occupatur. *Omni solisque]* Proprium est quod soli convenit, etiamsi nec omni, nec semper. quare duo hæc in definitione proprii redundant: neque *κατὰ πᾶσι* sunt. *Nonne ipsum caput]* Argumentatio procedit ab affirmatione adjuncti ad affirmationem subjecti: Chærea est capite & superciliis rasis: ergo nequam est. *Crine ruber]* Similis priori argumentatio: Zoilus



est crine ruber, niger ore, &c. ergo nequam est. *Sic &c. stitum*] Haftenus adjuncta inhaerentia: sequuntur adhaerentia. *Est veró adjunctorum*] Sequuntur exempla tertii generis, nempe adjunctorum occupatorum. *Plato miserat*] Procedit ratiocinatio ab affirmatione adjuncti occupati ad affirmationem subjecti occupantis, seu objecti. Addamus exempla é sacris literis. Lucae ultimo, quum Christus post resurrectionem appareret discipulis: & illi putarent, se non corpus Christi videre, sed spectrum: ibi Christus argumentatur á propriis corporis adjunctis, ut falsam discipulorum opinionem refutet. *Quid turbati estis* (inquit) & quare disceptationes subeunt corda vestra? Videte manus meas & pedes meos: nam ego ipse sum. Contrectate me, & videte: nam spiritus carnem & ossa non habet, prout me conspicitis habere. quasi dicat: Id quod videtis, est veré visibile & palpabile: ergo est verum corpus: & per cōsequens, non est spiritus seu spectrum. Sic argumentabatur Elias adversus sacerdotes Baalíticos. 1. Reg. 18. Baal non potest exaudire vos: Baal igitur non est Deus. Contrá, Deus quem ego colo, exaudit me: ergo est verus Deus. Sic Iesaias 42. vers. 21. 22. 23. & Ieremias 2, 28. item 10, 5. argumentantur adversus idola: Idola non possunt opem ferre: ergo idola non sunt dii. Ita si dubites, an sacrificium Abelis fundatum fuerit in promissione Dei: probabitur id ex promissionis adjuncto, nempe fide. Abel sacrificium Deo obtulit per fidem: Heb. 11, 4. Ergo Abelis sacrificium fundatum fuit in promissione Dei. Promissio enim, fidei objectum est: Fides, promissionis adjunctum occupatum. Hujus loci est illa regula consequentiae scholastica: Ab Est tertii ad Est secundi adjecti valet cōsequentia affirmando, ut Tusc. I. Si mortui sunt miseri: ergo mortui sunt.

## CAP. 12. DE DIVERSIS.

Argumentum primum consentaneum expositum est. Dissentaneum sequitur, quod á re dissen-

dissentit: sunt autem dissentanea inter se æque manifesta, alterumq; ab altero equaliter arguitur: tamen si sua dissensione clariùs elucescant. Dissentanea sunt diversa vel opposita. Diversa sunt dissentanea, quæ sola ratione dissentiunt. Quo de genere sunt illa frequentissima: Non hoc, Sed illud: Quanquam, Tamen. pro Pompejo, Non victoriam, sed insignia victoriæ reportarunt. Ovid. 2. de Arte:

*Non formosus erat, sed erat facundius Ulysses.  
2. Aeneid. Hic Priamus, quãquam in media jam  
morte tenetur:*

*Non tamen abstinnit.*

Pauló secus in Eunuchis:

*Nam si ego digna hac contumelia*

*Sum maxime: at tu indignus qui faceres tamen.*

Item illa aliusinodi. Pro Lig. Scelus tu illud vocas Tubero? cur? isto enim nomine illa adhuc causa caruit. Alii enim errorem appellant, alii timorem: qui duriùs, spem, cupiditatem, odium, pertinaciam: qui gravissimè, temeritatem: scelus, præter te adhuc nemo.

*Sola ratione*] Non etiam re, ut opposita. Usus diversorum præcipuè videtur positus in declarando, ut scilicet inter se distinguantur quæ ab imperitis propter cognitionem confunduntur: ut, Non victoriam, sed insignia victoriæ reportarunt: Non scelus fuit, sed error: Non liberalis, sed prodigus est: Non pius, sed hypocritæ est.

### CAP. 13. DE DISPARATIS.

Opposita sunt dissentanea, quæ ratione &  
d ij

re dissentiunt: itaq; eidem attribui, secundum idem, & ad idem, & eodem tempore non possunt. Sic Socrates albus & ater non potest eadem parte esse: pater & filius ejusdem: sanus & æger eodem tempore: At albus esse potest alia parte, & ater alia: pater hujus, filius illius: sanus hodie, cras æger. Itaque ex altero affirmato alterum negatur. Opposita sunt disparata, aut contraria: disparata sunt opposita, quorum unum multis pariter opponitur: ut viride, cineraceum, rubrum, media sunt inter album & nigrum: quæ singula extremis, & inter se disparata sunt. Sic liberalitas & avaritia inter se disparantur. Sic homo, arbor, lapis, & ejusmodi res infinitæ disparantur: nec eadem res potest esse homo, arbor, lapis. Virgil. i. Æneid. hoc argumento disputat:

*O quam te memorem virgo? namq; haud tibi vultus*

*Mortalis: nec vox hominem sonat: O dea certé.*

*Negatur*] In pristinis editionibus additum erat, *Aut contra*, id est, ex altero negato alterum affirmatur. Sed hoc meritó expunctum est: quia nō de omnibus verum est: ut non sequitur: Hoc non est rubrum, ergo viride: Non est dominus, ergo servus: Non est album, ergo nigrum: Lapis non videt, ergo cæcus est. Verum autem est de contradicētibz, & de adversis immediatis, & de privantibus quatenus eorum alterum negatur de naturali subiecto. *Disparantur*] Imó pugnant & adversantur: disparantur autem liberalitas & prodigalitas, item parsimonia & avaritia: sic fortitudo & audacia, timiditas & pru-

prudencia. *O dea certe*] At non sequitur: Hæc virgo non est homo: ergo est dea. poterat enim neutrum esse, sed diabolus.

## CAP. 14. DE RELATIS.

Contraria sunt opposita, quorum unum uni tantum opponitur: suntque affirmantia, aut negantia. Affirmantia, quorum utrumque affirmat, ut relata & adversa. Relata, sunt contraria affirmantia, quorum alterum constat é mutua alterius affectione: atq; inde nominata sunt relata: ut pater qui filium habet, & filius qui patrem habet: & ob hanc mutuam relationis causam, relata dicuntur simul esse naturâ; vt qui alterum perfecté nôrit, nôrit & reliquum. Pro Marc. Ex quo profectó intelligis, quanta in dato beneficio sit laus, cum in accepto tanta sit gloria. Martialis in Sossibianum lib. 1.

*Tum servum scis te genitum, blandeq; fateris,  
Cum dicis dominum, Sossibiane, patrem.*

Sic apud Quintilianum lib. 5. cap. 10. Si portorium Rhodiis locare honestum est: & Herma-  
creonti, conducere. Quomodo & in Oratore perfecto Tullius. Num igitur est periculum (ait) ne quis putet, in magna arte & gloriosa turpe esse docere alios id, quod ipsi fuerit honestum discere? Studium veró quoddam suum Cicero é relatis illis in Oratore prodidit. Iam illa (inquit) matura: uxor generi: noverca filii, filia pellex. Quod idem in ferreæ ætatis

descriptione Ovidius apertiús affectavit i. Metamorph.

-- *Non hospes ab hospite tutus,  
Non socer à genero, fratrum quoque gratia  
rara est.*

*Imminet exitio vir conjugis, illa mariti:  
Lurida terribiles miscent aconita noverca:  
Filius ante diem patrios inquit in annos.*

Atqui argumentum talis relationis, contrarium nihil habet, imò arguit mutuas causas: ut sum tuus pater: tu es igitur meus filius: at cùm dico, sum tuus pater, non igitur sum tuus filius, tum contraria verè sunt.

*Contraria*] Sic appellantur à Cicerone, quæ vulgo dicuntur opposita, Aristoteli ἀντιθέμενα. *Unus*] At in Ethicis virtus opponitur non uni tantum vitio, sed duobus: ut liberalitas non solum avaritiæ, sed etiam effusioni: fortitudo non solum ignaviæ, sed etiam audaciæ, &c. Respondeo: Opponitur quidem virtus duobus vitiis, sed non utrique ut contrarium: verum alteri ut disparatum: ut liberalitas effusioni, fortitudo audaciæ, &c. Sed rursum objici potest: vitium contrarium esse non solum virtuti, sed etiam vitio: ut avaritiam non solum liberalitati, sed etiam effusioni: ignaviam non solum fortitudini, sed etiam audaciæ, &c. Responderi potest: Adversa sunt (ait ex Aristotele Cicero) quæ in eodem genere plurimum differunt. Atqui avaritia & liberalitas non differunt plurimum; quia magis ab avaritia distat prodigalitas: Itemque ignavia & fortitudo: quibus magis inter se differunt ignavia & audacia. Ergo avaritia & liberalitas, ignavia & fortitudo non sunt adversa: sed tantum avaritia & prodigalitas, ignavia & audacia. Ego tamen non video, ad quod genus oppositorum referri illa possint, præterquam ad adversa. Quo fit, ut neque definitio-

nitionem illam Aristotelis, neque illud axioma, κατὰ πάντας vera existimein.

*Quorum alterum*] nempe utrumvis, id est, & hoc ex affectione illius, & vicissim illud ex affectione hujus: ut præceptor ex affectione discipuli, & vicissim discipulus ex affectione præceptoris. *Constat*] id est, pendet. *Alterius*] id est, ad alterum. *Affectione*] id est, habitudine, ἔσσι, respectu. *Filiam*] filiāve: synecdoche speciei. *Patrem*] matrēve, aut utrumque simul. Rursum synecdoche speciei. *Nominata sunt relata*] Scilicet à referendo, quòd alterum ad alterum referatur, id est, cum altero conferatur. *Tum servum*] Pater tuus est tuus dominus: ergo tu es patris tui servus. Antecedens confirmatum est testimonio, videlicet confessione Sosibiani. Ratio consequentiæ est illud axioma Aristotelis πάντα τὰ πρὸς τι πρὸς τὰ ἀντιστρέφοντα λέγεται, id est, Omnia relata dicuntur respectu correlatorum. Sed in hoc exemplo sophisma ὁμωνυμίας est in vocabulo domini: quod interdum potestatis, interdum honoris est.

## CAP. 15. DE ADVERSIS.

“Adversa sunt contraria affirmantia, quæ inter se velut é regione perpetuó adversantur, Æneid. II.

*Nulla salus bello, pacem te poscimus omnes.*

Sic albor & nigror, calidum & frigidum, virtus & vitium opponuntur. Parad. I. contra Epicureos: Illud tamen arcté tenent, accurateque defendunt, voluptatem esse summum bonum: quæ quidem mihi vox pecudum videtur, non hominum. Tu cūm tibi sive Deus, sive mater (ut ita dicam) rerum omnium natura dederit animum, quo nihil est præstantius, neque divinius: sic te ipse abicies ac prosternes, ut

- „ nihil inter te atque inter quadrupedem inter-  
 „ esse putes? Pecudem & hominem adversa Ci-  
 „ cero opposuit: voluptas, pecudis bonum est,  
 „ non igitur hominis. Sic libertas & servitus,  
 apud Tibullum 2. lib.

*Sic mihi servitium video dominamq; paratam;  
 Tu mihi libertas illa paterna vale.*

- „ Pro Marc. Nunquam enim temeritas cum  
 „ sapientia commiscetur, nec ad consilium casus  
 „ admittitur.

*Adversa*] Sic Cicero appellat quæ vulgo nominan-  
 tur contraria, ab Aristotele ἐναντία. Notanda hîc est ad-  
 versorum divisio: alia enim sunt mediata, alia immedia-  
 ta. Mediata, quæ aliquid in medio habent: ut album &  
 nigrum multos colores intermedios habent: calidum  
 & frigidum in medio habent tepidum. Immediata ad-  
 versa sunt quæ nihil in medio habent: ut virtus & vitium:  
 sanitas & ægrotatio: fides & incredulitas. Hanc divisio-  
 nem tradit Aristoteles in Categoriis capite περὶ τῶν ἐν-  
 ἀντικείμενων. *Non igitur*] Consequentia hujus enthyme-  
 matis nititur hoc axiomate, quod adversorum non po-  
 test idem esse proprium adjunctum. Jam verò pecus &  
 homo adversa sunt. Quare non potest idem esse eorum  
 proprium adjunctum. Est autem pecudis proprium bo-  
 num voluptas. Ergo voluptas non potest esse bonū ho-  
 minis. Quanquam simplicius est dicere, consequentiam  
 enthymematis propositi niti figura syllogistica: quæ  
 exabit, si suppleatur propositio major, ad hūc modum:  
 Quod proprium est alicujus rei, id nullius alterius rei  
 est. Atqui voluptas est proprium bonum pecudis: Ergo  
 voluptas non est bonum hominis.

#### CAP. 16. DE CONTRADICENTIBUS.

Contraria negantia sunt, quorum alterum  
 ait,

ait, alterum negat idem: eaque sunt contradicentia, aut privantia. Contradicentia sunt contraria negantia, quorum alterum negat ubique: ut justus non justus, animal non animal, est non est, sunt contradicentia. Sic in defensione Murænae contradicuntur sententiis Catonis & Ciceronis, illius Stoici, hujus Academici. Dialogus est his verbis, Nihil ignoveris: imò aliquid, non omnia. Nihil gratiæ causa feceris. imò ne resistito gratiæ, cum officium & fides postulabit. Misericordia commotus ne sis? etiam, in dissolvenda severitate: sed tamen est aliqua laus humanitatis. In sententia permemento: enim verò, nisi sententia alia vicerit melior. Martialis lib. i.

*Bella es, novimus: & puella, verum est:*

*Et dives, quis enim potest negare?*

*Sed dum te nimium, Fabulla, laudas:*

*Nec dives, neq; bella, nec puella es.*

Cicero i. Tusc. cogit hoc argumento Atticum Epicuræum fateri, mortuos miseros non esse, si omnino nulli sint, ut Epicuræi credebant. Jam mallet (ait) Cerberum metueres, quam ista tam inconsideratè diceres. Atticus. Quid tandem? Marcus. Quem esse negas, eundem esse dicis: ubi est acumen tuum? cum enim miserum esse dicis, tum eum qui non sit, esse dicis. Tum post longam disputationem Atticus ait, Age, jam cōcedo non esse miseros qui mortui sunt: quoniam extorsisti, ut faterer, qui omni-



no non essent, eos ne miseros quidem esse. Sic Terentianus Phædria, Dori Eunuchi dictum elevat; quod affirmasset prius, quæ post inficiaretur:

*Modó ait, modó negat.*

[*Ubique*] id est, in subiecto quolibet; non autem in eo tantum in quo affirmatum suapte natura inest: ut sit in privantibus, ut Non justus, negat justitiam non solum de homine in quem justitia per naturam cadit, seu qui justitiæ est capax: verum etiam de qualibet re alia: ut lapide, ligno, ferro, &c. nam de lapide tam verè negatur justitia, quàm de homine injusto. Hinc aureum illud axiomà Aristotelis, Quodlibet affirmare aut negare, verum: id est, de quolibet affirmatio aut negatio vera est. [*Hoc argumento*] Imò non hoc contradicentium argumento, sed argumento subiecti: ut ostendimus supra cap. 10. Subiecto enim simpliciter negato, adjuncta etiam quælibet negari necesse est. Hoc quidem verum est, auditorem ibi à Cicerone reprehendi, quod sibi ipse contradiceret, si non expressè, tamen implicite; id quod in scholis vocant Implicare contradictionem. Dicuntur autem implicare contradictionem duæ propositiones, ex quarum altera sequitur contradictoria alterius. ut hîc: Mortui sunt miseri, & Mortui non sunt. hîc ex prior propositione sequitur contradictoria posterioris, nempe Mortui sunt: itemque ex posteriore sequitur contradictoria prioris, nempe, Mortui non sunt miseri. Nam si mortui sunt miseri, certè mortui sunt: & vicissim, si mortui non sunt, nec miseri sunt. Sic contradictionem implicant: corpus Christi esse in cœna corporaliter, sed nō sensibilibiter. [*Elevar*] Contrà Apostolus Paulus certitudinem suæ doctrinæ negatione contradicentium commendat. 2. Cor. 1, 19. Dei filius, Jesus Christus qui inter vos per nos prædicatus est, non fuit Etiam & Non: sed fuit Etiam ip ipso.

## CAP. 17. DE PRIVANTIBUS.

Privantia sunt contraria negantia, quorum alterum negat in eo tantum subjecto, in quo affirmatum suapte natura inest. Atque hic affirmatum dicitur habitus, negatum autem privatio. Sic motus & quies. Sic ebrius & sobrius. Martial. lib. 3.

*Ebrius es: nec enim faceres hæc sobrius unquam.*

Sic cæcum esse & videre. Pro Cælio, "Existat igitur ex hac familia aliquis, ac potissimum cæcus ille. minimū enim dolorem capiet, qui istam non videbit. Sic pauper & dives opponuntur apud Martialem lib. 5.

*Semper eris pauper, si pauper es, Emiliane:*

*Dantur opes nullis nunc, nisi divitibus.*

Talia sunt mors & vita in Miloniana: "Hujus mortis sedetis ultores, cujus vitā, si putetis per vos restitui posse, nolitis? Item tacere & loqui. 1. Catil. "Quid expectas auctoritatem loquentium, quorum volūtatem tacitorum perspicis? Pro Marc. Dolco, cum resp. immortalis esse debeat, eam in unius mortalis anima consistere. Sed dissentaneorū categoria sic est, unde quidvis ab altero differre quolibet modo possit.

*In eo tantum subje-ctio* ut lapis etsi facultate videndi præditus non est, tamen non dicitur cæcus: quia lapis non est subjectum naturale visus, sed animal oculatum: quod si visu careat, propriè cæcum dicitur. Ita nec piscis propriè dicitur mutus: quia natura non habet sermonis aut vocis organa. *Ebrius es* Enthymema est: Non es sobrius: ergo es ebrius: à negatione privatio-

nis ad affirmationem habitus. *Cacum esse*] Sic cæcitas mentis, id est ignorantia Dei, in qua homo nascitur, est privatio sapientiæ illius & cognitionis Dei cum qua homo primùm à Deo fuit conditus. *Existat igitur*] Enthymema est: Appius est cæcus: ergo nō videbit Clodiam: ab affirmatione privationis ad negationem habitus, seu potiùs actionis quæ illius habitus propria est. *Semper eris pauper*] Solis divitibus dantur opes: non igitur pauperibus. Consequutio hujus enthymematis non pendet ex natura privantium: sed ex natura proprii, nam si tollas notam proprii, Solis: consequutio non valebit. ut si dicas, Divitibus dantur opes: hinc non sequitur: Ergo pauperibus non dantur. *Hujus mortis*] Enthymema est, Si possetis vitam Clodio restituere, nolle- tis: non debetis igitur mortem ejus ulcisci. Consequutio similiter non pendet ex natura privantium, sed ex natura parium. Pares enim animi affectiones sunt, Velle vitam alicujus restituere, & velle mortem ejus ulcisci. *Quid expectas*] Perspicias voluntatem tacitorum: ergo non est ut expectes auctoritatem loquentium. Argumentum similiter à pari est. paria enim hæc sunt, Perspicere voluntatem taciti, & audire loquentem quid velit.

## CAP. 18. DE PARIBVS.

Argumenta simplicia ita fuerunt in consen-  
taneis & dissentaneis: comparata sunt, quæ in-  
ter se comparantur, quæ tamen si ipsa compara-  
tionis naturâ æquæ nota sint; attamen alterum  
altero alicui notius & illustrius esse potest: Sæ-  
peq; notis brevius indicantur, aliquando par-  
tibus plenius distinguuntur: quæ propositio,  
redditioque nominantur: atq; omnino com-  
parata etiam ficta arguunt fidemque faciunt.  
Comparatio est in <sup>quantitate</sup> quantitate vel qualitate:  
Quan-

Quantitas, qua res comparata quantæ dicuntur. Estque parium vel imparium. Paria sunt, quorum est una quantitas: Argumentum igitur paris est, cum par explicatur à pari: eiusque notæ sunt par, æquale, æquare, idem quod, tam quam, tanto quanto, tot quot, & non magis, non minus. Virgil. Æneid. 2.

--Par levibus ventis.

Æne. 3. Et nunc equali tecum pubesceret ævo.

Æne. 6. En hujus nate auspiciis, illa inclyta Roma  
ma

Imperium terris, animos æquabit olympo.

Propositio deinde redditioque distinguuntur. 4. Cat. Cujus res gestæ atq; virtutes iisdem, quibus Solis cursus, regionibus ac terminis continentur. Æneid. 4.

Tam ficti praviq; tenax quam nuntia veri.

Catull. Tantò pessimus omnium poëta,

Quanto in optimus omnium patronus.

Ovid. 4. Trist.

Littora quot conchas, quot amœna rosaria flores,

Quotq; soporiferum grana papaver habet;

Sylvaferas quot alit, quot piscibus unda natatur,

Quot tenerum pennis æra pulsat avis:

Tot premor adversis: que si comprehendere coner,

Icaria numerum dicere coner aqua.

9. Philip. Neque enim ille magis juris consultus, quam justitiæ fuit: Itaque quæ proficiscebantur à legibus & à jure civili, semper ad facilitatem æquitatemq; referebat: neq; con-

- „ stituere litium actiones malebat, quàm con-  
 „ troversias tollere. Ovid. 2. de Arte:

*Non minor est virtus, quàm quarere, paria  
 tueri.*

- „ Pro Mur. Paria cognosco esse ista in L. Mu-  
 „ rana, atq; ita paria, ut neq; ipse dignitate vinci  
 „ potuerit, neque te dignitate superarit. 2. Philip.  
 „ "Quorum facinus commune, cur non eorum  
 „ prada communis? Ter. in Adel.

*"Quândo ego non curo tuum, ne cura meum.*

Hujus verò loci sunt cōsectaria illa é contra-  
 riis quidem orta, sed parium collatione tracta-  
 ta: ut Martialis illud:

*"Tum servum scis te genitum, blandèque fateris,  
 Cùm dicis dominum, Sosibiane, patrem.*

Ovid. 1. Fast.

*"In pretio pretium nunc est, dat census honores,  
 Census amicitias: pauper ubiq; jacet.*

- Ex adversis sunt frequentiora. Cic. pro Syl-  
 „ la: "Neque verò quid mihi irascere, intelligere  
 „ possum, si, quód eum defendo, quem tu accu-  
 „ sas; cur tibi quoq; ipse non succenseo, qui accu-  
 „ ses eum, quem ego defendo? Inimicum, inquis,  
 „ accuso meum: & amicum (inquam ego) defen-  
 „ do meum. Sic 5. Tusc. "Quod cùm fateantur fa-  
 „ tis magnam vim esse in vitiis ad miserá vitam;  
 „ 'nonne fatendū est, eandem vim in virtute esse  
 „ ab beatam vitam? "Contraria enim contrario-  
 rum sunt consequentia. Sic interdum lacesiti,  
 par pari reponimus; qualis est Ecl. 3. apud Vir-  
 giliū

gillum contentio pastorum: Damœta, primó  
hoc ænigma proponentis,

*Dic quibus in terris (Et eris mihi magnus Apollo)  
Tres pateat cali spatium, non amplius, ælnas.*

Et Menalcæ alterum ænigma reponentis,  
*Dic quibus in terris inscripti nomina regum  
Nascantur flores, Et Phyllida solus habeto.*

"Paria veró ficta sunt illa apud Æschinē So-  
craticum, quibus demōstrat Socrates cum Xe-  
nophontis uxore & cum Xenophonte ipso A-  
spasiam locutam. Dic mihi quæso Xenophon-  
tis uxor, si vicina tua melius habeat aurū quàm  
tu habes, utrū illius an tuum malis? Illius, in-  
quit. Et si vestem, & cæterum ornamentum  
muliebri pretii majoris habeat, quàm tu ha-  
bes, tuāne an illius malis? Illius veró respondit.  
Age veró, si virum illa meliorem habeat, quàm  
tu habes, an illius malis? Hic mulier erubuit. A-  
spasia autem cum ipso Xenophonte sermonē  
instituit: Quæso, inquit, si vicinus tuus melio-  
rem equum habeat quàm tuus est, tuūne e-  
quū malis an illius? Illius, inquit. Quód si me-  
liorem fundum habeat, quàm tu habes, utrū  
tandem illius malis? Illius, inquit, meliorem  
scilicet. Quód si uxorem meliorem habeat,  
quàm tu habes, utrū illius malis? Atque hic  
Xenophon quoq; ipse tacuit.

*Quantitate vel* Vulgó comparatorū vocabulum,  
per synecdochen generis ad quantitatem restringitur:  
ut comparatio sit quantitatis, sicut similitudo qualitatis.

Sed & comparandi verbum non raró ad qualitatem refertur. Comparatio in quantitate, Græcè σύγκρισις dicitur: in qualitate παρομοίωσις, assimilatio. παραβολή autem utriusque appellatio communis est: quanquam ferè de assimilatione intelligitur. *Parium vel imparium*] Par idem significat quod æquale, Græcè ἴσον: impar, inæquale, ἄνισον. Hinc numerus par dicitur qui in pares, id est æquales, partes dividi potest: impar qui non potest in pares sed impares seu inæquales. *Paria sunt*] Sic Aristoteles *Metaphys.* lib. 1. cap. 15. ἴσα, ὥτι τὸ πρὸς ἐν, Paria seu æqualia sunt quorū quantitas est una. In *Rhetoricis* item lib. 2. cap. 23. τὸ μήτε μᾶλλον, μήτε ἥττον, sc. ὑπέρχον: Quod neque magis, neque minús, scilicet inest. Id quod de paritate rationum intelligendum est: sicut prius de paritate rerum. Sic Cicero etiam in *Topicis*, „ Comparatio parium, ait, nec elationem habet, neque „ summisionem: est enim æqualis. Aristoteles in *Topicis* paria, id est ea quorum par est ratio, vocat τὰ ὁμοίως ὑπέρχοντα, quæ similiter (id est pariter seu pari ratione) insunt. Ex quibus locis inter se collatis intelligitur, duplicem considerari paritatem seu æqualitatem: alteram ipsarum rerum: quæ consideratio ad primum inventionis usum pertinet, videlicet ad ipsarum rerum sigillatim consideratarum declarationem atque illustrationem: alteram veró rationum, quum scilicet vel unum aliquid duobus, vel duo uni, vel duo duobus pariter seu similiter, id est pari ratione inesse dicuntur. Dicitur autem ratio rationi par seu æqualis, id est æquè verisimilis seu probabilis. *Cum par*] Potiús argumentum á pari est, argumentum comparatum á sententia æquè probabilis: hoc est, quum in antecedente & consequente enthymematis par est ratio veritatis, seu par probabilitas: & antecedens verum est. *Quorum facinus*] Hactenus exempla declarationis: sequuntur demonstrationis seu argumentationis. Quo loco notandæ sunt tres á pari argumentandi regulæ, seu axiomata, seu (ut Aristoteles vocat) loci: qui traduntur lib. 2. *Top.* cap. 4. Primum

axioma est hoc, εἴ ἐν τῇ δυσὶν ὁμοίως ὑπάρχει ἢ ὁδεῖ ὑπάρ-  
 χειν εἰ τῷ ἑτέρῳ μὴ ὑπάρχει, ἔδὲ τῷ ἑτέρῳ εἰ δὲ πατέρῳ  
 ὑπάρχει, καὶ τῷ λοιπῷ. Si quid unum duobus similiter in-  
 sit aut inesse videatur: si alteri non insit, nec alteri inerit:  
 si veró alteri insit, etiam reliquo inerit. Exemplum affir-  
 mationis: Israhelitæ á Deo puniti sunt propter idolola-  
 triam aliaque peccata: Ergo etiam Corinthii á Deo pu-  
 nientur, si paria committant. 1. Cor. 10. Exemplum ne-  
 gationis: Fœdus Dei cum die & nocte, non potest fieri  
 irritum: Ergo nec fœdus ejus cum Davide, irritum fieri  
 potest. Jerem. 33. Sic dicit Dominus: Si irritum potestis  
 facere fœdus meum quod inivi cum die, & fœdus meū  
 cum nocte: etiam irritum fieri poterit fœdus meū cum  
 servo meo Davide, quó minús habeat filium regnātem  
 in solio suo. S E C U N D U M axioma: εἴ ἐδύο τῶν αὐτῶν ὁμοί-  
 ως (scilicet ὑπάρχει) εἰ τὸ ἕτερον μὴ ὑπάρχει, ἔδὲ τὸ λοιπόν·  
 εἰ δὲ θάτερον, καὶ τὸ λοιπόν. Sive duo eidem similiter in-  
 sint, si alterum non insit, nec reliquum inerit: si veró al-  
 terum insit, etiam reliquum inerit. Exemplum affirma-  
 tionis: Iste delectatur mentiendo: ergo etiam furando.  
 Exemplum negationis: Hominis proprium non est vi-  
 dere: ergo etiam hominis proprium non est audire.  
 T E R T I U M axioma: τὸν αὐτὸν δὲ τρόπον καὶ εἰ δύο δυσὶν  
 ὁμοίως ὑπάρχει. εἰ γὰρ τὸ ἕτερον τῷ ἑτέρῳ μὴ ὑπάρχει, ἔδὲ  
 τὸ λοιπὸν τῷ λοιπῷ· εἰ δὲ ὑπάρχει τὸ ἕτερον τῷ ἑτέρῳ, καὶ τὸ  
 λοιπὸν τῷ λοιπῷ. Ad eundem modum etiam, si duo duo-  
 bus similiter insint: Si enim alterum alteri non insit, nec  
 reliquū reliquo inerit: si veró insit alterum alteri, etiam  
 reliquum reliquo inerit. Exemplum affirmationis: Da-  
 vidi esurienti licuit vesci panibus propositionis: Ergo  
 etiam discipulis Christi esurientibus licuit vellere spicas  
 die sabbathi: Matthæi 12. Exemplum negationis: Te-  
 rent. Adelph. Quando ego non curo tuum, ne cura me-  
 um. Quibus verbis Demea sic argumentatur contra  
 Mitionein: Ego non curo filium tuum, nempe Æschi-  
 num: Ergo nec tu cures filium meum, nempe Ctesio-  
 phontem. Ratio á pari: quia utraque cura, rei alienæ est.



*Quorum facinus commune*] Sic loquentem introducit Cicero Antonium contra Cæsarem. Argumentationis sententia hæc est: Cæsar sectionem bonorum Pompejanorum quam possidet, possidet jure: Ergo etiam Antonius sectionem bonorum Pompejanorum quam possidet, jure possidet. Ratio à pari: quia ex pari causa cum Cæsare Antonius sectionem suam possidet, videlicet jure victoriæ: Hoc exemplum pertinet ad axioma tertium.

*Quando ego non*] Hoc exemplum similiter pertinet ad axioma tertium: ut pauló antè explicavimus. *Tum servum*] Hic argumentum à relatis est. vide suprà cap. 14.

*In pretio pretium*] Nulla hic videtur esse argumentatio: sed tantum declaratio & illustratio per oppositum: opponuntur autem hic privantia, Dives & pauper. Neque sequitur: Dives honoratur: ergo pauper contemnitur. potest enim fieri ut uterque honoretur, aut uterque contemnatur. *Neque vero*] Sic argumentatur his verbis Cicero: Ego non irascor tibi quod accusas meum amicum: Ergo nec tu irasci debes mihi quod defendo tuum inimicum. Ratio à pari: quia utrinque par est irascendi causa: Tam enim molestum esse solet, accusari nostrum amicum, quam defendi inimicum. *Quod cum fateantur*] Talia sunt & illa ejusdem authoris. Lib. 5. de Finib.

- „ Et quoniam hæc ducuntur de corpore: quid est cur non  
 „ rectè pulchritudo etiam ipsa propter se expetenda du-  
 „ catur? Nam si pravitatem imminutionemque corpo-  
 „ ris, propter se fugiendam putamus: cur non etiam (ac  
 „ fortasse magis) propter se formę dignitatem sequimur?  
 „ Et si turpitudinem fugiamus in statu & motu corporis:  
 „ quid est cur pulchritudinem non sequamur? Hactenus  
 Cicero: summa hæc est, Si deformitas est propter se fu-  
 gienda: ergo pulchritudo propter se est expetenda. Ta-  
 „ le est & illud in Topicis: Si stultitiam fugimus, sapien-  
 „ tiam sequamur: & bonitatem, si malitiam. Cæterum  
 quod ad exemplum in textu propositum attinet: notan-  
 dum est, Ciceronem quidem rectè argumentari: quum  
 termini sint reciproci: verum tacite assumere falsum,  
 nempe

nempe virtutem quæ vitio contrariè opponitur & ad-  
 versatur, in hominem cadere in hac vita. id quod falsum  
 est: quum vix umbra virtutis in hominibus locū habeat.  
 Idem judicandum est de ista argumentatione Pontifi-  
 ciorū: Mala opera damnant: Ergo bona opera servant.  
 Rectè quidem argumentantur: at falsum assument: nē-  
 pe nostra bona opera talia esse quæ malis nostris operi-  
 bus verè adversentur. id quod falsum est: quū bona no-  
 stra opera sint imperfecta & cum malis operib. conjun-  
 cta: mala aut nostra opera perfecta sunt, omnisq; boni-  
 tatis (quatenus quidem nostra sunt, id est, à nostra volū-  
 tate non renata proficiscuntur) expertia. *Contraria*  
*enim* Contraria Cicero vocat (ut suprà c. 14. admonui-  
 mus) quæ vulgo dicuntur opposita, ab Aristotele ἀντι-  
 κείμενα. Illustremus igitur hoc axioma exemplis in sin-  
 gulis quatuor generibus oppositorū. In relatis: Pater est  
 qui genuit: Ergo filius est qui genitus est. In adversis: Al-  
 bedo visum disjicit: Ergo nigredo visum colligit. In pri-  
 vantibus: Lux visui grata est: ergo tenebræ ingratae. In  
 contradicentibus: Ei qui facit officiū, debetur beneficiū:  
 Ergo ei qui nō facit officium, non debetur beneficium.  
 Sic Joan. 8, 47. Qui ex Deo est, verba Dei audit: Ergo qui  
 non est ex Deo, is non audit verba Dei. Est argumētatio  
 Christi contra Phariseos, qua indicat causam incredu-  
 litatis eorū. Similis locus extat Joan. 6, 36 & 37. Sed dixi  
 vobis: & vidistis me, nec creditis. Quicquid dat mihi pa-  
 ter, ad me veniet. Hinc sequitur à contrario: Ergo quic-  
 quid mihi pater nō dat, non veniet ad me. Itaq; his verbis  
 Christ⁹ causam innuit, cur Pharisei ad ipsum nō veniāt,  
 hoc est, in ipsum non credant: quia scilicet nō sint ei dati  
 à patre. Veruntamen axioma illud in solis reciprocis fir-  
 mū est, in non reciprocis variū & incōstans. ut in relatis  
 non sequitur: Pater est homo: ergo filius est nō homo, id  
 est, aliquid aliud quàm homo. In adversis: Albedo est co-  
 lor: ergo nigredo est nō color. In privantibus: Lux visum  
 afficiit: ergo tenebræ visum nō afficiunt. In cōtradicētib.  
 Homo est animal: Ergo nō homo est non animal: id est,

Quicquid non est homo, non est animal. Ejusmodi ἀνά-  
κολεθίας, id est inconsequentiae exemplum extat apud  
Basilium lib. 2. contra Eunomium, his verbis: ὃ γὰρ ἐπεί-  
δὴ τῷ ἐρηγορεῖναι τὸ ζῆν ἐπείαι, τῷ καθεύδεν ἀκολεθεῖ  
πάντων τὸ τεθνᾶναι: Non enim quia si quis vigilet, eum  
sequitur vivere: idcirco etiam si quis dormiat, eum con-  
tinuó sequitur esse mortuum. Affert etiam exemplum  
Aristoteles lib. 2. Topic. cap. 3. Ad εὐεξίαν, inquit, sequitur  
sanitas: veruntamen ad καχεξίαν non sequitur morbus.  
ubi εὐεξίαν, quasi dicas bonum habitum, intelligit gla-  
diatoriam corporis firmitatem, seu robur athleticum:  
καχεξίαν veró, quasi dicas malum habitum, intelligit vi-  
rium corporis seu roboris infirmitatem atque imbecil-  
litatem. Dicit autem híc valere consequutionem ἀνά-  
παλιν, id est, vicissim seu retró: quæ consequutio simile  
quid habet cum conversione per contrapositionem: ut,  
εὐεξία est sanitas: ergo morbus est καχεξία. Verúm ne  
hæc quidẽ consequutio in omnibus valere videtur, neq;  
enim sequitur: Qui vigilat, vivit: Ergo qui mortuus est,  
dormit. nam quód sacra scriptura mortuos dormire di-  
cit: id non proprié, sed per similitudinem intelligit. Vi-  
dimus exempla ἀνακολεθίας in non reciprocis: videam-  
us nunc exempla ἀκολεθίως in eisdem. Aristoteles  
igitur loco citato affert hæc: Fortitudo est virtus: ergo  
timiditas est vitium. Fortitudo est expetenda: Ergo ti-  
miditas fugienda. Visus est sensus: ergo cæcitas est ἀνα-  
δησία, quasi dicas insensibilitas, id est, sensus vacuitas  
seu carentia. Si triplum est multipulum: ergo subtriplum  
est submultipulum. Si visus est sensus: ergo visibile est  
sensibile. Ex commemoratis exemplis perspicitur; in  
non reciprocis τὸ ἐπὶ τὰ ἀντὶ ἀκολεθῆσιν, ut vocat Ari-  
stoteles, id est, axioma illud Ciceronis, non esse perpe-  
tuú: imó ne quidem τὴν ἀνάπαλιν ἀκολεθῆσιν in omni-  
bus locum habere. Itaque quum termini in enthyme-  
matis antecedente reciproci non sunt: valde lubrica &  
fallax est á contrario argumentandi ratio, neq; axioma  
illud Ciceronis in illis perpetuó valet. *Paria veró ficta*]

Cicero

Cicero & post Ciceronem Quintilianus, hoc exemplū ad similitudinem retulerunt. Et ita Aristoteles quoque paria τὰ ὁμοίως ὑπάρχοντα, id est, quæ similiter insunt, vocat. Quomodo exponendum videtur & illud Virgilij, 2. Æneid. *Par levisbus Ventis*, id est, similis. Hanc parium & similiū confusionem parit eorum cognatio: utraque enim comparata sunt.

## CAP. 19. DE MAJORIBUS.

Imparia sunt, quorum quantitas nō est una.

Impar est majus aut minus. Majus est, cujus quantitas excedit. Propriæ notæ sunt hujus rationis: "Non solum, sed etiam, Malo hoc, quā illud, Plusquā, item per cōparationem Grammaticam. Cicero pro Muræna:

*"Tollitur ē medio--*

non solum ista verbosa simulatio prudentiæ, sed etiam illa domina rerum

*--sapientia: vi geritur res:*

*Spernitur orator---*

non solum odiosus in dicendo, aut loquax, verum etiam --bonus, horridus miles amatur.

Hinc sumitur logica quædā gradatio, climaci rhetorico interdum conjuncta. Pro Milone:

"Neque verò se populo solum, sed etiam Senatui tradidit: neq; Senatui modò, sed etiam publicis præsiidiis & armis: neque hiantum, verum etiam ejus potestati, cui Senatus totam Rempub. omnem Italiæ pubem, cuncta populi Romani arma commiserat. Juvenalis Satyr. 8. adversus gloriosum nobilem:

*"Malopater tibi sit Therfites, dummodo tu sis  
Æacida similis, Vulcaniaq, arma capeffus,  
Quám te Therfita similem producat Achilles.*

» Pro Marc. "Plus admirationis habitura quám  
» gloriæ. Æneid. i.

*O socii (neq, enim ignari sumus antè malorum)*

*O passi" grávia: dabit Deus his quoq, finem.*

» Cic. pro Mur. "Noli tam esse injustus, ut cùm  
» tui fontes vel inimicis tuis pateant, nostros ri-  
» vulos etiam amicis putes clausos esse oportere.  
Hinc illa gradatio est sine climace Rhetorico  
apud Terent.

Thr. "Magnas verò agere gratias Thais mihi?

Gn. Ingentes. Thr. Ain' tu? Lata est? Gn. Non  
tam ipso quidem Donò, quám abs te datum esse:  
id verò seriò Triumphat.

Ficta verò majora etiam plurimùm valent.

Terent. Heaut. "Sati apes si fiet

*Amator, nunquam sufferre ejus sumtus queat,*

*Nedum tu possis. 5. Æneid.*

*"Magnanime Ænea, non si mihi Jupiter author  
Spondeat, hoc sperem Italiam contingere calo:  
Mutati transversa fremunt, & vespere ab atro  
Consurgunt venti, atq, in nubem cogitur aër:  
Nec nos obniti contrá, nec tendere tantum  
Sufficimus.*

Quum noster author doctrinam imparium ad-  
modum confusè, maximè in superioribus editionibus,  
tradiderit: idque inde ei acciderit, quòd inter declara-  
tionem & argumentationem non distingueret; neque  
quid argumentum á majori aut minori sit, attenderet:

nos ante omnia veram definitionem proponemus, deinde tres argumentandi regulas seu axiomata ex Aristotele subjiciemus. Argumentum igitur á majori, est argumentum comparatum á sententia probabiliore, hoc est, quum enthymematis antecedens magis probabile est quám consequens. Axiomata autem Aristotelica extant 2. Top. 4. quorum Primum est hoc, *δυσὶν περὶ ἐνὸς λεγομένον, εἰ τὸ μᾶλλον ὑπάρχειν δοκῇ, μὴ ὑπάρχειν ἑδὲ τὸ ἥττον.* id est, Quum duo de uno dicuntur, si id quod magis inesse videtur, non inest: neq; inerit id quod minus inesse videtur. ut Joan. 3, 12. Si terrena dixi vobis, & non creditis: quomodo si dixero vobis cælestia, credetis? quasi dicat, Nullo modo, hoc est, multó minús. Secundum axioma est: *ἐνὸς περὶ δυσὶν λεγομένον, εἰ ὃ μᾶλλον εἰκὸς ὑπάρχειν, μὴ ὑπάρχειν ἑθ' ὃ ἥττον.* id est, Quum unum de duobus dicitur: si ei cui magis verisimile est inesse, nō inest: neque inerit ei cui minus inesse verisimile est. ut Rom. 11, 21. Si Deus naturalibus ramis non pepercit: vide, ne tibi quoq; non parcat. 1. Pet. 4, 18. Si justus vix servatur: impius & peccator ubi comparebit? quasi dicat, Nullibi: hoc est, multó minús servabitur. Tertium axioma est: *δυσὶν περὶ δυσὶν λεγομένον, εἰ τὸ θάτερον μᾶλλον ὑπάρχειν δοκῇ, μὴ ὑπάρχειν ἑδὲ τὸ λοιπὸν τῷ λοιπῷ.* id est, Quum duo de duobus dicuntur: si id quod alteri magis inesse videtur, non inest: neque inerit reliquum reliquo. ut Matth. 12. Christus á Pharisæis accusatus violati sabbathi: eó quód permisisset discipulis suis, vellere spicas: inter alia sic se defendit: Sacerdotes non violant sabbathum, maclando pecudes: Ergo multó minús ego violavi sabbathum, permittendo discipulis meis ut vellent spicas ad pellendam famem. Ratio á majori: Quia magis videtur, sacerdotes violare sabbathum, quám Christum: qui est dominus sabbathi. Sic Luc. 13. versiculo 15 & 16. Christus á præfecto synagogæ insimulatus violati sabbathi, eó quód sanasset mulierem incurvam: sic se defendit: Vos non violatis sabbathum, solvendo bovem aut asinam, & ducendo aquatum:

Ergo multó minús ego violavi sabbathum, solvendo hanc filiam Abrahæ á vinculo quo eam vinxerat Sathanas, idque octodecim annos. *Non solum*] *Non solum*, est nota minoris: *Sed etiam*, majoris. Sic *Cúm*, est nota minoris: *Tum*, majoris. *Malo hoc*, est nota majoris: *Quám illud*, minoris. *Tollitur e medio*] Exemplū hoc non est hujus loci: continet enim illustrationem á minori. Quæstio est, Quid tollitur e medio? Responsio, Sapientia. Illustratio á minori, Non solum simulatio prudentiæ. Altera quæstio, Quis spernitur? Responsio: Orator bonus. Illustratio á minori, Nō solum odiosus in dicendo aut loquax. Quod si dicas esse amplificationem, quasi dicat Cicero: Quid mirum, si verbosa prudentiæ simulatio tollitur: quum domina rerum sapientia tollatur? tum argumētatio est itidem á minori: perinde enim est ac si dicas, Domina rerum sapientia tollitur: Ergo multo magis tollitur verbosa prudentiæ simulatio: At sapientia, inquit aliquis, nonne major & præstātor est quām prudentiæ simulatio? Sané. sed non idcirco argumentatio hæc á majori est. Argumentatio enim á majori dicitur, quū antecedens enthymematis magis probabile est quām consequens: á minori, quū minús: sicut á pari, quum æqué. Quare non spectanda est in hujusmodi argumentationibus, quantitas duarum rerum inter se comparatarum: sed quantitas duarum sententiarum inter se comparatarum ratione probabilitatis. Itaque Aristotelis appellationes hīc commodiores sunt: qui appellat, ἐκ τῷ μᾶλλον, scilicet ὑπάρχοντος, id est ab eo quod magis inest: non autem, ἐκ τῷ μίջονος, id est á majore. Item, ἐκ τῷ ἥτιον, ex eo quod minús inest: non autē, ἐκ τῷ ἐλάττωτος, á minore. Observandū autem, argumētationem á pari, procedere & affirmando & negando: at argumentationem á majore, negando tantum: á minore autē, tantum affirmando. Nam illic cōclusio semper est, Ergo multó minús: hīc autem, Ergo multó magis: quarum illa, negationis: hæc veró, affirmationis nota est. *Neque veró*] His verbis Cicero amplificat argumentum

mentum quo demonstrat, Milonem suæ causæ confidere. Argumentum erat á facto, Quia se tradiderit populo. Amplificatio est á collatione factorum majorum, id est, magis demonstrantium propositum: Quia se tradiderit etiam senatui, imó publicis armis, imó ipsi Cæsari. *Malopater*] Haëtenus duo exēpla primæ notæ, *Non solum, sed etiam*: sequitur exemplum notæ secundæ, *Malo hoc quàm illud*. Sententia est, Malo te esse nobilem, & patrem habere ignobilem: quàm te esse ignobilem, & patrē habere nobilem. *Plus admir.*] Exemplū tertiæ notæ, *Plus, quàm. Graviora*] Exemplum comparationis Grammaticæ, id est nominis cōparativi gradus. Quanquam exemplum hoc, quatenus argumentationem continet, non est hujus loci: continet enim argumentationem á minore: quia minús probabile est, aliquem pati posse graviora, quàm leviora. at *Æneas* sic argumentatur, *Passi estis graviora*: ergo poteritis etiam pati hæc leviora. Exemplum pertinet ad secundū axioma loci sequentis. Duo quæ inesse dicuntur, *Pati graviora & pati leviora*: unum cui illa inesse dicuntur, loci *Æneæ. Nolitam*] Hoc quoque exemplum argumentationem á minore continet: Si fontes debent patère inimicis: ergo multó magis rivuli amicis. Illud enim minús probabile est, quàm hoc. Exemplum pertinet ad tertium axioma loci consequentis. Duo quæ dicuntur inesse, *Patère inimicis & patere amicis*: duo quibus illa dicuntur inesse, Fontes & rivuli. *Magnas Vero*] Si quis accuratè consideret, etiam hîc argumentatio á minori latet: licet prima fronte secus videatur. Quippe certum est, Gnathonem assentatorem ita hîc approbare verba *Thraſonis*, ut ea amplificet assentandi gratia. quód si amplificat, argumentatur igitur. nam omnis amplificatio, est tacita argumentatio vel á maiore, vel á minore. Sed quomodo hîc argumentatur Gnatho? nempe sic, *Thais agit tibi gratias ingentes*: Ergo non est ut dubites quin tibi agat (quod tute ais) gratias magnas. at inquam, hæc argumentatio á minori est. Minús enim



probabile est, aliquē agere gratias ingentes, quā magnas. sic de ceteris, minū probabile est, aliquem triumphare quā lātari ob acceptum beneficium: item meretricem lātari auctore doni quā ipso dono. *Satrapes*] Hoc exemplum est hujus loci: sed vis argumentationis non consistit in eo quōd satrapes major, hoc est, prāstantior ac ditior sit quā is ad quem hęc dicuntur: sed quōd magis probabile sit, satrapem magnos sumtus sufferre posse, quā aliquem mediocrem aut tenuem. Enthymema hīc est: Satrapes non posset sufferre tantos sumtus quantos amica tua postulat: Ergo multō minū tu poteris. *Magnanime*] Hoc quoq; exemplum hujus loci est: sed rursum vis argumentationis non consistit in eo quōd Jupiter major sit, hoc est prāstantior ac potentior veraciorq; quā Æneas: sed quōd probabilius sit, aliquem crediturum Deo quā homini. Enthymema hīc est: Si promitteret mihi Jupiter, me hoc cælo in Italiam navigaturum: non crederem ei. Ergo multō minū tibi (Ænea) istud promittenti credo.

## CAP. 20. DE MINORIBUS.

Minus est, cujus quantitas exceditur: Minus autem sæpe indicatur propriis notis, ut non solum, sed ne: potius hoc quā illud: cū, tum. Item per Grammaticam comparisonem: denique per negationem parium. Cicer. 2. Catil. „Nemo non modō Romę, sed ne ullo in angulo totius Italię oppressus ære alieno fuit, quem non ad hoc incredibile sceleris fœdus asciverit. 1. Catil. ut exul potiūs tentare, quā consul vexare Remp. possis. 2. Agr. „Quæ cū omnibus est difficilis & mala ratio, tum verō mihi præter ceteros.

Ovid.

Ovid.3.de Trist.

*"Savior es tristi Busiride, savior illo  
Qui salū lento torruit igne bovem.*

Ovid.1.Remed.

*"Ut corpus redimas, ferrum patieris & ignes,  
Arida nec sitiens ora levabis aqua:  
Ut valeas animo, quicquam tolerare negabis?  
At pretium pars hac corpore majus habet.*

Atq; hujus ejusdem speciei sunt hæ formulae, quæ fiunt negatione parium. Philippica 9.  
"Omnes ex omni ætate qui in hac civitate intelligentiam juris habuerunt, si unum in locum conferantur, cū Servio Sulpitio non sunt conferendi, Cat.2." Quanquam illi qui Catilinam Massiliam ire dictitant, non tam hæc queruntur quàm verentur. Pro Muræna: "Quod enim fretum, quem Euripum tot motus, tantas, tam varias habere putatis agitationes fluctuum: quantas perturbationes & quantos æstus habet ratio comitiorum? Aliquando nota nulla est. Pro Marcel." Tantū abes à perfectione maximorum operum, ut fundamenta, quæ cogitas, nondū jeceris. Pro Archia: "Saxa & solitudines voci respondent: bestię sæpe immanes cantu flectuntur atque consistunt; nos instituti rebus optimis, non poëtarum voce moveamur? 7. Ver. Gradatio illa est à minoribus. "Facinus est vincere civem Romanum: scelus, verberare: propé patricidium, necare: quid

dicam, in crucem tollere? Finguntur etiam minora. Virgil. Ecl. 1.

*"Anté leves ergo pascentur in æthere cervi,  
Et freta destituent nudos in littore pisces:*

*Anté pererratis amborum finibus, exul*

*Aut Ararim Parthus bibet, aut Germania  
Tigrim,*

*Quam nostro illius labatur pectore vultus.*

- » 2. Philip. "O rem non modó visu fœdam, sed  
» etiam auditu: Si inter cœnam in tuis immani-  
» bus illis poculis hoc tibi accidisset, quis nõ tur-  
» pe duceret? In cœtu veró populi Romani ne-  
» gotium publicum gerens, magister equitum,  
» cui ructare turpe esset, is vomens frustis escu-  
» lentis, vinum redolentibus, gremium suum &  
» totum tribunal implevit.

Ut hîc quoque confusionem cujus superiore capite mentionem fecimus, evitare facilius possimus: definiamus primûm argumētum á minori, deinde argumētandi axiomatâ subijciamus. Argumentum igitur á minori, est argumentum comparatum á sententia minús probabili: hoc est, quum enthymematis antecedēs minús probabile est quâm consequens. Axiomatata autem argumētandi á minori licet ab Aristotele (quod sciam) tradita non sint: tamen ad imitationem eorum quæ ille tradidit de majori, facili etiam de minori ex natura cōtrariorum tradi possunt. PRIMUM igitur esto hoc: Si quid inest ei cui minús videtur inesse: inest etiam ei cui  
» magis videtur inesse. ut Matth. 6, 23. Si lumen quod est  
» in te, tenebræ sunt: ipsæ tenebræ, quantæ? Matth. 10, 25.  
» Si ipsum patrem familiâs, Beelzebul vocarunt: quanto  
» magis domesticos ejus? Joan. 15, 20. Si me persequuti  
» sunt: & vos persequentur. Luc. 23, 31. Si in virente ligno  
ista

ista faciunt: in arido quid fiet? 1. Pet. 4, 17. Si primúm in-  
cipit á nobis iudicium: quis erit finis eorum qui non pa-  
rent Dei Evangelio? quasi dicat, miserrimus. hoc est,  
Multó magis iudicabuntur illi seu affligentur. 2. Cor. 3.  
Si mortis ministerium fuit gloriosum: quí non potíus  
ministeriú spiritus erit gloriosum? SECUNDUM axio-  
ma: Si-cui id inest quod inesse minús videtur: etiam il-  
lud ei inerit quod inesse magis videtur. Hujus axioma-  
tis multa exempla extant Matth. 6. ubi Christus debor-  
tatur á diffidenti sollicitudine victus & amictus: cujus  
loci hæc est analysi. I. Pater cælestis dedit vobis animá:  
ergo multo magis dabit alimentum. Ratio á minore:  
quia minús probabile est, aliquem dare velle rem præ-  
stantiorem, quám viliorem: est autem anima plus quám  
alimentum. II. Pater vester cælestis alit volucres cæli:  
ergo multo magis alet vos. Ratio á minori duplex: pri-  
or, Quia volucres cæli non serunt neque metunt, neque  
cogunt in horrea, sicut vos facitis: minús autem proba-  
bile est, altum iri eos qui non serunt, &c. quám qui ista  
faciunt. Posterior ratio: Quia vos multó præstatis eis:  
minús autem probabile est, sustentatum iri creaturam  
viliorem, quám præstantiorem. III. Pater vester cæle-  
stis dedit vobis corpus: ergo multo magis dabit vesti-  
tum. Ratio á minore: Quia minús probabile est, ali-  
quem dare velle rem præstatiorem quám viliorem: cor-  
pus autem plus est quám vestitus. IIII. Pater vester cæ-  
lestis vestit lilia agrorum: Ergo multo magis vestiet vos.  
Ratio á minore duplex: prior, Quia lilia non laborant  
neque pent, sicuti vos: minús autem probabile est, ami-  
ctum iri eum qui non laborat neque net, quám qui ea  
facit. Ratio posterior: Quia lilia sunt herba agri: quæ  
hodie extat, & cras in clibanum mittitur: vos auté præ-  
stantiores estis. Minus autem probabile est, creaturam  
viliorem á Deo exornari, quám præstantiorem. Rom. 8,  
32. Qui proprio filio non pepercit, sed pro nobis omni-  
bus tradidit eú: quí non etiam cum eo omnia gratifica-  
bitur? Deus donavit nobis filium: ergo multo magis do-

nabit alias res utiles. 1. Cor. 6. sic argumentatur Paulus: Sancti (sic vocat Christianos) digni sunt qui mūdum & angelos judicēt: Ergo multo magis digni sunt qui judicent τὰ βιωτικά, id est, ea quæ ad victum & necessitatē hujus vitæ pertinent. TERTIUM axioma: Si duo duobus inesse videantur, alterum alteri: & id inest quod alteri inesse minús videtur: etiam reliquum inerit re-  
 » liquo. ut Rom. 5, 8. Commendat autem suam charita-  
 » tem erga nos Deus, quod quum adhuc essemus pecca-  
 » tores, Christus pro nobis mortuus sit. Justificati igitur e-  
 » jus sanguine, servabimur nūc multo magis per eum ab  
 » ira. Nam si quum inimici essemus, reconciliati fuimus  
 » Deo per mortem filii ejus: multo magis, reconciliati, ser-  
 » vabimur per vitā ipsius. Hactenus Apostolus. Continen-  
 » tur autē hoc loco duæ argumentationes á minore. Pri-  
 » ris quæstio est, Utrum nos posteaquā justificati sumus,  
 » servandi simus ab ira? Respondet Apostolus affirmādo:  
 » & affirmationem probat argumento á minore: Quia  
 » scilicet quum adhuc essemus peccatores, Christus pro  
 » nobis mortu<sup>9</sup> est: id quod minús videbatur factur<sup>9</sup>. Nā  
 » certē minús rationi cōsentaneum videtur, aliquem vel-  
 » le mori pro homine impio, quā servare justū. Posteri-  
 » oris argumentationis quæstio est, Utrum nos, postea-  
 » quam Deo reconciliati sumus, servandi simus per vitā  
 » Christi? Apostolus respōdet affirmādo: & affirmationē  
 » probat á minore: Quia scilicet quum adhuc essemus in-  
 » imici, reconciliati fuimus Deo per mortem Christi. id  
 » quod minús videbatur eventurum. Nā certē minús pro-  
 » babile est, aliquem per mortem reconciliare velle cum  
 » altero inimicū: quā per vitā servare velle reconciliatū.  
 » Termini duo qui reliquis duobus insunt, in priore argu-  
 » mentatione sunt hi: I. Christum mortuum esse pro no-  
 » bis. II. Christum servaturum nos ab ira. Termini duo  
 » quibus illi insunt: III. Nos quum adhuc essemus pecca-  
 » tores. IIII. Nos quū jam sumus justificati. Jam termin<sup>9</sup>  
 » primus inesse dicitur tertio: cui tamen minús videtur  
 » inesse quā secundus quarto. Ergo multo magis secun-  
 » dus

duſ in eſſe dicendus eſt quarto. In poſteriori argumēta-  
tione termini qui inſunt: 1. Reconciliari Deo per mortē  
Chriſti. 2. Servari per vitam Chriſti. Termini quibus illi  
in eſſe dicuntur: 3. Nos quum adhuc eſſemus inimici. 4.  
Nos quum jam ſumus reconciliati. Jam terminus pri-  
mus dicitur in eſſe tertio: cui tamen minūſ videtur in eſ-  
ſe quāſ ſecundus quarto. Ergo multo magis ſecundum  
quarto in eſſe dicendum eſt.

*Qualiſmodi argumentationis prioris.*

3 *Si pro nobis peccatoriſ. 1 Chriſtus mortuus eſt: (ira.)*

4 *Ergo nos juſtificati 2 Per Chriſtum ſervabimur ab*

Posterioris argumentationis delineatio. (*Chriſti:*

3 *Si nos inimici 1 reconciliati ſumus Deo per mortē*

4 *Ergo nos recōciliati 2 ſervabimur per vitam Chriſti.*

Cic. I. Offic. Quod ſi ea quæ acceperis utēda, majore  
meſura (ſi modō poſſis) jubet reddere Heſiodus: quid-  
nam beneficio provocati, facere debemus? quaſi dicat,  
Si mutuū reddendum eſt majore meſura: multo ma-  
gis donū remunerandum eſt majore meſura.

3 *Mutuū. 1 Reddere majore meſura:*

4 *Donū 2 Remunerari majore meſura.*

Horat. Ut jugulent homines, ſurgunt de nocte latrones:

Ut teipſum ſerves, non expergiſceris?

Quaſi dicat, Si latrones de nocte ſurgunt, ut jugulent  
te: ergo tu multo magis expergiſci debes, ut ſerves te.

*Nemo non modō*] In hoc exemplo cōparatio rationū  
eſt. Amplificat enim orator conjurationem Catilinæ,  
cōparatione minoris, id eſt ſententiæ minūſ probabilis.  
Sententia quam amplificat, eſt hæc: Catilina conjuratos  
aſcivit Romę. Hanc ſententiā amplificat comparatione  
illius: Catilina cōjuratos aſcivit in omnibus angulis Ita-  
liæ. Iſta ſentētia minūſ probabilis erat, quāſ illa prior.  
Itaq; in hoc exēplo nota majoris eſt, Non modō: mino-  
ris, Sed ne. Sicut & in illo Phil. 2. O rem non modō viſu  
fœdā, ſed etiam auditu. Magis .n. pbabile eſt: eſſe aliqd  
fœdū viſu, quāſ auditu. *Tentare*] Sententiā hanc, *Cati-*  
*lina vexat rempub.* illuſtrat orator collatione minoris,  
*Malim tētare, quāſ vexaret. Quæ cūm*] Sententiam

hanc, Hæc ratio administrandi rempubl. mihi difficilis est: illustrat collatione minoris, Cæteris minús difficilis est. *Særior es*] Amplificat poëta crudelitatem maledici cujusdam, comparatione minorum: nempe crudelitatis Busiridis & crudelitatis Phalaridis. Sententia amplificanda, Tu es crudelis. Sententiæ amplificantes: Tu es crudelior Busiride: tu es crudelior Phalaride. quod idem valet ac si dicas: Busiris minús crudelis fuit quàm tu: itemque Phalaris. *Ut corpus*] Exemplum argumentationis à minori: Tu pateris aliquid propter corpus: ergo paterere etiam propter animum. Cujus tamen argumentationis vis non consistit in collatione corporis cū animo, tanquā minoris cum majori: sed in collatione duarum sententiarum, Pati velle propter corpus, & pati velle propter animum: quarum illa minús est probabilis quàm hæc. Exemplū pertinet ad primum axioma suprà propositum. *Omnes ex omni*] Amplificat orator jurisprudentiam Sulpitii. Sententia amplificanda, Sulpitius est juris bene peritus. Amplificatio per collationem minorum: Omnes antè nati Romæ jurisconsulti non habuerunt tantam juris intelligentiā, quantam Sulpitius. Hic nota minoris est, negatio paris, Nō sunt conferēdi. *Quanquam illi*] Exemplum hoc nō est hujus loci: nam elevat orator querelam Catilinariorum, comparatione majoris, id est probabilioris. Sententia quam elevat: Catilinarij queruntur, Catilinam ire Massiliam. Elevatio: Non tam queruntur quàm verentur. id est, magis verētur quàm queruntur. Hic nota minoris est, Non tā: majoris, Quàm. *Quod enim fiet.*] Amplificat orator perturbationes comitiorū, cōparatione minoris: Freta non habent tantas agitationes fluctuum, quantas perturbationes habent comitia. *Tantum abes*] Cæsar cōquestus de suspitione cōjurationis, dicebat, se satis sibi vixisse: at orator negat, reipubl. collapsæ, neq; dum restitutæ, satis eum vixisse. Et hanc sententiam amplificat cōparatione minoris, ad hunc modum: Nondum perfecisti instaurationem reipublicæ: imó (quod minus est) nondum jecisti

cisti instaurationis illius fundamenta. Poteſt etiam dici, amplificationem hanc conſtare collatione majoris, id eſt probabilioris ſententiæ, ad hunc modum: Nondum perfecisti: imò ne fundamenta quidem jecisti. Probabilius enim eſt, aliquem fundamenta jeciſſe ædificii quod pridem extructum voluit, quàm illud perfeciſſe. Quod ſi ergo nondum jecit fundamenta: multò minùs perfecit. *Saxa & ſolitud.*] Rurſus exemplum argumentationis. Sic enim argumentatur orator: Saxa & ſolitudines voci reſpondent: beſtiæ ſæpe immanes, cantu ſectũtur atq; conſiſtunt: Ergo multò magis homines inſtituti rebus optimis, poëtarum voce moveri debent. Exemplum pertinet ad tertium axiomã. Eſt autem argumentum geminum: cujus utriuſq; analyſis hæc eſt. prioris: duo quæ inſunt, Vox & Carmen: duo quibus illa inſunt, Saxa & homines. Ratio á minori: Quia minùs probabile eſt, ſaxa moveri voce, quàm homines moveri carmine. Poſterioris: duo quæ inſunt, Cantus & carmen: duo quibus illa inſunt, Beſtiæ & homines. Ratio á minori: Quia minùs credibile eſt, beſtias moveri cantu, quàm homines moveri carmine. *Facinus*] In hac gradatione itur á minoribus ad majora. *Ante leões*] His verbis Tityrus amplificat ſuam beneficiorum Cæſaris memoriã. Sententia quam amplificat, eſt hæc: Non oblivifcar beneficia Cæſaris. Hanc ſententiam amplificat collatione hyperbolica minorum, id eſt ſententiarum minùs probabilium: Cervi paſcentur in æthere, Mare arefactum deſtituet piſces, &c. Hic igitur nota minoris eſt, Antè: majoris, Quàm. *Orem*] Turpitudinem vomitus Antonii amplificat orator comparatione minoris: Inter cœnam vomere, turpe eſt: Ergo multò magis in cœtu populi. Exemplum pertinet ad axiomã primum. Unum quod in eſſe dicitur, Vomere: duo quibus illud in eſſe dicitur, Cœna & cœtus populi.

## CAP. 21. DE SIMILIBUS.

Adhuc comparatio in quantitate fuit, ſe-



quitur comparatio in qualitate, qua res comparatae quales dicuntur: nempe similes aut dissimiles. "Similia sunt, quorum est eadem qualitas: similitudo, proportio dicitur, ut similia proportionalia. Notae similitudinis quae uno verbo concluditur, sunt, Similis, Effigies, More, Instat, Tanquam, Sicuti: tum negatio dissimilitudinis, Haud secus, non aliter. 1. Aeneid.

*Os humerosq; Deo similis.--*

9. Philip. Quamquam nullum monimentum  
clarius Servius Sulpicius relinquere potuit,  
quam effigiem morum suorum, virtutis, constantiae, pietatis, ingenii, filium. 1. Trist.

*Namq; ea vel nemo, vel qui mihi vulnera fecit,  
Solutus Achilleo tollere more potest.*

- In Pis. unus ille dies mihi quidem instar immortalitatis fuit, quo in patriam redii. Verr. 1.  
Sed repente est vestigio ex homine, tanquam aliquo poculo Circae, factus est verres. Pro  
Pompejo, Itaq; omnes quidem nunc in his locis Cn. Pompejum sicut aliquem non ex hac  
urbe missum, sed de caelo delapsum intuentur.  
3. Aeneid.

*Haud secus ac iussi faciunt.--*

Terentius in Phorm.

*Ego isti nihilo sum aliter, ac fui.*

Similitudinis partes deinceps explicantur, & quidem disjuncte vel continue. Similitudo disjuncta est, quando termini quatuor re ipsa distinguuntur. Eclog. 5.

*Talo*

*Tale tuum carmen nobis divine poëta,  
Quale sopor fessis in gramine.*

Carmen ad auditorem, ut sopor ad fessum, termini quatuor distincti sunt. Ad Frat. 1. Quæ-  
admodum gubernatores optimi, vim tempe-  
statis: sic sapientissimi viri, fortunæ impetum  
persæpe superare non possunt. Hic quatuor  
sunt item termini; ut gubernator ad tempesta-  
tem, sic sapiens ad fortunam. 1. Trist.

*Scilicet ut fulvum spectatur in ignibus aurum:  
Tempore sic duro est inspicienda fides.*

Cic. 2. Phil. Sed nimirum ut quidam morbo  
& sensus stupore, suavitatem cibi nō sentiunt:   
sic libidinosi, avari, facinorosi, veræ laudis gu-  
stum non habent. Virgilius fecerat hos versus:   
*Nocte pluit tota, redeunt spectacula manè:*

*Divisum imperium cum Jove Cæsar habet.*

Batylus arrogaverat sibi, præmiumque ma-  
gnum erat adeptus. His igitur similibus Batyl-  
lum Virgilius ludit:

*Hos ego versiculos feci, tulit alter honores.*

*Sic vos non vobis nidificatis aves:*

*Sic vos non vobis mellificatis apes:*

*Sic vos non vobis vellera fertis oves:*

*Sic vos non vobis fertis aratra boves.*

Aliquādo nulla prorsus est nota. Virgil. Ecl. 2.

*O formose puer, nimium ne crede colori;*

*Alba lignustra cadunt, vaccinia nigra le-  
guntur.*

Continua similitudo est, quando est ut pri-  
f ij

mus terminus ad secundum, sic secundus ad  
 „ tertium. 3. Leg. Viderisne magistratus hanc esse  
 „ vim, ut præsit, præscribat recta & utilia & con-  
 „ juncta cum legibus? ut enim magistratibus le-  
 „ ges, ita populo præsunt magistratus. Hic ter-  
 mini sunt tres: lex, magistratus, populus.

“Ficta similitudo parem vim habet superio-  
 ribus illis, sed præcipuè in hac explicata simili-  
 tudine *Æsopici* apologi excellūt. Hor. 1. Epist.

*Quòd si me populus Romanus fortè roget, cur  
 Non ut porticibus, sic judiciis fruar iisdem,  
 Nec sequar, aut fugiā qua diligit ipse, vel odit:  
 Olim quod vulpes agroto cant a leoni  
 Respondit, referam: quia me vestigia terrent  
 Omnia te adversum spectantia, nulla retror-  
 sum.*

*Similia*] Nihil video in hujus loci tractatione, quod  
 vel enodationis, vel castigationis indigeat. Hoc tantum  
 admoneo, usum similiū potissimum versari in illustran-  
 do: sæpe etiam in occultando, quando scilicet propriis  
 verbis omissis, solūmodo translatis utimur. Unde Chri-  
 stus interrogatus à discipulis, quare per parabolas, id  
 est, similitudines, loqueretur populo, Matth. 13. respon-  
 „ dit, Quia vobis datum est, nosse mysteria regni cœlo-  
 „ rum: illis autem non est datum. Item, Propterea per pa-  
 „ rabolas loquor eis, quia videntes non vident, & audien-  
 „ tes non audiunt, nec intelligunt. Cæterū similibus ad il-  
 lustrandum adhibitis sacra scriptura referta est. ut Esa.  
 53. Christus ad mortem ductus comparatur agno qui  
 ducitur ad mactationem; & ovi obmutescenti coram  
 tonfore: ut illustretur Christi patientia. Psalm. 1. Vir pius  
 comparatur arbori plantatæ ad rivos: ut illustretur ejus  
 felicitas. Sic Psalm. 91. comparatur palmæ & cedro Libani.  
 Matth.

Matth. 23. Christus comparat Phariseos sepulchris dealbatis, ad declarandum eorum hypocrisin: se autem gallinæ congreganti pullos sub alas, ad declarandum suum amorem erga Judæos. *Scilicet ut fulgur*] Eadem similitudine illustratur in sacris literis constantia fidei Christianæ. 1. Pet. 1. v. 6 & 7. *Ficta similitudo*] Tales sunt parabolæ Salvatoris in historia Evangelica. Talis est ficta narratio Prophetæ Nathanis apud regem Davidem, de cive divite qui pauperi ovicam suam ovem eripuerat: quam tandem ad Davidem accommodat. 2. Sam. 12. *Apologus*] Judic. 9. extat insignis apologus Jothami, quomodo arbores elegerint sibi regem.

## CAP. 22. DE DISSIMILIBUS.

"Dissimilia sunt comparata, quorum qualitas est diversa. Dissimilitudinis propriæ notæ sunt, dissimile, dispar, differens, aliud, secus, pro Planc. Quāquam dissimilis est debitiæ pecuniæ & gratiæ. Ennius,

*O domus antiqua, heu quāmi dispari aminare domino.*

Cæsar 1. bel. Gal. Hi omnes lingua, institutis, legibus inter se differunt. 2. Agrar. Alio vultu, alio vocis sono, alio incessu esse meditabatur. Cicer. 2. Nat. Quoniam cœpi secus agere atque initio dixeram. Dissimilitudinis notæ etiā sunt per negationem similium. 3. de Orat. Non est philosophia similis artium reliquarum. 2. Æneid.

*At non ille, satum quo te mentiris, Achilles, Talis in hoste fuit Priamo.—*

Horat. 1. Epist.

*Non eadem est etas, non mens.—*

- ” I. ad Fratr. Sit annulus tuus, non tanquam  
 ” vas aliquod, sed tanquam ipse tu. 3. Phil. Certus  
 ” dies non ut sacrificii, sic consilii expectari solet.  
 ” Hoc argumento pastor ille errorem suum cō-

*Urbem (quam dicunt Romam) Melibæe, pu-*  
*tavi*

*Stultus ego, huic nostræ similem. — Et mox,*  
*Sic canibus catulos similes, sic matribus hædos*  
*Nōræ, sic parvis componere magna solebam.*

- ” ut nec canibus catuli, nec matribus hædi;  
 ” sic nec Mantua Romæ similis est. Nota plerūq;  
 ” nulla est, & dissimilitudo plenius explicatur.  
 ” Quintil. lib. 5. c. 11. Brutus occidit liberos, pro-  
 ” ditionem molientes; Manlius virtutē filii mor-  
 ” te mulctavit. Catullus:

*Soles occidere & redire possunt:*

*Nobis cū semel occidit brevis lux,*

*Nox est perpetua una dormienda.*

- Dissimilia*] Dissimilium exempla é sacris literis. Psal  
 ” 1. Non sic impii. Joan. 10. Bonus pastor animam suam  
 ” dat pro ovibus: mercenarius autem & qui nō est pastor,  
 ” cujus non sunt oves propriæ, videns lupum venientem,  
 ” relinquit oves & fugit. Joan. 4. Christus declarat Sama-  
 ” ritanae, aquam á se promissam, dissimilem esse ei aquæ  
 ” quam dabat mulier: Omnis, inquit, qui biberit de aqua  
 ” hac, sitiet iterum: quisquis autem biberit de aqua quam  
 ” ego dabo, nequitiam sitiet in æternum: sed aqua quā  
 ” ego dabo ei, fiet in eo fons aquæ salientis in vitam æter-  
 ” nam. Matth. 7. vers. ult. Docebat eos (videlicet Christus  
 ” populum) ut habens auctoritatem, & non ut scribæ. 1.

Sam. 2.

Sam. 2. v. 25. Si peccaverit vir in virum, judicabit ipsum  
 judex: si autem in Jehovah peccaverit quispiam, quis ju-  
 dicabit pro eo? Hujus loci est negatio similitudinis cum  
 indicatione dissimilitudinis: Quum enim pro similibus  
 proponuntur quę similia non sunt, negari solet similitu-  
 do, & rationis loco subjici dissimilitudo: ut, Non quem-  
 admodum Israëlitis licuit spoliare Ægyptios, ita nobis  
 etiam licet deprædari proximum: Non enim nos idem  
 quod illi, mandatum a Deo accepimus. Sic, Non quem-  
 admodum equis vetulis tenetos anteponeere solemus,  
 sic amici novi veteribus sunt anteponendi: non enim a-  
 micitiarum esse debent, sicut aliarum rerum, satietates.  
 Vide Lælium Cic. Sic in oratione pro Murena, quum  
 Servius Sulpicius existimaret, Cicero nē sibi contra Mu-  
 renā adesse debere in causā capitis, sicut antea sibi con-  
 tra eundem adfuerat in causā honoris: Cicero similitu-  
 dinem istam negat his verbis: Sic existimo (inquit) sic  
 mihi persuadēo: me tibi contra honorem L. Murenæ,  
 quantum tu a me postulare ausus sis, tantum debuisse:  
 contra salutē nihil debere. nequē enim si tibi tū quum  
 peteres consulatum, affui: idcirco nunc quum Murenā  
 ipsum petas, adjutor eodem pacto esse debeo. Atq; hoc  
 non modō non laudari, sed ne concedi quidem potest:  
 ut amicis nostris accusantibus, non etiam alienissimos  
 defendamus. *Dispar*] Dispar hīc pro dissimili: sicut par  
 pro simili in illo, *Par le sibum ventis. Ut nec canibus*  
 Aliter verba poetæ explicanda censeo, nempe ad hunc  
 modum: Non ut canibus catuli, & matribus hædi, sic  
 Mantua Romæ similis est. Aliās non erit hīc dissimilitu-  
 do, sed similitudo.

## CAP. 23. DE CONJUGATIS.

Haftenus prima argumēta sunt exposita, se-  
 quuntur orta de primis, q̄ perinde sunt ad id qd̄  
 arguūt, sicut prima, unde oriūtur: ut conjugata  
 & notatio: distributio & definitio. Conjugata  
 sunt nomina ab eodē principio variē deducta,

ut justitia, justus, justé. In conjugatis symbolum est consentaneorum argumentorum. Proptertus lib.2.

*Libertas quoniam nulli jam restat amanti;*

*Nullus liber erit, si quis amare velit.*

Hic libertas causa est, cur sis liber. Cic.3. de Nat. Deorum, cum de Dionysio Tyranno loquitur: jam mensas argenteas de omnibus delubris jussit auferri, in quibus quod more veteris Græciæ inscriptum esset, BONORUM DEORUM, uti eorum bonitate velle se dicebat. Dii boni sunt: eorum igitur bonitate est utendum. Hic ex effectis ad causas est disputatum. Terent.

*Homo sum, humani à me nihil alienum puto.*

Ex subjecto est ad adjunctum. Contrá Phil. 2. Non tractabo ut consulem, ne ille quidē me ut Consularem. In Pison. Cum esset omnis illa causa Consularis & Senatoria, auxilio mihi opus fuerat & consulis & Senatus.

*Conjugata sunt*] Cicero in Topicis, Conjugata, inquit, dicuntur quæ sunt ex verbis generis ejusdem. Ejusdem autem generis verba sunt, quæ orta ab uno variè commutantur: ut sapiens, sapienter, sapientia. Hæc verborum conjugatio συζυγία dicitur: ex qua hujusmodi est argumentum: Si compascuus ager est, jus est compascere. Hæc Cicero. Aristoteles verò in suis Topicis lib. 2. cap.3. appellat σύσειχα, quasi dicas coordinata: & definit sic, σύσειχα δὲ λέγεται τὰ πρὸς τὴν αὐτὴν συσειχίαν ἀπαντὰ ὅσον δικαιοσύνη, δίκαιος, δίκαιον, ἀκρίτως. id est, Coordinata dicuntur omnia ea quæ in eadem coordinatione sunt: ut justitia, justus, justum, justé. Huc pertinent etiā

πῶς

ἄνωγε, casus: quo vocabulo tempore Aristotelis (ipso-  
 met teste in loco citato) appellabantur sola adverbia á  
 nominibus derivata. Verúm hanc appellationem me-  
 rentur etiam casus obliqui nominum: item comparati-  
 vi gradus & superlativi. Porro argumentatio á conju-  
 gatis ad jocandum valet, quum luditur alterius conju-  
 gatorum *ἀμυνμία*, id est, ambiguitate, ut apud Cic. lib.  
 2. de Orat. Quum in senatu ageretur de agris publicis:  
 & premeretur Lucilius ab iis qui á pecore ejus depasci  
 agros publicos dicerent: Non est (inquit Appius) Lucilii  
 pecus illud: erratis. (Defendere Lucilium videbatur.) E-  
 go liberum puto esse: quá lubet, pascitur. Hactenus Ci-  
 cero. Sic igitur argumentabatur Appius: Pecus illud  
 pascitur quá libet: Ergo est liberum. Si liberum: ergo nō  
 est Lucilii. Sed ludebat Appius ambiguitate nominis  
*Liberum*. Liberum enim dicitur tum quod solutum est  
 & expeditum ad movendum sese quó libet: tum quod  
 non est servum seu sub domini alicujus potestate. Priore  
 sensu pecus Lucilii liberum erat; posteriore non erat: at  
 de hac libertate erat quæstio. Præterea non valet conse-  
 quentia á conjugato actionis unius aut actionum pau-  
 carum ad conjugatum habitus: eó quód habitus nō nisi  
 ex multis actionibus comparatur. quare non sequitur,  
 Davidis factum, quum necem pararet Uriæ innocenti,  
 fuit tyrannicum: Ergo David fuit tyrannus. Nec sequi-  
 tur, Cambyxis factum, quum iniquo iudici detraxit pel-  
 lem & eam instravit sedi, fuit justum: Ergo Cambyxes  
 fuit justus. Ad ejusmodi dici solet: Una hirundo non fa-  
 cit ver. Præterea ad hūc locū pertinet argumentū quod  
 vocatur á concreto ad abstractum: ut, Baptista recepit  
 milites manentes in officio: Ergo approbavit militiam.  
 Quanquam hīc consequutio non pendet ex conjugatis,  
 Miles & Militia: sed ex eo quod additur, Manētes in of-  
 ficio. quod jam argumentum est á testimonio, nempe  
 tacita confessione. nam silentium Joannis vim habebat  
 approbationis. Si enim militiam improbasset, certé pa-  
 lam id esset professus: quippe quum eos hortaretur ad



pœnitentiam. Postremó notandum, é conjugatis saepe duci argumenta quæ simul vim habent á pari: ut, Si qui fortiter agit, cōsideratē pericula suscipit & labores perpetitur: est quoque fortitudo, considerata periculorum susceptio & laborum perpassio. Item, Si iustitia non est scientia: neque scienter agere dici poterit qui agit iustē. Item, si currens movetur: ergo cursus est motus.

#### CAP. 24. DE NOTATIONE.

”Notatio, est nominis interpretatio: nomina siquidem sunt notæ rerū; nominumq; vel derivatorum, vel compositorū, si vera notatione fiant, ratio reddi potest ex aliquo argumento primo: ut ”homo ab humo. Ovid 6. Fastor.

*Stat vi terra sua, vi stando Vesta vocatur.*

Ex causa est notatio.

(Etus.

*At focus á flammis, & quód fovet omnia, di-*

Ex effectis est notatio.

- ” Item 4. Ver. ”O Verrea præclara! Quó enim  
 ” accessisti, quó non attuleris tecum istum diem?  
 ” Etenim quam tu domū, quam urbem adiisti,  
 ” quod fanum denique, quod non eversum atq;  
 ” extersum reliqueris? Quare appellentur sané  
 ” ista Verrea, quæ nō ex nomine, sed ex moribus  
 ” naturaque tua constituta esse videantur. Ex ef-

fectis item est notatio. Ovid. 1. Fast.

*Prima dies tibi Carna datur, dea cardinis  
 hæc est;*

*Nomine clausa aperit, claudit aperta suo.*

Hic est notatio é subiecto cardine, circa quē numen deæ exercetur. At ex adjunctis notatio est Bambalionis 2. Philip. quia balbus & stupidus:

stupidus: hinc igitur cavillatio in Antoniū ge-  
nerū. Tuæ conjugis, bonæ fœminæ, locupletis &  
quidem certé, Bambalio quidam pater, homo &  
nullo numero, nihil illo contemptius: qui pro- &  
pter hæsitantiam linguæ stuporemque cordis &  
cognomé ex contumelia traxerit. Ex adjunctis &  
est notatio. E disséntaneis autem sunt illa apud  
Quintilianum libro primo, capite sexto: Lu-  
cus, quia umbra opacus, parū luceat: & Ludus, &  
quia sit longissimé á lusu: & Dis, quia minimé &  
dives. Potest etiam é comparatis esse notatio:  
ut Pyropus, quód ignis flammam imitetur. Est  
veró ut notationi ad suum nomen, sic nomini  
ad notationē sua affectio: ut Animi plenus, er-  
go animosus: & contrá, Animosus, ergo animi  
plenus.

*Notatio*] Cicero in Topicis, Græci, inquit, ἐτυμολογί- &  
αν vocarunt, id est (verbum ex verbo) veriloquium: nos &  
autem novitatem verbi non fatis apti fugientes, genus &  
hoc notationem appellamus: quia sunt verba, rerum &  
notæ. Itaque hoc idem Aristoteles σύμβολον appellat: &  
quod Latine est nota. Hæc ille. *Homo ab humo*] Quin- &  
tilianus lib. 1. cap. 6. hanc notationem deridet: Etiamne &  
hominem appellari, inquit, quia sit humo natus? Quasi &  
veró nō omnibus animalibus eadem origo: aut illi pri- &  
mi mortales anté nomen imposuerint terræ, quàm sibi. &  
Hæc ille. Sed miser homo ignoravit sacras literas: q̄ hanc &  
notationem in lingua Hebraica confirmant. ut Genes. &  
2, 7. Et formavit dominus Deus hominem, pulverem de &  
humo. Et cap. 3, v. 19. ait Deus primo nostro patrēti, In su- &  
dore vultus tui vesceris pane tuo, donec revertaris in hu- &  
mū, q̄a ex ea sumtus es. Hebraicę appellationes sunt: ho- &  
minis, Adā: humi, adamáh. Significat aut adamáh, p̄prie

humum ruffam: ex quali hominem á Deo formatum fuisse, tum ipsa nominis proprietates arguit, tum quód in partib. Orientalibus (sicut & aliis multis in locis) propter solis adustionem humus subruffa est. Divinitus autem in confusione linguarum, homo & humus has appellationes sortita sunt: ut Hebræis vocibus é regione responderent. Neque veritatem hujus notationis labefactat ratio Quintiliani: quód eadem ratione omnia animalia homines appellanda essent, quum omnia humo nata sint. nam Deus solum hominem sic appellari voluit, ut perpetuam apud se haberet sui humiliandi materiam: quippe qui ex humo, id est vili materia, originem traxerit. Cujus humiliationis exemplum extat in Abrahamo Gen. 18. ubi Deum alloquuturus, præfatur in hæc verba: " En obsecro induxi animum ut loquerer cum domino " meo, qui pulvis sum & cinis. Et post primi parentis nostri lapsum, ad superbiam ejus retundendam, qui deo similis fieri cupierat, ait Deus: Pulvis es, & in pulverem revertéris. Deinde nec altera Quintiliani ratio valet: neque enim verum est quod Quintilianus præsupponit, omnia nomina rebus ab hominibus esse imposita: imposuit enim quædam ipse Deus, ut in primo cap. Genes. videre est. Cæterum ejusmodi notationum sacræ literæ plenæ sunt: ut, nominis Heva, Gen. 3, 20. Cain, Genes. 4, 1. Seth, ibid. v. 25. Noah, Gen. 5, 29, Abraham, Gen. 17, 5. Isaac, Gen. 17, 17. & Gen. 18, 12. & Gen. 21, 6. Esau & Jacob, Gen. 25, 25. Edó, ibid. ver. 30. Nominum filiorum Jacob notationes exponuntur Genes. 30.

*O Verrea*] Enthymema hujus loci est, Verres omnia loca Siciliae verit, id est, spoliavit ac deprædatus est: Ergo festum quod in sui ipsius honorem instituit, meritó appellavit Verrea. Hic notatio falsa est, & ad convitiandum atque jocandum ab oratore conficta. Verres enim festum illud sic appellaverat ex suo nomine, non autem ex suis moribus ac factis. Simile est enthymema Esau, quo convitiatur Jacobo fratri: Gen. 27. Meritó, inquit, vocatum est nomen ejus Jacob: supplantavit enim me jam

jam altera vice. Etiam hinc notatio falsa est, & ab Esauo ad convitiandum fratri conficta. nam Jacob á planta nomen acceperat, non quód supplantator futurus esset: sed quód in partu plantam Esau egredientis tenuisset; ut habetur Gen. 25, 25. Hujus generis est & argutatio illa lamentantis Ajacis apud Sophoclem in Ajace flagellifero:

Αἰ, αἰ· τίς ἄν πρὶ ὧν ὧδ' ἐπ' ὤτων μου  
 Τὸ μὲν ξυνοίσῃ ὄνομα τοῖς ἐμοῖς κακοῖς;  
 Νῦν γὰρ πάρεσι καὶ δὲ αἰάξ' ἐμὸι  
 καὶ τρεῖς τοσούτοις γὰρ κακοῖς οἰσυχάνω.

Hujus loci enthymema est: necesse habeo αἰάξ' id est, lamentari: Ergo recte nominor Αἰας, quasi dicas, lamentator. Atque hæc á notatione ad nomen argumenta sunt: vicissim ducuntur etiam argumenta á nomine ad notationem: ut, Cicero pro Mil. Venio nunc, inquit, ad aureum illud nomen Chryfogoni. quib. verbis perstringit illius avaritiam: quasi dicat, Chryfogonus habet nomen ab auro, sic dictus quasi ex auro genitus: Ergo non est mirum si sit auri cupidus, id est, avarus. Sic, Sapientes á veteribus Romanis nominati sunt cordati: Ergo illi judicarunt, sapientiæ sedem & quasi domiciliū esse cor.

## C A P. 25. D E D I S T R I B U - tione.

Reliquum est ex ortis aliunde argumentis argumētum "distributionis & definitionis": in qua utrâque, affectio reciprocationis est; illic partium omnium cum toto, hinc definitionis cum definito. Distributio est, cum totū in partes distribuitur. Totum est, quod continet partes. Pars est, quæ continetur a toto. Atque ut distinctio totius in partes, Distributio: sic colle-

ctio partium ad constituendum totum, Inductio dicitur.

Distributio sumitur ex argumentis totius quidem consentaneis, inter se autem dissentaneis. Itaque tanto accuratior erit, quanto partium & cum toto consensus, & inter se dissensio maior fuerit.

*Distributionis*] Vulgo appellatur divisio. *In qua utraque affectio reciproc.*] In superioribus editionibus additum erat, *Omnino propria.* quæ verba merito expunxit author propter falsitatem: quia affectio reciprocativæ communis est etiam aliis argumentis: ut, Omnis homo præditus est facultate ridendi: & vicissim, quicquid præditum est facultate ridendi, homo est. ubi subiectum reciprocatur cum adjuncto. Sic, Plato fuit præceptor Aristotelis: & vicissim, Aristoteles fuit discipulus Platonis. ubi inter se reciprocatur relata. Hoc tamen verum est: in toto genere distributionis & definitionis reciprocativam reperiri: non autem in toto genere subiectorum aut adjunctorum, aut aliorum argumentorum. Itaque reciprocativæ inest quidam distributioni ac definitioni omni, sed non soli: quare non est horum argumentorum propria. *Inter se autem dissentaneis*] Vitiosa igitur divisio est, cujus partes inter se consentaneæ sunt: qualis est illa quæ vulgo traditur, divisio partium: qua partes dividuntur in essentielles & integrales. Quasi verò integrales partes, non sint essentielles: quippe constituentes integri essentiam: ut fundamentum, parietes & tectum constituunt essentiam domus: sic singula corporis humani membra constituunt integrum corpus. Vicissim essentielles partes, nonne etiam integrales sunt? ut corpus & anima, hominis: quum integram hominis essentiam constituent. Eodem vitio laborat divisio definitionis, qua dividitur in essentialem, causalem, collectam ex coacervatione partium, & collectam ex coacervatione accidentium. nam quam es-

quam essentialē vocant, est etiā causālis: quippe constans ex genere & differentiā specificā: quibus symbolis causā essentialē constituentes, materiā scilicet & formā, continentur. Sic quam vocant causālem, est etiā essentialis: quatenus enim recenset causas omnes, recenset etiā materiā & formā, quā essentialē rei constituūt. Sic definitio collecta ex coacervatione partiū, siue recitet partes essentialē, siue integralē: semper essentialis est. quum verō recitat essentialē, materiā & formā: tum non solum essentialis, sed etiā causālis est. Talis quoq; est divisio prædicationis (quam sic in scholis Dialecticorum vocant) in regularem, figuratā & inusitatā. nam figuratā, etiā regularis esse potest: ut tyrannus est lupus: ubi prædicatur accidens de subiecto, ut ipse quoque Philippus fatetur. Item quam inusitatā vocant, etsi de rebus inusitatis est, tamen ipsa prædictio seu loquendi ratio, revera regularis est: ut Filius Dei est homo, Filius Dei mortuus est. in quarum priore prædicatur genus de specie (seu ut vulgo loquuntur, species de individuo) nempe homo de illo homine qui etiā est filius Dei: in posteriore prædicatur accidens de subiecto; nam Filio Dei accedit ut moreretur in carne.

CAP. 26. DE DISTRIBUTIO-  
*ne ex causis.*

Distributio prima est ex absolutē consentaneis, causis nempe & effectis. Distributio ex causis est, quando partes sunt causā totius. Hic distributio integri in sua mēbra præcipuē laudatur. Integrū est totum, cui partes sunt essentialē: Membrum est pars integri. Sic Grammatica in etymologiam & syntaxim, Rhetorica in elocutionem & actionem, Dialectica in inventionem & iudiciū dividitur. Ab his enim partibus artes illæ constituūtur. Hæc distribu-

tio principalis est, cum rei longioris explicatio  
 "suscipitur. i. Georg.

*Quid faciat latas segetes, quo sidere terram  
 Vertere (Macenas) ulmisq<sub>3</sub> adungere vites  
 Conveniat: qua cura bonum, quis cultus ha-  
 bendo*

*Sit pecori, atque apibus quanta experientia  
 parcis,*

*Hinc canere incipiam. —*

„ Cic. pro Mur. Intelligo (judices) tres totius  
 „ accusationis partes fuisse: & earum unam in  
 „ reprehensione vite, alteram in contentione digni-  
 „ tatis, tertiam in criminibus ambitus esse versa-  
 tam. Quin etiam "aliter tractatur hoc argumē-  
 ti genus, vel a partibus ad totum, vel a toto ad  
 partes. Catull.

*"Quintia formosa est multis: mihi candida, longa,  
 Recta est: hac ego sic singula confiteor:*

*Totum illud, formosa, nego: nam nulla venustas,  
 Nulla in tam magno est corpore mica salis.*

*Lesbia formosa est: quæ cum pulcherrima tota  
 est,*

*Tum omnibus una omnes surripuit Veneres.*

*Distributio integræ*] Hæc peculiari vocabulo appel-  
 latur partitio: sicut distributio generis in species nomi-  
 natur divisio: teste Cicerone in Topicis. Sic decalogi dis-  
 tributio in duas tabulas, partitio: distributio legum Mosai-  
 carum in morales, ceremoniales & forenses, divisio est.  
*Suscipitur*] Sive a poetis, sive a philosophis, sive ab ora-  
 toribus, sive a concionatoribus. *Aliiter*] Nempe *συμμε-  
 τρικῶς* seu ἀκολουθητικῶς: de qua tractatione hæc extant  
 axiomata apud Aristot. lib. 6. Topic. cap. 6. In quo totum  
 est, in

est, in illo oportet & partes esse: In quibus partes sunt, & totum necesse est inesse: Si partium vel una desit, totum non est: at contrá non sequitur, Si totum non sit, nullam partem esse: *Quintia formosa*] Enthymema est: *Quintia* deest una pars formæ, nempe venustas: Ergo *Quintia* non est tota formosa. Argumentum est á parte ad totum: Consequentia valet per axioma tertium. Notádum, é singulis caussarum generibus distributionem esse posse. Ex efficiente: ut, *Philosophia* scripta est partim á Platone, partim ab Aristotele. *Ecclesia Corinthiorum* collecta est partim per Paulum, partim per Apolló. Ex materia: ut, *Vasa templi Salomonici*, alia erant ex auro, alia ex argento, alia ex ære, &c. Ex forma: *Vasorum* alia rotunda, alia quadrata, &c. Ex fine est illa *Pythagoræa* distributio, quinta *Tusculana*, *Græcorum* ad ludos *Olympicos* cōvenientium: quorum alii veniebant gratiâ gloriæ, alii gratiâ pecuniæ, alii gratiâ scientiæ.

## CAP. 27. DE DISTRIBUTIONE

*ex effectis, ubi de genere & specie.*

Distributio ex effectis, est quando partes sunt effecta: ut, in navi nautæ alii malos scandunt, alii per foros cursitant, alii sentinam exhauriunt, gubernator autem clavum tenet in puppi. Distributio generis in species hîc excelsit. Genus, est totum partibus essentiale: Species, est pars generis. Sic animal genus hominis & bestię dicimus. Animal enim est totum, cuius essentia, nempe substantia corporea, animata, sentiens, ad bestiam & hominem communiter attinet. Sic dicimus, hominem & bestiam species animalis; quia partes sunt animali subiectę, quæ animalis essentiam communem



habent." Sic dicimus, hominem, genus hominum singulorum: & leonem, singulorum leonum: cōtrā verò singulos homines, species hominis: singulos leones, leonis. Genus, est generalissimum, aut subalternum: Species, subalterna aut specialissima. Genus generalissimū, cuius nullum est genus: " ut in Logica inventionē, argumentum est genus generalissimum artificialium & inartificialium.

" Subalternū genus, ut subalterna item species, quod species hujus, illius autem genus est: ut causa, species est argumenti absolutē consentanei, genus materiæ & formæ. Species specialissima, quæ est " individua in species alias, ut materia & forma singulares. Genus verò & species, notæ sunt causarum & effectorum: ut in animali est essentia corporea, quæ materia est ad species cōmuniter attinens: tum facultas vitæ & sensus, quæ forma item cōmuniter ad species spectat. Quare genus continet causas, quæ cōmuniter ad ipsius species attinent: contrā itaq; etiam species effecta generis sui continent. Hinc universale est insigne ac præstabile, quia causam declarat. Distributio generis in species valde quidem excellit, sed difficilis est & rara invētu. Attamen illustrationis & exempli gratia afferemus, quod poterimus. Ovid. 1. Metam." dividit animal in quinque species, stellas, aves, bestias, pisces, homines: stellis animam tribuit, ut etiam philosophi tribuere:

*Neu regio foret ulla suis animalibus orba,  
 Astra tenent caeleste solum formaq; deorum:  
 Cesserunt nitidis habitande piscibus unda:  
 Terra feras cepit, volucres agitabilis aër.  
 Sanctius his animal mentisq; capacius alta  
 Deerat adhuc, & quod dominari in cetera posset,  
 Natus homo est.--*

Sic Cic. 1. Offic. Virtutem dividit in species quatuor, prudentiam, justitiam, fortitudinem, temperantiam. Sed omne, quod honestū est, id quatuor partium oritur ex aliqua: aut enim in perspicientia veri solertiaq; versatur; aut in societate hominum tuenda, tribuendoque suum unicuique, & rerum contractarum fide; aut in animi excelsi atque invicti magnitudine ac robore; aut in omnibus quæ fiunt, quæque dicuntur, ordine & modo, in quo inest modestia & temperantia.

Distributio generis in formas specierū, eadem est; quia formæ cum genere constituunt suas species: ut animalium aliud loquens, aliud mutum. Genus & species non solum tractatur hac simplici divisionis formula, sed etiam separatim, alterū ex altero. Pro Archia, Ac ne quis a nobis hoc ita dici forté miretur, q̃ alia quædā in hoc facultas sit ingenii, atq; hæc dicendi ratio aut disciplina: nec nos quidem huic cuncti studio penitus unquam dediti fuimus. Etenim omnes artes, quæ ad humanitatem pertinent, habent quoddam commune vinculum, &

” quasi cognatione quadam inter se continetur. Ars, est genus: poëtica & eloquentia, sunt species. Contrá genus tractatur per species: ut 4. de Trist.

*Materiamq; tuis tristem virtutibus imple.*

*Ardua per præcepta gloria vadit iter.*

*Hectora quis nosset, felix si Troja fuisset?*

*Publica virtutis per mala facta via est.*

*Arstua Tiphys jacet, si non sit in æquore fluctus:*

*Si valeant homines, arstua, Phœbe, jacet.*

*Quæ latet, inq; bonis cessat non cognita rebus,*


*Apparet virtus, arguiturq; malis.*

” Exempla igitur specialia suo generi accom-  
 ” modata, sunt hujus loci. 7. ad Attic. urbem tu  
 ” relinquas? ergo idem, si Galli venirent? Non  
 ” est (inquit) in parietibus Respublica. at in aris  
 ” & focis. Fecit idem Themistocles: fluctum e-  
 ” nim totius barbariæ ferre urbs una non pote-  
 ” rat. At idem Pericles non fecit, annum feré  
 ” post quinquagesimum, cûm præter mœnia nil  
 ” teneret: nostri olim urbe reliqua capta, arcem  
 ” tamen retinuerunt.


*Sic dicimus hominem genus*] Et recté. De similibus enim idem judicium est. at similis prorsus relatio atque comparatio est hominis ad singulos homines, quæ animalis ad hominem, equum &c. Quare si animal recté dicitur genus hominis, equi &c. pari ratione homo recté appellatur genus singulorum hominum: & omnino quæ vulgô nominantur species specialissimæ, genera extrema sunt: quæ autem appellantur individua & singularia, ea sunt species specialissimæ. Consentit Aristoteles lib. 3. metaphys. cap. 4. ἡ γὰρ γενεὴ ἐπὶ τοῖς ἀτόμοις.

οἷον ἀνθρώπου: id est, Extrema seu ultima genera supra individua sunt, ut homo. *Ut in Logica in Divisione*] Sic in divisione rerum, genus generalissimum est ens, τὸ ὄν: pro quo Latini dicunt, Res vel Aliquid. At in scholis negant Ens esse genus decem prædicamentorum: eo quod non prædicetur de iis συνωνύμως, univocè, id est, ita ut & nomen & nominis definitionem singulis tribuat: quia tribuat solum nomen, non autem definitionem, nempe qua Ens definitur quod est per se, vel per accidens. At ego nego hanc esse Entis definitionem: quum sit ejus divisio. Ens autem esse genus decem prædicamentorū, ex eo probo, quod de singulis dicitur in questione *Quid est*, non reciprocè, id quod omni generi & soli & semper convenit, ut, *Quid est substantia?* Est ens. At non vicissim: Non enim omne ens, substantia est. Sic, *Quid est quantitas?* Est ens. At non vicissim. Similiter de reliquis. *Subalternum genus*] Hic notanda est nova divisio: nam subalternum genus aut intermedium est, aut infimum. Intermedium, quod inter generalissimum seu summū & infimum interjectum est: ac proinde non solum supra se, sed etiam infra se aliud genus habet: ut corpus, animal. Infimum, quod cæteris omnibus cognatis generibus subiectum est, ac proinde nullum aliud infra se genus habet: ut homo. Notanda est & consimilis nova divisio speciei subalternæ: nam species subalterna aut intermedia est, aut summa. Intermedia, quæ inter infimam seu specialissimam & summam speciem interjecta est: ac proinde non solum infra se, sed etiam supra se, aliam speciem habet: ut homo, animal, corpus. Summa species, est species subalterna, quæ est supra omnes cognatas species: ac proinde nullam supra se, aliam speciem habet: ut substantia. Quo loco & illud notandum: sicut ab Aristotele decem numerantur summæ species entis, nempe decem prædicamenta, Substantia, quantitas, qualitas, relatio, actio, passio, ubi, quando, situs & habitus: sic à P. Ramo decem numerari summæ species argumenti: nempe, Causam, effectum, subiectum, adjun-

ctum, dissentanea, comparata, nomen, distributionem, definitionem, & testimonium. Verum pro vocabulo scholastico Speciei, Latini magis utuntur vocabulo generis: & eodem sensu vocant decem summa genera rerum: quare similiter appellabimus decem summa genera rationum seu argumentorum.



Vel sic :



*Individa in species*] Itaq; quæ vulgo individua dicuntur, nihil aliud quam species specialissimæ sunt; sic appellatæ quod dividi in alias species non possint: quæ Logica divisio est. nam Physicè dividi possunt substantiæ singulares in sua membra: ut Socrates in suum corpus & suam animam: & corpus Socratis in sua membra, quæ propriè nō divisio, sed partitio dicitur, seu potius sectio, ἀνατομή. *Dividit animal*] Hæc divisio est subjectis summa

sumta est, videlicet é locis in quibus animalia degunt ac vivunt: nempe alia in cœlo, ut stellæ: alia in aëre, ut aves: alia in aqua, ut pisces: alia in terra, ut bestię & homines. *Alterum ex altero*] Hactenus de usu declarationis: sequitur de usu demonstrationis. Ad quem usum pertinent axiomata seu regulæ argumentandi tum á genere ad speciem, tum vicissim á specie ad genus: quæ extant apud Arist. lib. 2. Topic. cap. 2. Ad argumentationem á genere pertinent hæc tria. 1. Necesse est, de quibus genus dicitur, de iis specierum aliquam dici. 2. Non est necesse, quæcunq; generi insunt, etiam speciei inesse. Hoc videtur ab Aristotele dici propter enunciata in quibus divisio dicitur de genere: ut animal aut rationale est aut irrationale. hæc divisio de nulla specie animalis veré dicitur: sed tâtum alterum ejus membrum. Nam aliás videtur speciei inesse quicquid generi inest: per axioma quod extat in Categoriis, Quando alterum de altero dicitur ut de subiecto; tum quæcunq; de prædicato seu attributo dicuntur, eadem dicetur de subiecto. 3. axioma, Quæcunque generi non insunt, ea nec speciei insunt. Atq; hæc tria generis axiomata sunt, jam ad argumentationem á specie pertinent ista duo. 1. Quæcunque speciei insunt, ea etiam generi insunt. intellige, Ex parte: aliás falsum fuerit. non enim omne animal, rationale est: at omnis homo, rationalis est. 2. Quæcunq; speciei nō insunt, non necesse est generi non inesse. Atq; hæc Aristotelis de genere & specie axiomata sunt: extant etiam duo apud Quintil. libr. 5. cap. 10. quæ rotunda brevitate laudem merentur: unum, Species firmā probationem habet generis: nam quod justitia est, utiq; virtus est. Alterum, Species infirmam generis refutationem habet: nam quod non est justitia, potest esse virtus. Hæc Quintilianus de argumentatione á specie: atq; eadem brevitate comprehendi possunt duæ regulæ argumentandi á genere, illis de specie oppositæ: nempe, Genus infirmam probationem habet speciei: nam quod virtus est, nō statim justitia est. 2. Genus firmā generis refutationē ha-

bet: nam quod non est virtus, utique nec iustitia est. Atque hæc de argumentationibus à genere ad speciem, itemque à specie ad genus: restat ut deinceps aliquid dicamus de argumentationibus à specie ad speciem. Primum igitur certum est, de quo species affirmatur, de eo negari speciem diversam: ut, Socrates est homo: ergo non est equus. At non est necesse, ut de quo species aliqua negatur, de eo diversarum aliqua affirmetur: aut si aliqua affirmetur, ut affirmetur qualibet, ut non sequitur, Hoc quod vides, non est equus: ergo est asinus. potest enim fieri ut aut omnino non sit animal: aut si sit animal, tamen non sit asinus, sed bos aut aliud. Cum autem necesse est specierum duarum pluriusve aliquam inesse: tum ab affirmatione unius ad negationem alterius vel reliquarum, itemque à negatione unius ad affirmationem alterius, aut ad affirmationem disjunctam reliquarum, item à negatione reliquarum ad affirmationem unius quæ restat, firma consequentia est. ut, Socrates valet: ergo non ægrotat: & vicissim, non ægrotat: valet igitur. Sic, Rabirius non latuit, nec fuit cum Saturnino: ergo fuit cum consulibus. Cic. pro Rabir. Atqui videmus, ait, hæc in rerum natura tria fuisse: ut aut cum Saturnino esset, aut cum bonis, aut lateret. Latere autem, mortis erat instar turpissime: cum Saturnino esse, furoris & sceleris: virtus & honestas & pudor cum coss. esse cogebat. Sic Basilus lib. i. adversus Eunomium, explicans dictum Christi, Pater major me est: concludit, patrem Christo majorem esse ut causam, tali argumentatione. Majus dicitur aut ratione causæ, aut potentiæ, aut dignitatis, aut molis seu quantitatis. Atqui Pater nec mole, nec potentia, nec dignitate major est Christo: quæ singula suis prosyllogismis approbat. Relinquitur ergo ut major dicatur *ὡς αὐτὸς καὶ ἀρχή*, ut author & principium. Tali argumentatione probat Aristoteles lib. i. Ethic. cap. 5. Virtutem esse habitum. Primum ponit hanc specierum enumerationem: Virtus est necessarius aut affectus, aut potentia, aut habitus, Deinde assumit: Atqui virtus non est

est affectus, nec potentia. Atque ita concludit, virtutem esse habitum. Quo loco notandum, tales argumentationes nihil aliud esse quàm syllogismos disjunctos, de quibus lib. 2. infrà. *Exempla igitur specialia*] Exempli vocabulum interdum factum simile significat: interdum speciem suo generi ad ipsum declarandum subiectam. Atque eiusmodi species ab authore hic exemplum speciale appellari videtur: quàmquam exemplum quod subijcit, ad locum similitum potius pertinet: ducuntur enim in eo argumenta exhortationis à factis similibus. hortatur enim Pompejum Cicero, ne relinquat Romam metu adventantis Cæsaris: quia Romani urbem non deseruerint adventu Gallorum. Argumentum est ab exemplo, id est, facto simili Romanorum. Deinde fingitur Pompejus causam suam tueri exemplo, id est, simili facto Themistoclis, qui adventu Xerxis Athenas deseruit: deinde rursus Cicero opponit exempla, id est, similia facta duo: primum Periclis, qui Athenas non reliquit: secundum Romanorum, qui capta à Gallis urbe, Capitolium tamen retinuerunt.

## CAP. 28. DE DISTRIBUTIONE

*é subjectis.*

Reliqua distributio est quodammodo consentaneorum, ut subjectorum & adjunctorum. Distributio é subjectis est, cum partes sunt subiecta, ut apud Catul.

*Virginitas non tota tua est: ex parte parentum est:*

*Tertia pars matri data, pars data tertia patri:*

*Tertia sola tua est: noli pugnare duobus,*

*Qui genero sua jura simul cum dote dederunt.*

Sic Cicero 5. Tuscul. "Sint enim tria genera bonorum, ut jam à laqueis Stoicorum, quibus "



» usum me pluribus quàm soleo, intelligo, rece-  
 » damus. Sint sané illa genera bonorum, dum  
 » corporis & externa jaceant humi, & tantum-  
 » modo quia sumenda sunt, appellentur bona.  
 » Alia autem divina illa, longé latéq; se pandant,  
 » cælumque contingant; ut ea qui adeptus sit,  
 » cur eum beatum modó & non beatissimum  
 » dixerim?

*Sint enim tria genera*] Peripatetici distinxerunt bo-  
 » na in tria genera: quæ appellarunt bona animi, corporis  
 » & fortunæ. Animi, ut virtutes & scientiæ: corporis, ut sa-  
 » nitas, robur, pulchritudo: fortunæ, ut divitiæ, honores,  
 » amici: quas res illi, tanquam á fortuna quam deam fin-  
 » xerunt, darentur, sic appellarunt. Unde perspicitur, di-  
 » visionem hanc non esse satis logicam: quum membra  
 » non ex uno argumenti genere sumta sint: sed duo prio-  
 » ra é subjectis, tertium veró ex efficiente causa. Magis  
 » logica fortasse fuerit divisio hæc: Bona hominis aut in-  
 » terna sunt, aut externa. Interna, quæ homini inhaerent:  
 » eaque aut animi, aut corporis. Externa, quæ homini ad-  
 » hærent, eumque quasi circumstant: ut divitiæ, honores,  
 » amici: quæ á Peripateticis bona fortunæ dicta sunt. Ex-  
 » tat apud Platonein libro quinto de Legibus ad finem  
 » divisio, quæ cum divisione illa bonorum quam hic Ci-  
 » cero attingit, eadem videri possit: sed diversa est: sumta  
 » est enim é subjectis occupantibus seu objectis: & est di-  
 » visio non bonorum, sed studiorum humanorum. Quum  
 » » tria sint omnino, inquit, circa quæ universi homines stu-  
 » » dium suum collocant: ultimum ac tertium est, pecunia-  
 » » rum recté collocatum studium: medium autem, cor-  
 » » poris: primum veró, animi. Cicero lib. 1. Academ. quæst.  
 » philosophiam é subjectis occupantibus seu objectis sic  
 » » dividit: Fuit jam á Platone, inquit, accepta philosophan-  
 » » di ratio triplex: una de vita & moribus: altera de natura  
 » » & rebus occultis: tertia de differendo quid verum, quid  
 » falsum,

falsum, quid rectum in oratione pravumque, quid consentiens. Hæc Cicero. E subjectis recipientibus dividitur febris ad hunc modum, ut alia dicatur esse in spiritibus cordis, alia in humoribus, alia in solidis partibus seu in ipsa substantia cordis. prima appellatur ephemera, quia ferè diem tantum durat: altera putrida, propter humoris putredinem: tertia hectica, quasi dicas habitualis, eo quod ita penitus infederit & quasi radices in corde egerit, ut evelli aut profligari vix possit. E subjectis item recipientibus est divisio illa virtutum in Ethicis Aristotelis, qua distinguuntur in *ὁρεκτικὰς* & *διανοητικὰς*: quarum illæ in appetitu, hæ in intellectu inhaerent.

## CAP. 29. DE DISTRIBUTIONE

*ex adjunctis.*

“Distributio ex adjunctis est, quando partes sunt adjuncta: ut hominum alii sani, alii ægri; alii divites, alii pauperes. Sic Virgil. i. Georgic. mundum dividit in quinque partes, mediam torridam, duas extremas frigidas, & reliquas duas temperatas:

*Quinq; tenent calum Zone, quarum una corusco  
Semper solet rubens, & torrida semper ab igni:*

*Quæ circum extremae dextraeque levæque trahuntur,  
Ceruleæ glaciæ concretæ; atq; imbribus atris:*

*Has inter mediamq; duas mortalibus ægris*

*Munere concessa divum.--*

Cæsar i. belli Gal. Gallia est omnis divisa in partes tres, quarum unam incolunt Belgæ, aliam Aquitani, tertiam qui ipsorum lingua Celtae, nostra Galli appellantur.

*Distributio ex adjunctis*] Vulgo vocatur divisio subiecti in accidentia. Hujus generis est divisio illa peccati

in mortale & veniale. Mortale autem peccatum hic nominatur (ut intelligitur ex antithesi) quod aliás vocatur Irremissibile & peccatū ad mortem, cō quod mortem certissimam afferat. nam aliás quodvis peccatum mortale dici possit, quatenus sua natura mortem meretur, juxta dictum Pauli Rom. 6, 23. Stipendia peccati, mors. Mortale igitur peccatum dicitur, cui nulla unquam cōtingit venia: Veniale, cui venia contingit. De utroq; vide Matth. 12, vers. 31 & 32.

APPENDIX AD LOCUM DISTRIBUTIONIS.

QUUM ad bene differendum & hoc pertinere videatur, ut vocabulorum ambiguum significatio- nes diligenter distinguantur: ne nobis eveniat ut de ce- pis (quemadmodum in proverbio est) interrogati, de aliis respondeamus: utiliter præcepisse mihi videntur, qui de distinctione nominis *πολυσημία*, id est, ambigui, in sua significata admonuerunt. Ut autem *διχολομία* constet: sic illud distributionis genus huc assumemus, ut dicamus, distributionem esse aut nominis aut rei. Distributionem rei author persecutus est. Divisionis nominis exempla á quovis observari possunt. quales sunt illæ Theologorum: Libertas alia civilis, alia spiritalis est. Sic; Mors alia corporalis, alia spiritalis est: item, alia temporalis, alia æterna. Sic, cibus alius corporalis, alius spiritalis est.

CAP. 30. DE DEFINITIONE.

Definitio est cū explicatur quid res sit, "ea- que vicissim definito argui potest. Definitio est perfecta aut imperfecta: illa, propriè definitio: hæc, descriptio dicitur. Definitio perfecta, est definitio cōstans é solis causis essentiam constituentibus: quales causæ " genere & forma comprehenduntur. Atq; hoc modo definitur  
homo,

homo, animal rationale: nempe genere (animal) intelligimus (ut dictum est) essentiam corporalem plenam vitæ & sensus, quæ materies hominis est, & pars formæ: cum qua si addas (rationale) totam formam hominis comprehendes, vitæ, sensus, rationis facultate. Itaque perfecta definitio nihil aliud est, quàm universale symbolum causarum essentiam rei & naturam constituentium. Tales definitiones sunt artium: Grammatica est ars benè loquendi: Rhetorica benè dicendi: Dialectica benè differendi: Arithmetica benè numerandi: Geometria benè metiendi.

*Eaq, vicissim definito argui potest*] Quum definitio cum definito fit reciproca, valet argumentatio & à definitione ad definitum, & vicissim à definito ad definitionem: idque tum affirmando, tum negando. Definitionis autem usus ad declarandum quidem plurimus est: ad argumentandum verò ac demonstrandum per rarus. Cicero in Topicis hoc exemplum ponit: Jus civile (ait) est æquitas constituta illis qui ejusdem civitatis sunt, ad res suas obtinendas. Ejus autem æquitatis utilis est cognitio. Utilis est igitur juris civilis scientia. *Genere & forma*] Definitio omnis ex duabus constat partibus, genere & differentia. Genus, est prior definitionis pars, quæ de definito prædicatur in quæstione Quid est, sed imperfectè, id est, non reciprocè: ut, Quid est homo? Est animal. Quid est justitia? Est virtus. Differentia, est posterior definitionis pars, quæ generi addita, definitionem cõplet & absolvit: & de definito cum genere conjuncto prædicatur in quæstione Quale est. ut, Quale animal est homo? Rationale. Qualis virtus est justitia? Suum cuiq; tribuens. Vocatur differentia, quia per eam species definita à cæteris speciebus differt, à quibus aliàs ratione

generis non differt. Sumitur autem differentia ex variis argumentorum generibus seu locis. Interdum á forma: quæ ut omnium præstantissima, sic rarissima & inventu difficillima est: ut, Homo est animal rationale. Interdum á fine: ut, Musica est ars cauendi, Arithmetica est ars numerandi. Similiter definiuntur artes reliquæ. Interdum á subjecto: ut, Febris est calor præter naturam, accensus in corde. Interdum ab adjuncto: ut magnes est lapis trahens ferrum. Homo, est animal risibile: item, capax disciplinæ: item, præditum facultate loquendi: item, incedens erecto corpore. Interdum ab adjunctis pluribus: ut, Ignis est elementum calidum & siccum: aer est elementum calidum & humidum, &c. Relata definiuntur per correlata: ut pater est qui habet liberos: maritus, qui habet uxorem: præceptor, qui discipulum. Relationes definiuntur per utrumque relatum: ut conjugium est mariti & uxoris mutua obligatio ad procreandum liberos & adjuvandum: Emptio est precii pro merce promissio: Venditio est mercis pro precio promissio: Peccatum est actionis discrepantia á lege.

Porró modi definiendi duo sunt: vel enim definitio conficitur per genus summum & differentias generales ordine contextas uná cum specifica: vel per genus proximum & differentiam specificam. Exemplum prioris: Homo est substantia corporea, animata, sentiens, rationalis. Exemplum posterioris: Homo est animal rationale. Hic perspicitur, per priorem modum qui laboriosior est, veniri ad posteriorem. nam genus summum uná cum differentiis generalibus usque ad specificam, est definitio generis proximi: itaq; pro definitione nomen assumitur, ut prolixa definitio in brevem & succinctam contrahatur. Invenitur autem tum genus proximum, tum differentia ultima, id est, tota definitio, instrumēto divisionis: incipiendo á genere summo, & ordine progrediendo ad speciem definiendam. Itaq; primó omnium considerandum, in quo-nam ea res quam definire instituis, prædicamento seu summo rerum ge-

neris

nere sit: deinde per divisionem ordine procedendum. ut, Homo in quo prædicamento? Substantia: Homo enim est substantia quædam. Sed angelus etiam est substantia: quomodo igitur homo ab angelo differt? Divide genus: & reperiēs. Substantia igitur est vel corporea, vel incorporea. Angelus incorporea substantia est: at homo corporea. Sed lapis est etiam substantia corporea: quomodo igitur homo à lapide differt? Divide rursum: & videbis. Substantia corporea igitur est vel animata, vel inanimata. Lapis inanimatus est: at homo animatus. Sed arbores etiā animatæ sunt: quomodo igitur homo differt ab arboribus? Divide rursum: Corpus animatū est aut sentiens, aut nō sentiens: Arbores non sentiunt: homo sentit. Sed equus etiam sentit: quomodo igitur homo differt ab equo? Divide rursum: Ea quæ sentiunt, id est animalia, aut ratione prædita sunt, aut ratione carēt. Equus ratione caret: homo autem ratione præditus est. Jam quare, sitne animal aliud præter hominem, ratione præditum, à quo homo discernendus sit. Nullum reperiēs. Reperisti igitur hominis definitionē, id est, orationem qua & declaratur quid homo sit, & quomodo à cæteris rebus omnibus differat. Sic proponatur ad definiendum iustitia. Iustitia in quo prædicamento? Qualitatis. Iustitia enim est qualitas quædam. Sed color etiam est qualitas. Verum: sed passibilis: iustitia autem est habitus. At ars equitandi etiam est habitus. Verum: sed hærens in corpore: iustitia autem in anima. At sapientia etiam hæret in anima. Verum: sed in intellectu: iustitia autem in appetitu. At iniustitia etiam hæret in appetitu. Verum: sed est vitium: iustitia autem est virtus. At fortitudo etiam est virtus. Verum: sed circa eas res quæ terrorem nobis incutiunt: iustitia autem circa eas quæ alteri tribuendæ sunt. Estne ulla alia virtus quæ circa hæc res versetur? Nulla. Differt igitur iustitia hoc objecto à cæteris virtutibus omnibus: ac proinde invenisti iustitiæ definitionem, quod iustitia sit virtus suum cuique tribuas.

## CAP. 31. DE DESCRIPTIONE.

Descriptio est definitio ex aliis etiam argumentis re definiens: ut, Homo est animal mortale, capax discipline. Hic cum aliqua causa miscetur communis, itemque propria circumstantia. Atque hac succincta brevitudo non est in hac specie perpetua, sed sæpe illustriorem & magnificentiorem explicationem desiderat. Sic  
 » gloria describitur in Miloniana: Sed tamen ex  
 » omnibus præmiis virtutis, si esset habenda ratio præmiorum, amplissimum esse præmium,  
 » gloriam: hanc unam, quæ brevitatem vitæ, posteritatis memoria consolaretur, quæ efficeret  
 » ut absentes adessemus, mortui viveremus: hanc  
 » denique esse, cujus gradibus etiam homines in  
 » cælum videantur ascendere. Sic 4. Æneid. fama describitur:

*Ex templó Libye magnas it fama per urbes,  
 Fama malum, quo non aliud velocius ullum:  
 Mobilitate viget, viresq; acquirit eundo:  
 Parva metu primo, mox sese attollit in auras,  
 Ingrediturq; solo, & caput inter nubila condit.  
 Illam terra parens ira irritata Deorum  
 Extremam (ut perhibent) Cæo Enceladog; sororem*

*Progeniit: pedibus celerē, & pernicibus alis:  
 Monstrum horrendum, ingens, cui quot sunt  
 corpore pluma,  
 Tot vigilæ oculi subter (mirabile dictu)  
 Tot lingua, totidē ora sonāt, tot subrigit aures:  
 Nocte*

*Nocte volat cali medio, terraq; per umbram  
Stridens, nec dulci declinat lumina somno;  
Luce sedet custos, aut summi culmine tecti,  
Turribus aut altis, & magnas territat urbes:  
Tam ficti praviq; tenax, quàm nuntia veri.*

Tales sunt descriptiones plantarum, animalium, in Phycis: item fluminum, montium, urbium, in Geographis & historicis.

Nihil in hoc capite video quod vel illustrationis vel castigationis indigeat. Itaque tantum aliquot exempla descriptionum annotabo é sacris literis. Exod. 34. vers. 6 & 7. describitur Deus partim ab adjunctis, partim ab effectis. Jehova Jehova, Deus fortis, misericors & graciosus: longanimis, & multus benignitate ac fide: custodiens benignitatem millibus: condonans iniquitatem & defectionem & peccatum: qui ullo pacto non absolvit fontem: visitans iniquitatem patrum in filios & in filios filiorum, in nepotes & abnepotes. Sic Psal. 15. describitur vir pius ex effectis: *Qui ambulat integré, exercetque justitiam: ac loquitur veritatem, prout est in animo suo. Non obtrectat lingua sua, non afficit proximum suum malo: & opprobrium non infert in propinquum suum. In cujus oculis contemptus est reprobis, timentes veró Jehovæ honorat: Juratus in damnum suum non tamen mutat. Pecuniam suam non exponit sceno, & munus pro innocente non accipit. Sic Proverb. ult. describitur industria seu strenua mater familiars, ex effectis plurimis, partim etiam ex adjunctis. Fœminam strenuam quis inveniet, quâ longé superet carbunculos pretium ejus? Confidit ei animus mariti ejus, & spolia non deficiunt. Afficit eum bono, non autem malo, omnibus dieb. vitæ suæ. Quærit lanam aut lina, cõficitq; pro voluntate manuum suarum. Est similis navibus negotiatoris: é longinquo advehit cibum suum. Et surgens dum adhuc nox est, dat escam domui suæ, & pensum puellis suis.*



tat agrum, & accipit eum: de fructu manuum suarum plantat vineam. Accingit robore lumbos suos, & confirmat brachia sua. Ipsius gustantis, bonum esse mercimonium suum, non exinguitur noctu lucerna. Manus suas immittit ad verticulū, & manus ejus tenent fustum. Volam suam pandit pauperi, & manus suas extendit egeni. Non timet familiæ suæ a nive: nam tota familia ipsius vestitur penulis duplicibus. Cadurca parat sibi: xylum & purpureum, est vestimentum ipsius. Notus est in portis maritus ejus, cōsiders cum senioribus regionis. Sindonem conficit ac vendit, & cingulum quod tradit negotiatori. Robur & decor est vestitus ejus, & ridet ad tempora sequentia. Os suum aperit sapienter, & doctrina benignitatis insidet linguæ ejus. Speculatur rationes familiæ suæ, cibumque pigritiæ non comedit. Assurgentes filii ejus, beatam prædicant eam: maritus ejus similiter laudat eam, dicens, Multæ fœminæ fecerunt strenuè: tu verò superas omnes illas.

CAP. 32. DE TESTIMONIO  
*divino.*

“ Exposito artificiali argumento, sequitur inartificiale. Argumentum inartificiale est, quod non suanatura, “ sed assumpta artificialis alicujus argumenti vi arguit. Itaque cū exquisita rerū veritas subtilius exquiritur, “ per exiguam vim probationis habet: “ In civilibus autem & humanis rebus plerumque hoc argumentum præcipuam fidem é moribus arguentis efficit, “ si prudentia, virtus, & benevolentia adfuerint. Id uno nomine testimonium dicitur: “ estque divinum vel humanum.

num. In divinis testimoniis numerantur non solum "Deorum oracula, sed etiam" responsa vatum & fatidicorum: quæ omnia 3. Catilin. adhibentur.

"Nam ut illa omittam (ait Orator) visas nocturno tempore ab occidente faces, ardoremque cæli; ut fulminum jactus, ut terræ motus, cæteraque, quæ ita multa nobis Consulibus facta sunt, ut hæc, quæ nunc fiunt, canere Dii immortales viderentur. Deinde paulo post, Quo quidem tempore, cum Aruspices ex tota Hetruria convenissent; cædes atque incendia, & legum interitum, & bellum civile ac domesticum, & totius urbis ac imperii occasum appropinquare dixerunt, nisi Dii immortales omni ratione placati, suo numine propè fata illa flexissent.

Tandem cum dixisset ut ex Aruspicum responsis ludi facti, & Jovis signum majus factum conversumque ad orientem, tum ait: Illud verò, nonne ita præsens est, ut nutu Jovis optimi maximi factum esse videatur? ut cum hodierno mané per forum meo jussu & conjurati & eorum indices in ædem Concordiæ ducerentur, eo ipso tempore signum statueretur, quo collocato atque ad vos Senatūque converso, omnia & Senatus & vos (quæ erant contra salutem omnium cogitata) illustrata & patefacta vidistis. Brevius est illud Tibulli,

*Quod si vera canunt sacris oracula templis,  
 Hæc illi nostro nomine dicta refer:  
 Hoc tibi conjugium" promittit Delius ipse  
 Felix, ac alium desine velle virum.*

CAP. 33. DE TESTIMONIO HU-  
 mano legis & sententia.

"Testimonium humanum, est cōmune aut  
 proprium: commune, ut lex & illustris senten-  
 tia: legis autem & non scriptæ & scriptæ testi-  
 „ monium est pro Milone. Est enim (judices) nō  
 „ scripta, sed nata lex: quam non didicimus, acce-  
 „ pinus, legimus: verūm ex natura ipsa arripui-  
 „ mus, hausimus, expressimus: ad quam non do-  
 „ cti, sed facti; non instituti, sed imbuti sumus: ut  
 „ si vita nostra in aliquas insidias, si in vim, in te-  
 „ la, aut latronum, aut inimicorum incidisset;  
 „ omnis honesta ratio esset expediendæ salutis.  
 „ Et ibidem, Quod si duodecim tabulæ noctur-  
 „ num furem quoquo modo, diurnum autem si  
 „ se telo defenderit, interfici impuné voluerunt;  
 „ quis est, qui quoquo modo quis interfectus sit,  
 „ puniendum putet, cūm videat aliquando gla-  
 „ dium nobis ad occidendum hominem, ab ipsis  
 „ porrigi legibus? Sententiæ illustris sunt Pro-  
 verbia: ut, Pares cum paribus facillimé con-  
 gregantur. Spartam nactus es, hanc exorna.  
 Sunt item dicta sapientum, Nosce teipsum. Ne  
 quid nimis. Sponde, præsto est detrimentum.  
 Proprium testimonium est, ut Platonis illud, r.  
 ad

ad Quintum Fratrem: Atque ille quidem prin-  
ceps ingenii & doctrinæ Plato, tum deniq; fo-  
re beatas Respublicas putavit, si aut docti & sa-  
pientes homines eas regere cœpissent; aut qui  
regerent, omne suum studium in doctrina ac  
sapientia collocassent. Talia sunt in poëtis. 6.  
*Æneid.*

*Discite justitiam, moniti: & ne temnite divos.*  
Sic Homericoin illo versu:

(Αἶας δ' ὃν Σαλαμῖνος ἄγει δυνάμει δέκα νῆας.

*Ajax autem ex Salamine duxit duodecim na-  
ves.)*

Megarenenses victi sunt ab Atheniensibus. Vi-  
vorum testimonia sunt, nō tantū cūm quæ-  
ritur de fundo aut cede & ejusmodi negotio a-  
liquo; sed etiā obligationis, confessionis, juris-  
jurādi testimonia sunt. Obligationis exemplū  
est 5. Phil. Audebo etiam obligare fidem meā  
(P.C.) vobis populoque Romano; quod pro-  
fectō, cūm me nulla vis cogeret, facere non  
auderem, pertimesceremque in re maximē  
periculosa opinionem temeritatis: promitto,  
recipio, spondeo, (P.C.) Casarem talem sem-  
per fore civem, qualis hodie sit, qualemque e-  
um maximē velle & optare debemus. Pignus  
autem obligatio quædam est, ut apud Virgil.  
*Eclog. 3.*

*Vis ergo inter nos quid possit uterq;, vicissim  
Experiamur? ego hanc vitulam (ne fortē re-  
cuses,*

*Bis venit ad mulctram, binos alit ubere fœtus)*  
*Depono: tu dic, mecum quo pignore certes.*

Confessio, est libera vel expressa tormentis,  
 quæ propriè quæstio dicitur. Tale fuit argumē-  
 tū contra Milonē, quod à Cicerone deridetur.  
 „ Age veró, quæ erat aut qualis quæstio? Heus,  
 „ ubi Ruscio? ubi Casca? Clodi<sup>9</sup> insidias fecit Mi-  
 „ loni? Fecit. Certa crux. Nullas fecit. Sperata li-  
 „ bertas. Huc etiam referri potest argumentū,  
 quo utimur, cū affirmationis nostræ appro-  
 bationem experientiam proponimus. 4. Ver.  
 „ Ecquis Volcatio, si sua sponte venisset, unam li-  
 „ bellam dedisset? Veniat nunc, experiatur: tecto  
 „ recipiet nemo. Ter. Eunuch.

— *Fac periculum in literis,*

*Fac in palestra, fac in musicis; quæ liberum*  
*Scire æquum est adolescentem, solertem dabo.*

3. Trist.

*Quod magis ut liqueat, neve hoc ego fingere*  
*credar:*

*Ipsæ velim pœnas experiare meas.*

Iusjurandum etiam testimonium est: quale  
 est 6. Æncid.

*Per superos, & si qua fides tellure sub ima*  
*est,*

*Invitus, regina, tuo de littore cessi.*

Reciprocatio hîc obscurior est, ut quia te-  
 statum verum sit, testis sit etiam verax.

*Exposito artificiali*] Suprà in caput 2. admonuimus:  
 divisionē hanc argumenti, commodioribus verbis à Ci-  
 cerone nobis videri traditam: qui in Partitionibus ora-  
 toriis

toris argumentum dividit in insitum & assumtum: Haftenus igitur de insitis: sequitur de assumtis: quod genus argumentorum uno nomine testimonium dicitur.

Nos hunc locum paulo accuratius persequemur: eo quod maximus illius in sacra Theologia usus sit. Theologi enim est, quicquid docet, testimoniis divinis sacrarum literarum confirmare. Et sicut ille Juris consultus agebat, Erubescimus sine lege loqui: sic merito Theologus erubescat sine Scriptura loqui. Testimonium igitur est argumentum extrinsecus ad quaestionis conjunctae veritatem demonstrandam assumtum. Ex qua definitione perspicitur: testimonii usum non esse ut caeterorum argumentorum, duplicem: videlicet partim ad declarandum quaestionem simplicem, partim ad demonstrandum quaestionem conjunctam: sed unicum hunc posteriorem usum in testimonio locum habere. Testimoniis enim nihil aliud agimus, quam ut veritatem dictorum confirmemus.

Porro testimonium quatuor modis dividi potest: nimirum ab efficiente, a forma, a subjectis, & ab adjunctis. Primum igitur a causa efficiente, id est, ab iis qui testantur, testimonium aut divinum est, aut humanum. Divinum, quod Deum authorem habet. Estque aut verè divinum, aut quasi divinum. Verè divinum, quod verum Deum authorem habet: estque vel immediatum, vel mediatum. Immediatum, quo Deus hominibus non per alios homines, sed modo aliquo singulari & inusitato, aliquid testatur. Quales modi narrantur in sacris literis varii: ut apparitiones Dei, factae primis hominibus, quarum forma non indicatur, sed tantum narratur, Deum cum iis colloquutum esse: ut cum Adamo, Heva, Caino, Noacho, &c. Item apparitiones angelorum: quales factae sunt Abrahamo, Jacobo & aliis. Item somnia *θεόπνευστα καὶ μαρτυρεῖ*, id est, divinitus immissa & vaticinia continētia: qualia fuerunt Iosephi, Pharaonis & aliorum. Item visiones seu visa, *ὁράματα*: qualia objecta sunt prophetis, Esaię, Jere-

miæ, Ezechieli, Danieli & aliis. Item χρηματισμός, divinum responsum seu oraculum: quale accepisse legitur Elias, Rom. 11, 4. Magi, Matth. 2, 12. Symeon, Luc 2, 6. Item Urim & Thummim, per quæ respondit Deus consulentibus magistratibus in aggrediendis negotiis arduis, ut bellis: vide Exod. 28, 30. & 1. Sam. 28, 6. Item sortes: per quas Deus testatur aut facti latentis atque occulti veritatem, aut suam de re facienda voluntatem, summe de re iudicium. Prioris generis fuit fors qua patefactum est furtum Achanis, Jos. 7. item qua patefacta est fuga Jonæ. Posterioris generis fuit fors qua Matthias electus est in Apostolū, Act. 1. Mediatum testimoniū verē divinum, est quo Deus per suos servos, immediatē à se vocatos, voluntatem suam aliis hominibus patefacit. Cujusmodi sunt quæ Deus per Prophetas & Apostolos Ecclesiæ patefecit: idque tum viva voce, tum scripto. Sic Noc jussu Dei testatus est fore diluvium. Huc pertinent scripta Prophetica & Apostolica, seu libri Prophetarum & Apostolorum. Et quidem Prophetarum testimoniorum divinitatem testatur Petrus, 2. Pet. 1. circa

„ finem, Et habemus, inquit, firmissimum sermonē pro-

„ pheticum: cui rectē facitis quod attendatis, velut lucer-

„ næ splendenti in obscuro loco, usque dū dies illucescat,

„ & lucifer exoriatur in cordibus vestris. Si illud primū

„ noveritis, nullam prophetiam Scripturæ esse propriæ

„ explicationis. Non enim libidine hominis allata est o-

„ lim prophetia: sed acti à Spiritu sancto, loquuti sunt san-

„ cti Dei homines. Et Paulus 2. Tim. 3, 16. Tota scriptura,

inquit, divinitus est inspirata. Hinc est, quod Apostoli, atque etiam Christus ipse, Prophetarum testimoniis frequenter usi sunt. Atque hoc testimonii genus præcipuū in Ecclesia usum habet. Hoc enim firmissimum, idque unicum argumentum est quo doctrinæ Christianæ capita seu fidei Christianæ articuli confirmantur. Atque hæc de testimonio verē divino. Testimonium quasi divinum, est quod fictitiū aliquem Deum authorem habet, vel potius ipsum diabolum: aut vero Deo falso affingitur.

tur. Hujus generis sunt ethnicorum oracula: ut oracula Apollinis, Delphicum, Dodonæum. item aliæ id genus superstitiones: ut augurium, aruspicina, similesque divinationes superstitiolæ & testimonio divino damnatæ. Levit. 19. Atque hæc de testimonio divino. Humanum testimonium est quod hominem authorem habet: estq; aut prudens aut temerarium. Prudens, quod cum ratione & judicio conjunctum est: & est aut liberum aut expressum. Liberum testimonium est, quod quis cum judicio, nulla vi coactus, nulla spe illectus, nullaque temeritate impulsus profert. Expressum testimonium est, quod quis cū judicio quidem, sed aut sensu doloris adactus, aut metu incommodorum impulsus, aut commodorum spe illectus profert: ut sunt confessiones eorum qui in tormentis, quum quæstio de ipsis habetur, aliquid confitentur: item quæ homines confitentur mortuini aut promissis. Temerariū testimonium est quod quis sine judicio aut consilio, naturæ quodam impulsu profert: ut sunt ea quæ dicuntur à perturbatis, à fatuis, ab ebriis, à dormientibus, à parvis pueris. Atque hæc prima testimonii divisio est.

Secundó à forma, testimonium omne aut verbis continetur aut factis. Verba autem quibus testimonium continetur, aut pronunciata sunt aut scripta. Deus primis mundi temporibus loquutus est cum sanctis hominibus, loquendoque testatus de sua erga ipsos omnesq; pios voluntate: quæ verba postea literis (quas inde sacras dicimus) madata sunt. Ad scripta testimonia etiam pertinent leges humanæ, senatus consulta, magistratuum edicta, syngraphæ, apochæ: item libri philosophorum, oratorum, poetarum, historicorum. Ad testimonia quæ factis continentur, pertinent hæc exempla. Actor. 14, 17. ait Paulus ad Lytrenses: Quanquam non passus est “ (Deus) se esse expertem testimonii, nobis benefaciendo: “ dans nobis cælitus pluvias ac tempora fructifera, im- “ plens cibo & lætitia corda nostra. Roman. 1, 18. Palam “ est ira Dei é cælo adversus omnē impietatem & injusti- “



» tiam hominum, qui veritatem injuste detinent: quonia  
 » id quod de Deo cognosci potest, manifestum est in i-  
 » psis: Deus enim eis manifestum fecit: Ipsius enim invisi-  
 » bilia, dum ex rebus conditis intelliguntur, ex creatione  
 » mundi perspiciuntur, æterna videlicet ejus tum poten-  
 » tia tum divinitas: ad hoc ut sint ipsi inexcusabiles. Huc  
 pertinent poenę divinæ quibus inde ab initio mundi ge-  
 nus humanum propter scelera afflictum fuit: ut diluviū,  
 excidium Sodomiticum, excidium Hierosolymorum,  
 &c. Illis enim poenis Deus suū adversus peccata odium  
 testatum hominibus facere voluit. Huc pertinent &  
 ethnicorum auguria, aliæque superstitione divinatio-  
 nes: persuaserunt enim sibi superstitioni homines, Deum  
 suam de rebus gerendis voluntatem, aut gestorum me-  
 moriam, aut eventurorum præsentionem testari certis  
 factis quę vani homines confinxerant: ut per avium vo-  
 latum, garritum aut pastum, similesque nugas. Hinc il-  
 lud Virg. Eclog. 1. *Sape sinistra caeca prædixit ab ilice*  
*cornix.* Hoc genus testimonii quum irrisisset P. Claudius,  
 divinitus ideo punitus esse à Cicerone traditur lib. 2. de  
 » Nat. deor. Nihil nos, inquit Lucilius, P. Claudii bello Pu-  
 » nico primo temeritas movebit? qui etiam per jocū deos  
 » irridēs, quum cavea liberati pulli non pascerentur: mer-  
 » gi eos in aquam jussit, ut biberent, quoniam esse nollēt.  
 » Qui risus classe devicta multas ipsi lachrymas, magnam  
 » populo Rom. cladē attulit. Hęc Cicero. Hujus loci sunt  
 » & gestus. Et si enim gestus ad locū effectorum referri pos-  
 sunt, quatenus ab iis arguitur animi affectio: tamen quū  
 gestibus quasi loquantur homines: (certē prout diver-  
 sa loquuntur ac sentiunt, aut saltem sentire videri vo-  
 lunt, diversos etiam gestus adhibent) non incommodē  
 etiam hic eis locus datur. Sic vultus iracundus testatur  
 animum iratum, vultus blānus animum benevolū. Nec  
 vultus iracundus semper animi irati, aut blandus bene-  
 voli effectum est: quum ira & benevolentia aliique ani-  
 mi affectus sæpe vultu simulentur: ita ut hujusmodi te-  
 stimonia in hominibus fallacia sunt. unde illud apud  
 Virgil.

*Cic. 1. de le-  
 gib. Oculi  
 nimis argu-  
 ti, quemad-  
 modū ani-  
 mo affecti  
 sumus, lo-  
 quuntur.*

Virgil. de *Ænea* lib. 4. *Æne.* Spem vultu simulat, premit altum corde dolorē. Hujus loci sunt etiam ritus & ceremoniæ. Sic donatione annuli in sponſalibus teſtatur ſponſus, ſe ſuã obligare ſponſæ fidem: & ſponſa illius acceptione teſtatur, ſe quoq; ſuã fidẽ obligare (põſo. unde is annulus vocatur Germanis *Traßring*, quaſi dicas fidei annulus: id eſt, teſtãs de fide à ſponſo & ſponſa ultro citroq; data. Sic datur & fides porrectione man<sup>9</sup>: (quod Germani vocant, *die Handtreß*) id eſt, fit promiſſio, q̃ teſtatur de voluntate promittentis. Sic traditione glebæ traditur alicujus agri proprietas ſeu dominiũ: hoc eſt, is qui glebam alteri tradit, hoc ipſo ritu ſeu ceremonia teſtatur ſuã de ſuo agro voluntatem, quod ſcilicet eum alteri tradere & relinquere velit, ut is poſthac illius dominus ſit. Sic erectione trium digitorum fit juſjurandũ. Sic porrectione ſeu potiũs elevatione manuum ferebãt veteres Græci ſuffragia: id eſt, teſtabantur ſuã de aliquo in magiſtratum eligendo voluntatẽ: qui ritus inde Græcis *χρεονία* dictus eſt, id eſt manuum extenſio ſeu (ut Cicero vocat) porrectio. Apud Romanos verò duobus aliis modis ſuffragia ferebant, videlicet viva voce aut tabellis in quibus ſuam ſententiam ſcribebant: quem utrumque modum Cicero notat *Agrar. 2.* Sic Apoſtoli miniſtros Eccleſiæ ordinabant manuum impoſitione: imponentes nimirũ manus eorum capitibus, eaque ceremonia teſtantes, ſe eum quem initiabant, offerre Deo in miniſterium: ſicut olim in V. T. offerebãtur ad ſacrificium & conſecrabantur à ſacerdotibus pecudes antequam maſtarentur. Huc tota lex Moſis ceremonialis pertinet: Illis enim ceremoniis, præcipuẽ ſacrificiis & ſacramentis, Deus ſuã erga populum voluntatem & ſuum de vero ſui cultu judicium atque ſententiã teſtatus eſt: populus autem viciffim ſuam in Dei promiſſiones fidem, ſuamque erga ejus mandata obedientiam eiſdem ceremoniis teſtatus eſt. Huc pertinent & ſacramenta novi teſtamenti. Huc etiam reduci poſſunt eæ ipſæ res quæ in ceremoniis ad teſtandum adhibentur: ut pi-

gnora, ut ipse annulus sponsalitijs, ut nummus quem  
 heræ ancillis dant quum eas conducunt: qui nummus  
 vocatur *Gottspfening*, quasi dicas Dei nummus, qua-  
 si Deus testis invocatus sit quum daretur. Atque hæc de  
 testimonijs quæ facto constant: de quibus & hoc obser-  
 vandum, raró ea nuda reperiri, sed plerunque cum ver-  
 bis conjuncta. Sic Zeno manu demonstrare solebat, quid  
 inter Dialecticam & Rhetoricam interesset. Nam quum  
 compresserat digitos, pugnumque fecerat: Dialecticam  
 aiebat ejusmodi esse. Quum autem diduxerat, & manum  
 dilataverat: palmæ illius similem eloquentiam esse di-  
 cebat. Cic. in Oratore. Ita Lycurgus Lacedæmoniorum  
 legislator facto demonstravit, quantam esse vim judicaret  
 educationis puerorum. Duos enim canes eadem matre  
 natos, sed quorum alter ad venatum, alter ad delicias e-  
 ducatus fuerat, in medium forum produxit: & lepore  
 atque olla carniū plena illis proposita, utrumque vin-  
 culis dimisit: ubi evestigio alter in ollam insiliit, alter ve-  
 ró leporem insectatus est. Ibi tum Lycurgus orationem  
 de vi educationis puerilis ad populum habuit. Plutarch.  
 de puerorum educat. Hæc utriusque testimonij conjun-  
 ctio in vaticinijs prophetarum frequentissima fuit. Actor.  
 21, 11. Agabus sumsit zonam Pauli, & vinctis sibi pedi-  
 bus ac manibus, dixit: Hæc dicit Spiritus sanctus, Virum  
 cujus est hæc zona, ita vincient in Hierusalem Judæi,  
 tradentque in manus gentium. Ejusmodi vaticinia plu-  
 rima extant in Jeremia, non pauca in Ezechiele, nonnulla  
 etiā in reliquis prophetis. Eadem conjunctio est in Sacramen-  
 tis: Sacramenta enim promissioni Evangelij annexa sunt  
 & appensa, tanquam figillum literis. Atque hæc de secunda  
 testimonij divisione satis dicta sint: quam ideo à forma  
 sumtam dicimus: quia is qui testatur, quatenus testatur,  
 vel dicit vel facit quidpiam: atque ita dicendo vel agen-  
 do testatur.

Tertia divisio sumitur ab objectis seu occupantibus  
 subjectis: qua ratione testimonium aut promissio est,  
 aut confessio. Promissio (sub qua continetur & commi-  
 natio)

natio) est testimonium de testantis volūtatē. Hujus generis sunt Evangelium & Sacramenta. Confessio, est testimonium de testantis mente: & est aut judicii, aut memoriæ. Confessio judicii, est qua quis indicat suum de re judicium. Cōfessio memoriæ, est qua quis exponit quod se vidisse, audivisse, aliōve sensu percepisse meminit. unde testes alii oculati, alii auriti nominantur. Notum est enim illud ē Plauti Truculento, Pluris est oculatus testis unus, quā auriti decem. Sub confessione judicii continentur leges, proverbia, dicta sapientum, apophthegmata prudentum, placita philosophorum, præceptiones seu regulæ artium: item supplicia martyrum. Sub confessione memoriæ continentur omnia testimonia de facto aut re alia sensu percepta. Hujus igitur generis sunt testimonia Apostolorum de Christi dictis, factis, afflictionibus. Atque hæc tertia testimonii divisio est.

Quarta & postrema sumitur ab adjuncto quodam, nempe a circumstantia jurisjurandi. Testimoniū enim aut est cum jurejurando, aut sine jurejurando. Jurisjurandi exempla extant, Genes. 9. & 22. Esa. 54. Ezech. 16 & 33. Hebr. 6.

Atque hæc testimonii divisiones sunt: restat ut consideremus, quam singula in argumentando vim atque auctoritatem habeant. Tradimus igitur hæc axiomata. I. Quicquid Deus testatur, id verum esse necesse est. nam testimonii divini indubitata & irrefragabilis est auctoritas. Deus enim est ὁ θεός, qui mentiri ac fallere non potest, quippe quum sit ipsa veritas. Itaque hoc principium principiorum est & axioma summum. Hæc testimonii divini auctoritatem exaggerat & cōmendat Apostolus Hebr. 6, vers. 17 & 18. Hæc autē omnia de Deo vero & testimonio verē divino intelligēda sunt. nam dii qui apud ethnicos oracula ediderunt, non fuerūt dii, sed diaboli. Unde oracula ista erant λόγὰ καὶ ἐπεμφοτερήσονται, obliqua (id est, flexiloqua) & quæ quis in utramque partem interpretari possit. Cujusmodi est illud, Aio, te Æacida Romanos vincere posse. hic enim dubium est,

Æacidés ne Romanos, an Romani Æacidé vincere possint. Tale est & illud Cræso responsum, κροῖσος Ἁλυν διαβὰς, μεγάλην δύναμιν καταλύσῃ: id est, Cræsus Halyn penetrans, magnam dissolvit opum vim. hic enim dubium est, hostiumne an suam ipsius potentiam Cræsus dissoluturus sit.

II. Quod homo testatur, quatenus homo, præsertim si testetur de rebus divinis & ad hominis salutem æternam pertinentibus, id propterea verum esse necesse nõ est: quia omnis homo mendax. Quare non sequitur, si de doctrina Christiana quæstio sit; Augustinus aut Cyprianus aut alius patrum hoc dixit: Ergo verum est. Potuerunt enim illi, quum homines fuerint, nec immediatè à Deo ad docendum vocati, erratè. Dixi autem in axioma, *Quatenus homo*, propter eos qui testantur nõ ut homines, id est ex seipsis; sed ut servi Dei, immediatè à Deo ad testandum vocati. Hinc prophete in vaticinia & conciones suas sic præfatur, Verbum Domini factum est ad me. Itè, Sic dicit Dominus. Deinde dixi, *Non propterea*, id est propter testimonium hominis: quia propter aliam causam potest esse necessariò verum, nempe propter testimonium divinum. Observandum est autè hoc axioma contra Pontificios, qui subinde argumenta ducunt ab authoritate sanctorum patrum, id est scriptorum Ecclesiasticorum qui sacras literas interpretati sunt & commentarios de doctrina Christiana scripserunt: ut fuerunt Tertullianus, Augustinus, Hieronymus, Ambrosius, Cyprianus, Irenæus, Cyrillus, Chrysostomus, &c. Sic hodie multi si non verbis & expressè, certè re ipsa & in animo suo argumentantur ab authoritate Lutheri in controversia de cœna Domini. Sed hic dicta Cypriani & Augustini atque Hieronymi, contra hominum in Ecclesiæ doctrina authoritatem observanda sunt. Sic olim Pythagoræi argumentabantur ab authoritate præceptoris sui Pythagoræ: qua de re Cicero lib. i. de Nat. deor. sic scribit: Non tã, inquit, authores in disputando, quàm rationis momèta querenda sunt. quin etiam obest ple-

runque

runque iis qui discere volunt, authoritas eorū qui se do-  
cere profitentur. desinunt enim suum iudicium adhibe-  
re: id habent ratum quod ab eo quem probant, iudicatū  
vident. Nec verō probare soleo id, quod de Pythagoreis  
accepimus: quos ferunt, si quid affirmarent in disputan-  
do, quum ex eis quæreretur, quare ita esset, respondere  
solitos. Ipse dixit. *Ipse* autem, erat Pythagoras. Tantū  
opinio prejudicata poterat, ut etiam sine ratione valeret  
authoritas. Hæc Cicero. Rectius Pythagoreis Horatius  
in arte poet. quum ait: *Nullius in verba*  
*magistri.*

III. Quod vir bonus de re sensu percepta testatur, ma-  
ximè verō quod homo pius: id verum esse probabile est.

IIII. Quod homo malus ac impius, maximè si inutilis  
sit, de re sensu percepta testatur: id verum esse probabile  
non est.

V. Quod se judicare testantur aut omnes homines,  
aut plerique, aut sapientes, aut experti: id in rebus quidē  
humanis ac naturalibus, ita se habere probabile est. Atq;  
sic ferè Aristoteles τὸ ἐνδεχόμενον, id est probabile, definit lib.  
1. Top. cap. 1. Hinc & illud, Artifici in sua arte credendū,  
Hinc Plato conductores sacræ aræ, modum & formam  
ejus, secum sermone cōferre conatos, ad Euclidem Ge-  
omet. ire iussit: ait Valer. Max. lib. 8. cap. 13. Sic Q.  
Scævola Jurisconsultus quotiescunque de jure pratorio  
consulebatur: ad Furium & Cassellium, quia huic scien-  
tiæ dediti erant, consultores rejiciebat: ait idem ibid.  
Sic Apelles pictor nobilissimus quum à sutore reprehē-  
sus esset, quod in crepidis Veneris una intus pauciores  
fecisset anas, vitium illud emendavit. Sed quum poste-  
ro die idem ille sutor superbè ob emendationem pristinæ  
admonitionis cavillaretur circa crus: indignatus Apel-  
les prospexit (post tabulam enim latens auctultabat) de-  
nunciavitque, ne supra crepidam sutor judicaret. quod  
& ipsum in proverbium venit. Plin. lib. 35, cap. 10. Et Va-  
lerius Max. paucis attingit loco allegato. Huic similli-  
mum est quod refert (teste Erasmo in adagio, Ne sutor

ultra crepidam) Athenæus. Stratonicus citharædus fabro secum de musica contendenti, Non sentis, inquit, te ultra malleum loqui? Eodem pertinet quod Plinii nepos in epistolis scripsit: de artificio non rectè judicare quenquam, nisi & ipsum artificem: quodque primo Ethicorū libro dixit Aristoteles; earum rerum unumquemque judicem esse idoneum quarum sit eruditus: & quod idem scripsit lib. 2. physicor. cæcum disputare de coloribus. Quæ verba etiam in proverbium abierunt, quoties quispiam de rebusignotis disputat. Ad eandem sententiam referendum, quod ait Fabius pictor apud Quintilianum: felices futuras artes, si soli artifices de iis judicarent. Hæc Erasmus loco citato.

V I. Quod quis aut vi coactus, aut minis impulsus, aut promissis illectus testatur, id verum esse probabile non est.

VII. Quod testantur pueri & ebrii & fatui, probabile est: Hinc proverbium Germanicum, *Kind, narren, und Volle leut, sagen gern die Wahrheit.* Et de ebriis dicitur proverbio Latino, In vino veritas. item, Quod cogitat sobrius, loquitur ebrius. Cum quo consentit illud Horatii, de ebrietate inter alia dicentis, Operta recludit.  
 » Et Cicero in Topicis ait: Pueritia, somnus, imprudentia,  
 » vinolentia, insania, ejus generis sunt ex quibus falsissime  
 » verum auditur.

Atque hæc nostra de testimonii loco sententia est: deinceps annotemus quæ ad textum illustrandum aut etiam castigandum pertinent. *Sed assumpta*] Videtur author alludere ad appellationem Ciceronis, qui quæ ab Aristotele ἀρετῶν, id est inartificialia, argumenta dicta sunt, assumpta nominat. Verum Cicero non ideo assumpta vocat, quod vim alicujus artificialis argumenti assumant: sed quod ipsa extrinsecus ad quæstionem explicandam assumantur, non autem ex ipsa quæstione eruantur: sicut insita. *Per exiguam vim probationis habet*] Hoc non est verum καὶ ἀπὸ παντὸς, id est, de omni testimonio. nam testimonium verè divinum, probationis vim habet maximam.

ximam. *In ciſilibus*] Ut in cauſſis judicialibus & forenſibus, quum quæſtio eſt de facto, an ſcilicet reus hoc vel illud fecerit aut dixerit. Item in deliberationibus & conſiliis, quum quæritur, quid agendum ſit. *Si prudentia, virtus, benevolentia*] Hæc diſtinguenda ſunt. nam quum quæſtio eſt de facto, ſpectatur propriè virtus ſeu probitas atque integritas: prudentiæ non admodum ratio habetur: benevolentia autem etiam teſtimonii authoritatem minuit, ſi de ſcelere amici aut ejus cui bene cupis, teſtimonium dicere debeas. In conſiliis verò ſpectatur tum prudentia, tum benevolentia. Quid autem in teſtimonio ſpectatur, ſi quæſtio ſit de rerum natura? Tū ſpectatur teſtantis ingenium & eruditio. Hinc Cicero Platonem philoſophorum deum vocat: item divinum. *Eſtque divinum vel hum.*] Diviſio ſumta eſt è cauſſis efficientibus. nam divinum appellatur quod Deum: humanum quod hominem authorem habet. *Deorum oracula*] Apud Chriſtianos autem Dei veri oracula, in ſacris literis deſcripta. Oraculum eſt ore Dei pronunciata vox. *Reſponſa vatum*] Chriſtianorum vates prophetæ appellantur Græco nomine, quòd futura prædicant: ab inuſitato verbo *πρόφημι*, prædico. Similiter apud Latinos Vates dictus videtur quaſi Fates, à fando. Fatidicus autem, qui fata & decreta deorum interpretatur. *Nam ut illa omittam*] Conjuratorem Catilinæ teſtimoniis divinis detectam fuiſſe ait: quorum tria genera exponit, primùm oſtenta meteora, deinde reſponſa aruſpicum, poſtremò neſcio quam divinam patetfactionem poſt collocatum Jovis ſimulachrum. *Promittit Delius*] Notatur teſtimonii ſpecies, promiſſio: ei oppoſita eſt confeſſio: ut ſuprà explicavimus. *Teſtimonium hum. eſt tum lex*] Hoc non eſt καθόλου πᾶντων: nam eadem teſtimonii ſpecies in teſtimonium quoque divinum cadunt. Sunt enim divina: leges, in ſacris literis, præcipuè à Moſe deſcriptæ: ſunt & divina: illuſtres ſententiæ, ut Proverbia Salomonis: ſimiliter ſunt divina: cujuſdam facti teſtationes; ut miracula: quæ ideo in



Scripturis signa appellantur, quod testimonia divina sint veritatis doctrinæ eorum per quorum manum ceduntur.

FINIS.

IN P. RAMI DIALECTI-  
CES LIBRVM SECVNDVM  
QUI EST DE JUDICIO,

ANIMADVERSIONES JOAN.  
*Piscatoris Argentinensis.*

CAP. I. QUID JUDICIUM.

**A**D HUC prima Dialecticæ artis pars fuit, in Inventione: pars altera sequitur, in Judicio. Judicium, est secunda pars Logicæ de disponendis argumentis ad bene judicandum: certa enim dispositionis regulâ unumquodque judicatur: unde hæc pars Logicæ, & judicium & dispositio pro eodem dicitur.

*De disponendis argumentis]* Quid argumenti vocabulo intelligat author, vide lib. 1, cap. 2. Non enim intelligit ut vulgò, solas probationes, id est rationes quatenus adhibentur ad probandum & fidem faciendum rei dubiæ: sed in genere quasvis Logicas rerum inter se

comparationes; seu potius res aut notiones ipsas, quatenus altera cum altera logicé comparatur: ut caussa cum effecto, & vicissim: subjectum cum adjuncto, & vicissim: sic dissentanea inter se, comparata inter se, &c. *Et judicium & dispositio*] Dispositio, proprié: judicium, per metonymiam effecti: quia judicium ex dispositione nascitur.

CAP. 2. DE AXIOMATIS AFFIRMATIONE ac negatione.

Judicium, est<sup>r</sup> axiomaticum vel dianoëticum. Axioma est dispositio<sup>r</sup> argumenti cum argumento, qua esse aliquid aut non esse judicatur. Latine enunciatum, enunciatio, pronuntiatum, pronuntiatio, effatum dicitur. Axioma, est<sup>r</sup> affirmatum aut negatum: affirmatum, quando<sup>r</sup> vinculum ejus affirmatur: negatum, quando negatur. Hinc nascitur<sup>r</sup> axiomaticum contradictio, quando<sup>r</sup> idem axioma affirmatur & negatur.

*Axiomaticum*] Id est, enunciati. Sic autem appellavit, quia enunciatum á Græcis Dialecticis, Cicerone teste, nominatum fuit ἀξίωμα, id est, postulatum. nam ἀξίω postulare significat. Unde miror, Ciceronem hoc nomen Latine reddidisse Enunciatum, enunciationem, pronuntiatum, pronuntiationem, effatum: quum nullum horum vocabulorum vim Græci nominis ἀξίωμα exprimat: sed potius nominis ἀπὸφανσις, quo Aristoteles ad rem propositam significandam utitur. Nisi fortasse ἀξίωμα potius tanquam á nomine ἀξίος, id est dignus, deductum, hic accipiendum sit: quomodo accepisse apparet D. Sturmium, qui pronuntiatum honorarium vertit.

*Partit. Dialect. li. 3, c. 3.*

Et certé Euclides in suis Elementis inter ἀξιώματα & αἰτήματα distinguit: quorum hæc Latini postulata, illa veró nomine Græco retento axiomata nominare solét. Quæ significatio si admittitur, tum vocem axiomatis per synecdochen speciei hîc usurpari fatendû erit: quippe quód proprié non quamvis affirmationem aut negationem significet, sed talem quæ propter illustrem veritatem digna sit cui fides habeatur. Dianoëticum veró iudicium vocavit: quia διάνοια Aristoteles vocat, rationis discûrsus quo illa unum ex altero deducit, aut unum alteri cōvenienter annectit: quorum illud in syllogismo, hoc autem in methodo facit. *Arguments cum arg.*] κατὰ χρῆσιν loquitur: pro, res cum re, vel notio cum notione, vel vocabulum cum vocabulo: vel (ut vulgò cum Aristotele loquuntur) terminus cum termino. *Quæ esse*] Non tantûm Esse, ut quando verbum substantivum est καὶ ἡγορέμενον: sed etiam, Hoc esse illud, vel tale: ut quando verbum substantivum est copula. Itaque malim definitionem authoris pristinam, Enuntiatum est dispositio qua argumentum de argumêto enuntiat: id est, affirmatur aut negatur. *Latine enuntiatum*] Appellationes hæc omnes Ciceronis sunt: Aristoteles ἀπόφανσιν vocat & πρότασιν: vulgus in scholis, propositionem. Sed propositionem noster author specialiter nominat primum enuntiatum syllogismi, quod vulgo propositio major dicitur. *Affirmatum aut*] Hæc prima est enuntiati divisio, à forma: Enûtiatum omne, aut affirmans aut negans est. Vulgò dicunt; Propositio omnis, aut affirmativa aut negativa est. *Affirmatum*] Malim appellare affirmans, item negans: quia ipsum enuntiatum non affirmatur, nec negatur: sed aut affirmat, aut negat: affirmatur autem & negatur enuntiati consequens de antecedente, aut cum eo: de eo, in enuntiato simplici: cum eo, in composito. *Vinculum*] Quod in enuntiato quidem simplici est verbum substantivum: in composito veró conjunctio Grammatica. Estq; enûtiati velut forma: pars autem antecedens & pars consequens,

quens, instar materiæ sunt. Non autem semper exprimitur vinculum in simplici enuntiato, sed sæpé latet in verbo: ut, Ignis urit, hoc est, Ignis est quiddam urens. *Hinc*] Nempe ex affirmationis & negationis oppositione; quum altera alteri opponitur. *Axiomatum*] Hoc dicit respiciens ad contradictionem argumētorum, de qua lib. I. cap. 16. Quanquam revera contradictio non nisi axiomatum seu enuntiatorum est. nam quæ contradicentia appellantur libro primo, ea tum demū contradicere alterum alteri intelliguntur, quando utrumq; de re eadem affirmatur: ut, Homo est animal, Homo est non animal. hæc duo axiomata sibi mutuo contradicunt, quoniam in iis de una eademque re affirmantur contradicentia. Nec differt illud genus contradictionis ab eo de quo hîc agitur, nisi forma loquēdi: quod enim illic affirmatur *ἐκ μεταθέσεως*, per transpositionem adverbii negandi: ut, Homo est non animal: id hîc simpliciter & plané negatur: ut, Homo non est animal. *Idem axioma*] Id est, ejusdem axiomatis consequens de ipsius antecedēte: ut, Corpus Christi est ubique, Corpus Christi non est ubique. item, Si corpus Christi hypostaticé unitum est deitati, est ubique: Non si corpus Christi hypostaticé unitum est deitati, idcirco ubique est. Consentit definitio Aristotelis De interp. cap. 4. ubi ait, *καὶ ἔστω τὸτο ἀντίφασις, κατὰ φασιν καὶ ἀπόφασιν αἱ ἀντικειμένα.* id est, Et esto hoc cōtradictio, affirmatio & negatio oppositæ, hoc est, quarum altera alteri est opposita.

## CAP. 3. DE VERO ET FALSO.

"Axioma deinde est verum aut falsum: verum, quando pronuntiat uti res est: falsum, cōtrā. Axioma verum, est" contingens aut necessarium. Contingens, quando sic verum est, ut aliquando falsum esse possit: ut,

*Audentes fortuna juvat.--*

Fac enim, id esse hodie verum: cras falsum esse poterit: itaque veritatis hujus contingentis judicium, opinio dicitur: "quæ præteritorum & præsentium homini certa esse potest, "futurorum per naturam non admodum potest, quamvis Deo tempora omnia præsentia sint. Itaque Martialis Priscum meritò cavilatur:

*Sape rogare soles, qualis sim, Prisce, futurus,  
Si siam locuples, siq, repente potens.*

*Quenquam posse putas mores narrare futuros?  
Dic mihi, si fias tu leo, qualis eris?*

Necessarium, quando semper verum est, nec falsum potest esse: & illud affirmatum appellatur  $\chi\tau^1 \pi\alpha\nu\tau\epsilon\varsigma$ , "de omni. Impossibile contra, quod de nullo unquam verum esse potest. Axiomata artium sic  $\chi\tau^1 \pi\alpha\nu\tau\epsilon\varsigma$  esse debent, sed præterea homogenea & catholica. "Axioma homogeneum est, "quando partes sunt essentielles inter se: "ut forma formato, subjectum proprio adjuncto, genus speciei. Id appellatur  $\kappa\alpha\theta' \alpha\upsilon\tau\eta$ , per se. Axioma "catholicum est, quando consequens semper verum est de antecedente, non solum omni & per se, sed etiam reciprocè: ut, homo est animal rationale: numerus est par vel impar: lupo est natus ad ululandum. id appellatur  $\kappa\alpha\theta' \alpha\upsilon\tau\eta \omega\varsigma \pi\alpha\nu\tau\epsilon\varsigma$ , "universaliter primum. Tres hæ sunt "leges documentorum artis priorum: prima  $\chi\tau^1 \pi\alpha\nu\tau\epsilon\varsigma$  lex veritatis: secunda  $\kappa\alpha\theta' \alpha\upsilon\tau\eta$  lex justitiæ: tertia  $\kappa\alpha\theta' \alpha\upsilon\tau\eta \omega\varsigma \pi\alpha\nu\tau\epsilon\varsigma$  lex sapientiae

scientiæ dicatur. Atque ejusmodi axiomatum ita catholicorum judicium verissima & prima scientia est.

*Axioma deinde*] Hæc secunda enunciati divisio, ab adjunctis sumta est, iisque propriis. Soli enim enunciationi, id est, affirmationi aut negationi, propriè inest veritas aut falsitas. *Contingens aut*] Hæc divisio non est reciproca: quia convenit etiam enunciato falso. Est igitur generalis divisio enunciati; non autem specialis, enunciati veri. Contingens verum, est quod sic verum est, ut aliquando falsum esse possit: Contingens falsum, quod sic falsum est, ut aliquando verum esse possit. Necessarium verum, est quod semper verum, nunquam falsum est: Necessarium falsum, quod semper falsum est, nunquam verum. Hoc postremum speciali vocabulo nominatur impossibile: ejus verò oppositum, appellatur vocabulo generali necessarium. *Quæ præteritorum*] Opinio omnis, quatenus opinio, incerta est: opinari enim dicitur, qui non certò scit, sed dubitat. *Futurorum per naturam.*] Hinc illud in scholis tritum, Futurorum contingentium non est determinata veritas. ubi notandum, omnia futura à Deo certò sciri: ab hominibus autem ea tantum quæ à Deo prædicta sunt. Ideo ait author, Per naturam. quasi dicat: At per patefactionem divinam, futurorum certa scientia est. Hinc Jobus, Scio, inquit, me hac pelle mea iterum circumdatum iri, & visurum Deum oculis meis, me inquam & non alium. *De omni*] At hoc ipsum quod hîc author affirmat de necessario enunciato, non videtur verum de omni: sed tantum de generali seu universali: ut, Omne animal sentit. De speciali autem, sive infinito, sive proprio, non videtur verum: ut, Quoddam animal est rationale, Socrates est homo. Verum hæc quoque videntur admittere appellationem κατὰ πάντος: si & infinitum certa specie definiatur, & individuum ex adjunctis dividatur: ut, Quoddam animal (nempe homo)

» tiam hominum, qui veritatem injuste detinent: quoniã  
 » id quod de Deo cognosci potest, manifestum est in i-  
 » psis: Deus enim eis manifestum fecit: Ipsius enim invisi-  
 » bilia, dum ex rebus conditis intelliguntur, ex creatione  
 » mundi perspiciuntur, æterna videlicet ejus tum poten-  
 » tia tum divinitas: ad hoc ut sint ipsi inexcusabiles. Huc  
 » pertinent pœnæ divinæ: quibus inde ab initio mundi ge-  
 » nus humanum propter scelera afflictum fuit: ut diluviũ,  
 » excidium Sodomiticum, excidium Hierosolymorum,  
 » &c. Illis enim pœnis Deus suũ adversus peccata odium  
 » testatum hominibus facere voluit. Huc pertinent &  
 » ethnicorum auguria aliaque superstitiosæ divination-  
 » nes: persuaserunt enim sibi superstitiosi homines, Deum  
 » suam de rebus gerendis voluntatem, aut gestorum me-  
 » moriam, aut eventurorum præsentionem testari certis  
 » factis quæ vani homines confinxerant: ut per avium vo-  
 » latum, garritum aut pastum, similesque nugas. Hinc il-  
 » lud Virg. Eclog. 1. *Sæpe sinistra cava prædixit ab ilice*  
 » *cornix.* Hoc genus testimonii quum irrisisset P. Claudius,  
 » divinitus ideo punitus esse à Cicerone traditur lib. 2. de  
 » Nat. deor. Nilil nos, inquit Lucilius, P. Claudii bello Pu-  
 » nico primo temeritas movebit? qui etiam per jocũ deos  
 » irridēs, quum cavea liberati pulli non pascerentur: mer-  
 » gi eos in aquam jussit, ut biberent, quoniam esse nollēt.  
 » Qui risus classe devicta multas ipsi lachrymas, magnam  
 » populo Rom. cladē attulit. Hęc Cicero. Hujus loci sunt  
 » & gestus. Etsi enim gestus ad locũ effectorum referri pos-  
 » sunt, quatenus ab iis arguitur animi affectio: tamen quũ  
 » gestibus quasi loquantur homines: (certe prout diver-  
 » sa loquuntur ac sentiunt, aut saltem sentire videri vo-  
 » lunt, diversos etiam gestus adhibent) non incommodẽ  
 » etiam hũc eis locus datur. Sic vultus iracundus testatur  
 » animum iratum, vultus blãdus animum benevolũ. Nec  
 » vultus iracundus semper animi irati, aut blandus bene-  
 » voli effectum est: quum ira & benevolentia alique ani-  
 » mi affectus sæpe vultu simulentur: ita ut hujusmodi te-  
 » stimonia in hominibus fallacia sunt. unde illud apud  
 » Virgil.

*Cic. 1. de le-  
 gis. Oculi  
 nimis argu-  
 ti, quemad-  
 modũ ani-  
 mo affecti  
 sumus, lo-  
 quuntur.*

Virgil. de *Ænea* lib. 4. *Æne.* Spem vultu simulat, premit altum corde dolorē. Hujus loci sunt etiam ritus & ceremoniæ. Sic donatione annuli in sponsalibus testatur sponsus, se suā obligare sponsæ fidem: & sponsa illius acceptione testatur, se quoq; suā fidē obligare (sponso. unde is annulus vocatur Germanis *Traßring*, quasi dicas fidei annulus: id est, testās de fide à sponso & sponsa ultro citroq; data. Sic datur & fides porrectione man<sup>9</sup>: (quod Germani vocant, *die Handtreß*) id est, fit promissio, q̄ testatur de voluntate promittentis. Sic traditione glebæ traditur alicujus agri proprietas seu dominiū: hoc est, is qui glebam alteri tradit, hoc ipso ritu seu ceremonia testatur suam de suo agro voluntatem, quod scilicet eum alteri tradere & relinquere velit, ut is posthac illius dominus sit. Sic erectione trium digitorum fit iusjurandū. Sic porrectione seu potiūs elevatione manuum ferebāt veteres Græci suffragia: id est, testabantur suā de aliquo in magistratum eligendo voluntatē: qui ritus inde Græcis *χρηστωσία* dictus est, id est manuum extensio seu (ut Cicero vocat) porrectio. Apud Romanos verò duobus aliis modis suffragia ferebant, videlicet viva voce aut tabellis in quibus suam sententiam scribebant: quem utrumque modum Cicero notat *Agrar. 2.* Sic Apostoli ministros Ecclesiæ ordinabant manuum impositione: imponentes nimirū manus eorum capitibus, eaque ceremonia testantes, se eum quem initiabant, offerre Deo in ministerium: sicut olim in V. T. offerebātur ad sacrificium & consecrabantur à sacerdotibus pecudes antē quā mactarentur. Huc tota lex Moſis ceremonialis pertinet: Illis enim ceremoniis, præcipuē sacrificiis & sacramētis, Deus suā erga populum voluntatem & suum de vero sui cultu iudicium atque sentētiā testatus est: populus autem vicissim suā in Dei promissiones fidem, suamque erga ejus mandata obedientiam eisdem ceremoniis testatus est. Huc pertinent & sacramenta novi testamenti. Huc etiam reduci possunt et ipsæ res quæ in ceremoniis ad testandum adhibentur: ut pi-



gnora, ut ipse annulus sponsalitijs, ut nummus quem  
 hæræ ancillis dant quum eas conducunt: qui nummus  
 vocatur *Gottspfennig*, quasi dicas Dei nummus, qua-  
 si Deus testis invocatus sit quum daretur. Atque hæc de  
 testimonijs quæ factò constant: de quibus & hoc obser-  
 vandum, rarò ea nuda reperiri, sed plerunque cum ver-  
 bis conjuncta. Sic Zeno manu demonstrare solebat, quid  
 inter Dialecticam & Rhetoricam interesset. Nam quum  
 compresserat digitos, pugnumque fecerat: Dialecticam  
 aiebat ejusmodi esse. Quum autem diduxerat, & manum  
 dilataverat: palmæ illius similem eloquentiam esse di-  
 cebat. Cic. in Oratore. Ita Lycurgus Lacedæmoniorum  
 legislator factò demonstravit, quantam esse vim judicaret  
 educationis puerorum. Duos enim canes eadem matre  
 natos, sed quorum alter ad venatum, alter ad delicias e-  
 ducatus fuerat, in medium forum produxit: & lepore  
 atque olla carniū plena illis proposita, utrumque ē vin-  
 culis dimisit: ubi evestigio alter in ollam insiliit, alter ve-  
 rò leporem insectatus est. Ibi tum Lycurgus orationem  
 de vi educationis puerilis ad populum habuit. Plutarch.  
 de puerorum educat. Hæc utriusque testimoniij conjun-  
 ctio in vaticinijs prophetarum frequentissima fuit. Actor.  
 21, II. Agabus sumit zonam Pauli, & vincit sibi pedi-  
 bus ac manibus, dixit: Hæc dicit Spiritus sanctus, Virum  
 cujus est hæc zona, ita vincient in Hierusalem Judæi,  
 tradentque in manus gentium. Ejusmodi vaticinia plu-  
 rima extant in Jeremia, non pauca in Ezechiele, nonnulla  
 etiā in reliquis prophetis. Eadē cōjunctio est in Sacramen-  
 tis: Sacramenta enim promissioni Evangelij annexa sunt  
 & appensa, tanquam sigillum literis. Atque hæc de secunda  
 testimoniij divisione satis dicta sint: quam ideo à forma  
 sumtam dicimus: quia is qui testatur, quatenus testatur,  
 vel dicit vel facit quidpiam: atque ita dicendo vel agen-  
 do testatur.

Tertia divisio sumitur ab objectis seu occupantibus  
 subjectis: qua ratione testimonium aut promissio est,  
 aut confessio. Promissio (sub qua continetur & commi-  
 natio)

natio) est testimonium de testantis volūtate. Hujus generis sunt Evangelium & Sacramenta. Confessio, est testimonium de testantis mente: & est aut judicii, aut memoriæ. Confessio judicii, est qua quis indicat suum de re judicium. Cōfessio memoriæ, est qua quis exponit quod se vidisse, audivisse, aliōve sensu percepisse meminit. unde testes alii oculati, alii auriti nominantur. Notum est enim illud é Plauti Truculento, Pluris est oculatus testis unus, quàm auriti decem. Sub confessione judicii continentur leges, proverbia, dicta sapientum, apophthegmata prudentum, placita philosophorum, præceptiones seu regulæ artium: item supplicia martyrum. Sub confessione memoriæ continentur omnia testimonia de facto aut re alia sensu percepta. Hujus igitur generis sunt testimonia Apostolorum de Christi dictis, factis, afflictionibus. Atque hæc tertia testimonii divisio est.

Quarta & postrema sumitur ab adjuncto quodam, nempe à circumstantia jurisjurandi. Testimoniū enim aut est cum jurejurando, aut sine jurejurando. Jurisjurandi exempla extant, Genes. 9. & 22. Esa. 54. Ezech. 16 & 33. Hebr. 6.

Atque hæc testimonii divisiones sunt: restat ut consideremus, quam singula in argumentando vim atque auctoritatem habeant. Tradimus igitur hæc axiomata. I. Quicquid Deus testatur, id verum esse necesse est. nam testimonii divini indubitata & irrefragabilis est auctoritas. Deus enim est ὁ θεός, qui mentiri ac fallere non potest, quippe quum sit ipsa veritas. Itaque hoc principium principiorum est & axioma summum. Hæc testimonii divini auctoritatem exaggerat & cōmendat Apostolus Hebr. 6, vers. 17 & 18. Hæc autē omnia de Deo vero & testimonio verē divino intelligēda sunt. nam dii qui apud ethnicos oracula ediderunt, non fuerūt dii, sed diaboli. Unde oracula ista erant λόγὰ καὶ ἐπιμφοτερῶντα, obliqua (id est, flexiloqua) & quæ quis in utramque partem interpretari possit. Cujusmodi est illud, Aio, te Æacida Romanos vincere posse. hūc enim dubium est,

Æacidēs ne Romanos, an Romani Æacidē vincere possint. Tale est & illud Cræso responsum, κροῖσος Ἀλυν διαβὰς, μεγάλην δύναμιν κατέλυσε: id est, Cræsus Halyn penetrans, magnam dissolvit opum vim. hic enim dubium est, hostiumne an suam ipsius potentiam Cræsus dissoluturus sit.

II. Quod homo testatur, quatenus homo, præsertim si testetur de rebus divinis & ad hominis salutem æternam pertinentibus, id propterea verum esse necesse nō est: quia omnis homo mendax. Quare non sequitur, si de doctrina Christiana quæstio sit; Augustinus aut Cyprianus aut alius patrum hoc dixit: Ergo verum est. Potuerunt enim illi, quum homines fuerint, nec immediatē à Deo ad docēdum vocati, errare. Dixi autem in axioma, *Quatenus homo*, propter eos qui testantur nō ut homines, id est ex seipsis; sed ut servi Dei, immediatē à Deo ad testandum vocati. Hinc prophete in vaticinia & conciones suas sic præfantur, Verbum Domini factum est ad me. Itē, Sic dicit Dominus. Deinde dixi, *Non propterea*, id est propter testimonium hominis: quia propter aliam causam potest esse necessariō verum, nempe propter testimonium divinum. Observandum est autē hoc axioma contra Pontificios, qui subinde argumenta ducūt ab authoritate sanctorum patrum, id est scriptorum Ecclesiasticorum qui sacras literas interpretati sunt & commentarios de doctrina Christiana scripserunt: ut fuerunt Tertullian⁹, Augustinus, Hieronymus, Ambrosius, Cyprianus, Irenæus, Cyrillus, Chrysostom⁹, &c. Sic hodie multi si non verbis & expressē, certē re ipsa & in animo suo argumentantur ab authoritate Lutheri in controversia de cœna Domini. Sed hic dicta Cypriani & Augustini atque Hieronymi, contra hominum in Ecclesiæ doctrina authoritatem observanda sunt. Sic olim Pythagoræi argumentabantur ab authoritate præceptoris sui Pythagoræ: qua de re Cicero lib. 1. de Nat. deor. sic scribit: Non tā, inquit, authores in disputando, quā rationis momēta querenda sunt. quin etiam obest ple-

runque

runque iis qui discere volunt, authoritas eorū qui se docere profitentur. desinunt enim suum iudicium adhibere: id habent ratum quod ab eo quem probant, iudicatum vident. Nec verō probare soleo id, quod de Pythagoreis accepimus: quos ferunt, si quid affirmarent in disputando, quum ex eis quæreretur, quare ita esset, respondere solitos. Ipse dixit. *Ipse* autem, erat Pythagoras. Tantū opinio præjudicata poterat, ut etiam sine ratione valeret authoritas. Hæc Cicero. Rectiūs Pythagoreis Horatius in arte poët. quum ait: *Nullus assuetus jurare in Verba magistri.*

III. Quod vir bonus de re sensu percepta testatur, maxime verō quod homo pius: id verum esse probabile est.

IIII. Quod homo malus ac impius, maxime si inutilis sit, de re sensu percepta testatur: id verum esse probabile non est.

V. Quod se judicare testantur aut omnes homines, aut plerique, aut sapientes, aut experti: id in rebus quidē humanis ac naturalibus, ita se habere probabile est. Atque sic ferē Aristoteles τὸ ἐνδοξον, id est probabile, definit lib. 1. Top. cap. 1. Hinc & illud, Artifici in sua arte credendū, Hinc Plato conductores sacræ aræ, modum & formam ejus, secum sermone cōferre conatos, ad Euclidem Geometria ire iussit: ait Valer. Max. lib. 8. cap. 13. Sic Q. Scævola Jurisconsultus quotiescunque de jure pratorio consulebatur: ad Furium & Cassellium, quia huic scientiæ dediti erant, consultores rejiciebat: ait idem ibid. Sic Apelles pictor nobilissimus quum à sutore reprehensus esset, quod in crepidis Veneris una intus pauciores fecisset anfas, vitium illud emendavit. Sed quum postero die idem ille sutor superbē ob emendationem pristinæ admonitionis cavillaretur circa crus: indignatus Apelles prospexit (post tabulam enim latens auscultabat) denunciavitque, ne supra crepidam sutor judicaret. quod & ipsum in proverbium venit. Plin. lib. 35, cap. 10. Et Valerius Max. paucis attingit loco allegato. Huic simillimum est quod refert (teste Erasmo in adagio, Ne sutor

ultra crepidam) Athenæus. Stratonicus citharædus fabro secum de musica contendenti, Non sentis, inquit, te ultra malleum loqui? Eodem pertinet quod Plinii nepos in epistolis scripsit: de artificio non rectè judicare quenquam, nisi & ipsum artificem: quodque primo Ethicorū libro dixit Aristoteles; earum rerum unumquemq; judicem esse idoneum quarum sit eruditus: & quod idem scripsit lib. 2. physicor. cæcum disputare de coloribus. Quæ verba etiam in proverbium abierūt, quoties quispiā de rebus ignotis disputat. Ad eandem sententiam referendum, quod ait Fabius pictor apud Quintilianum: felices futuras artes, si soli artifices de iis judicarent. Hæc Erasmus loco citato.

V I. Quod quis aut vi coactus, aut minis impulsus, aut promissis illectus testatur, id verum esse probabile non est.

VII. Quod testantur pueri & ebrii & fatui, probabile est: Hinc proverbium Germanicum, *Kind, narren, vnd volles leut, sagen gern die & warheit*. Et de ebriis dicitur proverbio Latino, In vino veritas. item, Quod cogitat sobrius, loquitur ebrius. Cum quo consentit illud Horatii, de ebrietate inter alia dicentis, Operta recludit.  
 » Et Cicero in Topicis ait: Pueritia, somnus, imprudentia,  
 » vinolentia, insania, ejus generis sunt ex quibus falsissime  
 » verum auditur.

Atq; hæc nostra de testimonii loco sententia est: deinceps annotemus quæ ad textum illustrandum aut etiam castigandum pertinent. *Sed assumpta*] Videtur author alludere ad appellationem Ciceronis, qui quæ ab Aristotele ἀρετῶν, id est inartificialia, argumenta dicta sunt, assumpta nominat. Verum Cicero nō ideo assumpta vocat, quod vim alicujus artificialis argumenti assumāt: sed quod ipsa extrinsecus ad quæstionem explicandam assumantur, nō autem ex ipsa quæstione eruantur: sicut insita. *Perexiguam vim probationis habet*] Hoc non est verum κατὰ πᾶν, id est, de omni testimonio. nam testimonium verè divinum, probationis vim habet maximam.

ximam. *In civilibus*] Ut in caussis judicialibus & forensibus, quum quæstio est de facto, an scilicet reus hoc vel illud fecerit aut dixerit. Item in deliberationibus & consiliis, quum quæritur, quid agendum sit. *Si prudentia, virtus, benevolentia*] Hæc distinguenda sunt. nam quum quæstio est de facto, spectatur propriè virtus seu probitas atque integritas: prudentiæ non admodum ratio habetur: benevolentia autem etiam testimonii auctoritatem minuit, si de scelere amici aut ejus cui bene cupis, testimonium dicere debeas. In consiliis verò spectatur tum prudentia, tum benevolentia. Quid autem in testimonio spectatur, si quæstio sit de rerum natura? Tū spectatur testantis ingenium & eruditio. Hinc Cicero Platonem philosophorum deum vocat: item divinum. *Estque divinum vel hum.*] Divisio sumta est e caussis efficientibus. nam divinum appellatur quod Deum: humanum quod hominem autorem habet. *Deorum oracula*] Apud Christianos autem Dei veri oracula, in sacris literis descripta. Oraculum est ore Dei pronunciata vox. *Responsa vatum*] Christianorum vates prophetæ appellantur Græco nomine, quod futura prædicant: ab inusitato verbo *πρόφημι*, prædico. Similiter apud Latinos Vates dictus videtur quasi Fates, à fando. Fatidicus autem, qui fata & decreta deorum interpretatur. *Nam ut illa omittam*] Conjuratorem Catilinæ testimoniis divinis detectam fuisse ait: quorum tria genera exponit, primum ostenta meteora, deinde responsa aruspicum, postremo nescio quam divinam patetactionem post collocatum Jovis simulachrum. *Promittit Delius*] Notatur testimonii species, promissio: ei opposita est confessio: ut supra explicavimus. *Testimonium hum. est tum lex*] Hoc non est *καθόλου πᾶντων*: nam eadem testimonii species in testimonium quoque divinum cadunt. Sunt enim divinæ leges, in sacris literis, præcipue à Mose descriptæ: sunt & divinæ illustres sententiæ, ut Proverbia Salomonis: similiter sunt divinæ cujusdam facti testationes; ut miracula: quæ ideo in

Scripturis signa appellantur, quod testimonia divina sint veritatis doctrinae eorum per quorum manum eduntur.

FINIS.

IN P. RAMI DIALECTI-  
CES LIBRVM SECVNDVM

QUI EST DE JUDICIO,

ANIMADVERSIONES JOAN.  
*Piscatoris Argentinensis.*

CAP. I. QUID JUDICIUM.

**A**D HUC prima Dialecticæ artis pars fuit, in Inventione: pars altera sequitur, in Judicio. Judicium, est secunda pars Logicæ de disponendis argumentis ad bene judicandum: certa enim dispositionis regulâ unumquodque judicatur: unde hæc pars Logicæ, & judicium & dispositio pro eodem dicitur.

*De disponendis argumentis*] Quid argumenti vocabulo intelligat author, vide lib. 1. cap. 2. Non enim intelligit ut vulgò, solas probationes, id est rationes quatenus adhibentur ad probandum & fidem faciendum rei dubiæ: sed in genere quasvis Logicas rerum inter se

COM.

comparationes; seu potius res aut notiones ipsas, quatenus altera cum altera logicé comparatur: ut causa cum effecto, & vicissim: subjectum cum adjuncto, & vicissim: sic dissentanea inter se, comparata inter se, &c. *Et judicium & dispositio*] Dispositio, proprié: judicium, per metonymiam effecti: quia judicium ex dispositione nascitur.

CAP. 2. DE AXIOMATIS AFFIRMATIONE ac negatione.

Judicium, est "axiomaticum vel dianoëticum. Axioma est dispositio" argumenti cum argumento, "qua esse aliquid aut non esse judicatur." Latine enunciatum, enunciatio, pronuntiatum, pronuntiatio, effatum dicitur. Axioma, est "affirmatum aut negatum: affirmatum, quando "vinculum ejus affirmatur: negatum, quando negatur. "Hinc nascitur" axiomatum contradictio, quando "idem axiomata affirmatur & negatur.

*Axiomaticum*] Id est, enunciati. Sic autem appellavit, quia enunciatum á Græcis Dialecticis, Cicerone teste, nominatum fuit ἀξίωμα, id est, postulatum. nam ἀξίω postulare significat. Unde miror, Ciceronem hoc nomen Latine reddidisse Enunciatum, enunciationem, pronuntiatum, pronuntiationem, effatum: quum nullum horum vocabulorum vim Græci nominis ἀξίωμα exprimat: sed potius nominis ἀπὸφανσις, quo Aristoteles ad rem propositam significandam utitur. Nisi fortasse ἀξίωμα potius tanquam á nomine ἀξίος, id est dignus, deductum, hic accipiendum sit: quomodo accepisse apparet D. Sturmium, qui pronuntiatum honorarium vertit.

*Partit. Dialectic. li. 3, c. 3.*



Et certé Euclides in suis Elementis inter ἀξιώματα & αἰτήματα distinguit: quorum hæc Latini postulata, illa verò nomine Græco retento axiomata nominare solét. Quæ significatio si admittitur, tum vocem axiomatis per synecdochen speciei hîc usurpari fatendū erit: quippe quód proprié non quamvis affirmationem aut negationem significet, sed talem quæ propter illustrem veritatem digna sit cui fides habeatur. Dianoëticum verò iudicium vocavit: quia διάνοιαν Aristoteles vocat, rationis discûrsus quo illa unum ex altero deducit, aut unum alteri cōvenienter annectit: quorum illud in syllogismo, hoc autem in methodo facit. *Arguments cum arg.*] κατὰ χρῆσιν loquitur: pro, res cum re, vel notio cum notione, vel vocabulum cum vocabulo: vel (ut vulgò cum Aristotele loquuntur) terminus cum termino. *Quæ esse*] Non tantūm Esse, ut quando verbum substantivum est καὶ ὑπορούμενον: sed etiam, Hoc esse illud, vel talé: ut quando verbum substantivum est copula. Itaque malim definitionem authoris pristinam, Enuntiatum est dispositio qua argumentum de argumēto enuntiatur: id est, affirmatur aut negatur. *Latine enuntiatum*] Appellationes hæc omnes Ciceronis sunt: Aristoteles ἀπόφανσιν vocat & πρότασιν: vulgus in scholis, propositionem. Sed propositionem noster author specialiter nominat primum enuntiatum syllogismi, quod vulgò propositio major dicitur. *Affirmatum aut*] Hæc prima est enuntiati divisio, à forma: Enūtiatum omne, aut affirmans aut negans est. Vulgò dicunt; Propositio omnis, aut affirmativa aut negativa est. *Affirmatum*] Malim appellare affirmans, item negans: quia ipsum enuntiatum non affirmatur, nec negatur: sed aut affirmat, aut negat: affirmatur autem & negatur enuntiati consequens de antecedente, aut cum eo: de eo, in enuntiato simplici: cum eo, in composito. *Vinculum*] Quod in enuntiato quidem simplici est verbum substantivum: in composito verò conjunctio Grammatica. Estq; enūtiati velut forma: pars autem antecedens & pars consequens,

quens, instar materiæ sunt. Non autem semper exprimitur vinculum in simplici enuntiato, sed sæpè latet in verbo: ut, Ignis urit, hoc est, Ignis est quiddam urens. *Hinc*] Nempe ex affirmationis & negationis oppositione; quum altera alteri opponitur. *Axiomatum*] Hoc dicit respiciens ad contradictionem argumentorum, de qua lib. I. cap. 16. Quanquam revera contradictio non nisi axiomatum seu enuntiatorum est. nam quæ contradicentia appellantur libro primo, ea tum demum contradicere alterum alteri intelliguntur, quando utrumque de re eadem affirmatur: ut, Homo est animal, Homo est non animal. hæc duo axiomata sibi mutuo contradicunt, quoniam in iis de una eademque re affirmantur contradicentia. Nec differt illud genus contradictionis ab eo de quo hîc agitur, nisi forma loquendi: quod enim illic affirmatur ἐκ μεταθέσεως, per transpositionem adverbii negandi: ut, Homo est non animal: id hîc simpliciter & planè negatur: ut, Homo non est animal. *Idem axioma*] Id est, ejusdem axiomatis consequens de ipsius antecedente: ut, Corpus Christi est ubique, Corpus Christi non est ubique. item, Si corpus Christi hypostaticè unitum est deitati, est ubique: Non si corpus Christi hypostaticè unitum est deitati, idcirco ubique est. Consentit definitio Aristotelis De interp. cap. 4. ubi ait, καὶ ἐστὶ τὸ αὐτὸ ἀντίφασις, κατὰ φασιν καὶ ἀπόφασιν αἱ ἀντικείμεναι. id est, Et esto hoc cōtradiçtio, affirmatio & negatio oppositæ, hoc est, quarum altera alteri est opposita.

### CAP. 3. DE VERO ET FALSO.

"Axioma deinde est verum aut falsum: verum, quando pronuntiat uti res est: falsum, cōtrā. Axioma verum, est" contingens aut necessarium. Contingens, quando sic verum est, ut aliquando falsum esse possit: ut,

*Audentes fortuna juvat.--*

Fac enim, id esse hodie verum: cras falsum esse poterit: itaque veritatis hujus contingentis judicium, opinio dicitur: "quæ præteritorum & præsentium homini certa esse potest, "futurorum per naturam non admodum potest, quamvis Deo tempora omnia præsentia sint. Itaque Martialis Priscum meritò cavilatur:

*Sape rogare soles, qualis sim, Prisce, futurus,  
Si sîam locuples, sîq<sub>3</sub> repenti potens.*

*Quenquam posse putas mores narrare futuros?  
Dic mihi, si fias tu leo, qualis eris?*

Necessarium, quando semper verū est, nec falsum potest esse: & illud affirmatum appellatur  $\chi\tau' \pi\alpha\nu\tau\acute{o}\varsigma$ , "de omni. Impossibile cōtrā, quod de nullo unquam verum esse potest. Axiomata artium sic  $\chi\tau' \pi\alpha\nu\tau\acute{o}\varsigma$  esse debent, sed præterea homogenea & catholica. "Axioma homogeneum est, "quando partes sunt essentielles inter se: "ut forma formato, subiectum proprio adjuncto, genus speciei. Id appellatur  $\kappa\alpha\theta' \alpha\upsilon\tau\acute{o}$ , per se. Axioma "catholicum est, quando consequens semper verum est de antecedente, non solum omni & per se, sed etiam reciprocè: ut, homo est animal rationale: numerus est par vel impar: lupo est natus ad ululandum. id appellatur  $\kappa\alpha\theta\acute{o}\lambda\omicron\varsigma \omega\sigma\tau\acute{o}\nu$ , "universaliter primum. Tres hæ sunt "leges documentorum artis priorum: prima  $\chi\tau' \pi\alpha\nu\tau\acute{o}\varsigma$  lex veritatis: secunda  $\kappa\alpha\theta' \alpha\upsilon\tau\acute{o}$  lex iustitiæ: tertia  $\kappa\alpha\theta\acute{o}\lambda\omicron\varsigma \omega\sigma\tau\acute{o}\nu$  lex sapientiae

pienxiæ dicatur. Atque ejusmodi axiomatum ita catholicorum judicium verissima & prima scientia est.

*Axioma deinde*] Hæc secunda enunciati divisio, ab adjunctis sumpta est, iisque propriis. Soli enim enunciationi, id est, affirmationi aut negationi, propriè inest veritas aut falsitas. *Contingens aut*] Hæc divisio non est reciproca: quia convenit etiam enunciato falso. Est igitur generalis divisio enunciati; non autem specialis, enunciati veri. Contingens verum, est quod sic verum est, ut aliquando falsum esse possit: Contingens falsum, quod sic falsum est, ut aliquando verum esse possit. Necessarium verum, est quod semper verum, nunquam falsum est: Necessarium falsum, quod semper falsum est, nunquam verum. Hoc postremum speciali vocabulo nominatur impossibile: ejus verò oppositum, appellatur vocabulo generali necessarium. *Quæ præteritorum*] Opinio omnis, quatenus opinio, incerta est: opinari enim dicitur, qui non certò scit, sed dubitat. *Futurorum per naturam.*] Hinc illud in scholis tritum, Futurorum contingentium non est determinata veritas. ubi notandum, omnia futura à Deo certò sciri: ab hominibus autem ea tantum quæ à Deo prædicta sunt. Ideo ait author, Per naturam. quasi dicat: At per patefactionem divinam, futurorum certa scientia est. Hinc Jobus, Scio, inquit, me hac pelle mea iterum circumdatum iri, & visurum Deum oculis meis, me inquam & non alium. *De omni*] At hoc ipsum quod hîc author affirmat de necessario enunciato, non videtur verum de omni: sed tantum de generali seu universali: ut, Omne animal sentit. De speciali autem, sive infinito, sive proprio, non videtur verum: ut, Quoddam animal est rationale, Socrates est homo. Verum hæc quoque videntur admittere appellationem κατὰ παντός: si & infinitum certa specie definiatur, & individuum ex adjunctis dividatur: ut, Quoddam animal (nempe homo)

est rationale. Socrates (five disputans, five cœnans: five Athenis sit, five alibi: five heri, five hodie, five cras, &c.) est homo. *Axioma homogeneum*] Attingitur hic nova enunciati divisio, in homogeneum & heterogeneum. Quæ vocabula é Græcis ὁμογενὲς & ἑτερογενὲς deflecta, Latine sonant quasi dicas Congener & Disgener. Homogeneum igitur enunciatum erit, cujus partes inter se consentaneæ sunt: heterogeneum, cujus dissentaneæ. *Quando partes sunt essentielles inter se*] id est, *Quando partium altera ad essentiam alterius pertinet. Ut forma*] ut, Homo est rationalis, Homo est risibilis, Homo est animal. *Catholicum*] Sic appellatur per synecdochē generis intelligitur enim catholicum primum seu reciprocum. Itaque attingitur & hic nova enunciati divisio, nempe in catholicum seu reciprocum, & non catholicum seu non reciprocum. Reciprocum enunciatum est, cujus partes inter se permutantur, seu ultró citroque commutantur: ut quando definitio enunciat de definito, divisio de diviso, proprium adjunctum de subiecto. Singulorum exempla habes in textu. Non reciprocum, contrā: ut, Homo est animal. καθόλου πρῶτον] καθόλου quidem appellatur, quia consequens verum est de antecedente toto seu omni, καθ' ὅλου ἢ κατὰ παντός: πρῶτον veró, quia consequens de antecedente dicitur πρῶτως, id est primó, ita ut de nullo alio dicatur prius. ut, habere tres angulos duobus rectis æquales, dicitur de triangulo primó: deinde & posterius de unaquaque specie trianguli. Itaque hoc enunciatum, Æquicrurus habet tres duobus rectis pares, est quidem κατὰ παντός, seu καθόλου: at non est καθόλου πρῶτον, quia consequens non dicitur primó de isto antecedente, sed de alio, videlicet triangulo. Quam meam illorum verborum expositionem, & planam & veram, cuidam nuper in sua in Logicam Aristotelis introductione ad hunc modum reprehendere atque exagitare visum est. Quid audio? inquit. κατὰ παντός & καθόλου idem sunt & unicus gradus. propositio ista, Æquicrurus habet tres, καθόλου est.

καθό-

καθόλου & καθόλου πρῶτον duo diversa sunt. tum subjun-  
 git: Atqui, ut ὑψέρον πρότερον ὁμηρικῶς respondeamus,  
 καθόλου & πρῶτον, idem prorsus sunt Aristoteli: neque so-  
 lúm ab Aristotele pro eodē sumuntur, sed ab ipso quoq;  
 Ramo: qui omne axioma catholicum, reciprocum esse  
 definit. Quo igitur pacto καθόλου erit propositio, in qua,  
 Habere tres, de isoscele enunciatur? num prædicatum  
 cum subjecto reciprocatur? Ex quo simul liquet, multū  
 inter se differre, κατὰ παντός & καθόλου: quum non quic-  
 quid κατὰ παντός est, καθόλου sit: ut vel ex ipso Ramo ap-  
 paret. Per κατὰ παντός enim Aristoteles vult, totū subje-  
 ctum á prædicato comprehendi: licet prædicatum latius  
 pateat subjecto: per καθόλου autē, vult etiam universum  
 & totum prædicatum in subjecto esse, & cum subjecto  
 reciprocari: ut perspicuum sit, sicut in κατὰ παντός, par-  
 tícula παντός, subjectum notatur: sic vocem καθόλου ad  
 prædicatum pertinere: quod totum & universum vult á  
 subjecto comprehendi. Hæc ille. Quæ quidem quám  
 justam mei reprehensionem, quámq; veram & sibi cō-  
 stantem doctrinam contineant, age parumper dispicia-  
 mus. Duo autem in verbis meis reprehendit: primúm,  
 quód scripsi, hoc enunciatum (Æquicrurus habet tres  
 duobus rectis pares) esse καθόλου: deinde, quód κατὰ  
 παντός & καθόλου tanquam idem significantia conjun-  
 xi. Primum illud reprehendit hoc syllogismo: -

καθόλου & πρῶτον, idem prorsus sunt Aristoteli: iteq;  
 catholicum & reciprocum, Ramo.

At in propositio enunciato prædicatum cum subjecto  
 non reciprocatur:

Ergo enunciatum istud non est καθόλου.

Respondeo ad propositionem: Si καθόλου idem prorsus  
 significat Aristoteli quod πρῶτον: quorsum ergo hoc  
 illi adjungit; neque contentus est appellare vel καθόλου  
 tantúm, vel πρῶτον tantúm? Sed de hoc pauló póst. Nunc  
 primó omnium placet adversario opponere clariss. vi-  
 rum Jacobum Scheccium præceptorem meum: qui in  
 commentariis suis in Organum, tum alibi, inter καθόλου

πρώτως & καθόλου ἀπλῶς expressé distinguit: tum in pri-  
mum prior. analyt. καθόλου & πρῶτον καθόλου tam discreté  
discriminat, ut si quis verba mea cum illius conferat, me  
mea inde descripsisse putare possit. tanta est utriusque  
consensio. nec mirum: quum mihi mea scribenti, do-  
ctrina á præceptore accepta in memoriâ redierit: quem  
memineram, inter καθόλου prioristicum & posterioristi-  
cum (sic enim ille in scholis loquebatur) subinde distin-  
guere. Quare haud pigebit, totū illum locum huc trans-  
scribere. Verba igitur Scheccii loco citato pag. 241. in fi-  
ne, ac deinceps hæc sunt: Aristoteles libro altero poste-  
riorum analyticorum, simpliciter καθόλου & πρῶτον καθό-  
λου, sic distinguit: ut illud nimirum non sit cum subje-  
cto reciprocum: hoc veró, sit reciprocum. ut, habere tres  
angulos duobus rectis æquos, respectu scaleni, καθόλου  
simpliciter dicitur: sed respectu trianguli, πρῶτον καθόλου.

Quid his verbis ad meam expositionem stabiliendam  
dici potest clariús? At hîc scilicet proferentur verba Ari-  
stotelis: eaque & Scheccio præceptori, & mihi discipulo,  
tanquam locupletissimi testes opponentur. Etenim Ari-  
stoteles ubi de tribus istis necessariarum enunciationū  
gradibus agit, inter alia sic dicit: τὸ δὲ καθόλου ὁ πᾶρχει τό-  
τε, ὅταν ἐκ ἐπὶ τῷ τυχόντι, ἀλλὰ πρῶτε δὲ γινώσκῃται. id est,  
καθόλου veró tunc est, quum non de quovis, sed de primo  
demonstratur. Sic enim legendum esse, tum ex Aristot-  
elis proposito, tum é sequentibus ibi verbis colligo: quū  
in meis exemplaribus, id est Basilienſi duplici, legatur  
mendosé ad hunc modum: τὸ καθόλου δὲ ὁ πᾶρχει τότε,  
ὅταν ἐπὶ τῷ τυχόντι καὶ πρῶτε δὲ γινώσκῃται. Apparet au-  
tem ex his verbis, καθόλου & πρῶτον Aristoteli hîc prorsus  
idem esse: id quod adversarius contendit. Concedo sa-  
né: sed ita tamen concedo, ut vicissim ab illo concedi po-  
stulem, id quod veré negare non poterit: Aristotelem  
vocem καθόλου, quum sic ea utitur, per synecdochen ge-  
neris, vel per grammaticam ellipsin vocabuli πρῶτον,  
usurpare, brevitatis gratiâ: quippe qui mox capite se-  
quente proprié loquens & integra appellatione utens,

πρῶτον

lib. 1. post. a.  
analyt. ca. 4.

πρῶτον καθόλου & καθόλου πρῶτον nominat. Quorsum verò hæc duo conjungit, nisi ut vocem καθόλου per vocem πρῶτον restringat: & ita inter καθόλου simpliciter dictum & καθόλου πρῶτον distinguat? quippe quod non omne καθόλου, καθόλου πρῶτον sit. meminerat enim, se in prioribus analyticis propositioni καθόλου, propositionem τὴν ὅτι *Lib. I, cap. 2.* μέρει, hoc est, universali particularem opposuisse. Idem dicendum est de voce *Catholicum*, qua hoc loco Ramus, Aristotelem imitatus, utitur. Hisce ita explicatis, concedo jam: enunciatum istud de isoscele non esse καθόλου: nempe significatione illa synecdochica, qua accipitur pro καθόλου πρῶτον: at interim contendo, esse καθόλου propriè loquendo: quo nimirum sensu ego illud hîc καθόλου esse dixi.

Sed illud quoque observandum, mihi falsò ab adversario affingi, quasi καθόλου & καθόλου πρῶτον inter sese tanquam duo diversa opposuissem: quum tamen nihil aliud egerim, quàm ut rationem illius appellationis exponerem quæ ab Aristotele accepta hîc traditur, nempe καθόλου πρῶτον. Itaque primùm exposui, cur tertius ille necessariæ enunciationis gradus appelletur καθόλου: deinde cur vocetur etiam πρῶτον. Non igitur καθόλου & καθόλου πρῶτον, tãquam diversos gradus inter sese opposui.

Sed videamus nunc reprehensionem alteram: ea concluditur hoc enthymemate:

*Non omne κατὰ παντός, est etiam καθόλου.*

*Ergo κατὰ παντός ἢ καθόλου, non significans idem.*

Concedo consequens, intellectum de καθόλου πρῶτον: de quo loquitur antecedens. at hoc nō pugnat cum mea affirmatione, qua vocem καθόλου non synecdochicè accepi pro καθόλου πρῶτον, sed propriè pro κατὰ παντός. Sed addit ille, Per κατὰ παντός Aristoteles vult, totum a subjectum à prædicato comprehendit: licet prædicatum a latius pateat subjecto. Quid hîc sibi vult illud *Uscet*? Quasi verò nō necesse sit, prædicatum latius patere subjecto, si subjectum totum à prædicato comprehendatur.



quicquid enim comprehenditur, id eo á quo comprehenditur, angustius sit necesse est. Inepté igitur ac ridiculé cōsentanea discrevit: ut si quis diceret, Licet animal latius pateat homine: tamē homo ab animali comprehenditur. Sed quæ subjungit, non minús vitiosa sunt, » immó longé vitiosiora. ait enim: Per καθόλου autem vult » (Aristoteles) etiam universum & totum prædicatum in » subjecto, esse, & cum subjecto reciprocari: ut perspicuū » sit, sicut in κατὰ παντός, particulā παντός subjectum no- » tatur: sic vocem καθόλου ad prædicatum pertinere: quod » totum & universum vult á subjecto comprehendí. Hic quot sententiæ, tot errata sunt. Primum erratū est, quód tanquam idem significantia proponit hæc duo enuncia- ta: *Prædicatum totum in subjecto esse, & Prædicatum cum subjecto reciprocari*. At, inquam, animal totum est in homine, & tamen cum homine nō reciprocatur. Secundum erratum est, quód ex illa definitione τῷ καθόλου deducit ac infert, vocem καθόλου ad prædicatum pertinere: sicut voce κατὰ παντός notatur subjectum. At, inquam, hoc & falsum est, & ex illo non efficitur. Falsitatem manifesté convincit vocum istarum analogia. Plané enim ut prædicatum dicitur prædicari κατὰ παντός, scilicet ὑποκειμένῃ, id est, de subjecto omni: sic etiam idē prædicatum dicitur prædicari καθ' ὅλου, sc. ὑποκειμένῃ, id est, de subjecto toto. Inconsequentia veró perspicitur ex eo, quód etsi καθόλου concedatur recté definiti enunciatum cuius prædicatum & totum in subjecto est, & etiam cum subjecto reciprocatur: nō tamen hinc sequitur, vocem καθόλου in istius enūciati appellatione pertinere ad prædicatum. Quin pari ratione sequeretur, vocem καθὰ παντός similiter ad prædicatum pertinere: quippe quum enunciati καθὰ παντός, prædicatum totum in subjecto sit. Tertium erratum, idque omnium gravissimum est, quód dicit Aristotelem velle, in enunciato καθόλου (id est καθόλου πᾶντων) prædicatum totum & universum á subjecto comprehendí. At primū falsó hoc Aristoteli attribuitur: deinde sententia ipsa hæc & per se falsa est, & cum

cum prima illa pugnat. Etenim definitur τὸ καθόλου, id est esse cuius prædicatum cum subiecto reciprocetur: at quæ inter se reciprocatur, eorum neutrum ab altero comprehenditur: sunt enim illa æqualia, id est æquæ latè patentia: quod autem ab altero comprehenditur, id illo angustius esse ac minùs latè patere oportet. Quare hæc postrema sententia omnium falsissima est. Atq; hæc habui quæ hoc tempore quasi extra propositum, ad præsentis loci expositionem ab injusta reprehensione vindicandam huc infererem: quæ quidem studioso lectori non prorsus inutilia fore spero. *Universaliter primum*] Videtur potiùs vertendum *Universale primò*: ut καθόλου vim habeat nominis, πρῶτον autem adverbii, pro πρῶτως, primò. Sic enim vocatur enunciatum, cuius consequens de antecedente dicitur non solum toto seu omni, sed etiam primò seu proximè, ac proinde reciprocè. *Leges*] Auræ profectò leges: quarum observatione noster author aliquot artes liberales meliùs, quàm antea quisquam, tradidit. Quid enim quæso ad perfectam artium doctrinā desiderari meritò possit: si omnia quæ in arte traduntur sint vera, & quidem semper vera: deinde, si eadem ad essentiam artis pertineant, non autem aliena & adventitia sint: postremò, si singula artis documenta semel tantum sint tradita, non multoties iterata: quod fit si sint reciproca: quum scilicet quæ totius generis propria sunt, toti generi simul, non autem singulis speciebus seorsum tribuuntur: atque ita semel tantum, non autem sæpius docentur. Utinam verò omnes bonæ artes secundum has leges descriptæ extarent.

#### CAP. 4. DE AXIOMATE SIMPLICI.

Atq; hæc de communibus axiomatis "affectionibus, species sequuntur. Axioma est "simplex aut compositum. Simplex est, quod "verbi "vincul- continetur: "Itaq; affirmato vel "negato verbo, "affirmatur vel negatur: ut, Ignis

urit: Ignis est calidus: Ignis non est aqua: hic (ignis) est "antecedens:urit," consequens. Atq; hic prima est inventarū rerum dispositio, causæ cum effecto, ut in primo exemplo: subjecti cum adjuncto, ut in secundo: dissentanei cum dissentaneo, ut in tertio: quomodo "argumentū quodlibet enunciari potest (exceptis "plenis cōparationibus & distributionibus) consentanea quidem "affirmando, dissentanea negādo.

Axioma simplex, est "generale aut speciale. Generale, "quando cōmune cōsequens" attribuitur generaliter communi antecedenti, atque hic "cōtradictio" non semper dividit verum & falsum, sed contingentium utraq; pars falsa potest esse, ut:

*Omnis in urbe locus Bais pralucet amœnis.*

*Nullus in urbe locus Bais pralucet amœnis.*

Item non cōtingentium: ut, Omne animal est rationale: Nullum animal est rationale.

Axioma speciale est, "quando consequens "nōn omni antecedenti attribuitur: & hic cōtradictio" semper dividit verum a falso. Speciale est "particulare aut proprium. Particulare, quando consequens "commune antecedenti "particulariter attribuitur: Huic autem axiomati "generaliter contradicitur:

*Aliquid ignoscendum est:*

*Nihil ignoscendum est.*

*Aliqua clementia non est laudanda:*

*Omnis clementia est laudanda.*

Axioma

Axioma<sup>u</sup> proprium est, quando consequens  
<sup>u</sup>antecedenti proprio attribuitur: ut, Fabulla  
 est bella, cujus negatio &<sup>u</sup> contradictio est, Fa-  
 bulla non est bella.

*Affectionibus*] Hoc non videtur verum κατὰ παν-  
 τός: Quum enim quinq; divisiones præcesserint, & sexta  
 sequatur: prima sumta est á forma: secunda, á propriis  
 adjunctis seu affectionibus: reliquæ omnes ab adjunctis  
 communibus. Quod ut planius demonstrari possit, sin-  
 gulas has divisiones ante oculos delineabo.

1	{ Affirmatum	4	{ Homogeneum
	{ Negatum.		{ Heterogeneum.
2	{ Verum	5	{ Reciprocum
	{ Falsum.		{ Non-reciprocum.
3	{ Contingens	6	{ Simplex
	{ Necessarium.		{ Compositum.

Harum enunciati divisionum primam, sumtam esse  
 dico á forma: quia affirmatio & negatio dant enuncia-  
 to suum esse, seu (ut noster author loquitur) per affirma-  
 tionem & negationem enunciatum est id quod est, & á  
 cæteris omnibus rebus distinguitur. quippe quicumque  
 aliquid enunciat, is quatenus enunciat, aut affirmat aut  
 negat. Quare affirmatio & negatio, enúciati forma est.  
 Secunda divisio sumta est á propriis adjunctis. Etenim  
 veritas & falsitas, propriæ enunciati qualitates sunt: quæ  
 ex ipsius forma emergunt, adeóque ipsius essentiam se-  
 quuntur: (non minús quàm ridendi facultas vim ratio-  
 cinandi sequitur in homine) nec ulli præterea rei com-  
 petunt. Jam ad tertiam divisionem quod attinet: con-  
 tingentiam & necessitatem qualitates communes esse  
 censeo enunciatorum & rerum tum naturalium, tū hu-  
 manarum, tum veró earum alteram etiam divinarum.  
 In rebus enim naturalibus contingere dicitur quod ita  
 évenit, ut etiamsi secus evenisset, nihil tamen propterea  
 contra naturam accidisset: ut si (verbi causâ) quum he-  
 ri vesperi cælum rubuerit, hodie mané serenum sit.

Necessarió autem fieri in rebus naturalibus dicitur, quod per naturam fieri aliter non potest: quodque si aliter eveniat, contra naturam evenit: ut quum ignis nõ urebat juvenes illos Israelitas in clibano ardentissimo regis Babylonii. Jam in rebus humanis contingere dicuntur, quæ ita ab homine fiunt, ut etiamsi fecus fieret, nihil tamen contra naturã humanæ voluntatis (quã nihil mutabilius est) fieret. Necessarió autem fieri in rebus humanis dicuntur, quæ fiunt ab homine ex vi decreti divini: quo modo Judas Iscariotes necessarió prodidit dominum, ut satisfaceret scilicet decreto Dei de redimendis per filii sui mortem electis: quæ tamen Judæ actio, sua natura fuit contingens. Et si enim Christum nõ prodidisset Judas, nihil tamen contra naturam voluntatis humanæ qua Judas erat præditus, actum vel potiùs omissum fuisset. Porro in rebus divinis contingentia locum nullum habet: sed sola ibi necessitas est. Deus enim quicquid est, necessarió est: & quicquid agit facitve, necessarió agit & facit: verumtamen voluntate liberrima. Necessitas enim quæ in Deo est, libertatem voluntatis non tollit: & est summa Dei perfectio: qua fit ut Deus non possit non esse bonus: & ut quicquid agit aut facit, non possit non bene agere aut facere. Ex his quæ exposui, intelligitur: cōtingentiam & necessitatem, proprias enunciatorum differentias non esse. Sequitur divisio quarta: cujus differentiæ similiter aliarum quoq; rerum communes sunt. Etenim *ὁμογένεια* sive *συγγένεια* & *ἑτερογένεια*, in rebus fuit antequam homo esset á Deo conditus, ac proinde antequam quicquam de rebus enunciare posset. Verbi causa, herbæ & arbores & stellæ & aves & pisces & quadrupedes: singula inquam hæc cū inter se homogenea, tum alia aliis heterogenea fuerunt, antequam primi nostri parentes fuissent á Deo conditi. Jam nec quinta divisio differentias proprias habet. nam reciprocatio ejusq; cōtrarium non enunciatorum propriæ affectiones sunt: sed communes etiam notionibus simplicibus: ut relatis, ut definitioni, ut distributioni, ut

proprio adjuncto, ut denique proprio cuiusvis. Restat postrema divisio: cuius differentiae extra enunciatum latissime se proferunt. Quippe non solum in Logica inventione argumentum in simplex & comparatum: ac postea in doctrina dispositionis seu iudicii, syllogismus in simplicem & compositum dividitur: Verum etiam in Physicis corpus naturale in simplex & compositum distinguitur: denique differentiae istae in pluribus rebus locum habent. Ex his quae de singulis istis enunciati divisionibus exposui, illud quoque perspicitur: divisiones has omnes observare legem κατὰ παντός & legem καθ' αὐτό: sed duas tantum primas observare etiam legem καθόλου πρῶτον: reliquarum vero nullam.

*Simplex aut*] Haecenus quinque enunciati divisiones vidimus: quarum duas author expressè tradit, primam in affirmatum & negatum, alteram in verum & falsum: ad reliquas tres tantum alludit: tertiam nimirum in contingens & necessarium, quartam in homogenum & heterogenum, quintam denique in reciprocum & non reciprocum. Sequitur ergo hic sexta enunciati divisio, auctori tamen tertia, in simplex & compositum. Votatur autem simplex enunciatum, non quod omnis compositionis expers sit: (constat enim è subjecto, & praedicato, & copula) sed respectu enunciati compositi, quod è duobus pluribusve simplicibus enunciatis constat. Quoadmodum in Physicis quatuor elementa: ignis, aer, aqua & terra: vocantur corpora simplicia, respectu mixtorum: quum & ipsa è materia & forma consent. *Verbi*] Nēpe substantivi (ut vocatur à Grammaticis) idque interdum expressi, interdum intellecti: ut Ignis est calidus: Ignis urit: quod perinde est ac si dicas, Ignis est res urens. *Vinculo*] Vinculum appellare maluit author, quam copulam: quia copulae vocabulum angustius videtur, propriumque enunciati copulativi: in quo copulantur plura enunciata per conjunctionem copulativam: ut, Christus, est & deus & homo. At vinculi nomen generalius videtur, & omnibus enunciati generibus accommodatum: In omni enim e-

nuntiatio duo plurave quædam inter se devinciuntur: ut in simplici duæ notiones, in composito duæ pluresve sententiæ. *Itaq; affirmato*] Quod fit, quum inter partes enunciati absque negationis nota præposita interponitur: ut, Ignis est calidus. *Negato*] Quod fit, quando ei adverbium negandi præponitur: ut, Ignis non est calidus. Nam si adverbium negandi verbo substantivo non proximè præponatur, sed præponatur vel antecedenti vel consequenti, id est subjecto vel prædicato, tunc ejusmodi enunciatum negatum non est: ut, homo est non lapis: quæ nominatur affirmatio ἐκ παραθέσεως, ex transpositione, scilicet adverbii negandi. *Affirmatur vel negatur*] Scilicet ipsum axioma seu enunciatum: hoc est, enunciati consequens, quod vulgò prædicatum, & à nonnullis attributum dicitur. *Antecedens*] Vulgo subjectum. Sed noster author Subjecti nomen in doctrina Inventionis retinet, ad significandum argumentum quod adjuncto è regione respondet. *Consequens*] Vulgo prædicatum, item attributum. *Argumentum quodlibet*] κατὰ χρῆσιν ἰκῶς loquitur. *Plenis comparat.*] Nam plenæ comparationes constant ex protasi & apodosi, ac proinde non possunt enunciari nisi enunciato composito copulato: ut,

*Tale tuum carmen nobis digne poeta,*

*Quale sopor fessus in gramine.*

Vide infrà cap. 5. Distributiones verò non possunt enunciari nisi enunciato composito disjuncto: ut, Omnis enunciatio aut vera est aut falsa: vide infrà cap. 8. Ait autem *Plenis*: quia nihil vetat quò minús comparata enuncientur simpliciter, h. e. per enunciatum simplex: si modò protasis & apodosis comparationis non distinguantur. Exempla vide lib. 1, cap. 18, 19, 20, 21, 22. *Affirmando*] Nam si contrà fiat, enunciata falsa nascuntur. *Generale aut*] Divisionem hanc admitto: sed alio sensu quàm ipsius membra definitionibus authoris hîc declarata sunt. Quum enim hæc enunciati divisio è quantitate antecedentis sumpta sit: antecedens autem enun-

ciati,

ciati, aut commune sit aut proprium, seu (ut Logici loquuntur) aut generale aut speciale: consequens est ut enunciatum generale appelletur cujus antecedens generale est: sive consequens ei attribuaturn omni, sive non omni: Speciale contra, cujus subjectum speciale seu proprium est. Divisio igitur proposita, membrorumque definitiones, sic erunt instituendę.

Enunciatum simplex aut generale est, aut speciale. Generale, cujus antecedens est generale. Et hoc aut universale est, aut particulare. Universale, quando consequens de antecedente enunciaturn universo seu toto seu omni: hoc est, de omnibus & singulis speciebus sub eo comprehensis. Et hoc aut determinatum est, aut indeterminate: Determinatum, cujus antecedenti adjectum est signum quantitatis universale: ut, *Omnis homo est animal*. Indeterminate, cujus antecedens signo quantitatis caret: ut, *Homo est animal*. Atque sic dividitur universale. Particulare enunciatur, quando consequens de antecedente non universo seu toto seu omni enunciaturn, sed tantum ex parte: idque semper adjecto signo quantitatis: ut, *Quidam homo fuit reliquorum omnium pater*, *Quidam homines sunt a Deo electi ad vitam eternam*. Hoc genus enunciati videtur nominandum *infinitum*: quia signum quantitatis particulare, etsi genus ad speciem speciesve aliquot restringit: tamen speciem speciesve illas non definit, nec diferte indicat. Sic certe Grammatici Gręci pronome *τις, τι* (id est, aliquis, aliqua, aliquid) quum non accipitur interrogative, *infinitum* vocant. Sed *particulare* vocatur haud incommode: quia consequens ipsius de antecedentis tantum parte enunciaturn. Atque hoc de enunciato generali. Speciale enunciatum est, cujus antecedens speciale seu proprium est: ut, Paulus fuit apostolus: Judas Iscariotes prodidit Christum. Hoc genus enunciati noster author vocat *proprium*: vulgo appellatur *singulare*, eo quod antecedens res significat singularem seu unicam & individuum: quam noster author speciem



specialissimam nominat. Hæc si admittuntur: fatendum erit, Ramum primò appellationem hanc, *Generale*, non rectè restrinxisse ad enunciatum universale: quum pertineat etiam ad particulare. deinde, non rectè speciale divisisse in particulare & proprium: quum solū proprium speciale sit, particulare autem generale. postremò & illud liquet: eum inconstanter in definiendo locutum: ut qui enunciati specialis definitionem non tradiderit talem quæ per omnia, opposita esset definitioni enunciati generalis. etenim in definitione enunciati generalis ponit *Consequens commune*, item *Generaliter*: at in definitione enunciati specialis, nihil priori particulæ opponit. Nec enunciatum *generale* à ratione attribuendi, sed à quantitate antecedentis denominandum est: sicut ipse author in denominando proprio observavit. Quòd autem paulo antè dixi, particulari enunciato semper adjectum esse signum quãtitatis, ideo dixi: quia enunciatū indefinitum seu indistinctum semper æquipollet universali: nunquam autem (ut vulgò falsò traditur) particulari. Etsi enim non semper universaliter vera sunt quæ indefinitè enunciantur: tamen eo sensu enūciantur ac si universaliter vera essent, quippe aliàs nullam concludendi vim haberent: id quod probatorum authorum exempla comprobabunt. ut in illa exhortatione Turni apud Virgil. 10. *Æneid.* ubi Rutulos ad arma capeSSenda Trojanosque arcendos exhortans, inter alia dicit: *Audentes fortuna juvat.* Quod si interpreteris particulariter, Nonnullos audentes fortuna juvat: quam quæso vim concludendi habebis? Fac enim syllogismum:

*Quosdam audentes fortuna juvat.*

*Vos Rutuli audete:*

*Ergo fortuna vos juvabit.*

Quis sic argumentantem ferat? quum in syllogismis primæ (sicut & secundæ) figurę propositionem aut universalem, aut singularem, nunquam autem particulare esse oporteat. *Quando commune*] Quomodo generale

rale enunciatum definiendum videatur, pauló anté diximus. *Attribuitur generaliter*] Id est, quum aliquid enuntiatur de toto genere, seu de omnibus speciebus: *καὶ ὅλα ἢ κατὰ παντός.* ut, Omne animal sentit: híc sensus affirmatur de toto genere animalium, seu de omnibus speciebus animalis: nēpe de homine & bestia. Nullum animal perpetuó vigilat: híc perpetua vigilatio negatur de toto genere animalíũ, seu de omnibus speciebus animalis. *Contradictio*] Id est, enunciatorũ per affirmationem & negationem oppositio: nam Aristoteli & vulgo *ἀντίφασις*, id est Contradictio, specialíus dicitur. *Non semper*] Híc oritur gravis quæstio. Sunt enim qui contendant, contradictionem semper dividere verum & falsum. Ad hanc magnorum virorum dissensionem dirimēdam & conciliandam, observandum est eos non de uno eodemq; contradictionis genere loqui. Noster enim author híc respicit ad eam contradictionē quæ pendet ex affirmatione & negatione vinculi: ut Omne animal est rationale: Nullum animal est rationale. quod perinde est ac si dicas, Omne animal non est rationale. Quod genus loquendi Romanis quidem auribus insolens est: veruntamen usitatum apud Hebræos, & ab Apostolo etiam in lingua Græca retentum: ut ubi allegat dictum Psalmi, In cōspectu tuo non justificabitur *Rom. 3, 20.* omnis caro: *πάντα σάρξ.* Quorum verborũ syntaxis est, *Psal. 143, 2.* Omnis caro nō justificabitur: id est, Nulla caro justificabitur. Qui autem nostrum authorem hallucinari iudicant, respiciunt ad eam contradictionem quæ pendet ex affirmatione & negatione signi quãtitatis in enunciati antecedente: ut, Omnis homo est sanus, Non omnis homo est sanus. Ac de hoc quidem posteriore contradictionis genere verum est, eam semper verum á falso dividere: de illo autem priore (pace eorum dixerim) non est verum: id quod exempla á nostro authore posita manifesté evincunt. At, inquit illi, enunciata ista á P. Ramo híc proposita, non sunt contradictoria: sed cōtraria.

At, inquam ego, contradictoria sunt; vel ex definitione Aristotelis quæ extat in libro de Interpret. cap. 4. ubi ait, καὶ ἐστὶ τὸ ἀντίφασις, κατὰ φασις καὶ ἀπόφασις αὐτὸν λέγεσθαι: id est, Et esto hoc contradictio, affirmatio & negatio oppositæ: id est, quarum altera alteri est opposita. Nec verò quum in hoc genere contradictionis, signum affirmativum universale negativo universali permittatur, idcirco ipsum enunciati antecedens seu subjectum mutatur: sed idem prorsus subjectum manet, eademque quantitatis determinatio: sed qualitas tantum enunciati mutatur, nempe affirmatio in negationem: ut ex logica illa analysi de qua paulo antè adinonimus, manifestum est. Non rectè autem contraria (Aristoteli ἐναντία, id est Ciceroni adversa) nominari ejusmodi enunciata videntur: quum *Esse* & *Non esse*, quæ in iis inter se opponuntur, contradicentia sint. Contraria autem seu adversa ea potius enunciata appellanda videntur, quorum attributa contraria seu adversa sunt: ut, Socrates est bonus, Socrates est malus. sic, Omnis homo est sanus, Omnis homo est æger. *Quando consequens*] Quomodo enunciatum speciale definiendum esse videatur, paulo antè diximus. *Non omni antecedenti*] Id est, quum aliquid enunciatur non de toto genere, sed tantum de aliquot speciebus, vel etiam de una tantum specie. Sed hic committitur elenchus homonymiæ. nam particula hæc, *Non omni*, in enunciato particulari intelligitur στεντικῶς, privativè: illi enim opponitur enunciatum universale, cujus consequens antecedenti attribuitur omni, id est toti. At in enunciato proprio (de quo tamen ineptè dici videtur) non potest intelligi nisi ἀποφατικῶς, negativè: quia enunciato proprio nullum opponitur, in quo consequens antecedenti omni attribui rectè dicatur. *Semper videtur*] Si scilicet particulari aut singulari affirmationi opponatur negatio universalis: aut contrà particulari aut singulari negationi affirmatio universalis. Nam si particulari affirmationi opponatur negatio particularis: utrumque

que enunciatum verum esse potest: ut, Quidam docti sunt viri boni: Quidam docti non sunt viri boni. Sed hoc genus contradictionis á superiore diversum est. Superius enim pendet ex affirmatione & negatione vinculi: ut, Omne animal est rationale, Nullum animal est rationale. quod perinde est ac si dicas, Omne animal non est rationale. At hoc genus contradicendi pendet ex affirmatione & negatione signi quantitatis in antecedente: ut, Aliquid ignoscendum est: Nihil ignoscendum est. quod perinde est ac si dicas, Non aliquid ignoscendum est. quomodo Græci dicunt, ὅδ' ἔν, quasi ὅδ' ἔ' ἔν. Sic, Aliqua clementia non est laudanda: Omnis clementia est laudanda. quod perinde est ac si dicas, Non aliqua clementia non est laudanda, hoc est, Nulla clementia non est laudanda. Quo loco observandum, hoc posterius contradictionis genus semper dividere verum & falsum: non solum in enunciato particulari, sed etiam in universali: ut, Omne animal est rationale, Non omne animal est rationale: Sic,

*Omnis in urbe locus Baij præluceat amanis:*

*Non omnis in urbe locus Baij præluceat amanis.*

*Particulare aut]* Quid de hac divisione sentiendum sit, judicare poterit lector ex iis quæ paulo antè annotavimus ad divisionem axiomatis simplicis, *Commune]* Hoc non est κατὰ παντός: ut, Quidam homo est Socrates. hoc enunciatum particulare est: & tamen consequens commune non est, sed proprium. *Particulariter]* id est, Non toti generi antecedentis: sed tantum aliquot ejus speciebus, vel etiam uni tantum specie: idq; indefinitè, id est, ita ut nulla certa species indicetur, sed tantum aliqua aut aliquæ innuatur: unde author hujusmodi enūciata olim non incommode infinita appellavit. ut quū Christ<sup>9</sup> in postrema cœna discipulis diceret, Aliquis é vobis me proditurus est. Sic Phil. 1, 15. Ac nonnulli quidem per invidiam & contentionem: nonnulli

veró etiam propensa voluntate Christum prædicant. hîc duo enunciata infinita sunt. *Generaliter*] Id est, universaliter. Hoc non est καθόλου πρῶτον: quia convenit etiam enunciato universali, quod author generale nominat. Ubi observabis, sicut enunciato particulari contradicitur universaliter: sic universali contradici particulariter: quæ utraque contradictio verum á falso dividit. *Proprium*] Vulgó propositio singularis. Author vocat enūciatum proprium: vel quia antecedens seu subjectum feré constat nomine proprio: vel quia subjectum nō est quiddam commune & generale, sed proprium & speciale, nempe species specialissima seu res singularis. *Antecedens proprio*] Vulgó vocant individuum, item singulare seu rem singularem: author speciem specialissimam. *Contradictio*] Videlicet contradictio primi generis, quæ pendet ex affirmatione & negatione vinculi: quæ quidem sola hîc locum habet: nam altera quæ pendet ex affirmatione & negatione signi quâtitatis in antecedente, ab hoc genere enunciati aliena est.

CAP. 5. DE AXIOMATE  
*copulato.*

Axioma compositum est, quod vinculo" cōjunctionis continetur. Itaque é conjunctione affirmata vel negata, affirmatur vel negatur. "Contradictionisque pars vera est, pars falsa. Enunciatum compositum, est pro sua conjunctione congregativum, aut segregativum: cōgregativum, enūciat omnia consentanea affirmando, omnia etiam dissentanea" negando. Est veró copulatum aut connexum. Copulatum, cujus conjunctio est copulativa. ut i. *Æneid.*

"Una

*"Uná Eurúsque Notúsque ruunt, creberque  
procellis*

*Africus.—*

Hic igitur negatio erit & contradicção:

*"Non uná Eurúsque Notúsque ruunt, creberque  
procellis*

*Africus.—*

Verum enunciati copulati iudicium pendet ex omnium partium veritate: "falsum, saltem ex una parte falsa. Huic generi affine est enunciatum relatæ "qualitatis, cujus conjunctio est ipsa relatio. 3. Eclog.

*Tale tuum carmen nobis divine poëta,*

*Quale sopor fessis in gramine.---*

Hic copulatum iudicium est, tanquam diceretur: Sopor est fessis gratus, & sic tuum carmen nobis gratum est: cujus negatio,

*"Non tale tuum carmen nobis divine poëta,*

*Quale sopor fessis in gramine.---*

*Conjunctionis*] Intellige notam conjunctionis Græmaticam. Enūciatum igitur compositum est quo enunciata simplicia duo plurave, conjunctione aliqua inter se composita enunciantur. *Contradictionis*] Intellige contradictionem primi generis, qua negatur vinculum. nam contradicção qua negatur signū quantitatis, á cōpositis enūciatis aliena videtur esse: exceptis disjūctis, itē copulatis: ut quæ ad naturam simplicium propius videtur accedere. *Negãdo*] Exceptis enunciatis sacrarū litterarū & Christo, quibus de eo enūciantur dissentanea affirmãda, propter duas in ejus persona naturas (divinā & humanā) inseparabiliter inter se unitas: ut, Christus & ubiq; est, & in uno tantum loco. *Uná Eurúsque*] Hic tria enūciata sunt. 1, Eurús ruit. 2, Notús ruit. 3, Africus ruit. Sed hæc tria in

unum conjuncta atque composita sunt per conjunctionem copulativam, *Que. Nō una*] Duplex est ratio negandi in enūciatis copulatis: negatur enim aut pars tantum, aut totum. Quum negatur pars tantum, tū adverbium negandi præponitur conjunctioni: ut, Socrates & bonus & doctus est: Socrates non & bonus & doctus est. quasi dicatur, Socrates est quidem bonus: at non est doctus. vel, Est quidem doctus: at non est bonus. Quum negatur totum: tum conjunctiones affirmativæ permutantur negativis: ut Socrates nec bonus nec doctus est. quasi dicatur, Socrates & bonus & doctus non est. Sic apud Græcos: ὁ Σωκράτης ἀγαθὸς τε καὶ σοφὸς ἐστὶ ὁ Σωκράτης ἔρ' ἀγαθὸς ἔτε σοφὸς ἐστὶ. Sic in nostra lingua, *Der Socrates ist beyde from und gelehrt, Der Socrates ist Weder from noch gelehrt.* Sed prior ratio negandi propria est hujus loci: ut per quā negatur ipsa copulatio. *Falsum, saltem ex una parte falsa*] Enūciatū copulatū falsum est, sive omnes ejus partes falsæ sint, sive nō omnes, sed una tantum, vel aliquæ tantum. Veruntamen si partes omnes falsæ sint, tūc enūciatū copulatū simpliciter & ex toto falsum est: si una vel aliquæ tantum, tunc enūciatum copulatum est quidem falsum, sed ex parte tantum & secundum quid, non autem ex toto seu in totum & simpliciter. *Qualitatis*] Atque etiam quantitatis, & omnino comparisonis: hoc est, enūciatum quo enūciatur plena comparatio: constans nimirum duabus partibus, protasi & apodofi: ac proinde duobus enūciatis, quæ inter se componuntur per vocabula relativa comparisonis. Hujusmodi enūciatorū exēpla vide lib. 1, cap. 18, 19, 20, 21, 22. *Non tale*] Hic adverbium negandi præpositum est apodofi: interdum præponitur protasi, ut apud Cic. in Lælio: Non quemadmodū quis vetulis teneros anteponebat, sic amici novi veteribus anteponendi sunt.

#### CAP. 6. DE AXIOMATE CONNEXO.

"Axioma connexum, est congregativū, cuius conjunctio est connexiva, Si: ut 2. Æneid.

--Si mi--

— *Si miserum fortuna Sinonem*

*Finxit. Vanū etiam mendacemq; improba finget.*  
cujus negatio est,

*Non si miserum fortuna Sinonem*

*Finxit, vanum etiā mendacemq; improba finget.*

Conjunctio etiam hæc interdū negatur apertius, negando consequentiā: ut pro Amer. "Nō continuō si me in sicariorum gregē contuli, si- carius sum. De Fato, "Nec si omne enunciātū verū est aut falsum, sequitur illico causas esse immutabiles. Affirmatio. n. significat, si sit antecedens, etiam consequens esse. Negatio itaque & cōtradictio statuit, "si sit antecedens, nō ideo consequēs esse. Quare cūm judicabis, connexum absolutē verum esse; necessarium quoque judicabis: & intelliges, hāc necessitatem ē necessaria partium connexione oriri, quæ ipsa potest esse vel in falsis partibus: ut, Si homo est leo, est etiam quadrupes, necessarium cōnexū est. At si connexio sit contingens & pro sua tantū probabilitate ponatur, judicium ejus tantū opinio fuerit: ut Terent. Andr.

"*Paphile, si id facis, hodie postremū me vides.*

Connexo axiomati affinis est ista consequentiæ relatio: ut, "Cūm Tullius sit orator, est etiam peritus bene dicendi.

*Axioma connexum*] Vulgo appellatur Propositio conditionalis: sicut superior copulativa. Dividitur enim vulgō propositio in categoricam & hypotheticam: deinde hypothetica in conditionalē, copulativam & disjunctivam. Quæ utraque divisio vitiosa est.



Prior ideo: primúm, quia partes nō sunt inter se dissenta-  
 neq; nā hypothetica propositio est etiā categorica: q̃a κα-  
 ταγορεῖ, p̃dicat, id est, enūtiat aliquid de aliquo: ut, Si sol lu-  
 cet, dies est. Deinde ideo, quia partes nō sunt cū toto re-  
 ciproce: Nam omnis quidē categorica, id est, simplex, o-  
 mnisq; hypothetica, est propositio: at non omnis p̃posi-  
 tio est categorica, id est, simplex, vel hypothetica. quippe  
 p̃positiones copulativę & disjunctivę neq; categoricę sūt,  
 id est, simplices: neq; hypotheticę, id est, conditionales.  
 Altera divisio similiter vitiosa est: partim propter ἀδελ-  
 χίαν mēbri primi: hypothetica. n. Gręcis idē est qđ Latī-  
 nis cōditionalis: ὑπόθεσις. n. Latini conditionē vocāt. par-  
 tim, p̃pter falsitatē mēbrorū reliquorū: quippe q̃ cū toto  
 dissentaneę sunt: nulla. n. hypothetica vel copulativa vel  
 disjunctiva est. Repudiata igitur tā vitiosa divisione, reti-  
 neamus bonā & legitimam quā noster author tradidit.  
*Non si miseru*] Duplex est ratio cōtradicens enunciatis  
 cōnexis affirmatis. Aut. n. negatur solū cōsequētia: & tūc  
 adverbium negādi p̃ponitur cōjūctioni cōnexivę: aut affir-  
 mas etiā cōsequētia cōtrarii: & tūc adverbium negādi p̃e-  
 ponit verbo substantivo enūciati cōsequētis. Exēpla prio-  
 ris cōtradictionis sunt in textu: posterioris est hoc: Ratio  
 dicit, Si De⁹ nos castigat, odit nos. Verbū Dei cōtradicit,  
 Si Deus nos castigat, nō odit nos, sed amat nos. Nā quū  
 judicamur, ā Domino castigamur, ne cum mūdo cōde-  
 mnemur: 1. Cor. 11, 32. Itē, Quē diligit Domin⁹, castigat:  
 & flagellat omnē filiū quē recipit. Hebr. 12, 6. Prov. 3, 13.  
 Sed prior ratio negādi, propriē hujus est loci: quia p̃ eam  
 negat ipsa cōnexio. *Nō cōtinuō*] Sic, Nō cōtinuō si Chri-  
 stus in publicanorū gregē se cōtulit, socius publicanorū  
 fuit. *Nec si*] Sic, Non si corp⁹ Christi personaliter unitū  
 est τῷ λόγῳ, sequitur illico istud esse ubiq;. *Pamphile*]  
 Hujus generis enūtiata sunt promissiones & cōminati-  
 ones hominū cōditionales: idq; p̃pter volūtatis humane  
 mutabilitatem, vel etiā propter promittentiū commi-  
 nantiumve simulationem. *Cū Tullius*] Hujusmodi  
 oratio videtur potiūs enthymema esse, id est syllogism⁹  
 imper-

imperfectus, cui deest propositio: idq; propterea, quod antecedens tanquam certum affirmatur. Perinde enim est ac si dicatur: Tullius est orator: Ergo est etiam peritus bene dicendi. *Si sit*] Id est, Si maximé sit antecedens, non tamen ideo consequens esse.

CAP. 7. DE AXIOMATE  
*discreto.*

Axioma segregativum, est cujus conjunctio est segregativa: ideoque argumenta dissentanea enunciat. Enunciatum segregativum, est discretum aut disjunctum. Discretum, cujus conjunctio est discretiva. Itaque é dissentaneis præcipué diversa enunciat. 5. Tusc. Quanquam sensu corporis judicentur, ad animum referri tamen: "cujus negatio & contradictio est," Nō quanquam corporis sensu judicentur, tamen ad animum referri: vel, Quanquam sensu corporis judicentur, "non tamen ad animum referri. Nam, Tamen, est hīc conjunctio præcipua. Discretum enunciatum judicatur esse verum & legitimum, si partes non solūm veræ: sed etiam discretæ sint: falsum" vel ridiculum contra.

*Cujus negatio*] Negatio discreti potest etiam esse negatio copulati, ut bene Talæus annotavit. ut si affirmaretur, Et abest á culpa & caret suspicione: tum discretū opponeretur, Quanquam abest á culpa, suspicione tamen non caret. Vel, Quanquam caret suspicione, non tamen abest á culpa. Eodem modo enunciato connexo contradici posse Talæus judicat: ut, Si abest á culpa, caret etiam suspicione: Quanquam abest á culpa, non tamen caret suspicione. Quod mihi non videtur. Quia

connexi antecedens non veré affirmatur, sed tantúm affirmatio ejus fingitur: at discretum negatum, antecedens concedit & fatetur, tãquam simpliciter & veré affirmatum fuerit. *Non quanquam*] Dubito an enunciatum discretum hoc modo negatum (videlicet adverbio negandi notæ protaseos seu antecedentis præposito) usu loquendi & exemplis probatorum authorû confirmari possit. *Non tamen*] Hujusmodi enunciata discreta negata, reperiuntur illa quidem apud bonos auctores: sed (quod sciam) non habent hunc usum, ut adhibeantur ad contradicendum enunciatis discretis affirmatis. Videtur autē enunciati discreti (sive negati, sive affirmati) usus esse duplex: alter in prolepsibus seu occupationibus, alter in contradicendo enunciatis copulatis ex parte falsis. Ac in prolepsibus quidem usum habet enunciatum discretum, quum enthymema defectum propositione, ita occupatur seu antevertitur, ut assumptio quidem concedatur, propositio autem negetur. ut 1. de Offic. in principio, Cicero occupat hoc enthymema Marci fili: Abundo præceptis philosophiæ: ergo non proficiam legendis philosophicis scriptis patris. Cicero respondet: Quanquam abundas præceptis philosophiæ, tamen proficies legendis meis scriptis. quasi dicat: Concedo assumptionem: sed nego propositionem, nempe, Si abundo præceptis philosophiæ, non proficiam legendis scriptis patris. vel, Quicumque abundat præceptis philosophiæ, is non proficiet legendis scriptis Ciceronis. Sic 2. Æneid. quum Poëta narrasset, quomodo Pyrrhus in expugnatione Trojæ Polyten filium Priami persequens, ante ora patris occiderit: occupat hoc enthymema lectoris: Hic Priamus tenetur in media morte: ergo abstinuit ab increpando Pyrrho mortem intentante, ac potius vitam ab eo supplex deprecatus est. Poëta respondet:

*Hic Priamus quanquam in media jam morte tenetur,*

*Non tamen abstinuit.*

Quasi dicat: Concedo assumptionem, sed nego propositionem, nempe, Si Priamus in media jam morte tenebatur, ergo abstinuit ab increpatione Pyrrhi. vel, Quicumque in media morte tenetur, is abstinet ab increpatione hostis. Sic quum caro nostra dicit; Deus nos castigat, ergo odit nos: respondet spiritus, Quanquam Deus nos castigat, tamen non odit nos.

Alter usus discreti enunciati est ad contradicendum enunciatis copulatis ex parte falsis: Etenim tunc pars vera à falsa discernitur atque distinguitur: ut, Æsopus & ingeniosus & formosus fuit. hoc enunciatum copulatum, falsum est ex parte posteriore. Ergo ei sic contradicitur: Quanquam Æsopus fuit ingeniosus, non tamen fuit formosus. Eadem est ratio contradicendi, si enunciatum copulatum negans sit: ut, Æsopus nec ingeniosus, nec formosus fuit. hoc copulatum negans falsum est ex parte prioris: eiq; sic contradicitur, Quanquam Æsopus non fuit formosus, tamen fuit ingeniosus. *Vel ridiculum*] ut, Quanquam Socrates est homo, tamen est animal rationale. hic segregantur consentanea, nempe definitum & definitio: quæ segregatio ridicula & inepta est.

#### CAP. 8. DE AXIOMATE *disjuncto.*

“Axioma disjunctum, est axioma segregativum, cujus conjunctio est disjunctiva. ut 1. Georgic.

“*Illic, ut perhibent, aut intempesta silet nox  
Semper, & obtenta densantur nocte tenebræ:*

“*Aut redit à nobis aurora, diemque reducit.*

De Fat. "Omnis enūciatio est vera aut falsa.  
 "Hic significatur, é disjunctis unicum verum  
 esse. Negatio igitur erit & contradictio: "Non  
 omnis enunciatio est vera aut falsa. Et contra-  
 dictione significatur, non necessarió alteru-  
 trum verum esse. Nam si disjunctio absoluté  
 vera est, est etiam necessaria: partesque disjun-  
 ctæ sunt oppositæ sine ullo medio. Verunta-  
 men quamvis absoluté vera disjunctio, neces-  
 saria quoque sit: tamen nihil necesse est partes  
 separatim necessarias esse: ut, Homo est bonus  
 vel non est bonus, disjunctio necessaria est: &  
 tamen, Homo est bonus, non est enunciatio  
 necessaria: Item, Homo non est bonus, non est  
 enunciatio necessaria: sed disjunctionis neces-  
 sitas pendet é necessaria partium oppositione  
 & disjunctione, non ex earum necessaria veri-  
 tate. Disjunctio autem plerumque est ex con-  
 ditione, ut si quærat, utrum Cleon venerit,  
 an Socrates: quia ita pactum sit, alterutrū tan-  
 tū venturum esse. Itaq; si disjunctio sit con-  
 tingens, non est absoluté vera, & tantū opi-  
 nabilis est: qualis est frequenter in hominum  
 usu. Ovid. in Epistola Leandri,

*"Ant mihi continget felix audacia salvo,  
 Aut mors solliciti finis amoris erit.*

*Axioma disjunctum*] Vulgó propositio disjunctiva.  
 Hoc enunciato propriè enunciatur divisio, ac proinde  
 contraria medio carentia. *Illuc*] Hoc est, sub arcto per  
 totum anni tempus aut continua nox est sex mensium,  
 aut perpetuus totidem mensium dies. Hoc enunciatum

non est disjunctivum, sed distributivum: de quorum enunciatorum discrimine commodius dissetetur in exemplo proximé sequente. *Omnis enunciatio*] Hoc enunciatum non videtur esse compositum: ac proinde nec disjunctum, sed simplex. Rationes cur ita videatur, hæc occurrunt. 1. Quoniam est enunciatum universale: Omne autem enūciatum universale est simplex: si quidem enunciatum simplex recté dividitur in universale & particulare & singulare: quomodo divisum fuit supra cap. 4. 2. Quoniam ei contradicitur ut enunciato simplici, videlicet nota negationis præposita signo quantitatis, non autem conjunctioni disjunctivæ. 3. Quoniam non potest permutari enunciato connexo, in quo scilicet altera pars disjunctionis affirmeretur, altera negetur. 4. Quoniam non præbet usum ad syllogismum disjunctum: non enim potest cōstituere illius propositionem. 5. Quoniam ei non convenit enunciati disjuncti propria affectio, quæ est, ut é disjunctis unicuique verum sit. Hic enim neutrum verum est. nam nec omnis enunciatio est vera, nec etiam omnis enunciatio est falsa.

Hinc intelligi potest, distributionem non semper disjunctivé enunciari. Quo ergo alio modo (quærat aliquis) enunciatur? Nempe interdum enunciatur distributivé, hoc est, ita ut intelligatur antecedens in eas partes quæ in distributione enumerantur, tanquam in species distribui ac distingui: quod fit, quando distributio de antecedente generali universaliter: ut hic, *Omnis enunciatio est vera aut falsa*. sic, *Omne animal est rationale aut irrationale*. Disjunctivé autem tum demum enunciatur distributio, quum enunciatur de specie aliqua ejus generis ad quod distributio propriè pertinet: sive ea species sit specialissima, hoc est res singularis, quæ vulgo individuum dicitur: ut, *Socrates aut rationalis est, aut irrationalis*: Sive sit species subalterna: ut, *Homo aut rationalis est, aut irrationalis*. *Hic significatur, é disjunctis unicuique verum esse*] Hoc non est κατὰ πᾶν-  
 τός: quia tantum verum est de enunciato disjuncto, in

quo divisio enunciatur de specie generis divisi: ut, Homo aut rationalis est aut irrationalis. Falsum autem est de enunciato disjuncto, in quo divisio enūciatur de ipso genere diviso: ut, Omne animal aut rationale est aut irrationale. hīc enim nō significatur, ē disjunctis unicum verum esse: sed significatur ambo simul sumta, attamen disjunctim sumta, vera esse. Neutrum enim separatim sumtū, verum est: ut, Omne animal est rationale, Omne animal est irrationale. *Non omnis enūciatio*] De negatione enunciati disjuncti observandum, si affirmatum fuerit definitum, id est, signo quantitatis insignitum, tum adverbium negandi præponi signo: ut hīc, Omnis enūciatio aut vera est aut falsa: Non omnis enūciatio aut vera est aut falsa. Si verō affirmatum fuerit indefinitum, id est, nullo signo quantitatis determinatum: tum adverbium negandi præponi verbo substantivo: planē ut in enunciatis simplicibus. ut, Enūciatio est aut vera aut falsa: Enūciatio non est aut vera aut falsa. *Aut mihi*] Enūciatio disjuncta Leandri hæc est: Si navigem ad amicam: aut potiar eius amore, aut in mari moriens liberabor amoris molestia. hæc disjunctio non est necessaria: quia poterat dari tertium. poterat enim fieri ut quidem vivus perveniret ad littus, nec tamen amica potiretur.

## CAP. 9. DE SYLLOGISMO

*Et ejus partibus.*

Atque ejusmodi judicium est axiomaticum axiomaticis "per se manifesti, sequitur dianoëticum. Dianoia est, cū aliud axioma ex alio deducitur: estq; syllogismus aut methodus. "Syllogismus est dianoia, qua "quæstio "cum argumento ita disponitur, ut "posito antecedente, "necessariō concludatur. Nam cū axioma dubium "sit, "quæstio efficitur, "& ad ejus fidem

dem "tertio argumento opus est "cum quæstione collocato." Syllogismi antecedens partes duas habet, "propositionē & assumptionem.

Propositio, est prima pars antecedentis, "qua quæstionis saltem consequens cum argumento disponitur: Assumptio est secunda pars antecedentis, "quæ assumitur é propositione. Syllogismi autem pars consequens est, "quæ complectitur partes quæstionis, eamque concludit: unde cōplexio & conclusio dicitur." Si qua pars syllogismi defuerit, "enthymema dicitur: si quid præter illas tres partes accesserit, "prosyllogismus. "Partium etiam ordo sæpè confunditur: attamen si qua dubitatio propterea fuerit; "explenda quæ defunt: "amputanda, quæ supersunt: & pars quælibet "in locum redigenda est.

*Per se manifesti*] Imò cuiusvis enunciati, sive per se manifesti, sive indigentis demonstratione syllogistica. Hoc igitur non est καθόλου πρῶτον. *Syllogismus*] συλλογισμός, Latine ratiocinatio, item argumentatio, itē conclusio: Germanicè *ein Schluß* Red. Propriè videtur significare (ut Talæus annotat) calculum Arithmeticum, id est, collectionem: qualis fit ex additione variorū nominum capitumq; summa quædam. ut si dicas: Iste mihi debet duos florenos pro vino, & tres pro frumento: Ergo in summa debet mihi florenos quinque. Itaque συλλογισμός, est συλλογή λόγων, collectio rationum. *Quæstio*] Id est, enunciatum dubium de cuius veritate queritur. Metonymia adjuncti: Quæstio enim occurrat in enunciato dubio. item, Quæstio, scilicet eōjuncta: nam simplex quæstio ἀσυμλόγιστος est, hoc est, non potest syllogismo concludi. Synecdoche generis. item,



Quæstio, id est vel tota quæstio: ut sit in syllogismo cōposito: vel quæstionis partes singulatim, nempe seorsim antecedens, & seorsim consequens: ut sit in syllogismo simplici. Syntecdoche generis alia. Ita perspicitur, tres hîc tropos in uno vocabulo concurrere. *Cum argumento*] Hîc argumenti vocabulum in propria significatione accipitur, pro eo quo quæstio arguitur, id est, consequens de antecedente verè enunciari demonstratur. *Posito antecedente*] Id est (ut vulgo loquuntur) concessis præmissis, seu maiore & minore propositione. *Necessariò concludatur*] Id est, ita demonstretur ut nemo sanæ mentis dubitare possit, quin enunciatur quod concluditur, verum sit, si enunciata duo ex quibus illud concluditur, vera sint: id est, quin conclusio sequatur ex præmissis. *Sic*] Malim dicere, *Est*. nam *Quum sit*, non significat idem quod *Quando est*: sed idem valet quod *Quia est*. quibus verbis hîc peccaretur in legem κατὰ παντός. *Quæstio efficitur*] Ipsa enunciatio non efficitur quæstio: sed quia dubia est, inde nascitur quæstio, quæ de illius veritate queritur, ut omni dubitatione sublata, certa scientia comprehendatur. *Et ad ejus fidem*] Id est, ad faciendum ei fidem, ut ei fides habeatur, ut credatur. *Tertio argumento*] Hîc argumenti nomen partim propriè, partim καλαχρησικῶς accipitur. In syllogismo enim sunt tres termini: quorum unus tantum argumentum propriè vocatur, vulgò medium: reliqui autem duo vocantur terminus major & minor. *Cum quæstione*] Id est, cum partibus quæstionis sigillatim, semel cum una, & semel cum altera. *Syllogismi antecedens*] Syllogismi partitio, id est, in membra distributio, ex quibus membris syllogismus integratur, quorum alterum dicitur authori Antecedens, alterum Cōsequens: Græcis πρόθεσις & συμπέρασμα. *Propositionem & assumt.*] Vulgo vocant propositionem maiorem & minorem. *Quæ quæstionis saltem cōsequens*] Id est, Enunciationis concludendæ prædicatum seu attributū. Vulgo, Propositio major est quæ continet terminum majorem

rem cum medio. Quæ definitio non est reciproca: nam non est *κατὰ πάντας*: quum propositio major syllogismi (ut vocant) hypothetici, non solum terminum majorem, sed etiam minorem, id est, totam quæstionem contineat. Idcirco noster author adjecit adverbium *Saltem*: quasi dicat, Si non semper tota quæstio, saltem quæstionis consequens in propositione cum argumento disponitur: quorum illud fit in syllogismo composito, hoc in simplici. *Qua assumitur e propositione*] Malim dicere, Ad propositionem: hoc enim postulare videtur verbi compositio. Et idem innuunt appellationes Græcæ, *πρόσληψις* & *μετάληψις*: quarum illa notat additionem, hæc postpositionem. Interim verum est, assumtionem non solum assumi ad propositionem, sed etiam e propositione: Assumitur enim inde argumentum, & iterum enunciatur: vel solum, ut in syllogismo composito: vel cum antecedente quæstionis, ut in syllogismo simplici. Vulgò, Propositio minor est, quæ continet terminum minorem cum medio. Sed hæc definitio eodem quo superior, vitio laborat: Vera enim tantum est de assumptione syllogismi simplicis, de compositi non item. *Qua complectitur partes quæstionis*] Vulgo, Quæ continet terminum majorem cum minore. *Si quæ pars*] Scilicet, quæcunque illa sit: sive propositio, sive assumptio, sive conclusio. quanquam conclusio rarius omitti videtur: Et conclusio non tam pars syllogismi, quam effectum videtur. Unde Efficiendi verbum pro verbo Concludendi apud Cic. crebrò reperitur. *Enthymema*] *ἐνθύμημα παρὰ τὸ ἐνθυμεῖσθαι*, quod est in animo (*ἐνθυμῶ*) versare seu volvere, cogitare. Quum enim enthymema sit syllogismus imperfectus, nempe una sui parte truncatus ac mutilus: sit ut partem illam omissam audienti cogitandam & in animo supplendam relinquat. non enim acquiescit mens, donec perfectum syllogisimum complexa sit. Itaque syllogismus imperfectus appellatus est *ἐνθύμημα*, id est, cogitatio, per metonymiam effecti: quia cogitationem enunciationis

omissæ parit atque efficit. *Prosyllogismus*] Prosyllogismos Latini vocant approbationes, quasi additas probationes, additas nimirum ad probandum syllogismi propositionem aut assumptionem, quibus probatio principalis continetur. Itaque videntur veteres appellasse non *προσυλλογισμὸς* ex præpositione *πρὸς*: sed *προσσυλλογισμὸς* ex præpositione *πρὸς*: Idque eò magis, quod ab Aristotele etiam appellatur *πρὸςθεσις*, appositio seu additio, id est, additamentum: 2. Prior. 26. *Partium etiam ordo saepe confunditur*] Paucos reperias in libris authorum syllogismos, quorum partes secundum ordinem artis sint propositæ: sed ordinem ostendere, interpretis seu explicatoris est. *Explenda quæ disjunctæ*] Si scilicet sint enthymemata. *Amputanda quæ supersunt*] Nempe prosyllogismi: item illustrationes vel amplificationes. *In locum*] Videlicet propositio in locum primum: assumptio in secundum: conclusio in tertium.

Hoc loco dicendum aliquid videtur de vulgari divisione argumentationis. Tradunt enim, argumentationis species esse quatuor: syllogismum, enthymema, inductionem & exemplum. Alii & quintam addunt speciem, Soriten. Nos autem cum auctore nostro sentimus, argumentationis speciem revera tantum esse unicam, videlicet syllogismum. Nam & enthymema syllogisticus est, sed aliquid permissus, nempe unius membri truncationem: ut paulò antè explicatum est. Inductio verò enthymema est, cujus argumentum ductum est ab enumeratione specierum seu exemplorum specialium: bonum quidem & syllogisticum, si enumeret species omnes: vitiosum verò & *ἀσυλλογιστὸν*, si enumeret tantum aliquas species. nam clausula quæ enumerationi solet annecti, *Nec dissimile exemplum potest reperiri*: hæc inquam clausula petit principium, id est, sumit pro confesso id quod est in quaestione, quodque argumento demonstrandum est. Jam exemplum non est argumentationis, sed argumenti nomen: significat enim factum simile. Sed esto, exemplum nominetur per meto-

metonymiam causæ, nempe materiæ, ipsa argumentatio quæ exemplo constat: num igitur peculiaris hæc forma argumentationis est? Minimè: Sic enim tot essent formæ argumentationum, quot sunt genera argumentorum. Deinde exemplum illud, nonne enthymema est? ut, David in casu necessitatis non peccavit edendo panes propositionis: Ergo nec discipuli Christi peccarunt, evellendo spicas die sabbathi in casu necessitatis. Hæc argumentatio enthymema est, ac proinde syllogismus. Restat sorites: quid ille? nonne & ipse syllogismus est? Certè sunt qui vocant soriten syllogismum compositum: quo ipso fatentur esse syllogismum, aut certè syllogismos complures in unum veluti acervum coacervatos. Cæterum quia nemo adhuc (quod sciam) veram & legitimam soritis analysin tradidit: libet hoc loco nostram de ratione resolvendi soriten, exponere sententiam. Est autem sorites syllogismus compositus in quo plures præmissæ coacervantur, & eo ordine connectuntur, ut semper prædicatum præcedentis, sit subiectum sequentis: unde conclusio inferitur in qua prædicatum ultimæ præmissæ attribuitur subiecto præmissæ primæ. Vel brevius, Sorites est syllogismus auctus numero præmissarum gradatim coacervatarum, ut, Socrates est homo: Homo est animal: Animal est substantia. Ergo Socrates est substantia. Dictus est *σωρείτης*, quasi coacervator, à *σωρεύω*, coacervo: quod venit à *σώρῃς*, acervus, cumulus. Cicero acervalem appellat, de Divin. lib. 2.

Quomodo autem, inquit, mentientem dissolvas? quem pseudomenon vocant: aut quemadmodum soriti resistas? quem si necesse sit, Latino verbo liceat acervalem appellare, sed nihil opus est. Ut enim ipsa philosophia & multa verba Græcorum: sic sorites satis Latino sermone tritus est. Et Academ. quæstio. libr. 4. Et primum, inquit, hoc reprehendendum, quod captiosissimo genere interrogationis utuntur: quod genus minimè in philosophia probari solet; quum aliquid minutatim & gradatim additur aut demitur. Soritas hos vocant,

*Sturm. li. 2.  
part. Dial. 5.  
41.*

» qui acervum efficiunt uno addito grano: Vitiosum sanè  
 » & captiosum genus. Hæc Cicero. At, inquam, Sorites  
 non toto genere vitiosus aut captiosus est: sed tam legi-  
 timus & firmus esse potest, quàm syllogismus simplex  
 ac purus. Si enim præmissæ in eo omnes veræ & affir-  
 mantes sint, atque etiam si última sit negans: tum & le-  
 gitimus & perspicuus est sorites: ut in exēplō antè pro-  
 posito potest perspicui: & in sorite Paulino Roman. s. per-  
 spicitur. Sed dicamus nunc de soritis analysi. In sorite  
 igitur resolvendo & in syllogismos simplices seu singu-  
 los retexendo, hæ mihi quinque regulæ observandæ vi-  
 dentur. I. Considerandus est numerus præmissarum:  
 ut certi simus de numero syllogismorum ex quibus so-  
 rites constat, & in quos proinde resolvendus est. Sem-  
 per enim sorites ex totidem syllogismis constat ex quot  
 constat præmissis, uno minús. Itaque si tres fuerint præ-  
 missæ, syllogismi erunt duo: & sic deinceps. II. Primó  
 omnium excerpendus est syllogismus principalis, id  
 est, quo concluditur quæstio proposita. Is autem con-  
 tinetur præmissa última & conclusione: quarum illa in  
 syllogismo principali fit major: minor autem (quæ in  
 sorite non continetur) supplenda est. Deinde ordine re-  
 solvendi sunt prosyllogismi, id est syllogismi approba-  
 torii, quibus aliqua præmissa syllogismi præcedentis  
 approbatur. III. Si sorites ex tribus tantum præmissis  
 constet, ac proinde in duos tantum syllogismos retexi  
 possit, videlicet principalem & prosyllogismum unicum:  
 tunc prosyllogismus continetur duabus primis præ-  
 missis: ita quidem ut prima habeat locum minoris, se-  
 cunda veró majoris. Sciendum autem, prosyllogismo il-  
 lo semper approbari & concludi minorem syllogismi  
 principalis. IIII. Si sorites ex pluribus quàm ex tribus  
 præmissis constet, ac proinde in plures etiã syllogismos  
 quàm duos, retexi possit: tum etiam plures prosyllogi-  
 smi fiunt: quorum quidem is est ordo, ut primó appro-  
 betur minor syllogismi principalis, secundo minor  
 prosyllogismi primi, tertio secundi, & sic deinceps.

V. Quum

V. Quum in sorte plures uno prosyllogismi sunt: tunc primi prosyllogismi propositio major est præmissa sortis penultima, secundi antepenultima, & sic deinceps: excepta præmissa prima, quæ semper est minor prosyllogismi ultimi. Exempli gratia, resolvamus primûm sortem simplicissimum: qualis est antè propositus:

*Socrates est homo:*

*Homo est animal:*

*Animale est substantia: Ergo*

*Socrates est substantia.*

Cõstat ex præmissis tribus: ergo ex syllogismis duobus: è quibus principalis est hic:

*Omne animal est substantia:*

*Socrates est animal: Ergo*

*Socrates est substantia.*

Prosyllogismo approbatur minor syllogismi principalis:

*Omnis homo est animal:*

*Socrates est homo: Ergo*

*Socrates est animal.*

Plutarchus περί παιδων ἀγωγῆς recitat sortem Diophanti, filii Themistoclis:

*Qua ego volo, inquisebat, Vult etiam mater mea:*

*Qua Vult mater mea, Vult etiam Themistocles:*

*Qua Vult Themistocles, Vult totus populus Atheniensis:*

*Ergo qua ego volo, Vult totus populus Atheniensis.*

Syllogismus principalis est hic:

*Qua Vult Themistocles, Vult populus Atheniensis:*

*Qua ego Volo, Vult Themistocles: Ergo*

*Qua ego Volo, vult populus Atheniensis.*

Prosyllogismus est hic:

*Qua Vult mater mea, Vult Themistocles:*

*Quæ ego volo, Sult mater mea: Ergo  
Quæ ego volo, Sult Themistocles.*

Rom. 5. extat sorites quatuor præmissarum:

*Afflictio parit patientiam:*

*Patientia experientiam:*

*Experientia spem:*

*Spes non pudefacit:*

*Ergo afflictio non pudefacit: & per consequens, gloriamur in afflictionibus.*

Syllogismus principalis:

*Spes non pudefacit:*

*Afflictio parit spem: Ergo*

*Afflictio non pudefacit.*

Prosyllogismus 1.

*Experientia parit spem:*

*Afflictio parit experientiam:*

*Ergo afflictio parit spem.*

Prosyllogismus 2.

*Patientia parit experientiam:*

*Afflictio parit patientiam: Ergo*

*Afflictio parit experientiam.*

Exemplum soritis ex præmissis quinque:

*Quod iustum est, laudabile est:*

*Quod laudabile est, pulchrum est:*

*Quod pulchrum est, optabile est:*

*Quod optabile est, utile est:*

*Quod utile est, bonum est:*

*Quod iustum ergo est, bonum est.*

Syllogismus principalis:

*Quod utile est, bonum est:*

*Quod iustum est, utile est: Ergo*

*Quod iustum est, bonum est.*

Prosyllogismus 1.

*Quod optabile est, utile est:*

*Quod iustum est, optabile est: Ergo*

*Quod iustum est, utile est.*

Prosyllogismus 2.

*Quod pulchrum est, optabile est:*

*Quod justum est, pulchrum est: Ergo*

*Quod justum est, optabile est.*

Prosyllogismus 3.

*Quod laudabile est, pulchrum est:*

*Quod justum est, laudabile est: Ergo*

*Quod justum est, pulchrum est.*

Cic. 3. Offic. Atq; si etiam hoc natura præscribit, ut homo homini, quicumq; sit, ob eam ipsam causam quod is homo sit, consultum velit: necesse est secundum eandem naturam, omnium utilitatem esse communem. quod si ita est: una continentur omnes & eadem lege naturæ. idque ipsum si ita est: certè violare alterum, lege naturæ prohibemur. Verum autem primum: verum igitur & extremum. Hactenus Cicero. Talæus judicat, esse syllogismum connexum primi modi, cujus propositio sortitem habeat quatuor graduum. At ego judico, duos hic syllogismos esse: primum sortitem, deinde syllogismum connexum primi modi: atq; hunc esse principalem, illū approbatorium. Quæstio est, An lege naturæ prohibeamur violare alterum? Hujus quæstionis affirmationem concludit Cicero syllogismo connexo primi modi, sic:

*Si natura præscribit ut homo homini consultum velit: certè violare alterum, lege naturæ prohibemur.*

*Verum autem primum:*

*Verum igitur & extremum.*

Hujus syllogismi propositionem approbat sorte, ad hunc modum:

*Si natura præscribit ut homo homini consultum velit: necesse est secundum eandem naturam, omnium utilitatem esse communem.*

*Quod si ita est: una continentur omnes & eadem lege naturæ.*



*Idq; ipsum si ita est: certè violare alterum,  
lege natura prohibemur. Ergo*

*Si natura praescribit ut homo homini con-  
sultum velit: violare alterum, lege  
natura prohibemur.*

Quo loco notandum, si sorites ex puris connexis enuntiatis constet: firmū esse posse, etiam si omnia enunciata negantia habeat, sed quibus tamen non negetur connexio, sed potius negatio negationi connectatur. ut  
 » apud Cic. de Fato: At si causa appetitus non est sita in  
 » nobis: ne ipse quidem appetitus est in nostra potestate.  
 » quod si ita est: ne illa quidem quæ appetitu efficiuntur,  
 » sita in nobis sunt. Non igitur neque assensiones, neque  
 » actiones, in nostra potestate. Ex quo efficitur, ut neque  
 » laudationes justæ sint, nec vituperationes, nec honores,  
 » nec supplicia. Quod quum vitiosum sit: probabiliter cō-  
 » cludi putant: non omnia fieri fato quæcunq; fiant. Ha-  
 ctenus Cicero. Talæo videtur esse syllogismus connexus modi secundi: cujus propositio soritè habeat quinque graduum. Mihi similiter ut antea, videntur esse syllogismi duo: nempe syllogismus connexus secundi modi, & soritès quo illius propositio approbatur. Quæstio est, an omnia fiât fato? Hujus quæstionis negationem concludit Cicero syllogismo connexo secundi modi, sic:

*Si causa appetitus non est sita in nobis: ex  
eo efficitur, ut neq; laudationes justæ  
sint, nec vituperationes, &c.*

*Sed laudationes & vituperationes sunt  
justæ.*

*Ergo causa appetitus est sita in nobis: & per  
consequens, non omnia fiunt fato.*

Hujus syllogismi propositionem approbat hoc sorite,  
*Si causa appetitus non est sita in nobis, ne  
ipse quidem appetitus est in nostra po-  
testate.*

*Si appetitus non est in nostra potestate: ne  
illa*

*illa quidem qua appetitu efficiuntur,  
sita in nobis sunt.*

*Si illa qua appetitu efficiuntur, non sunt si-  
ta in nobis: non igitur neq<sub>3</sub> assensiones,  
neq<sub>3</sub> actiones, in nostra potestate sunt.*

*Si neq<sub>3</sub> assensiones neq<sub>3</sub> actiones in nostra po-  
testate sunt: ex eo efficitur, ut neq<sub>3</sub> lau-  
dationes iusta sint, neque vituperatio-  
nes, nec honores, nec supplicia. Ergo*

*Si causa appetitus non est sita in nobis: se-  
quitur, nec laudationes, nec vituperati-  
ones, &c. iustas esse.*

Atque hæc de sorite. Sunt & qui dilemma pro nova  
& peculiari argumentationis specie habeant: atque id  
cornutum argumentandi genus vocant, quia duobus  
utrinque veluti cornibus feriat: quum tamen dilemma  
nihil aliud sit quam syllogismus disjunctus cum duobus  
connexis, ita ut in unoquoque dilemmate tres syllogi-  
smi sint. Exempli gratia:

*Si improbus est, cur uteris?*

*Si probus, cur accusas?*

Hic tres syllogismi sunt: Primus, connexus modi primi:  
quo concluditur quæstio proposita:

*Si probus est, non debes accusare:*

*Sed est probus: Ergo*

*Non debes accusare.*

Secundus, disjunctus: isque prosyllogismus assumptionis  
syllogismi principalis:

*Aut improbus est, aut probus:*

*Non autem improbus:*

*Probus igitur.*

Tertius, connexus secundi modi: isque prosyllogismus  
assumptionis prosyllogismi primi:

*Si improbus esset, non contereris:*

*Atqui uteris:*

*Non igitur improbus est.*

Joan. 18, 23. Christus quum á ministro pontificis maximi injuste caris esset, tali dilemmate eum reprehendit:

*Si male loquutus sum: testare de malo.*

*Sin bene: cur me cadis?*

Quæstio est, an juste eum percussit? Dominus negat: & negationem dilemmate probat, quod his tribus syllogismis constat.

Primus, connexus primi modi:

*Si bene loquutus sum, injuste me cadis:*

*Sed bene loquutus sum: Ergo*

*Injuste me cadis.*

Secundus, disjunctus: isq; prosyllogismus

assumptionis syllogismi principalis:

*Aut bene loquutus sum, aut male:*

*Non autem male loquutus sum:*

*Bene igitur.*

Tertius, connexus modi secundi: isque prosyllogismus assumptionis prosyllogismi primi:

*Si male loquutus sum: testare de malo.*

*At non potes testari de malo.*

*Non igitur male loquutus sum.*

Celebre est Biantis dilemma de non ducenda uxore:

- „ Aut enim pulchram, inquit, duces: aut deformem. Si  
 „ pulchram: habebis κοινήν. sin deformem: ποινήν. Utrun-  
 „ que non est bonum. Igitur uxor ducenda non est. Hic  
 similiter tres syllogismi sunt:

1.

*Omnis uxor aut pulchra est, aut deformis:*

*Neutra ducenda est:*

*Nulla igitur prorsus ducenda est.*

2.

*Si pulchram duxeris: habebis κοινήν:*

*Atqui non est habenda κοινή: non enim bonū.*

*Ergo pulchra ducenda non est.*

3.

*Si deformem duxeris: habebis ποινήν:*

*At non est habenda ποινή: non enim bonum.*

*Ergo deformis non est ducenda.*

Utroque prosyllogismo approbatur propositio minor syllogismi principalis; priore prius illius membrum, posteriore posterius. Sed hinc propositio minor syllogismi principalis falsa est: falsa item major in prosyllogismo utroque, quatenus neutra est κατὰ παντός. nam nec omnis pulchra uxor est κοινή, nec omnis deformis ποινή: quippe uxor casta & pia neq; κοινή est, si formosa: neque ποινή, si deformis sit. nam castitas atque pietas & prostitutionem impedit, & deformitatem compensat.

## CAP. IO. DE SYLLOGISMO

### *simplici contracto.*

Syllogismus, est<sup>r</sup> simplex aut compositus: Simplex, ubi<sup>r</sup> pars<sup>r</sup> consequens quaestionis disponitur<sup>r</sup> in propositione: pars<sup>r</sup> antecedens<sup>r</sup> in assumptione: estq; affirmatus, é partib. omnib. affirmatis; negatus, é negata antecedentiū partium altera cum cōplexione: generalis, é propositione & assumptione generalibus: specialis, ex altera tantum generali: proprius, ex utraque propria. Simplex syllogismus, est<sup>r</sup> contractus partibus vel explicatus. Contractus, quando argumentum pro exemplo ita subicitur particulari quaestioni, ut utramque partem antecedens & assumptione affirmatum intelligatur:

*Quedam confidentia est virtus, ut constantia.*

*Quedam confidentia non est virtus, ut audacia.*

Hinc enim argumentum, quaestionis utramque partem antecedere intelligitur, tanquam

esset expressum, Constantiam esse virtutem & confidentiam: ideoque quandam confidentiam esse virtutem: item, Audaciam non esse virtutem, & tamen esse confidentiam: ideoque quandam confidentiam non esse virtutem. Sic usus differendi, magister syllogistici judicii contrahitur, nec aliter explicatur. Atque ista expositio principium syllogismi partibus explicati ab Aristotele efficitur, tanquam per se pleno syllogismi judicio sit clarior & illustrior.

*Simplex aut compos.*] Hæ appellationes ex argumenti dispositione sumptæ sunt: quod aut disponitur cū quæstionis partibus sigillatim, aut cum tota quæstione, id est, cum utraque quæstionis parte conjunctim. Vulgò divisio ista traditur his verbis, Syllogismus aut est categoricus aut hypotheticus: quæ appellationes à partibus, id est, enunciatis è quibus syllogismi constant, desumptæ sunt. Cæterum de illa divisione idem sentiendum est quod de divisione propositionis consimili: de qua diximus in caput 5. Alias appellari possit syllogismus simplex qui unicus est, id est, qui unicam conclusionem concludit, sive is è simplicibus sive è compositis enunciatis constet: Compositus autem, qui multiplex est, id est, qui non unam tantum conclusionem, sed duas pluresve concludit: cujusmodi syllogismus sorites dicitur. *Pars consequens quæstionis*] Non autem tota quæstio, ut fit in syllogismo composito. Quæstionis vocabulum hîc intellige ut suprà cap. 8. nempe partim per synecdochen generis, de quæstione conjuncta: partim per metonymiam adjuncti, de enunciato dubio quod in quæstione vocatur, seu de quo quæstio movetur. *Consequens*] Vulgò prædicatum, item terminus major. *In propositione*] Vulgò, In propositione majore. *Antecedens*] Vulgò

Vulgó subjectum, item terminus minor. *In assumptio-*  
*ne*] Vulgó, In propositione minore. Hæc igitur syllogi-  
 fini simplicis definitio vulgó comprehēderetur his ver-  
 bis, Syllogismus categoricus est, in quo uterque termi-  
 nus quæstionis cum medio singulatim disponitur, ma-  
 jor quidem in propositione majore, minor veró in mi-  
 nore. *Estque affirmatus*] Sequitur duplex divisio syl-  
 logismi simplicis: altera in affirmatum aut negatum:  
 altera in generalem, aut specialem, aut proprium. Qua-  
 rum divisionum prior non videtur esse καθόλου πρῶτον,  
 id est reciproca: cum similiter dividi possit syllogismus  
 compositus: in posteriori autem partes duæ posteriores  
 non sunt inter se dissentaneæ, sed consentaneæ: nam  
 proprius syllogismus est etiam specialis: est enim illius  
 species: planè ut enunciatum proprium enunciati spe-  
 cialis species est: ut traditum est cap. 4. Posterior itaque  
 divisio sic fuerat proponenda: Syllogismus simplex aut  
 generalis est aut specialis: specialis autem rursus aut  
 infinitus aut proprius. Vel potiùs ad hunc modum: Syl-  
 logismus simplex aut universalis est, aut particularis, aut  
 singularis: Universalis, cujus conclusio est universalis:  
 particularis, cujus particularis: singularis, cujus singula-  
 ris. Sed hîc appellationes usitatæ modorum, utiliores  
 ad docendum videntur esse: de quibus dicemus pauló  
 póst. *Contractus partibus*] Author studio dichotomiæ,  
 trichotomiam Aristotelis in tres figuras neglexit: & stu-  
 dio methodi, ex tertia figura primam, & vicissim ex pri-  
 ma tertiam fecit. *Quando argumentum*] Tertia figu-  
 ra Aristotelica vulgó sic definitur: Tertia figura est in  
 qua medium est subjectum in utraque præmissa. Porró  
 species syllogismorum sub singulis generibus seu figu-  
 ris comprehensæ, vulgó appellantur modi, & artificiali-  
 bus quibusdam vocabulis nominantur: quorum singu-  
 læ syllabæ ad singula syllogismi enunciata applicantur,  
 ad indicandum eorum tum qualitatem, tum quantita-  
 tem, tum etiam in secunda & tertia figura, reductionis  
 requisita, id est, ea quæ requiruntur quæque fieri oport-

ter quum syllogismi secūda & tertīa figuræ ad primam figuram reducuntur, id est, syllogismis primæ figuræ permutantur. Illa vocabula his quatuor versibus continentur:

1. *Barbara, Celarent, prima, Daris, Ferioq;*
2. *Cesare, Camestres, Festino, Baroco, secunda:*
3. *Tertia grande sonans tibi dat Darapti, Felapton:*
4. *Adjungens Disamis, Datisi, Bocardo, Ferison.*

In quib. vocabulis observandæ sunt quatuor vocales, A, E, I, O: quatuor item consonantes initiales, B, C, D, F: nec non quatuor consonantes mediæ, S, P, M, C. Vocales indicant propositionum seu enunciationum syllogismi quantitatem & qualitatem:

nempe A universalem affirmativam.  
 E universalem negativam.  
 I particularem affirmativam.  
 O particularem negativam.

Consonantes initiales admonent, qui modi ad quos reducendi sint, nempe unusquisque ad eum modum primæ figuræ qui incipit ab eadem litera: ut ad Barbara reducuntur Baroco & Bocardo: ad Celarent reducuntur Cesare, Camestres, &c. Consonantes mediæ indicāt requisita reductionis, juxta hos duos versus,

*S vult simpliciter verti, P vero per acci.*

*M vult transponi, C per impossibile duci.*

Id est,

S	}	indicat	{	Simplicem conversionem.
P				Per accidens conversionem.
M	{		{	Mutationē loci seu μεταθε- σιν, id est, transpositionem præmissarum.
C				Cōtradictoriā propositionē, seu cōclusionem absurdam.

His appellationibus nos adjiciemus plures: accommodatas modis syllogismorum propriorum quos in singulis figuris noster auctor observavit: ut in tertia *Durapti* & *Fylapton*: in secūda, *Cysury* & *Cumystry*: in prima, *Bur-  
burn* & *Cylurynt*. In quibus vocabulis, vocalis U enun-  
 catio-

ciationem singularem affirmativam; Y veró singularē negativam indicat. Quas quidem recens á nobis confictas memorativas voces nō peiús aures tyronum, quám veteres illas jam usu tritas, ferituras judicamus. Sed quibus aures nimium tenere sunt, iis illas ad harum vocum sonum per me quidem obturare licebit.

Tertię igitur figurę sex traduntur modi: Darapi, Felapton, Disamis, Datifi, Bocardo, Ferison. His noster author duos alios olim adjecit, eorum scilicet syllogismorum qui vulgó Expositorii dicuntur: quorum videlicet medium seu argumentum est res singularis seu individuum. Dicuntur autem Expositorii, quod terminus minor per medium exponatur, tanquam per exemplū speciale. Verúm istiusmodi expositio etiam in ceteris modis locum habet: ut non sit καθόλου πρῶτον, id est, propria expositoriorum (qui dicuntur) syllogismorum. Porro exempla olim ab autore proposita, vulgó in scholis sic proponerentur:

## 1.

Da O. *constantia est virtus:*  
rap O. *constantia est confidentia: Ergo*  
ti Q. *confidentia est virtus.*

## 2.

Fe N. *audacia est virtus:*  
lap O. *audacia est confidentia: Ergo*  
ton Q. *confidentia non est virtus.*

## 3.

Dis Q. *sapiens est dives:*  
am O. *sapiens est laudabilis: Ergo*  
is Q. *laudabilis est dives.*

## 4.

Da O. *sapiens est laudabilis:*  
tis Q. *sapiens est pauper: Ergo*  
i Q. *pauper est laudabilis.*



5.

Boc *Q. dicti non sunt boni:*  
 ar *O. docti norunt Veritatem: Ergo*  
 do *Q. qui norunt Veritatem, non sunt boni.*

6.

Fe *N. stultus est beatus:*  
 rif *Q. stultus est fortunatus: Ergo*  
 on *Q. fortunatus non est beatus.*

7.

Du *Socrates est philosophus:*  
 rup *Socrates est homo: Ergo*  
 ti *Q. homo est philosophus.*

8.

Fy *Thersites non est philosophus:*  
 lup *Thersites est homo: Ergo*  
 ton *Q. homo non est philosophus.*

*Contrahitur*] Atque hæc causa P. Ramo fuit, ut modos illos syllogismorum explicatorum tertiæ figuræ Aristotelicæ, olim à se traditos, expunxerit. Quanquam ejusmodi contractio syllogismorum qualis hic ab auctore proponitur, syllogistica non videtur: quoniam argumentum non enunciatur ut ratio seu probatio, sed ut declaratio. nam particula UT, sic usurpata, non probandi, sed declarandi potestatem habet: ad probandum autem adhibenda est particula rationalis aut causalis, Nam vel *Quia*: & ita dicendum: *Quædam confidentia est virtus: nam constantia est virtus. quod jam enthymema est, cui deest assumptio. Expositio*] Qua scilicet exponitur quæstionis antecedens, tanquam genus, per speciem seu exemplum: cujus nota est conjunctio Ut. hinc factum puto, ut syllogismi hujus figuræ expositorii dicti sint.

CAP. II. DE PRIMA SPECIE SYL-  
logismi simplicis explicati.

In syllogismo explicato "propositio est" ge-  
neralis aut propria, & conclusio similis "ante-  
cedenti aut "parti" debiliori: Species duæ sunt,  
prima ubi "argumentum" semper "sequitur",  
negatum in "altera parte.

GEN. I.

Ces *Turbatus non bene utitur ratione:*

a *Sapiens bene utitur ratione:*

re *Sapiens igitur non est turbatus.*

Hoc iudicium ita fit à Cic. 3. Tusc. Et quem-  
admodum (ait) oculus cõturbatus, non est pro-  
bé affectus ad suum munus fungendum: & re-  
liquæ partes, totumque corpus à statu cùm est  
motum, deest officio suo ac muneri: sic con-  
turbatus animus nō est probé affectus ad exe-  
quendum munus suum. Munus autem animi  
est, ratione uti: & sapientis animus ita semper  
affectus est, ut ratione optimé utatur: nun-  
quam igitur est perturbatus.

GEN. 2.

Cam *Res mortalis est composita:*

es *Animus non est compositus:*

tres *Animus igitur non est mortalis.*

Cic. I. Tusc. "hoc syllogismo iudicat, animū  
immortalem esse. In animi autem cognitione  
(inquit) dubitare non possumus, nisi forté in  
physicis plumbei sumus, quin nihil sit animis "

» admixtum, nihil concretum, nihil copulatum,  
 » nihil coagmentatum, nihil duplex. Quod cum  
 » ita sit; certé nec secerni, nec dividi, nec discerpi,  
 » nec distrahi potest: nec interire igitur. Est enim  
 » interit<sup>9</sup>; quasi discessus & secretio ac diremtus  
 » earum partium, quæ antè interitum junctione  
 » aliquatenebantur.

## S P E C. I.

Fel *Lividus non est magnanimus:*  
 ti *Maximus est magnanimus:*  
 no *Maximus igitur non est lividus.*

Hoc iudicio Ovid 3. de Pont. Eleg. 3. concludit:

*Livor, iners vitium, mores non exit in altos,  
 Utq; latens ima viper a serpit humo:  
 Mens tua sublimis supra genus eminet ipsum,  
 Grandius ingenio nec tibi nomen inest.  
 Ergo alii noceant miseris, optentq; timeri,  
 Tinctaq; mordaci spicula felle gerant.  
 At tua supplicibus domus est assueta juvandis,  
 In quorum numero me precor esse velis.*

## S P E C. 2.

Ba *Saltator est luxuriosus.*  
 roc *Murana non est luxuriosus:*  
 o *Murana igitur non est saltator.*

» Cic. pro Mur. Nemo .n. ferè saltat sobrius,  
 » nisi fortè insanit, neq; in solitudine, neq; in cō-  
 » vivio moderato atque honesto: Intèpestivi cō-  
 » vivii, amœni loci, multarū deliciarū comes est

extrema saltatio : Tu mihi arripis id , quod  
 necesse est omnium vitiorum esse postremū :  
 relinquis illa, quibus remotis hoc vitium omni-  
 no esse non potest : nullum turpe convivium,  
 non amor, nō comessatio, non libido, nō sum-  
 ptus ostēditur : & cū ea non reperiantur, quæ  
 voluptatis nomen habēt, quæque vitiosa sunt,  
 in quo ipsam luxuriam reperire non potes, in  
 eo te umbram luxurię reperturum putas? Hoc  
 iudicii modo Ovidius i. Trist. Eleg. i. tripliciter  
 concludit, dum carminum suorum excusatio-  
 nem exponit:

*Carmina proveniunt animo deducta sereno:*

*Nubila sunt subitis tempora nostra malis.*

*Carmina secessum scribentis & otia querunt:*

*Me mare, me venti, me fera jactat hyems.*

*Carminibus metus omnis abest : ego perditus en-*  
*sem*

*Hæsurum jugulo jam puto jamq, meo.*

*Hæc quoq, quæ facio, judex mirabitur æquus:*

*Scriptaq, cum venia quali acunq, leget.*

P R O P R. I.

Cyf " *Agésilau non est pictus ab Apelle:*

u *Alexander est pictus ab Apelle:*

ry *Alexander igitur non est Agésilau.*

P R O P R. 2.

Cum *Cæsar oppressit patriam:*

yl *Tullius non oppressit patriam:*

trys *Tullius igitur non est Cæsar.*

*m iij*

In hoc capite agit de secunda figura Aristotelis: quæ vulgò sic definitur, In qua medium est prædicatum in utraque præmissa. *Propositio*] Vulgò propositio maior. *Generalis aut propria*] Vulgò universalis aut singularis. *Antecedens*] Utrique præmissæ. *Parte*] Præmissæ. *Debiliori*] Nempe negativæ, item particulari. *Argumentum*] Vulgo medium. *Semper*] Id est, in utraque præmissa. *Sequitur*] Prædicati locum tenet. *Alter a parte*] Præmissa vel majore, vel minore. *Hoc syllogismo*] At non principaliter hoc, verum isto:

*Quod interst, id in partes dirimitur:*

*Animus non potest in partes dirimi:*

*Animus igitur non potest interire.*

Ad hujus syllogismi assumptionem probandam adhibetur hic prosyllogismus:

*Quicquid in partes dirimi potest, id compositum est:*

*At animus non est compositus:*

*Animus igitur non potest in partes dirimi.*

*Agessilaus*] Sequentes duo modi in quibus præmissæ sunt propositiones singulares, seu (ut noster author loquitur) enunciata propria, vulgò non traduntur: sed non minorem superioribus modis firmitatem habent, atque etiam æquè frequentem usum habere possint: ut quum de duobus quæritur, utrum sit unus & idem: Multi enim binomines sunt: & aliter ab hoc, aliter ab illo nominantur. Sæpè etiam duo idem nomen habent, ut unus & idem esse putari possit. Argumenta igitur quibus ejusmodi personæ discernuntur, aut etiam aliæ res singulares suis propriis nominibus appellatæ, in hac figura concluduntur. Quapropter utiliter ab authore hi modi annotati sunt. Liquet autem ex hujusmodi syllogismis, vulgo perperam in doctrina syllogismorum propositiones singulares haberi pro particularibus. Nam ex puris particularibus nihil sequitur: at ex puris singularibus non nihil sequitur, sed firmiter ex iis concluditur: ut liquet ex syllogismis propositis. Quin potius in  
con-

concludendo propositiones singulares universalium vim habere videntur: hoc certé cum illis commune habent, quód definitæ sunt, hoc est, quód subjectum earum rem certam ac definitam indicat: quum contrá particulares indefinitæ sint, hoc est, quarum subjectum nihil certi ac definiti indicat, sed animum auditoris per varias species vagari sinit, incertum de qua aut quibus enunciatum sit. Atque hinc Scholasticorum individuum vagum nominatum arbitror: ut cûm dicitur, *Quidam philosophus Atheniensis cicutam bibit.* ubi non indicatur quis ille fuerit, nempe Socrates. Sic Christus discipulis dicebat in postrema cœna, *Unus vestrum me prodet.* Unde illorum animus vagari incipiebat, & quod indefinitè dictum erat, quisque sua ipsius persona interrogando definire, dicendo, *Domine, num ego sum?* At ipse postea definitè ad Judam Iscariotem applicabat.

## CAP. 12. DE SECUNDA SPECIE

*Syllogismi simplicis explicati.*

Secunda species explicati syllogismi est, quâdo "argumentum" antecedit in propositione, "sequitur" affirmatum in assumptione.

## AFF. GEN.

Bar *Omne justum est utile:*

ba *Omne honestum est justum:*

ra *Omne igitur honestum est utile.*

Quod Cic. 2. Offic. ita concludit: Summa "quidem autoritate philosophi, severé sané at- que honesté hæc tria genera confusa, cogitatione distinguunt: Quidquid enim justum sit, id etiam utile esse censent: Itemque, quod honestum, idem justum: ex quo efficitur, ut quidquid honestum sit, idem sit utile.

## N E G. G E N.

Ce *Timidus non est liber:*

la *Avarus est timidus:*

rent *Avarus itaq<sub>3</sub> non est liber.*

"Hoc ita concluditur & judicatur ab Horatio  
I. Epist.

*Quo melior servo, quo liberior sit avarus,  
In triviis fixum cum se demittit ob assem,  
Non video: nam qui cupiet, metuet quoque.*

porro

*Qui metuens vivit, liber mihi non erit unquam.*

Sic Terët. in Eunuchio concludit & judicat:  
*Consilii expers, consilio regi non potest:*

*Amor est consilii expers:*

*Consilio itaq<sub>3</sub> regi non potest.*

Syllogismus his verbis sequitur:

*Here, quæ res in se neq<sub>3</sub> consilium neq<sub>3</sub> modum  
Habet ullum, eam consilio regere non potes.*

*In amore omnia hæc insunt vitia: injuriæ,*

*Suspiciones, inimicitia, induciæ,*

*Bellum, pax rursum: incerta hæc si tu postules*

*Ratione certa facere, nihil plus agas,*

*Quàm si des operam, ut cum ratione insanias.*

## A F F. S P E C.

Da *Consules virtute facti, studiose Remp. tueri debent:*

ri *Cicero est virtute factus Consul:*

i *Cicero igitur Remp. studiose tueri debet.*

Sic

Sic Orator diligentiam suam Agrar. 2. con-  
 cludit & judicat: Nam cū omnium Consulū  
 (ait) gravis in Republ. custodienda, cura ac di-  
 ligētia debet esse, tum eorum maximē qui nō  
 in incunabulis, sed in cāpo sunt Consules facti:  
 Nulli populo Romano pro me majores nostri  
 spoponderunt, mihi creditum est: a me petere,  
 quod debeo, me ipsū appellare debetis.  
 Quemadmodum cū petebam, nulli me au-  
 thores generis mei vobis commendarunt: sic  
 si quid deliquero, nullæ sunt imagines quæ me  
 a vobis deprecētur. Quare modō ut vita suppe-  
 rat (quanquam ego sum is, qui eam possim ab  
 istorum scelere insidiisq; defendere) polliceor  
 hoc vobis, Quirites, bona fide, Remp. vigilanti  
 homini, nō timido; diligenti, non ignavo com-  
 misistis.

*Quod optatum redierit, gratum est:*

*Lesbia Catullo optata rediit:*

*Grata igitur est.*

Catullus sic concludit:

*Si quicquam cupidoque optantique obtigit un-  
 quam* &

*Insuperanti, hoc est gratum animo propriē:*

*Quare hoc est gratum, nobis quoque charius  
 auro,*

*Quod te restituis, Lesbia, mi cupido:*

*Restituis cupido, atq; insuperanti ipsa referste*

*Nobis. ô lucem candidiore nota!*



*Quis me uno vivit felicior? aut magis hac quid  
Optandum vita, dicere quis poterit?*

## NEG. SPE.

Fe *Deceptor amantis puella non est laudandus:*

ri *Demophoon est deceptor amantis puella, ut  
Phyllidis:*

o *Demophoon igitur non est laudandus.*

Phyllis apud Ovidium ita judicat Demophoontem laudandum non esse:

*Fallere credentem non est operosa puellam*

*Gloria: simplicitas digna favore fuit:*

*Sum decepta tuis & amans & foemina verbis.*

*Dii faciant laudis summa sit ista tua.*

## AFF. PRO.

Bur *Octavius est heres Caesaris:*

bu *Ego sum Octavius:*

ru *Sum igitur heres Caesaris.*

## NEG. PRO.

Cy *Antonius non est filius Caesaris:*

lu *Tu es Antonius:*

rynt *Non est igitur filius Caesaris.*

Agit in hoc capite de prima figura Aristotelis: quæ vulgo sic definitur, Prima figura est in qua medium in majore præmissa est subjectum, in minore prædicatum. *Argumentum*] Vulgo, medium. *Antecedit*] Vulgo, subjectum est. *In propos.*] Vulgo, in præmissa majore. *Sequitur*] Vulgo, prædicatum est. *Affirm.*] Juxta regulam, In prima figura ex minore negativa nihil sequitur, id est, nihil concluditur. *In assumpt.*] Præmissa mino-

minore. *Hoc ita*] Non plané hoc quod præcedente syllogismo est expositū, nec plané ita ut est expositum. Concluditur enim non simpliciter, *Avarum non esse liberum*: sed *in triū fixum quum se demittit ob assem*. Et hæc negatio concluditur sorite trium graduum, ad hunc modum:

*Avarus quum ob assem se demittit, cupit:*  
*Qui cupit, is etiam metuit:*  
*Qui metuit, is non est liber:*  
*Ergo avarus quum ob assem se demittit, non est liber.*

Hoc sorite continentur duo syllogismi: quorum principalis hic est:

*Qui metuit, non est liber:*  
*Avarus quum ob assem se demittit, metuit:*  
*Ergo avarus quum ob assem se demittit, non est liber.*

Pro syllogismo approbatur assumptio syllogismi principalis, ad hunc modum:

*Qui cupit, is quoque metuit:*  
*Avarus quum ob assem se demittit, cupit:*  
*Ergo avarus quum ob assem se demittit, metuit.*

*Sic*] Pauló aliter, nempe ad hunc modum:

*Quod optatum obtingit, gratum est:*  
*Lesbia redditus Catullo optatus obtingit:*  
*Ergo Lesbia redditus Catullo gratus est.*

*Ocellus*] Sequentes duos modos, itidem ut in secunda figura, vulgari doctrinæ adjecit noster author: in quibus præmissæ sunt propositiones singulares seu enūciata propria: minor autem est propositio (ut vocant) identica: quippe in qua idē de seipso dicitur, nempe nomen proprium de ea persona aut re cujus est proprium. Quo loco obiter admonere libet, in verbis Domini de pane sacrae cœnæ, *Hoc est corpus meum, Hoc est sanguis meus*: non esse propositionem identicam, neque qua-

lem Papistæ ponunt, neque qualem posuit Lutherus ejusque discipuli, nec denique qualem Caroloostadius. Nā Papistæ quidem pronomen *Hoc* in priore enunciato referunt ad corpus Christi tanquam sub specie panis latēs, in posteriore ad sanguinem Christi tanquam latentem sub specie vini: Lutherus autem retulit ad illa tanquam latentia sub ipso pane & ipso vino: Caroloostadius verò ad corpus Christi in mensa sedens, sanguinēque in illius venis contentum retulit. Nulla harum expositionum vera est: Caroloostadii tamen expositio veriùs ponit propositionem identicam quàm reliquæ: quia pronomen *Hoc* ad verum Christi corpus refert: reliquæ autem ad fictitium & invisibile Christi corpus sub specie panis aut ipso pane: quale corpus si maximè esset, non tamen esset idem cum corpore Christi vero, visibili scilicet & palpabili. Malè vertitur, *Hic est sanguis meus*. nā hoc perinde est ac si diceretur, *Hic sanguis est sanguis meus*. Atqui pronomen *τὸ* non ad sanguinem Christi, sed ad poculum refertur: ut liquet ex contextu, & declaratione apud Lucam & Paulum: ubi habetur *τὸ ποτήριον*, id est, *Hoc poculum*.

## CAP. 13. DE SYLLOGISMO

*connexo primo.*

Adhuc syllogismus simplex fuit: syllogismus "compositus, est syllogismus, ubi" tota quæstio est pars "altera" propositionis "affirmatæ & cōpositæ: argumentum est pars reliqua." Tollere autem in composito syllogismo, est specialem contradictionē ponere. Syllogismus compositus, est "connexus aut disjunctus. Syllogismus cōnexus, est syllogismus compositus propositionis connexæ; estque duorum modorum. primus modus syllogismi connexi est, qui assumit antecedens, & consequens concludit.

Quo-

Quomodo Cicero judicat & concludit lib.2.de  
Divinat.

*"Si dii sunt, divinatio est:*

*Sunt autem dii:*

*Divinatio est igitur.*

3. Offic. "Atque si etiam hoc natura præscri- " bit, ut homo homini, quicumque sit, ob eam i- " pſam cauſam, quòd is homo ſit, conſultum " velit, neceſſe eſt ſecundum eandem naturam, " omnium utilitatem eſſe communem. Quod " ſi ita eſt, una cōtinemur omnes & eādē lege " nature: Idque ipſum ſi ita eſt, certē violāre alte- " rum lege nature prohibemur: verum autem " primum, verum igitur & extremum. "

Sic Æneid.4. Dido judicat, Æneæ remanen-  
dum eſſe:

*Mene fugis? per ego has lachrymas dextramq;  
tuam, te*

*Quando aliud mihi jam miſera nil ipſa reliqui,  
Per connubia noſtra, per inceptos hymenæos, &  
Si bene quid de te merui, fuit aut tibi quicquam  
Dulce meum: miſerere domus labentis, & iſtam,  
Oro, ſi quis adhuc precibus locus, exue men-  
tem:*

*Te propter Libyca gentes Nomadumque ty-  
ranni*

*Odere, inſenſi Tyrii: te propter eundem  
Exinctus pudor, & qua ſola ſydera adibam,  
Fama prior: cui me moribundam deſeris hoſpes?*

Frequenter hîc non assumitur idem, sed ma-  
 „ jus: ut 1. Catil. Si te parentes timerent atque  
 „ odissent tui, neque illos ulla ratione placare  
 „ posses, ut opinor, ab eorum oculis aliquó con-  
 „ cederes: nunc te patria (quæ communis est o-  
 „ mnium nostrûm parens) odit ac metuit, & jam  
 „ diu nihil de te judicat, nisi de parricidio suo co-  
 „ gitare: hujus tu neque auctoritatem verebe-  
 „ re? neque judicium sequere? neque vim perti-  
 „ mesces? Concludendi modus hic idem est,  
 quando propositio est relata temporis: quo  
 genere nymp<sup>ha</sup> OEnone apud Ovidium con-  
 cludit errorem stultitiæ suæ:

*Cum Paris OEnone poterit spirare relicta,*

*Ad fontem Xanthi versa recurret aqua:*

*Xanthe retró propera, versaq, recurrite lymp<sup>ha</sup>:*

*Sustinet OEnonen deseruisse Paris.*

*Compositus*] Vulgò hypotheticus. *Tota quæstio*] Non parstantum quæstionis, ut in simplici seu categorico. *Quæstio* autem, id est propositio probanda seu enunciatum dubium de cujus veritate quæritur. Metonymia adjuncti. *Alter*] Sive antecedens, sive consequens. Et si enim propositio syllogismi cõpositi ex pluribus quàm duobus simplicibus enunciatis constare possit: tamen quotquot eorum fuerint, semper ad duo revocari possunt, quorum alterum antecedentis, alterum consequentis rationem habeat. hoc de enunciatis connexis planum est. de disjunctis autem non minus verum est: quoniam disjuncta in connexa mutari possunt. *Propositionis*] Vulgo vocant propositionem majorem, & in syllogismis hypotheticis Copulatum. *Affirmata*] Unde pendeat affirmatio & negatio in enunciato composito, vide suprà cap. 4. nempe ex ipsa  
 conjun-

conjunctiōe qua enunciata inter se componūtur: quo fit ut enūciatum compositum affirmativum esse possit, etiamsi ē simplicibus negativis constet: ut, Si non est resurrectio mortuorum: etiam Christus non resurrexit. Enūciatum connexum est, constans ē simplicibus negatis: at ipsum tamen affirmatum est: affirmatur enim ipsa consequentia seu consequutio, quod scilicet posterius ex priori sequatur. quasi dictum esset, Si nō est resurrectio mortuorum; sequitur ex eo, Christū non resurrexisse. Cæterum quod hīc dicitur, non videtur esse *κατὰ παντός*: efficitur enim syllogismus compositus etiā ē propositione negata: ut ipse author tradit infra cap. 15. nempe ē propositione copulata negata: ut,

*Non & dies est & nox est:*

*At dies est:*

*Nōn igitur nox est.*

Sed notandum, ejusmodi enūciatum æquipollere connexo, cujus prior pars affirmata, posterior negata sit: ac si diceretur, Si dies est, nox non est: Vel, Si nox est, dies non est. Hujusmodi autem connexum affirmatum est, quia affirmatur consequentis enūciati ex antecedente consequutio: quasi diceretur, Si dies est, sequitur noctem non esse. *Tollere autem*] Quia pōst in definitionibus modorum utetur tollēdi verbo, prius illud declarat: ne quis putet, *tollere* idem esse quod *negare*. Tollere igitur, inquit, in syllogismo composito, est specialē contradictionem ponere. Uno verbo, est Contradicere. Contradicitur autem ut affirmationi negando, sic negationi affirmando. Specialem autem contradictionem vocat, qua vel de specie negatur quod de toto genere (atque ita etiam de illa specie) fuit affirmatum: vel contrā. item qua de specie aliqua specialissima, id est (ut vulgō vocant) individuo seu re singulari idem affirmatur & negatur. *Assumere* autem in syllogismo composito, est repetere alteram propositionis partem, talem qualis est in ipsa propositione, videlicet affirmatam affirmatē, negatam negatē. *Connexus aut*

*disjunctus*] Vulgò, Syllogismus hypotheticus est aut cōditionalis aut disjunctivus. Plura genera nō sunt: nam enunciatum copulatum si affirmatum sit, ἀσυνλόγιστον est: si negatum, æquipollet connexo, ut dictum est: discretivum denique enunciatum ἀσυνλόγιστον quoque est. *Si Dissent*] Illustremus hūc locum exemplis sacrarum litterarum. Matth. 6,

vers. 30. *Si herbam agri vestit Deus, multo magis vestiet suos filios.*

vers. 29. *At herbam agri vestit Deus.*

vers. 31. *Ergo multo magis vestiet suos filios.*

Matth. 7. *Si vos nostis dona bona dare liberis vestris,*

vers. 11. *multo magis pater vester qui est in cælis, dabit bona iis qui ab ipso petent.*

τ. 9 & 10. *Sed vos nostis dona bona dare liberis vestris.*

vers. 8. *Ergo multo magis Deus dabit bona petentibus.*

Marc. 9. ait Christus patri cujusdam habentis spiritū  
 » impurum, ipsiusque opem imploranti, Si potes hoc cre-  
 » dere, omnia fieri possunt credenti. quasi dicat: Si credis,  
 » ejiciam spiritum impurum. Assumit ille, Credo Domi-  
 » ne: succurre incredulitati meæ. Concludit Christus ipso  
 facto, ejiciens illum spiritum.

Joan. 15, 20. Si me persequuti sunt (ait Dominus Apo-  
 » stolis) & vos persequentur. Assumptionem & conclusionē  
 » suppleendam relinquit; illam tanquam notam, hanc tan-  
 » quam perspicuam. *Atque si*] Hujus syllogismi propo-  
 sitio continet sortem trium graduum, ac proinde tria e-  
 nunciata connexa. Assumptio assumit antecedens enun-  
 ciati primi: Conclusio concludit consequens enunciati  
 postremi.

#### CAP. 14. DE SYLLOGISMO

##### CÖN. 2.

Secundus modus connexi tollit cōsequens,  
 ut tol-

ut tollat antecedens:

*"Si ulli rei sapiens assentietur usquam, aliquando etiam opinabitur:*

*Nunquam autem opinabitur:*

*Nulli igitur rei assentietur.*

Eodem syllogismo Ovidius 2. Trist. stultitiam suam judicat:

*Si saperem, doctas odissem jure sorores,  
Numina cultori perniciosasuo.*

*At nunc (tanta meo comes est insania morbo)  
Saxa memor refero rursus adicta pedem.*

Hæ duæ syllogismi species sunt omnium utilitatissimæ.

*Si ulli rei*] Nos hic rursus afferamus exempla é sacris literis. Joan. 5, 46. ait Christus ad Judæos: Si crederetis *"* Mosi, crederetis mihi. At nō creditis mihi: Ergo nec Mo- *"* si: & per consequens, Moses accusabit vos apud patrem meum. Assumptionem omittit ut notam: conclusionem item, ut perspicuam.

1. Cor. 15,

vers. 13 & 16. *Si resurrectio mortuorum non est, Christus quoque non est excitatus.*

vers. 20. *Nunc autē Christus excitatus est ex mortuis.  
Ergo resurrectio mortuorum est.*

1. Cor. 11, 6. Nam si non velatur mulier, etiam tondeatur: quod si turpe mulieri tonderi aut radi, veletur. *"*

*Si mulier non velanda, tondenda igitur.*

*Non autem tondenda: quia turpe.*

*Velanda igitur.*

Gal. 3, 18. Nam si ex Lege est hereditas, nō jam ex promissione: Abrahæ verō per promissionem gratificatus *"* est Deus hereditatem. *"*

*Si hereditas est ex Lege, non est ex promissione.*



*Sed est ex promissione: sic enim cōtigit Abrahā:  
Non igitur ex Lege.*

— Sic Rom. 4, 14. Etenim filii qui ex Lege sunt, hære-  
des sunt: inanis facta est fides, & vana reddita est pro-  
missio.

### NOTA.

Reperiuntur quoque syllogismi connexi, in quibus  
tollitur antecedens, ut tollatur consequēs: ut Joan. 15, 19.  
Si ex mūdo essetis, mundus quod suū est amaret: quia ve-  
rō ex mundo non estis, sed ego elegi vos ex mundo; pro-  
pterea odit vos mundus.

*Si ex mundo essetis, mundus vos amaret:  
At ex mundo non estis: Ergo  
Mundus non amat vos.*

Ibid. vers. 20. Si sermonem meum servaverunt, & ve-  
strum servabunt. Assumptionem & conclusionem cogi-  
tandam relinquit: nempe, Sed sermonem meum non  
servaverunt. Ergo nec vestrum servabunt. Ibid. vers.  
22. Si non venissem & loquutus essem eis, peccatum nō  
haberent: nunc autem non habent quod prætexas peccato  
suo. Assumptio tanquam nota omittitur, nempe, Sed  
veni & loquutus sum eis: notatur tamen conjunctione,  
Nunc autem. quasi dicat, Quia veni. Ibid. vers. 24. Si  
opera non fecissem inter eos quæ nemo alius fecit, pec-  
catum non haberent: nunc autem & viderunt & oderūt  
& me & patrē meum. Assumptio est, Sed feci opera, &c.  
Conclusio, Ergo peccatum habent, id est, excusationem  
non habent. Sed hic notādum, huiusmodi syllogismos  
tum demum firmiter concludere, cū partes proposi-  
tionis, id est (ut vulgo loquuntur) antecedens & conse-  
quens copulati inter se reciprocantur: secus ἀσυμμετρία  
committetur: ut,

*Si homo est asinus, certē homo est animal:  
Sed homo non est asinus: Ergo  
Homo non est animal.*

Hic

Hic ex veris præmissis conclusio falsa nata est: quia partes propositionis non sunt reciprocae. At in reciprocis verum concluditur hoc modo: ut,

*Si arbor sentit, certe arbor est animal:*

*Sed arbor non sentit: Ergo*

*Arbor non est animal.*

Hinc perspicitur, huiusmodi syllogismos non vi dispositionis argumenti, sed vi reciprocationis argumenti, cum altera propositionis parte, ac proinde vi secundi modi concludere. Si enim partes propositionis per reciprocationem traducantur, secundus syllogismi connexi modus existit: ut,

*Si arbor est animal, arbor sentit:*

*Sed arbor non sentit: Ergo*

*Arbor non est animal.*

Eadem planè ratio est cur aliquando in simplicibus seu categoricis syllogismis in prima figura ex minore negante, vera inferatur conclusio: ut Joan. 8, 47. ait Christus Judæis, Qui ex Deo est, verba Dei audit: propterea vos non auditis, quia ex Deo non estis.

*Qui ex Deo est, Verba Dei audit:*

*Vos ex Deo non estis: Ergo*

*Vos non auditis Verba Dei.*

Valet consequentia propter majoris reciprocationem, ac proinde vi secundæ figuræ: ut,

Ba *Qui Verba Dei audit, ex Deo est:*

roc *Vos ex Deo non estis:*

o *Vos igitur non auditis Verba Dei.*

## CAP. 15. DE SYLLOGISMO disiuncto primo.

Syllogismus disiunctus, est syllogismus compositus propositionis disiunctæ. Modi duo sunt: Primus tollit unum, & reliquum concludit, ut:

*Aut dies est aut nox est:*

*At dies non est:*

*Nox igitur est.*

- » Ciceronis pro Cluentio iudicium tale est:  
 » Sed cum esset hęc illi proposita conditio, ut aut  
 » iustę pieque accusaret, aut acerbę indigneque  
 » moreretur: accusare quoquo modo posset,  
 » quàm illo modo mori inluit. Disjunctio cla-  
 rior sic erit:

*Aut accusandum aut moriendum:*

*Non moriendum:*

*Accusandum igitur.*

- » Sic idem 2. Phil. ratiocinatur: Nunquam ne  
 » intelliges, tibi statuendum esse; utrùm illi qui i-  
 » stam rem gesserunt, homicidę sint, an vindi-  
 » ces libertatis? Attende enim paulisper, cogita-  
 » tionemque sobrii hominis ad punctum tem-  
 » poris suscipe: & ego qui sum illorum, ut ipse fa-  
 » teor, familiaris: ut à te arguor, socius: nego quic-  
 » quam esse medium: confiteor, illos, nisi libera-  
 » tores populi Romani conservatoresque Rei-  
 » publicę sint, plus quàm sicarios, plus quàm ho-  
 » micidas, plus quàm parricidas esse: si quidem  
 » est atrocius, patrię parentem, quàm suum oc-  
 » cidere. Tu homo sapiens & considerate, quid  
 » dicis? Si parricidę; cur honoris causā à te sunt  
 » & in hoc ordine, & apud populum Rom. sem-  
 » per appellati? cur M. Brutus, te referente, le-  
 » gibus est solutus, si ab urbe plus quàm decem  
 » dies abfuisset? cur ludi Apollinares incredibili  
 M. Bruti

M. Bruti honore celebrati? cur provinciæ Cas-  
 sio & Bruto datæ? cur Quæstores additi? cur  
 Legatorum numerus auctus? Atque hæc acta  
 per te: non igitur homicidæ: Sequitur ut libe-  
 ratores tuo iudicio sint; quandoquidem tertiū  
 nihil potest esse. Si partes disjunctæ propositio-  
 nis sint duabus plures, iudicandi concludendi-  
 que ars erit eadem. Sic Cicero iudicat, Rabiri-  
 um cum consulibus esse oportere: Atqui, vide-  
 mus (ait) hæc in rerum natura tria fuisse, ut aut  
 cum Saturnino esset, aut cum bonis, aut laté-  
 ret. Latere autem, mortis erat instar turpissi-  
 mæ: cum Saturnino esse, furoris & sceleris; vir-  
 tus & honestas & pudor, cum Coss. esse co-  
 gebat.

## CAP. 16. DE SYLLOGISMO

*disiuncto secundo.*

Disiunctus secundus, é propositione parti-  
 bus omnibus affirmata assumit unum, & reli-  
 quum tollit, ut:

*Dies est, aut nox est:*

*At dies est:*

*Nox igitur non est.*

Sic Juno cum Jove de Turno concludit,  
 10. Æneid.

— *Quid si quod voce gravaris,  
 Mente dares, atque hæc Turno rata vita ma-  
 neret?*

*Nunc manet in fontē gravis exitus, aut ego veri  
 Vana feror: quod ut ô potiùs formidine falsa*

*Ludar, & in melius tua, qui potes, orsa reflectas.*

Ejusmodi syllogismus efficitur é propositione copulata negata, quæ negata complexio dicitur: quæque disjunctionis affirmatæ vim obtinet.

*"Non & dies est, & nox est:*

*At dies est:*

*Non igitur nox est.*

Nihil hic video annotandū, quā quod syllogismi disjuncti ad connexos videantur posse revocari: permutatione scilicet propositionis, id est, enunciati disjuncti, in connexum. Nam quæcunque disjuncta enunciata vera sunt: eorum partes ita inter se comparatæ sunt, ut si una affirmetur, reliqua necessarió neganda sit: & vicissim, si una negetur, reliqua sit affirmāda. quo fit ut enūciata disjuncta in ejusmodi connexa transmutari possint: ut,

*Aut dies est, aut nox est: Ergo*

*Si dies est, nox non est.*

Et vicissim, *Si nox est, dies non est.*

Item, *Si dies non est, nox est.*

Et vicissim, *Si nox non est, dies est.*

Cæterum unusquisque disjunctus syllogismus potest permutari duobus cōnexis: altero primi, altero secundi modi. Primi modi fit, quum assumitur pars antecedens: secundi, quum consequens.

*Disjunctus primi modi.*

*Aut dies est, aut nox est.*

*At dies non est.*

*Nox igitur est.*

*Æquipollentes.*

*Connexus primi modi.*

*Si dies non est, nox est.*

*At dies non est.*

*Nox igitur est.*

*Nox*

Connexus secundi modi.

*Si nox non est, dies est:*

*At dies non est.*

*Nox igitur est.*

Disjunctus secundi modi.

*Aut dies est, aut nox est.*

*At dies est.*

*Nox igitur non est.*

Æquipollentes.

Connexus primi modi.

*Si dies est, nox non est.*

*At dies est.*

*Nox igitur non est.*

Connexus secundi modi.

*Si nox est, dies non est.*

*At dies est.*

*Nox igitur non est.*

*Non & dies*] Hujusmodi quoque syllogismū ad connexionem revocari posse, admonuimus supra in cap. 12. Idē enim est, ac si diceretur:

Connexus primi modi.

*Si dies est, nox non est.*

*At dies est.*

*Non igitur nox est.*

Vel,

Connexus secundi modi.

*Si nox est, dies non est.*

*At dies est.*

*Non igitur nox est.*

Talis est & hic syllogismus:

*Christus non & verus homo est, & suo corpore ubiq̃ est.*

*At Christus, verus homo est: teste Scriptura.*

*Non igitur ubiq̃ est Christus suo corpore.*

Sic: *Nemo potest simul servire Deo & mammona.*

*At omnis avarus servit mammona.*

*Nullus igitur avarus servit Deo.*

Quamquā hic syllogismus simplex est: quum habeat simplicem argumenti cum partibus quaestionis dispositionem. Idem enim est ac si diceretur:

Cel *Nemo qui servit Deo, servit mammona.*

a *At omnis avarus servit mammona.*

re *Nullus igitur avarus servit Deo.*

Similiter syllogismus simplex esse potest, si maximē enūciata in eo omnia cōposita sint: cuiusmodi sunt syllogismi qui vocātur hypothetici διὰ τεῶν, per tria: item δι' ὅλων, per totum. Quarum appellationum posterior fortitū inprimis tribui videtur, si ex puris connexis constet. Utriusq; generis syllogismus formari potest ex verbis Apostoli I. Corinth. 15, versibus 13, 14, 15, & 17.

Διὰ τεῶν.

vers. 14 & 15. *Si Christus non resurrexit: inanis est predicatio nostra; inanis est & fides vestra; nosq; sumus falsi testes Dei.*

vers. 13. *Atqui si resurrectio mortuorū nō est: Christus non resurrexit.*

*Ergo si resurrectio mortuorum non est, inanis est predicatio nostra; inanis est & fides vestra, &c.*

Δι' ὅλων.

vers. 13. *Si resurrectio mortuorum non est: Christus quoq; non est excitatus.*

14. *Si Christus non est excitatus: inanis est predicatio nostra.* (des vestra.

14. *Si inanis est predicatio nostra: inanis est & fides vestra.*

17. *Si inanis est fides vestra: adhuc estis in peccatis vestris.*

*Ergo si resurrectio mortuorum non est: adhuc estis in peccatis vestris.*

CAP. 17. DE METHODO SECUNDUM Aristotelem unica.

"Metho-

Methodus est dianois variorum axiomatū homogeneorum, pro naturæ suę claritate præpositorum; unde omnium inter se convenientia judicatur, memoriaque comprehenditur. Atque ut spectatur in axioma veritas & falsitas, in syllogismo consequentia & inconsequentia: sic in methodo consideratur ut per se clarior præcedat, obscurius sequatur; omninoque ordo & confusio judicatur. Sic disponetur ex homogeneis axiomatis primo loco absoluta notione primum, secundo secundum, tertio tertium, & ita deinceps: ideoque methodus ab universalibus ad singularia perpetuó progreditur. Hac enim sola & unica via proceditur ab antecedentibus omnino & absoluté notioribus ad consequentia ignota declarandum; eamque solam methodum Aristoteles docuit.

CAP. 18. DE PRIMA METHODI  
*illustratione per exempla  
artium.*

Sed methodi unitatem exempla doctrinarum & artium præcipuè demonstrant præcipuèque vindicant; quibus quàmvis omnes regulæ generales sint & universales, tamen earū gradus distinguuntur: quantoque unaquæque generalior erit, tanto magis præcedet. Generalissima loco & ordine prima erit, quia lumine & notitia prima est: subalternæ consequentur,



quia claritate sunt proximæ: atq; ex his naturâ notiores præponetur, minús notæ substituentur, tandemque specialissimæ constituentur. Definitio itaq; generalissima prima erit: distributio sequetur. quæ si multiplex fuerit; præcedet in partes integras partitio, sequetur divisio in species: partesque ipsæ & species, eodem ordine sunt rursus tractandæ ac definiendæ, quo distributæ fuerint: & transitionum vinculis, si longior inter eas intersit explicatio, colligandæ sunt: Id enim auditorem reficit ac recreat. Atq; ut res familiariús accipiatur, exemplo quoque familiari nobis utendum est. Omnes definitiones, distributiones, regulæ Grāmaticæ, repertæ sint, atque unaquæque sigillatim judicata: omniaque hæc documēta variis tabellis inscripta, unâ confundantur & conturbentur in hydia aliqua, ut in Ollē ludo fieri solet: hîc si quæras, quæ pars Dialecticæ te doceat, has regulas ita confusas disponere & in ordinem redigere: primó locis invētionis nihil opus est, cū sint omnia reperta: neq; primo axiomatis iudicio, cū unumquodq; axioma probatum & æstimatedum sit: neque secundo syllogismi iudicio opus, cū sint omnes singulatū rerum cōtroversæ his de rebus disceptatæ & conclusæ: sola methodus superest. Dialecticus igitur lumine methodi artificiosæ, seliget in hac urna definitionem Grammaticæ (id enim est generalissimum) & primo loco statuet: Grammatica est doctrina

doctrina bene loquēdi. tum requirēt in eādē urna partitionem Grammaticā, & collocabit secundo loco: Partes Grammaticæ sunt duæ: Etymologia & Syntaxis. Deinceps in eodē vase definitionem Etymologiæ de vocibus separabit, & tertio gradu antecedentibus adiunget: tum vocis partes in literis & syllabis, speciesque in vocibus numeri & sine numero requirēt, exituumq; transitiones suis locis collocabit. Atq; ita omnium etymologiæ partium definitiones, distributiones, colligationes, exempla deniq; specialissima in singulis disponet. Idemque in Syntaxi faciet. Hanc viam omnes artes sibi proposuerunt.

CAP. 19. DE SECUNDA METHODI  
*illustratione per exempla poëtarum,  
oratorum, historicorum.*

Atqui methodus, non solum in materia artium & doctrinarum adhibetur; sed in omnibus rebus, quas facile & perspicue docere volumus: ideoque poëtæ, oratores, omnesque omnino scriptores, quoties docendum sibi auditorem proponunt, hanc viam sequi volunt; quamvis non usquequaq; ingrediantur atque insistant. Virgilius in Georgicis distribuit propositam materiam in quatuor partes, ut antè dixi: primoque libro res communes persequitur, ut Astrologiam, Meteorologiam, deq; segetibus & earum cultu differit; quæ pars ope-

ris prima erat. tumque transitio adhibetur initio secundi libri:

*Hactenus arborum cultus & sidera cœli,  
Nunc te Bacche canam:*

Deinceps scribit generaliter de arboribus, tum specialiter de vitibus. Trāsitio secunda adhibetur ad tertiam partē, sed imperfectior & sine epilogo. Tertiū libri initio de bobus, equis, ovibus, capris, canibus:

*Te quoq, magna Pales, & te memorande canemus*

*Pastor ab Amphryso.*

Tandem initio quarti libri trāsitio tertia est de quarta parte, sed itē imperfecta ē sola propositione de apibus:—

*Protinus aërii mellis sylvestria dona  
Exequar.—*

Sicigitur Poëta generalissimum primo, subalterna medio, specialissima extremo loco ponere studuit. Sic Ovid .in Fastis, dispositionis hujus gratiam sequitur: proposuit initio summum operis:

*Tempora cum caussis Latium digesta per annum,*

*Lapsaq, sub terras ortaq, signa canam.*

Mox imploratione facta, partitionem anni statuit, factam a Romulo primū in decem menses, quam reprehendit:

*Tempora digereret cum conditor urbis, in anno  
Constituit menses quinq, bis esse suo.*

*Et*

Et pauló póst Numæ divisionem pleniorẽ  
adjungit:

*At Numa nec Janũ, nec a vitas præterit umbras:*

*Mensibus antiquis præposuitq, duos.*

Denique Poëta communes differentias interpretatus diei fasti, nefasti, comitalis, nundinalis, calendarum, nonarum, iduum, tum atri; tãdem unumquẽque mensem suo loco prosequitur, & præfatione ordinis hujus à generalibus ad specialia studium indicat:

*Hec mihi dicta semel, totis hærentia fastis,*

*Neseriem rerum scindere cogar, erunt.*

Tandem singulis partibus expositis tránsito conjungitur, ut in fine 1. & initio 2.

*Sed jam prima mei pars est exacta laboris,*

*Cumq, suo finem mense libellus habet.*

*Janus habet finem, cum carmine crescat Et annus:*

*Alter ut it mensis, sic liber alter eat.*

In singulis libris postea transitiones adhibentur, sed minús accuratè. Oratores in proæmio, narratione, confirmatione, peroratione hunc ordinem affectant; eumque artis & naturæ & rei ordinem appellant, & interdum studiosius affectantur: ut in accusatione Cicero primùm proponendo, tum partiendo, Quæstor (inquit) « Cn. Papyrio Cos. fuisti ab hinc annos quatuor- « decim; & ex illa die ad hanc diem quæ fecisti, in « judicium voco; hora nulla vacua furto, scelere, « crudelitate, flagitio repietur. Propositio hæc & «

definitio summæ rei est, tanquam in hoc judi-  
 cio generalissima. Partitio sequitur: Hi sunt  
 anni consumti in Quæstura & legatione Asia-  
 tica, & Prætura urbana, & Prætura Siciliensi:  
 quare hæc eadem erit quadripartita distributio  
 totius accusationis meæ. Quas partes quatuor,  
 earumq; partium particulas, deinceps suo quâ-  
 que ordine & loco tractavit, & transitionibus  
 copulavit; tres primas tertio libro: Quamobrè  
 (ait) Quæstura istius demonstrata, primiq; ma-  
 gistratus & furto & scelere perspecto, reliqua  
 attédite. Tum veró expositis legationis crimi-  
 nibus, transitio ad Præturam sequitur: Verúm  
 ad illam jam veniamus præclaram Præturam,  
 criminaq; ea, quæ notiora sunt his, qui adsunt,  
 quam nobis, qui meditati ad dicendum parati-  
 que venimus. Transitio hæc imperfectior est  
 sine epilogo: tandem principio quartæ oratio-  
 nis transitio est consimilis ad quartam partem  
 de Prætura Siciliensi: Multa mihi necessarió,  
 judices, prætermittenda sunt; ut possim aliquo  
 modo de iis rebus, quæ meæ fidei cõmissæ sunt,  
 dicere: recepi enim causam Siciliæ: ea me ad  
 hoc negotium provincia attraxit. Sic Livius  
 summam septingentorum annorum initio  
 complectitur, tum per decades dividit.

CAP. 20. DE CRYPTICIS  
*methodi.*

Hæc igitur in variis axiomatis homogeneis  
 suoque vel syllogismi judicio notis methodus  
 crit,

erit, quoties perspicuè res docenda erit: At cum delectatione motuque aliquo majore, in parte aliqua fallendus erit auditor; homogenea quædam rejicientur, ut definitionum, partitionum, transitionumque lumina: quædam assumentur heterogenea, velut digressiones à re & in re commorationes; sed præcipuè rerum ordo initio invertetur, antecedentiaque nonnulla consequentibus postponentur. Itaque ad illam perfectæ methodi regulam hæc alicubi imperfectior forma non solum detractis rebus mutila est vel superadditis redundat; sed ordinis sui quibusdam gradibus inversis præpostera est. Quod Poëta facit majore quadam artificii specie, dum populum ducendum sibi proponit, id est, belluam multorum capitum; ideoque variis modis decipit, incipit à medio, ibique primum sæpe comprehendit, postremum denique incerto aliquo & inopinato casu concludit. Sic (ut Horatius ait) Homerus Iliada disposuit:

*Nec gemino bellum Trojanum orditur ab ovo:  
Semper ad eventum festinat, & in medias res  
Non secus ac notas auditorem rapit: & quæ  
Desperat tractata nitebere posse, relinquit.  
Atque ita mentitur, sic veris falsa remiscet,  
Primo ne medium, medio ne discrepet inum.*

Sic Virgilius Æneam à Sicilia excepit, & in convivio Carthagini præterita narrantem fecit: postrema variis perturbata casibus induxit.

Sic Comici poetæ tametsi magno judicio comœdias per actus & scenas distinguunt; efficiunt tamen ut omnia fortuita videantur. Oratores veró ad victoriâ omnia referunt. Itaq; non tam docēdi, quàm permovendi gratiâ firmissimum quodq; primū ab iis collocatur; dum tamen ea quæ æquē excellent, servētur etiam ad extremū, & HomERICA dispositione mediocria in mediam turbam atq; in gregē conferantur.

*Methodus*] Id est, ordo notionum tum simplicium tum complexarum, qui in artium ac disciplinarum institutione observari debet. Qui ordo à Platone & Aristotele vocatur ὁδός, id est via: i. Ethic. 4. εὖ γὰρ καὶ πλάτων ἢ πρὸς τὸ καὶ ἐξ ἡτδ, πότερον ἀπὸ τῶν ἀρχῶν ἢ ἐπὶ τὰς ἀρχὰς ἐστὶν ἡ ὁδός. hoc est, Bene enim & Plato de hoc dubitabat & quærebat, utrum via (scilicet docendi) à principiis, an veró ad principia duceret. Galenus veró in Arte parva διδασκαλίας, id est doctrinâs vel potiùs doctiōnes (ut ita dicam) appellat. Verum iste docendi ordo seu via, nomine jam in scholis recepto, & apud doctos usitato methodus vocatur per metonymiam subjecti. nam μέθοδος propriè significat alicujus artis aut scientiæ institutionem, ratione & via (ut Cicero loquitur) susceptâ: interdum etiam ipsam artem & rei cujuspiam bene efficiendæ facultatem: quæ quidem utraque ideo μέθοδος veteribus Græcis, ut Platoni, Aristoteli, Galeno, dicta fuit: quód sit μετὰ ὁδόν, id est cum via: hoc est, quód legitima ratione & quasi recta via vel ad effectiōnem operis artificiosi, vel ad cognitionem præceptorum artis aut theorematum scientiæ deducat. Porro duplicem illam hujus vocabuli significationem horū inductione explorū confirmo. 1. Topic. 1. ἡ μὲν πρόθεσις τῆς πραγμάτων, μέθοδον εὐρεῖν, ἀφ' ἧς δυνασόμεθα συλλογίζεσθαι περὶ παντός τῷ προβέβητος προβλήματος, ἐξ ἀνδράων καὶ αὐτοῦ λόγον ὑπέχοντες, μηδ' ἐν ἐρῷ μὲν ὑπεναντίον. h. c. Propositum hujus

1. *Offic.*

huius tractatus est, methodum invenire, á qua *instruēti* argumētari possimus de quovis proposito problemate, ex probabilibus: & ipsi disputationem sustinentes, nihil dicamus pugnans. Hic Aristoteles Dialecticā suam seu Topicam cui tanquam contrariam speciem opponit Apodicticā, dicit esse μέθοδον: id est (meo quidem iudicio) artē seu bene quippiam efficiēdi facultatem. Eod. cap. in fine: διότι περί τῶν δένος αὐτῶν, τὸν ἀκριβῆ λόγον ἀποδέναι προαρχόμεθα· ἀλλ' ὅσον τύπω, περί αὐτῶν βελοόμεθα διελθεῖν· παντὲλως ἡγόμενοι ἰκανὸν κατὰ τὴν προκειμένην μέθοδον, τὸ δύνασθαι γ' ὡρῆσαι ὁπωσὺν ἕκαστον αὐτῶν. hoc est: Quapropter de nullo istorū accuratam rationem reddere propositum nobis est: sed quantum *fieri potest* rudi adumbratione, de iis volumus differere: existimantes omnino satis esse pro suscepta methodo, posse utcunq; cognoscere unumquodq; eorum. Hic susceptam Dialecticā seu Topicā institutionem, vel certé rursus ipsam Topicam μέθοδον appellat. Sic & c. 2. ubi utilitates susceptæ tractationis enumerans, primam ponit πρὸς γυμνασίαν ad exercitationem: quo vocabulo intelligere videtur exercitationem illam scholasticam qua certis thesibus in mediū propositis, contrā disputatur. tum subiungit: μέθοδον γάρ ἔχοντες, ὅτι· πρὸς παντὸς τῆς προκειμένης ἐπιχρεῖται διωκόμεθα. hoc est, nam si methodum habeamus, facilius poterimus de quovis proposito *alterū argumētando* aggredi. Hic rursus μέθοδον vocat ipsam Dialecticam. Deinde in expositione utilitatis tertiæ, ita loquitur: ἐστὶ δὲ πρὸς τὰ πρῶτα τῶν περί ἐκείνων ἐπισήμων ἀρχῶν. hoc est: Præterea ad prima cuiusq; scientiæ principia. sc. utilis est suscepta tractatio. Et paucis interjectis, ἐξ ἐπιστήμης γὰρ ἔσται, (ἢ διαλεκτικῇ) πρὸς τὰς ἀπασῶν τῶν μεθόδων ἀρχὰς ὁδὸν ἔχει. h. e. Quum enim Dialectica ex-  
quisitrix sit, ad omnium methodorū principia viam habet. Ecce hic methodos nominat, quas pauló anté appellaverat ἐπισήμας, id est, sciētias. Et mox: ἔρομέν δὲ τελείως τὴν μέθοδον, ὅσον ὁμοίως ἔχωμεν, ὡς περὶ τὴν ῥητορικὴν καὶ ἱατρικὴν καὶ τῶν τοιούτων διδάμεν. h. e. Habebimus autó



perfecté hanc methodum, quando similiter affecti erimus, ut in rhetorica & arte medendi aliisque id genus facultatibus. Hic rursus methodi nomine ipsam Dialecticam intelligit, ut ex comparatione cum similibus artibus liquet. Item cap. 3. in principio: *πρῶτον ἐν θεωρητικῶν ἐκ τίνων ἡ μέθοδος*: hoc est, primúm igitur videndum est, ex quibus rebus hæc methodus *constet*. Hic rursus methodi vocabulo Dialecticam intelligit. Atque hæc sunt loca in Topicis: jam é Rhetoricis considerétur hæc. I. Rhet. I. ter hoc vocabulum reperitur, capite autem 2. semel: quibus omnibus in locis institutionem artificiosam significat. Etenim primo capite Aristoteles magistros dicendi suæ ætatis reprehendens, tanquam nō bene rhetoricam *τεχνολογῶντας*, h. e. in artis formam redigentes, inter alia sic ait: *διὰ γὰρ τῆτο, τῆς αὐτῆς ἕσης μαθόντες περὶ τὰ δημογορικά καὶ δικανικά· καὶ καλλίονος καὶ πολιτικωτέρας τῆς δημογορικῆς πραγματείας ἕσης, ἢ τῆς περὶ τὰ συναλλάγματα· περὶ μὲν ἐκείνης ἔδεν λέγεσσι· περὶ δὲ τῆς δικάζειν δαι πάντες πρῶνται τεχνολογεῖν· ὅτι ἡ τὸν ἐσι πρὸ ἔργου, τὰ ἔξω τῆ πράγματος λέγειν, ὅν τοις δημογορικοῖς καὶ ἡ τὸν ἐσι κακῆρον ἢ δημογορίᾳ δικαιολογίας*. hoc est. Propterea enim, quum una eademque methodus sit quæ & circa causas populares & circa judiciales versatur: quūque illa de popularibus causis tractatio pulchrior & civilior sit, quàm ea quæ occupatur in contractibus: de illa nihil dicunt: de litigando autem omnes conantur artem tradere: quoniam in illa de popularibus causis disputatione minús operæ pretium est ea dicere quæ extra rem sunt: & *quoniam* popularis oratio minús malefica est quàm litigatio. Hic Aristoteles artem rhetoricā *μέθοδον* appellat. huic enim arti considerationem causarum civilium attribuit. sicut ex illa ipsa tractatione satis apparet. Ibidem paulo póst, *ἐπὶ δὲ φανερόν ἐστι, ὅτι ἡ μὲν ἐν τεχνῶς μέθοδος περὶ τὰς πρὸς δεξιὰς ἐστίν*. h. e. Quoniam igitur manifestum est, methodum artificiosam versari circa probationes. Hic rursus Rhetoricam methodum nominat: & addit *ἐν τεχνῶν*, artificiosam: ut veram & legiti-

gitimam artem, á falsa illa aliorum technologia distinguat. Sic in fine capitis: *περὶ δὲ αὐτῆς ἡδὲ τῆς μεθόδου πρόμειθα λέγειν*. hoc est, Sed nūc de ipsa methodo differere conemur. hoc est, de ipsa arte dicendi. Mox enim in principio capitis secundi, Rhetoricam definit, inquit: *ἔστω δ' ἡ ῥητορικὴ, δύναιμι, &c.* Item pauló póst, quum probationes distinxisset in *ἀτέχνους & ἐντέχνους*, id est, in artificiales & artificiales: definit artificiales ad hunc modū: *ἐντέχνα δὲ, ὅσα διὰ τῆς μεθόδου καὶ δι' ἡμῶν κατασκευασθῆναι δυνάσιν*. hoc est, *Artificiales probationes voco*, quæ per methodum & per nos comparari possunt. Quam autem quæso methodum híc intelligit Aristoteles, nisi ipsam artem Rhetoricam? In qua tradenda doctrinam *περὶ τῶν ἐντέχνων πείσεων*, de artificialibus probationibus, ab aliis perperam omitti dixerat capite primo. Atque hæc é Rhetoricis. Videamus nunc unum atque alterum locum in Ethicis Nicomachæis. Lib. 1, cap. 1, statim in principio: *πᾶσα τέχνη καὶ πᾶσα μέθοδος, ὁμοίως δὲ πρᾶξις τε καὶ προαίρεσις, ἀγαθῶτινος ἐφίεσθαι δοκεῖ*. id est, Omnis ars & omnis methodus, similiter veró & actio & propositum, bonum aliquod appetere videtur. Híc methodus significare videtur artem aliquā liberalem, & ingenuam: sicut *τέχνη* significat artem mechanicam. Vel certé significat ratione susceptam institutionē, quo modo Lambinus vertit. Deinde in fine cap. 2. *ἡ μὲν ἔν μέθοδος, τέτων ἐφίεται, πολιτικὴ τις ἔσται*. hoc est, Hæc igitur methodus, ista appetit: quum sit civilis quædam *facultas*. Híc doctrinam de moribus seu scientiam ethicam, methodum appellat.

Quin etiam scientiam quam vulgó vocāt metaphysicam, quamq; Aristoteles *σοφίαν*, id est sapientiam nominat: eandem etiam methodum appellat, vel certé dissertationem de illa. Etenim cap. 3, veterum philosophorum de primis causis opiniones enumeraturus, ait, sibi illas percurrētī aliquid occursurum quod ad institutam methodum conducatur: *ἐπελθῶσι γάρ, inquit, ἔσται τις πρὸ γὰ τῇ μεθόδῳ τῇ νῦν*.

Sed hæc de vocabulo methodi satis: ipsam autē hanc de methodo doctrinam verissimam, & exemplis artium (videlicet Grammatices, Rhetorices, & Dialectices) à nostro authore optimè traditarum, satis testatam atque confirmatam esse judico.

Ut autem & nos aliquid (quantum Dominus hoc tēpore dederit) ad præclarissimam hanc de methodo doctrinam illustrandam afferamus: proponemus in exemplum epistolam S. Pauli ad Romanos: quam summa sapientia scriptam esse, nemo divinorum interpretum unquam dubitavit.

Ea igitur epistola in tres principales partes distingui potest: in proœmium, institutionem doctrinæ Christianæ, & perorationem. quarum partium ordo utique naturalis est. Proœmium seu præfatio cōtinetur cap. 1. usq; ad vers. 16. Institutio, à v. 16, cap. 1. usque ad v. 14, c. 15. Peroratio denique, à vers. 14, cap. 15, usque ad finem epistolæ. Deinde verò ipsa doctrinæ Christianæ institutio rursus in quinque partes potest distribui: quarum singularem hæc summa est.

I. De *peccato*: Omnes homines esse peccatores. cap. 1, 2, 3.

II. De *justificatione*: Neminem justificari ex operibus Legis: sed quotquot justificantur, eos justificari sola fide in Christum. cap. 3, 4, 5.

III. De *sanctificatione*: Qui justificantur, eos etiā sanctificari: sed sanctificationem esse in hac vita imperfectam. cap. 6, 7, 8. Et cap. 8. etiam de *tolerantia crucis* & *spe vitæ æternæ*: Eos nimirum qui justificati & sanctificati sunt, patienter ferre afflictiones propter Christum illatas, easq; vincere spe certissima vitæ æternæ.

IIII. *Refutatio* objectionis contra doctrinam de justificatione propositam: nempe, Si per solam fidem in Christum justificarentur homines ac tandem salvarentur: oporteret Judaicam quoque gentem in Christum credere. At ea gens in Christum non credit. Ergo nō videtur vera esse illa Pauli de justificatione doctrina. Re-

spondet

spondet Apostolus ex arcana doctrina de divina quorūdam ad vitam æternam electione, aliorum verò reprobatione ac rejectione. cap. 9, 10, 11.

V. De studio bonorum operum: ad quod hortatur omnes Christianos. cap. 12, 13, 14, 15.

Jam hæ quoq; partes ordine naturali sese consequuntur. Primū enim peccatum prius est justificatione. nā si peccatum sit, nō est necesse justificationem, id est, absolutionem à peccato seu condonationem peccati esse: at, si justificatio sit, necesse est peccatum præcessisse.

Deinde justificatio prior est sanctificatione. nam etsi nunquam est sine illa, sicut sol nunquam est sine calore & splendore: tamen prior est ut causa originalis: nam ex fide qua justificatio cōstat, sanctitatis studium & initium nascitur. Jam doctrina illa de justificatione fidei, prior etiam est refutatione objectionis contrariæ. nam si doctrina illa sit, non est necesse eam ut falsam reprehendi: at reprehendi illa non potest, nisi sit. Quanquam hic incidit quædam methodi atque ordinis naturalis inversio: quatenus Apostolus in hac refutatione de fidei & incredulitatis, ac proinde etiam justificationis & condemnationis causa prima atque suprema disputat: videlicet de æterna Dei prædestinatione. Postremò præcedens illa doctrina tum de justificatione & sanctificatione, tum de divina electione, prior est cohortatione ad studium bonorum operum: quum beneficium pejus

sit gratiarum actione: Studium autem bonorum

operum gratiæ Deo referendæ causæ à

Christianis suscipiendum

fit.

F I N I S.

INDEX EORVM QVÆ  
IN RAMI DIALECTICA, ET  
PISCATORIS ANIMADVER-  
*sionibus notatu digna visa*  
*sunt.*

<b>A</b> Chilles inter puellas Antecedens pars syllogismi			
acuté deprehensus	45	163	
Adjacentia	49	Apelles pictor	127
Adjunctum	47	Apochar	121
Adjuncti & subjecti par in	Apologi		84
argumentando vis	49	Apophthegmata	125
Adjunctorum divisio	ibi.	Apparitiones Dei & ange-	
Adjunctorū exempla é sa-	lorum		119
cris literis	50	Arguere quid	20
Adverbium negandi verbo	Argumentandi regulæ		28
præponendum	146	Argumentari quid	21
Adversa	55, 56	Argumentationis divisio vul	
Adversorum divisio	56	garis reprehenditur	166
Æneæ argumentatio de Ve-	Argumentationis species		
nere, Æn. 1. ἀνακόλuthos	tantum unica		166
53	Argumentum quid		22
Affirmatio & negatio, enū-	Argumentum propriè		164
ciati forma	143	Argumentum insitum & as-	
Affirmatio & negatio in e-	sumtum		22
nunciato composito un-	Argumenti definitio & di-		
de pendeat.	192	visio	17
Agabi vaticinium de vin-	Argumenti definitio nota-		
culis Pauli	124	ta	20
Agens naturale & volunta-	Argumenti divisio vitiosa		
rium	31	22	
Ambiguorum significatio-	Argumenti vocabulo quid		
nes diligenter distinguē-	intelligat Ramus		130
dæ	108	Argumenti usus duplex	20
Angelorum apparitiones	Argumenta absolutè con-		
119	siderari non posse		22, 23
	Artifi-		

## I N D E X.

Artifici in sua arte creden-	cenda uxore	174
dum	127 Bonorū distinctio Peripa-	
Artis definitio	14 tetica examinatur	106
Artes duplices	15 C.	
Artium præceptiones	125 Casus fortuitus nullus	33
Artium præcipiendarum le-	Casus, <i>πῶς δὲ</i> , ad cōjugata	
ges	134, 141 pertinent	89
Assumere in syllogismo cō-	Causæ definitio & divisio	
posito quid	193 23	
Assumta argumenta	128 Causarum alia externa, a-	
Assumptio quid	163 lia interna	24
Attributum	146 Causatum quadruplex	41
Avaritia & liberalitas uti	Ceremoniæ	123
opponantur	54 Comminatio	124
Auguria	122 Cōmuniter accidentia	49
contra Authoritatē huma-	Comparatio	60
nam locus insignis Cic.	Comparisones plenæ	146
126	Complexio	163
Axioma 131. vide item	Conclusio	ibid.
Enunciatum.	Cōclusio potiùs syllogismi	
Axioma compositum	152 effectum quàm pars	165
Axioma congregativum	à Concreto ad abstractū	89
152, 153, 154	Confessio	118, 125
Axioma connexum	154, 155 Conjugata	87, 88
Axioma copulatum	152 Conjugatorum usus ad jo-	
Axioma discretum	157 candum	89
Axioma disjunctum	159 Conjugatorum quorūdam	
Axioma generale	142 <i>ἀνακολουθία</i>	ibid.
Axioma particulare	ibid. à Conjugatis quædam ar-	
Axioma proprium	ibid. gumenta vim habent à	
Axioma segregativum	157 pari	90
Axioma simplex	141 Conjuncta	49
Axioma speciale	142 Connexis enunciatis affir-	
B	matris contradicendi ra-	
Bene adverbium in dialecti-	tio duplex	156
ces defin. redundare	15 Cōsequens pars syllogismi	
Biantis dilemma de nō du-	163	

# I N D E X.

Consequentia á negatione	ftius quám vinculũ	145
ad affirmationẽ in quib.	in Copulatis enunciatis ra-	
oppositis valeat	tio negandi duplex	154
Consequentiarum regulæ	Cornutum argumentandi	
28	genus	173
Consequentiarũ regulæ ab	D.	
Est fecundi & tertii adje-	Declaramentum	22
cti	Declaratio	20
46, 50	Declaratiois exempla	21,
Confilia	41	
Contingens axioma	25, 34	
Contingentia in rebus di-	Definiendi modi duo	110
vinis non est	Definitio	108
144	Definitionis omnis duæ par-	
Cõtingere in rebus huma-	tes	109
nis quæ dicantur	ibid.	
Contingere in rebus natu-	Definitionis quadrimem-	
ralibus quæ dicantur	bris divifio vitiofa	94
143	Definitionis ufus	109
Contradicendi ratio in cõ-	á Definitione & definito ar-	
nexis affirmatis duplex	gumentandi ratio	109
156	Deliberationes	41
Contradicendi ratio in e-	Demonftratio	20
nunciato connexo	157	
Contradicentia	57	
Contradictio revera nõ ni-	21, 25, 35, 45, 64	
fi enunciatorum	133	
Contradictio femper ne di-	Descriptionum exempla 6	
vidat verum & falsum	facris literis	113
149	Deus & ὁ θεὸς	125
Contradictio fpecialis Ra-	Dialectica quid	7
mo quæ	193	
Contradictionem impli-	Dialectica docendi & difcẽ	
care quid	di ars	16
58	Dialectica docens & utens	
Contrarium unum an op-	12	
ponatur pluribus	54	
Contraria	53, 67	
Contraria enunciata quæ	δύαμις 9. ἐπισήμη ibi.	
150	& 12. τέχνη	12
Copulæ vocabulum angu-	Dialecticæ partes duæ	16
	Dialecticæ partitio in To-	
	picam	

picam & Apodicticam	Distributio	nō semper dis-
improbatur	18	junctivē enunciat. 161
Dialecticæ subjectum	17	Diversa 51
ΔΙΑΛΕΚΤΙΚΗΣ significata &		Divinationes superstitiosæ
etymon	13	122
Dianoia	162	Divisio 96
Dicendi tres artes	14	Divisio quo discrimine e-
Dicta sapientum	40, 125	nunciatur de specie ge-
Differentia 109. ex variis		neris divisi, & de ipso ge-
locis sumitur	110	nere diviso 161, 162
Differētia ultima quomo-		Docendi duo genera 16
do inveniat. ibid.		Documentum duplex 22
Dilemma quid	173	E.
Dilemma Biantis de non		Edicta magistratuum 121
ducenda uxore	174	Effatum 131
Discretum enūciatum op-		Effectum 40, 41
ponitur copulato: con-		Efficiens causa 23
nexo non item	157	Efficientis divisio 25, 27, 29
Disjuncti enunciati nega-		Ens esse genus decem præ-
tio duplex	162	dicamentorum 101.
Disparata	52	Enthymema 163, 165, 166
Dispositio logica & judici-		Enunciatio 131
um non sunt dissenta-		Enunciatio omnis vera aut
nea	18	falsa, sit ne enunciatum
Disputare	15	disjunctum 161
Differere metaphoricē pro		Enunciatum 131. vide Axio-
docere	15	ma.
Dissimilia	85	Enunciatum copulatū fal-
Dissimilium exēpla	85, 86	sum 154. generale 147.
Dissimilitudinis notæ	85	infinitum 147, 151. pro-
Distributio	93	prium 152. simplex 145.
Distributio aut nominis		speciale 147
aut rei	108	Enunciati simplicis divisio
Distributio ē causis	95	147
Distributio ē subjectis	105	Enunciati divisio prima á
Distributio ex adjūctis	107	forma 131, 132. altera ab
Distributio ex effectis	97	adjūctis propriis 133, 135.



tertia, ab adjuncto tem-	Figuræ tertiæ Arist. syllogi-
poris 133, 135.	quarta, á
qualitate materiæ 134,	fini oēs expositorii ibi.
136.	quinta, item á qua-
lit. materiæ ibid.	sexta, á
á forma 145	gula 40
Enunciati divisionum exa-	Focus 90
minatio 143	Forma 35, 37
Enunciati discreti usus du-	Forma duplex 37
plex 158	Formarum substantialium
de Enunciati disjuncti ne-	cognitio difficilis 38
gatione observatio 162	Fortuna 30, 32
Epistola Pauli ad Rom. me-	Futurorum contingētium
thodicé proposita 214	non esse determinatam
Est secundi & tertii adjecti	veritatē, quatenus verū
46	fit 135
Exemplum nō est peculia-	G.
ris forina argumētatio-	Genus 97
nis 166	Genus proximum quomo-
Exempli vocabulum am-	do inveniatur 110
biguum. 105	Generis subalterni divisio
Experientia 118	101
Explicationis genera duo	á Genere argumētandi re-
20	gulae 103
Expositorii syllogismi 179	Genera extrema quæ 100
F.	Gestus 122
Famæ descriptio 112	Gradatio logica 69
Fatidicus 129	H.
Febris divisio 107	Heterogeneum enūciatū
Figura prima syllogismorū	136
188. secunda 184. ter-	Hominis <i>ἔτυμον</i> ab humo,
tia 177	á Quintiliani reprehē-
Figuræ primæ é minore ne-	sione vindicatur 90, 91
gante interdum firma	Homogeneum enūciatū
conclusio 197	136
Figuræ tertiæ modi octo	Humanorum studiorū di-
179	visio Platonica 106
	Hypo-

I N D E X.

Hypothecus fyllogismus	καθόλου & πρώτον an idem	
duplex	194	sint 137
Hypothetici syllog.	διὰ τρι- καθόλου & πρώτον καθόλου δι- ων, & δ' ὅλων 202	stinguenda 138
I.	κατὰ πάντες	134
Imparium doctrina cōfusē	κατὰ πάντες & καθόλου an	
à Ramo tradita	70	idem significant 139
ab Imparibus argumentā-	L.	
di regulæ	71	Laudes 40
Impossible quid	135	Lex ceremonialis 123
Indefinitum enunciātū æ-	Leges	125
quipollet univērsali	148	Leges artium cōstituenda-
Individuum	152	rum 134, 141
Individua esse species spe-	Leges humanæ	121
cialissimas	100, 102	Liberum, ambiguū est 89
Inductio est enthymema	Libri philosophorum, ora-	
166	torum, &c.	121
Infinitum enunciātum	147	Literæ sacræ 121
Instrumētorum distinctio	Locus	44
27	Loci Matth. 6. analysis	77
Integrum	95	Loci Rom. 5. analysis 78
Invenire	19	Λογική 9
Inventio quid	17	Λογική cur sic dicta 14
Judicium quid	18, 130	M.
Judicium & dispositio logi-	Majus quid	69
ca non sunt dissentanea	Majoris notæ	69, 72
18	à Majori argumētum quid	
Judicium sit ne pars diale-	71	
cticæ	17	à Majori argumentandi a-
Judicii nomine quid intel-	xiomata	71
ligatur	19	à Majore argumentatio, p-
Judæ proditio necessaria &	cedit negādo tantum	72
contingens	144	Martyrum supplicia 125
Jusjurandum	118	Materia 33, 34
K.	Materia triplex	34
καθ' αὐτό	134	Matris familiās industriæ
καθόλου πρώτον	134	descriptio 113

Membrum	95	sequentia videat á nega <sup>a</sup>	
Methodus unica est	202	tione ad affirmationē	52
Methodi cryptica	208	Oraculum quid	129
Methodi illustratio per exē pla	203, 205, 214	Oracula ethnicorū	121, 125
Methodi significatio du- plex	210	P.	
Minus	74	Parabolæ	85
Minoris notæ	72, 74	á Pari argumentum quid	
á Minore argumentū quid	76	61, 64	
á Minori argumentandi a- xiomata	ibid.	á Pari argumētandi regulæ	64
á Minore argumētatio p-		á Pari argumentatio pro-	64
cedit tantū affirmā-		cedit affirmando & ne-	
do	72	gando	72
Modi syllogismorum	177	Paria	61, 64
Mortui quatenus miseri		Paritas duplex	64
vel beati	47	Pars	93
N.		Partiū divisio in essentielles	
Necessarió quæ fieri dicā-		& integrales vitiosa	94
tur	144	á Partibus argumētandi a-	
Necessarium axioma	134	xiomata	96
Necessitas divina non est		Partitio	ibi.
violenta	32	Peccati divisio in mortale	
Necessitas in Deo quid	144	& veniale	108
Negandi ratio in enūciatis		Philosophorum placita	125
copulatis duplex	154	Pignus obligatio quædam	
Nomina notæ rerum	90	117, 123	
Notatio	90	Piscis an proprié mutus di-	
O.		catur	59
Objectum	34, 44	poínōis & πῆξις differūt	15
de Operibus bonis argumē-		Pœnæ divinæ	122
tatio Pōtifictorum exa-		Præcepta artium	125
minata	67	Prædicationis divisio repre-	
Opposita	51	hensa	95
quorum Oppositorum cō-		Prædicatum	146
		Privantia	59
		Promissio	124
		Pronunciatio	131
		Pro-	

Prophetæ	129	Similium usus ubi potissi-	
Propositio quid	132, 163	mum	84
Propositio cōditionalis	155	Similitudo conjuncta	83.
Propositio singularis	152	disjuncta	82
Propositionis divisio vulga-		Similitudinis notæ	ibid.
ris reprehensâ	155	Singulares perperâ haberi	
Propositionis majoris &		pro particularibus	184
minoris definitiones nō		Somnia	θεόπεμπλα καὶ μαυ-
sunt reciprocæ	164, 165	τινὰ	119
Propositiones singulares in		Sorites firm' esse potest ex	
concludendo vim habēt		puris negantibus	172
universalium	185	Soritis definitio & analysis	
Proprii definitio	49		167
Prosyllogismus	163, 166	Soritis Ciceroniani libr. 3.	
Proverbia	125, 116	Offic. analysis	171
		Soritis Ciceroniani libr. de	
Quæstio duplex	20	Fato analysis	172
		Soritis Paulini Rom. 5. ana-	
Q.		lysis	170
R.		Sortes	120
Reciprocatio distributioni		Species	97
inest	94	Speciei subalternæ divisio	
Reciprocatio non est pro-			101
pria enunciatorum	144	Species specialissimæ quæ	
Regulæ artium	125		100, 102
Relata	53	Specie argumentationes	
Responsa vatum & fatidi-		ad speciem	104
corum	115	Specie argumentandi re-	
Ritus	123	gulæ	103
Sacramenta	123, 125	Subiectum	34, 42, 146
Sapientum dicta	125	Subiecti divisio	44
Scientiæ nomen, dialecti-		Supplicia Martyrum	125
cæ convenit	9	Syllogismus quid	162.
Scopus pro fine	39	plex	18
Scripta 41. prophetica &		συμλογισμὸς propriè	163
apostolica	120	Syllogismus affirmatus &	
Senatusconsulta	121	negatus	175
Signa	49		
Similia	82		

Syllogismus categoricus	T.
quid 177	Testimonium quid 119
Syllogismus connexus primus 190. secundus 194	Testimonium, artificiale argumentum est 22
Syllogismus contractus & explicatus 175, 181, 185	Testimonii quadruplex divisio 119
Syllogismus disjunctus primus 197. secundus 199	Testimonia quam vim in argumentando habeant 125
Syllogismus generalis, specialis & proprius 175	Tollere in syllogif. composito Ramo quid 190, 193
Syllogismus simplex & compositus 175, 176	Totum 93
Syllogismi divisio duplex reprehensa 177	à Toto argumentandi axiomata 96
Syllogismi divisio in categoricum & hypotheticum vitiosa 176	V.
Syllogismi connexi procedentes à contradictione antecedentis ad negationem consequentis 196	Vates 129
Syllogismi disjuncti ad connexos revocari possunt 200	Vaticinia prophetarum 124
Syllogismi firmi é præmissis singularibus 184, 189	Vi quæ cogi dicantur 32
Syllogismorum connexorum exempla é sacris literis 195	Vinculum 132, 145
Syngraphæ 121	Virtus ut duobus vitiis opponatur 54
	Visiones 119
	Vituperationes 40
	Urim & Thummim 120
	Z.
	Zenonis testimonium de discrimine inter Dialecticam & Rhetoricam 124



310  
GVLIELMI  
TEMPELLI PHILO-  
SOPHI CANTABRIGIEN-  
SIS EPISTOLA

DE DIALECTICA P. RAMI,  
ad

JOAN. PISCATOREM ARGEN-  
tinens. uná cum Joan. Piscatoris ad  
illam epist. responsione.



FRANCOFURTI  
Apud hæredes Andreæ Wecheli,  
M. D. LXXXII.

1361-1372

1373-1384

1385-1396

1397-1408

1409-1420

1421-1432

1433-1444

1445-1456

1457-1468

1469-1480

1481-1492

1493-1504

1505-1516

1517-1528

1529-1540

1541-1552

1553-1564

1565-1576

1577-1588

1589-1600

1601-1612


1613-1624

1625-1636

1637-1648



ORNATISSIMO VIRO  
IOANNI PISCATORI AR-  
GENTINENSI GULIELMUS  
*Tempellus S. D.*



NIMADVERSIONES tuæ in *Logicam*  
Dialecticam (ornatissime Pesca-  
tor) tantum apud nos & tam illustre  
nomen consecutæ sunt, ut qui Pesca-  
torem nescierit, nihil in Dialecticis  
exquisitum scire videatur. Ego certè

pro eo quo Logicæ disciplinæ veritatem amore com-  
plector, tantū tibi tribuo, quantum excellentissimo phi-  
losopho tribuere debemus. Nam quæ duæ res ad sum-  
mam laudem possunt valere plurimum, eæ profectō in  
te elucet ambæ: libertas iudicii, & ingenii magnitudo.  
Illa fecit ut te ab eorum hominum erroribus vindicāres,  
qui nihil solent ad illas disciplinas præter jejunam  
subtilitatem & Aristotelis nomen afferre: hæc ita nos  
afficit ut certè admiremur, & præclari deinceps aliquid  
cupidissimè expectemus. Quod si *Bartholomæus* revivisce-  
ret, & tuam in expoliendis dialecticis excellentem cupi-  
ditatem intueretur: equidem gratularetur ipse sibi, &  
Joanni Piscatori sese permultum debere fateretur, quod  
ad suum studiū diligendæ veritatis dialecticæ, industria  
Piscatoris accessisset. Neque verò tibi verendum erat,  
ne erroris animadversio minús ei jucūda accideret. Fuit  
ille vir, si quis alius, in studium disceptandæ veritatis, &



erroris profligandi tantoperé incitatus, ut si quid aliquando accuratius occurrisset, siue id ipse inuenisset, siue ab alio vel infimo accepisset, vehementiús lataretur. Atque hoc plané Rameum est, & pati se de errore admoneri, & latari si ab aliquo corrigatur. Dum igitur te ad ~~Rami~~ dialecticam perpoliendam & erroribus liberandam retulisti, fecisti profectó illud quod ~~Petrus Ramus~~ factum voluit, & ii etiam facere debent, qui Rameæ disciplinæ instituta sequuntur, id est, studium excolendæ veritatis profitentur. Quanquam hercle, utcunq; fueris in animadversionibus illis cum summa laude versatus: tamen nescio quo modo non illæ mihi ita satisfaciunt, quin putem posse á Joanne Piscatore eruditissimo homine exquisitius aliquid perfectiúsque proferri. Ac proinde scribere ad te non alienum videbatur, & vehementer rogare, ut qua luce ingenii omni ~~feré~~ assequeris, eadem in logicis ~~Rami~~ pauló accuratius disceptandis utare. Atque ut id eo alacriús suscipias, exponam quid mihi in animadversionibus tuis non tantoperé probetur. Quod eo libentiús facio, cum propter alios qui id á me contenderunt, tum propter P. Baroné Gallum, non modo perfectum in theologia magistrum, sed hominem etiam cæterarum artium laude excellentem, qui mihi ad istud suscipiendum author accessit. Cui quidem id olim contigit quod jam tibi. Nam cum relictis elegantissimis Peripateticæ familiæ, ad Rameæ institutionis disciplinam accessisset, & jam ~~P. Ramo~~ propter similitudinē studiorum ac ejusdem gentis cognationem familiariter uteretur: incidit ille quidem in eas feré difficultates, quibus tu ~~Rami~~ dialecticam irretitam esse differis. Mihi etiam de nonnullis in mentem subinde venit dubitare: sed tamen ipse me sustineo; ne, quod propter infirmitatem judicii non assequor, id propter temeritatem condemnasse videar. Quid ergo? Quod in ~~Rami~~ nō ausim, id in Piscatore audebo? Condemnare animadversiones tuas non audeo; immo probo & laudo: sed ita tamen, ut earum plerisque non valde assentiar. Scripsi igitur ad te,  
ut illud

## DE RAMI DIALECT.

ut illud tuum divinum acumen diligentissime in omnem partem excites : ut mihi homini adolescenti & in literarum studiis vix mediocriter versato aliquid impertias disciplinæ tuæ. Quod facillime consequere, si, quæ à me pro Ramo levissime differuntur, in iis erravisse me docueris. Nam ea medius-fidius instituti mei summa ratio est, non ut te refellam : sed ut à te in iis quæ nesciam, erudiri possim. Age igitur : & quid mihi in animadversionibus tuis minus probetur, attende. Non placet tibi I. Ramea artis logicæ definitio. Quid ita? Quia & vox illa *bene* redundat, & differendi verbo non omnis logicæ doctrinæ vis comprehenditur. Redundantiam esse vis, quoniam idem tibi expressum videtur, quod artis vocabulo continetur. Verène istud à te dicatur, videamus. Artis integra natura, præceptis & præceptorum methodo consumitur. Nam si arti præcepta perpetuæ veritatis, homogenea, partibus reciproca, & ad elegantem ordinis formam revocata, concesseris : nihil à te ad suam ipsius constituendam essentiam requireret amplius. Atqui verò quod arti tanquam summum bonum proponitur, id nullam partem è materia formæque constitutæ artis assumit. Quid enim? ecquid finem constructi ædificii, materia ejusdem ac forma, aliqua ex parte contineri dicemus? Tu cum fini nomen externæ causæ assignis, eumque extra effectum consistere, non autem effecto inclusum esse differis: non vis hercle aliquam finis partem materia rei compositæ formæque comprehendere. Sed quamlibet artem habitum esse dices bene agendi. Quid tum? Illa *εὐπραγία*, quæ finis est cujusvis disciplinæ, nulla ex parte, materia aut forma artis continetur. Quod verò de arte generatim dicitur, id ex lege καθόλου πρῶτον speciatim in dialectica explicatur. Artis finis, est bene agere: dialecticæ verò, bene differere. Quæ ergo (inquies) vocabulo *Bene* subjecta viserit? Equidem illius actionis, quæ totius artis viribus efficitur, perfectionem notabit. Perfectio autem hujus actionis, nonne ab arte profecta est? Quis negat? non tamen

in ipsa arte inclusam esse concedo: nisi fortasse quicquid ab efficiente in effectum transfunditur, id efficiente comprehendendi fatēdum sit. Neq; interim *ἔλεγχος* est, ut eadem actio, & effectus & finis rationē obtineat. Verūm tu ista videris ornatissime Piscator: ego satis assecutus sum, si te ista quasi velitatione, quæ ipsi mihi non tantoperē probatur, ad illustriorem quandam explicationem provo-

2. caverim. Agedū: Vox illa *differendi* non arridet. Tropum esse, non inficior. Sed ita illustris tropus est, ita in disertissimis authoribus frequens, penē ut vox illa non tropo modificata, sed à natura ad eam significationem facta videatur. Quid tropo illo declaretur, nemini obscurum esse potest. Omnem profectō dialecticæ vim comprehendit: sive rei inveniendæ cōsiliū spectes, sive dispositionis alicujus in enunciato & syllogismo & methodo rationē consideres: adeo ut tropi hujus rejiciendi iusta causa subesse non possit. Sed tua hujus definitionis correctio quæ-nam est? Ais, dialecticam melius definiri artem docendi. Non valde repugnarem, nisi *docere* nihil aliud tibi esset, quàm enunciato quæstionem declarare, vel syllogismo eandem demonstrare. Ex quo fit ut allata abs te definitio, *καθόλου περὶ τὸν* non sit. Nam qui dialecticam sic definit, is rem generalem per duas in re generali comprehensas particulas interpretatur. Dialecticæ definitio, ad omnes dialecticæ partes communiter attinebit. At ubi in tua definitione, argumenti inventio? ubi methodi disciplina? utraq; certē exclusa est; cūm tibi docendi ratio, enunciati & syllogismi usu tota
3. vertatur. Non minūs mihi tua illa de materia & forma dialecticæ, aliena videtur explicatio. Materia (inquis) dialecticæ argumēta sunt. Quod si materiam quæ ad logicæ artis structuram requiritur, intelligis (ut certē intelligis) dabis veniam si à te dissenserim. Nam in constituenda dialectici artificii fabrica, ipsa præcepta materiæ rationem obtinent. Quod ex artis definitione perspicitur. Sed quæ forma dialecticæ? argumentorum (inquis) cūm quæstione dispositio. Non placet hercle.

Artis

Artis enim forma, toti arti convenire debet. Hanc veró quam affers, nec capere inventio, nec sustinere enunciatum, nec methodus ferre potest: immó veró nec doctrina syllogismi. Ubi ergo argumentorum cum quæstione dispositio consistet? Cujus rei forma erit? certé operis illius, quod syllogismi præceptis contexitur. Nam in eo ad vim consequentiæ deducendam quæstio cum argumento perartificiose disponitur. *Argumenti* definitio satis tibi accurata videretur, nisi arguendi vocabulum displiceret. Usurpatur, si placet, καλαχρησικὴς, (in quo tamen non valde tibi assentior.) Quid tum? Nul- lum certé ex omnibus vocabulis aptius huic loco, nul- lum elegantius occurrit. Nunquam ego *declaramen- tum* illud tuum, vel *documentum*, cum verbo *arguendi* ulla ex parte conferendum putabo. Hic de duplici usu argumenti sic disputas, tanquam *Ramo* plané fugillet: aisque, ab eo declarationis & argumentationis distinctionem minimé explicatâ esse. Etenim in comparatorum animadversionibus istam P. Ramo insci- tiam attribuis. Quid dicam? Nulla mihi ingenio Pesca- toris indignior animadversio visa est. Quorsum illa P. *Rami* de axiomatica instituta præcepta? Quorsum tot locis & tam sollicité contendit, alia enunciari iudicio explicari, alia disceptari syllogistico? Quorsum de sophi- starum vanitate conqueritur, quód omnem logici judi- cii usum ad syllogismi subtilitatem transtulerint & alli- garint? Ecce Piscator á Piscatore refellitur. Arguere (in- quis) *Ramo* significat non solum veritatem alicujus af- firmationis aut negationis probare seu demonstrare, qui vulgaris hujus verbi usus est: verúetiam rei cujuspiâ naturam declarare seu explicare absq; ullo syllogismo. Fateris igitur, duplicem arguménti usum, alium in decla- ratione, in demóstratione alium, fuisse *P. Ramo* cogni- tum satis & exploratum. Ut veró tuam de arguménti bi- partito usu sententiam magis illustres, rem universam á capite repetitam, & tuis præceptis comprehensam, velut ob oculos proponis. Hoc nempe modo:

Dialectica est ars docendi.

Quod ad docendum proponitur, vocatur quaestio.

Quod ad docendum adhibetur, vocari potest documentum.

Documentum est duplex: declaramentum aut argumentum.

Declaramentum, est documentum, quod adhibetur ad explicandum quaestionem simplicem.

Argumentum, est documentum, quod adhibetur ad explicandum quaestionem conjunctam.

5. De logicae artis definitione jam diximus. De subiecto dialecticae lautius quiddam & splendidius requiro. Nam si explicatio subiecti informanda fuit, equidem ejusmodi subiectum notari debuit quod generale est & totius artis commune. At quaestio, non est inventionis, non semper axiomatici judicii, non methodi subiectum. Ubi igitur hic καθόλου πρῶτον? Deinde praeceptum quaestionis, utpote quae ex argumentorum conjunctorum ambiguitate oriatur, in arte dialectici judicii exponendum fuit. Quod quia alibi fuit, id καθ' αὐτὸ non est. Perge verò. Documentum est duplex, declaramentum aut argumentum. Non probas mihi ista quae dicis. An una eademque res, pro duplici usu duplex statuetur? idem equus arationi scilicet & vecturae deservire potest: ideo ne in duo genera distrahetur? An Sequana Paduensis propter multiplicem usum multiplex erit? sed mittatur ratio: & partitionis membra separatim persequere. Primò definiatur quid sit declaramentum. Peracta res est. Tum in partes tribuatur. Quomodo igitur declaramentum partiris? Haud dubie in causas, effecta, subiecta, adjuncta, dissentanea, comparata, & reliqua é primis istis derivata. Bene est. Postquam omnes declaramenti species singillatim explicaveris, argumenti tractationem aggredere. Definiatur consimiliter: deinde

in membra dividatur. Sed in quæ obsecro? an in illa ipsa in quæ declaramentum distinguitur? At rem trāfactam repetis, & dissidentibus generibus easdem species affingendo, distributionis legem violas. Quod si alias argumenti partes constituis, quā in quæ declaramento tributæ jam sunt, veras argumenti species prætermittis. Vides quid ego in tua illa logicæ artis inchoata delineatione desiderem. Tu verò ad elegantiores deinceps animadversionem meditare. Quin etiam illud attende, rectène argumenta per se considerari dicantur. Reclamas. Cur tandem? quia argumentum (inquis) sine eo quod arguitur, esse aut intelligi non potest. Quid ~~mutu~~ velit, non assequeris. Rationes solæ & per se consideratæ hîc dicuntur, quæ non in unam sententiam conjunctæ, sed liberæ ab axiomatice dispositione spectantur: adeo ut etiam si mutua relatione contineantur, possint tamen absolutè & per se, id est, enunciato non dispositæ considerari. Non minùs in prima argumenti partitione reprehendenda erravisti. Argumentum artificiale aut inartificiale. ~~Ratio~~ efficitur. Hic propter membri posterioris falsitatem, distributionis elenchum esse vis. Atqui verò ~~sententiam~~ non satis acutè interpretaris. Non enim testimonium ideo inartificiale dicitur, quia nulla ars illius inveniendi traditur (quorsum enim id ~~aliter~~ diceretur, cum excogitandi testimonii rationem præcepto comprehenderit?) sed quia arguendi vim ab artificialibus assumit. In Ramea causarum tractatione non pauca corrigis. Ad perficiendam causæ definitionem verbum *Est* adjungendum esse putas. quasi particula illa (nempe *Est*) non cujuslibet causæ in effectu constituendo vim satis enucleatè complecteretur. Nam quod novam causæ partitionem effinxeris, & in ~~ea~~ finem materiæ formæque præposueris: vide ne dum partitionis elegantiam confeceris, à lege methodi descivisse videare. Nam si rei effectæ finis extiterit, necesse est præcessisse materiam & formam: at si materia fuerit, non ideo sequitur finem esse. Nec si in re ~~com~~

7.

8.

9.

10.

- da de fine primúm cogitetur, idcirco cæteris causis natura prior dicetur. Efficientis prima distinctio, quibusdam à te partibus amplificata est. Ego partitionem illam, si defuerit, non valde desiderem: si adfuerit, non magnopere recusem. Fuit illa quidem P. Ramo comperta: sed illius iudicio non tantoperè necessaria videbatur. Brevissimè admonere, satis erat: præsertim cùm illorum contrariorum ea ratio sit, ut alterum ex altero
12. statim elucescat. At verò cùm tuam in formæ partitione diligentiam attendo, venit mihi in mentem Horatianum illud: *Aliquando bonus dormitat Homerus.* Quid enim? Qualem nobis formæ distributionem exhibes? Logica forma, est entium & nō entium communis. Turin forma partienda duas particularis Entis species proponis: Formam scilicet rei physicæ seu naturalis, & externam corporis figuram, sive id natura sive artificio constet. In quo omnes illæ de artis materia formæque leges violantur. De finis distributione quid loquar? Quod Ramo iudicio quodam seponendum è dialecticis putavit, id tu denuo reponis. De partitionum veritate non pugnabo: de necessitate adduci non possum ut assentiar: præsertim cùm una eademque de fine præceptio, ad quemvis finem cognoscendum & intelligendum commodissimè possit satisfacere. Quod verò ad parem rei explicandæ & illustrandæ formam attinet, quam in subjecto & adjuncto esse vis, in eo mihi non persuadebis, nisi aliqua ad auctoritatem tuam ratio accesserit. Illud certè ausim dicere; quod abs te assertur, id *κατὰ πάντος* non esse. Nam virtutis utilitas magis è subjecto, in quo exercetur, quàm ab adjuncti
13. laude illustratur. Est etiam in consequenti animadvertione, quod non valde approbem. Duas illas particulas (*omni & semper*) in proprii definitione redundare differis: quia proprium est quod soli convenit. Primò aliquod de qualitate præceptum in adjunctorum loco, subtili & accurata definitione cōprehendere, id nunquā
14. P. Ramo logicæ disciplinæ leges sequenti, propositum ali-

aliquando aut est, aut esse potuit. Nam qualitas, specialis adjuncti rationē notat. Ac proinde **Ramus** de qualitate non sic præcepit, tanquam esset argumenti inveniendi viam traditurus: sed ad illustrationē præcepti illius quod adjuncti definitione comprehenditur, ut alia quædā adjuncta, sic qualitates recensuit & adhibuit: in quarū proferendo exemplo cōmunem loquendi consuetudinem sequutus est. Deinde utcunq; ista à **Ramo** dicātur, certē animadversionis tuæ ratio mihi non facit satis. Propria qualitas (inquis) est, quæ soli subjecto convenit. At istud non est *αὐθόλῃς πρῶτον*. Anima vitæ, sensus, rationis particeps, soli homini cōvenit: anima tamen non est propria hominis qualitas. Ulmus soli terræ actis radicib. innascitur: ulmum tamē in propriis terræ qualitatibus minimē opinor numeraveris. Verū reliqua persequamur. Disparatorum in liberalitate & avaritia exemplū reprehendis. Adversantur (inquis) non disparantur. Affirmationis argumentum expecto. Quāquam quid expectem, cū hoc ipsum à te de contrariis agente iterum refellatur? Mihi liberalitas & illiberalitas adversa sunt: species verō illiberalitatis in avaritia, est liberalitati disparatum, cū non ē regione eīdē adversetur. Neq; verō ē prima Tusculana ad contradicentia illustranda exemplū illud nō satis consentaneū videri debet. Fatetur tandem Atticus, mortuos miseros non esse. Quo argumento hanc cōfessionē ab Attico expressit Marcus? An nō argumento cōtradictionis? Sanē verō. Nam quod primum, admonitus à Marco, se cōtradicentia locutū esse animadvertit: fateor (inquit) quoniā extorsisti, qui omnino non essent, eos ne miseros quidē esse. At si quis ita disserat, mortui nō sunt, ideoq; ne miseri quidem, eū à subjecto disserere contēdes. Sit ita. Quid? An idcirco Marci contradictionis argumento illam Attico confessionē non extorsit? Mortui sunt, mortui non sunt, contradicentia esse concedes. At quorsum ista cōtradictio explicatur? Equidē aut nullo consilio, aut idcirco ut istā de qua loquor confessionē ab Attico Marcus eliceret. Non absimilis in privantib. 18.



reprehensio est. Exemplum istud (*Semper eris pauper, si pauperes, &c.*) è Martiale productum, abjudicandum & tollendū esse censet: quoniam hujus argumenti consecutio (ut ais) non è natura privantium, sed proprii, dependet: nam sublata nota proprii, consecutio non valet. At (inquam) Pauper & Dives privantia sunt: utrū verò rectè consequatur, id ille viderit, qui argumentum è privantibus ad questionis demonstrationem petit. Sed quid est cur argumentum à proprio esse putes? Particula (*solus*) si per se spectetur, propriam semper qualitatem nō designat: designet tamen si libet: an ideo à Martiale in illo disticho, adjuncti argumentum adhibetur? Si dixeris; dicas etiam necesse est, argumentum illud (*SOLOS DIVITES*) esse vel pauperibus vel opibus adjunctum. Sed ut pauper & dives, sic vita & mors, tacere & loqui, in privantibus numeranda sunt. At parium (inquis) collatione tractantur. Quid tum? Quasi in istiusmodi exemplis, non duplicis affectionis ratio spectari possit. Si eorum oppositionem, quæ è mutua dissensionis affectione elucescit, consideres: possunt ad præcepti de contrariis expositi illustrationem referri. Sin verò ipsorum in pari quantitate comparationem attendas, nonnullam ad præcepta parium demonstranda vim afferunt. Pervenimus jam tandem (eruditissime Piscator) ad comparatorum animadversiones tuas in quibus es accurationem quandam secutus, sed neutiquā meo iudicio consecutus. *Rati* præcepta, tanquam inania & nullo iudicio tradita animadversiones tuæ sustulerunt. Nunquid etiam & nova pepererunt? certè nova. Non enim in sese aliquid Rameæ ac veteris elegantiae complectuntur. Id facilimè intelligemus, si allatas abs te comparatorum definitiones excusserimus. Age igitur: proponantur, & possintne logicarum legum severitatem ferre, videamus,

Argumentum (inquis) à pari est, cū in antecedente & consequente enthymematis par est ratio veritatis, seu par probabilitas.

Argu-

Argumentum á majore est, cùm enthymematis antecedens est magis probabile quàm consequens.

Argumentum á minore est, cùm enthymematis antecedens est minús probabile quàm cōsequens.

Hæc est illa tua in comparatorum explicatione tam insignis accuratio: ad quam refellendam quid á me in genere disputetur, attende. Primó definitionibus istis, non quæ sit essentia & natura comparatorum, sed quæ vis sit consequentiæ, cùm enthymemate disponuntur, diserté explicatur: adeó ut judicandi comparati, non autem inveniendi præceptum tradideris. Deinde qui per syllogismi partem antecedentem & consequentem argumentum logicæ inventionis definit, an non præposterum quiddam in definiendo & heterogeneum consecretatur? Dialecticæ inventionis argumentum, est antecedente ac consequente syllogismi, multó prius & generalius. Tux veró definitiones ejusmodi sunt, ut si admittantur, anté explicanda ac cognoscenda syllogismi doctrina sit quàm tradi de comparatis præcepta intelligique possint. Præterea cùm singulorum comparatorum singulæ definitiones ita instructæ sint, ut non omnibus in suo genere cōparatis conveniant, nonne lex illa *κατὰ παντός* violatur? At definitiones istæ quas affers, comparatis illis minimé conveniunt, quæ tu ad declarationem rei adhiberi vis, sed iis solummodó quæ syllogisticæ demonstrationi inserviunt. Quod veró ad majoris & minoris definitionem attinet, utraq; in alia etiam argumenta cadit. Nam si quis hoc modo argumentetur: Catilina est doctus, idéoque bonus: híc enthymematis antecedens est magis probabile, quàm cōsequens: nulla tamen á majore argumentatio est. De hoc porró enthymemate quid dicemus: Satrapes non potest sufferre tantos sumtus: tu igitur non potes. An probabilius est, minus in Satrapa ad perferendos sumtus inesse facultatis quàm in homine mediocris fortunæ? Equidem hujus

enthymematis & cæterorum similitum, quibus tu argumentum á maiore contineri vis, antecedens minús probabile est.

At dices, probabilius esse, satrapam posse sufferre tantos sumtus, quám alium quempiam inferioris conditionis hominem. Concedo: sed illud addo, consecutionis rationem jam plané mutatá esse. Satrapes potest sufferre tantos sumtus: quid hinc consequetur? An illud? Tu igitur potes. At (inquam) tibi argumentatio á maiore semper negando conficitur. An ergo illud? Tu igitur non potes. At ejusmodi á maiore coniectio ridicula fuerit: & allatis abs te majorum axiomatis minimè consentanea. Quocirca in comparatorum animadversionibus assentiri tibi non possum: præsertim cùm de quolibet feré enthymemate, sive comparato sive simplici argumento concludatur, id dici possit, antecedens esse vel pari cùm consequente probabilitate vel impari.

20. Sequitur dissimilium animadversio. In dissimilibus exemplum é prima Virgili Ecloga desumptum adhibita correctione perpolis. Ut *canibus catuli*, &c. Ais dissimilitudinem non esse, nisi ita explicetur: Non ut canibus catuli, sic Mantua Romæ similis est. Atqui veró Ramus contractam dissimilitudinem, non explicatam esse vult. Mantua (inquit) non est Romæ similis. Dissimilitudo ista contracta, est á pastore Virgiliano illustrata simili: Ut nec canibus catuli, nec matribus hœdi, sic nec
21. Mantua Romæ similis est. Quam affers de subalterno genere & subalterna specie divisionem, veram esse
22. fateor, sed minimè necessariam. Hic Ovidianum de animalium divisione exemplum minús idoneum esse putas: quia in eo non generis in species divisio, sed distributio á subjectis contineatur. Mihi secus videtur: Nam primó genus in species tribuitur: tum unaquæque
23. species subjecto loco illustratur. Appendix illa, quam distributioni subjecisti, suis ipsa viribus plané concedit.

Nam

Nam ais, te de vocabulorum ambiguum significacionibus præcipere. At distinguere ambiguum vocem in sua significata, non est artis dialecticæ; quæ differendi præcepta tradit: sed hominis potius Lexicon aliquod meditantis.

Sed enim in testimoniorum animadversionibus mi-<sup>24</sup>  
 rificam subtilitatem exprompsisti. Vide tamen quanta ex ista subtilitate emerferit confusio. Doces, testimonium quatuor modis dividi posse: á forma: ab efficiente: ab objectis: ab adjuncto. Istas ego divisiones nescio quid magnæ confusionis complexas esse disputo. Nam quælibet testimonia, sive verbis aut factis contineantur, sive promissiones aut confessiones fuerint, sive cum jurejurando aut sine jurejurando extiterint, quælibet inquam testimonia, divina sunt vel humana: adeó ut testimonii ab efficiente distributio, cætera omnia comprehendat. Deinde promissio & confessio, verbis continentur, aut factis representantur: & utraque quum verbis continetur, est pronunciata aut scripta. Sic divina & humana testimonia verbis aut factis feré consistunt. Porro é præcedentibus testimoniis quodlibet est cum jurejurando aut sine jurejurando. Ac proinde in hac quadruplici testimoniorum distributione, logicæ disciplinæ leges negliguntur. Imminó & methodi inversio isthuc accessit. Nam illa ab efficientibus distributio præcedere debuit. Si enim author sit á quo testimonium proficisci potest, non tamen enumerata illa testimonia esse sequitur.

De vi probationis, si quis in genere perexiguam esse<sup>25</sup>  
 dixerit, id tibi κατὰ πάντος non erit: quia testimonium veré divinum vim probationis habet maximam. De autoritate divini testimonii, maximam illam esse libentissimè fateor & prædico: at quæ ratio? certé non tam propter nudum testimonium, quàm propter adjuncta perpetuó artificialia argumenta. Cúm enim Deus testatur, is profectó testatur, qui infinitæ

semper potentia est, qui res universas quantumvis abstrusas ac reconditas accuratè cognoscit, qui errare falliq; non potest, qui arbitrato suo res singulas hoc illòve modo & creavit olim & creatas sapientissimè administrat. De Ramea humani testimonii divisione non labor tecum. Mihi καθόλου πρῶτον nunquam fuit.

- Haftenus tuæ in logicæ inventionis præcepta animadversiones productæ sunt. In animadvertenda iudicii doctrina non ita multus es. Utrum axioma, affirmatum an affirmans dici debeat, levis est controversia: maior est illa de veri axiomatis definitione. De veritate definitionis Rameæ confiteris, sed tuam accuratiorem esse iudicas. Mihi tua non satis videtur instructa cōmodè. In hoc enunciato, *Quaquam Piso est doctus, tamen improbus est*, dissentanea affirmādo componuntur, at tamen verum axioma est. At fortasse dices, ratione vinculi disjungi ista dissentanea. sit ita. Dicamus igitur hoc modo: *Non quaquam Piso est doctus, tamen est improbus*. Vides jam dissentanea utroq; modo disjungi: falsum tamen enunciatum est, at ex tua definitione verum esse debuit. Distributio veri axiomatis in contingens & necessarium, à te non immeritò reprehenditur: non enim καθόλου πρῶτον est. Hoc Rameus ipse animadvertit, ut & cætera si quæ sint consimilia. Sed quomodo adhibita correctione subtiliùs limabitur? Agedum. In axiomate discreto ais te à Talæo dissentire. Ille negationem discreti, putat esse posse legitimam contradictionē connexi affirmati. at tu istud non probas; quia antecedens connexi non verè affirmatur, sed affirmatio ejus fingitur: at in discreto negato antecedens conceditur esse, tanquam simpliciter & verè affirmatum fuerit. At (inquam) cūm discretum negatum affirmato connexo contradicit, illius antecedens non alio modo cōceditur & ponitur, quàm antecēdēs connexi, ut in illo exemplo quod affers. *Si abest à culpa, caret etiam suspitione: Quaquam abest à culpa, non tamen caret suspitione*. Perinde est ac si diceres, Si abest à culpa, vel detur abesse à cul-

à culpa, non tamen suspicione caret. In disjunctis in-  
 super elenchum quendam animadvertisti. **Ramus** ge- 29.  
 neratim ait significari, é disjunctis unicum esse verum.  
 Tu id κατὰ παντός nō esse differis: quia in eo disjuncto,  
 in quo divisio de genere diviso enunciatur, falsum esse  
 constat. ut, omne animal rationale est vel irrationale.  
 Hic (inquis) non significatur, é disjunctis unicum esse  
 verum. Immo verò, Piscator, & in hoc disjuncto illud si-  
 gnificatur. Nam si illud disjunctionis membrum de a-  
 nimali quovis verum fuerit, hoc certé de eodem falsum  
 erit: cum utrumq; nulli animali conveniat. Sic é contin-  
 gentibus disjunctis unicum esse verum, mente concipi-  
 mus, & significare volumus. Sed ut falleris cum axio- 30.  
 ma istud falsum esse dicis in eo disjuncto, in quo de ipso  
 genere enunciatur divisio: sic non minús erras, cum ve-  
 rum esse contendis in eo tantum disjuncto, in quo divi-  
 sio enūciatur de specie generis divisi. Equidem in omni  
 é disjunctis divisione parem veritatem obinet; siue sit  
 divisio generis in species, siue subjecti in adjuncta, aut  
 adjuncti in subjecta: præsertim cum **Namus** non disse-  
 rat, unicum é disjunctis semper esse re ipsa verum, alte-  
 rum falsum: sed id ab enunciante significari & intelligi,  
 é disjunctis propositis unicum esse verum. Utcunq; á 31.  
 te meritó reprehendantur cætera, equidem syllogismi  
 simplicis in affirmatum & negatum partitio reprehen-  
 di nō debuit. Non est (inquis) καθόλου πρῶτον. At (inquā)  
 in syllogismo composito nulla ratio habetur affirma-  
 tionis & negationis, si exceperis id quod de propositio-  
 ne compositi præcipitur, ut nempe perpetuó affirmetur.  
 Quod in syllogismo composito reliquum est, id torum  
 assumendo & tollendo conficitur: id verò quod assumi-  
 tur tolliturve, utrū affirmatum an negatum sit, nihil  
 interest. In simplici syllogismo aliter res habet: quia sci-  
 licet ex affirmatione & negatione ratio consequentiæ  
 dependet. Quod cum minimé fiat in composito: necesse  
 non est ut affirmationis & negationis affectio ad syllo-  
 gismum compositum transferatur. Sed deinceps, conve-

nire composito ut affirmatus & negatus dicatur. Quo-  
modo affirmatum compositum definies? an ex affirma-  
tione omnium partium? at nullus tum ē disjunctis erit  
affirmatus. an ex affirmatione duarum? at tum disjun-  
ctus semper affirmatus, nunquam negatus erit. an ex af-  
firmatione unius? at hoc modo omnes compositi erunt  
affirmati. Quomodo etiam negatus compositus defi-  
nietur? an ex negatione omnium? at propositio compo-  
siti semper est affirmata, an ex duarum negatione? at nō  
convenit disjuncto. an ex negatione unius partis? cujus  
tandem? si cōclusionis: non cadit in primū disjunctum.  
Si alicujus ex antecedentibus: quid est cur syllogismus  
nomen negati potius ab aliqua antecedētis parte, quā  
ā conclusione acciperet? Difficultates istæ non patiun-  
tur ut affirmationis & negationis affectio, communis  
32. syllogismi simplicis & compositi efficiatur. Consimi-  
lis error est in sequenti partitione syllogismi simplicis.  
Eundem ~~error~~ in generalem, specialem, & proprium  
partitur. Partitio ā te rejicitur, quia duo posteriora mē-  
bra sunt consentanea. quomodo obsecro consentanea?  
proprie (inquis) est species syllogismi specialis. At in-  
quam longē erras, ut ē definitione specialis, quæ proprio  
syllogismo non potest attribui, potes intelligere. Gene-  
ris autem definitio semper speciei convenit. Id te fefel-  
lit, quod in divisione enunciati simplicis, speciale enun-  
ciatum genus efficiatur particularis & proprii. Vocabu-  
li igitur similitudo errorem peperit. Exposui jam (or-  
natissime Piscator) de animadversionibus tuis quid sen-  
tiā. In quo si id assecutus sum, ut te ad uberiores ~~partes~~  
disciplinæ explicationem, & ad depromendum aliquid  
ē tuis præclarissimis studiis, unde ego multa possim me-  
am ad utilitatem petere, vehementius excitari: cepisse  
me ē literis hisce ad te datis perhercle magnū fructum  
putabo. Vale. Dat. Londi 12. Cal. Iul. Anno Dom. 1581.

PRÆSTANTISSIMO  
IUVENI, GULIELMO  
TEMPELLO, PHILOSOPHO CAN-  
tabrigiensi, Joan. Piscator  
S. P. D.



**N**isi candor animi tui (præstâtissime Tem-  
pelle) cûm ex amica illa Christianique ani-  
mi plena salutatione, tuæq; erga me sum-  
mæ benevolentia professione, quam tua  
manu in libello ad me misso inscripsisti:  
tum ex illa de tuæ scriptionis consilio contestatione: tû  
denique ex cæteris libelli tui disputationibus quas dere-  
bus philosophicis variis contra diversos commentatus  
es, abunde mihi cognitus atque perspectus esset: equi-  
dem suspensionem irrisionis mei quam ex principio epi-  
stolæ ad me tuæ conceperam, deponere vix potuissem.  
Quum enim nomen meum tantopere abs te extolli, tã-  
tasque animi dores quantas ego (excepta iudicii liberta-  
te) non agnosco, attribui mihi viderem: veniebat mihi  
in mentem præfationis clariss. viri acutissimique philo-  
sophi, Jul. Cæs. Scaligeri, ad Cardanũ: qua, de subtilitate  
ad illum, vel potiùs contra illum scripturus, tantis eum  
laudibus effert, ut maximi eum facere videatur: quem  
tamen in ipsis illis exercitationibus summæ stupiditatis  
crassissimæque inscitia subinde coarguit. Similiter me  
abs te laudari suspicabar. Verumenimverò quum co-  
gitarem, ab officio hominis Christiani alienissimum es-  
se, sinistram facile de quoquam suspensionem concipe-  
re, conceptamve alere: id mihi operam dandam existi-  
mavi, ut genium animi tui ex cæteris illis commentati-  
onibus tuis quæ me non attingunt, penitiùs explorarem  
& quàm maximè possem intimè intuerer. Perlectis is



gitur univērsis, præter alias insignes animi dotes quibus te á Deo Opt. Max. ornatū esse perspexi, eximium quoque candorem atque sinceritatem in te esse animadverti: quo factum est ut sinistra illa opinione quam initio de te conceperam, planē sim liberatus. Id quod ideo tibi significare volui, optime Tempelle, ut meum erga te ἀντιφωτα, justissimum quidem illum, testatum tibi facerē. Erenim si redamant aquilæ, redamant delphines amantem: cur non homo hominem, & (quod plus est) Christianus Christianum redamaret? præsertim juvenem ornatissimum atque amabilissimum, á quo ipse gemino beneficio ultró sit affectus. Nam & nomen meum laudibus quā liberalissimē prosecutus es: (quanquam id parciús factū velim) & tua me disputatione atque provocatione ad philosophādum de rebus subtilissimis vehementer excitasti. Atque utinam tantum mihi ad animadversiones meas vel vindicandas vel emendandas otii esset, quantum fuit ad illas meditandas & conscribendas: non equidem gravarer, vel accuratissimē copiosissimēque de his rebus scribere. Nunc quoniam gymnasii Mærseusis nuper ab illustri Comite ADOLPHO á NeWenar mea opera aperti atque constituti, cura mihi incumbit: cogor levi (ut ajunt) brachio negotium hoc tractare. Dabo tamen operam ut quantum in me erit, desiderio tuo satisfaciam, & mearum in Rami Dialecticam animadversionum rationem pauló uberiús tibi exponam.

- I. Age igitur, quid primū in animadversionibus meis desideras? Nempe quód adverbium *Bene* in *Rameæ* Logicæ definitione redundare dixi: ut quod ipso artis vocabulo contineatur. Contra hoc judicium meum tu ex artis capssis essentialibus disputas: quas ponis præcepta tāquam materiam, & Methodum tanquam formā. tum assumis, id quod arti tanquam summum bonum proponitur (h.e. fluem artis) nullam partem é materia formaque constitutæ artis assumere. Hic primū attendas velim, dissensionis inter nos cardinem in definitione

tionem artis penè totum versari. Nam si ars rectè definitur habitus bene quippiam efficiendi: planum est, adverbium *bene* vocabulo artis contineri: ac proinde in definitione Dialectices expressè positum redundare. Si verò ars definienda est comprehensio praeceptorum catholicorum methodicè informatorum: prima quidem fronte videri possit, notionem bonitatis seu perfectionis agendi (quam uno verbo *ὑπερτέλειαν* Græci vocant) in arte inclusam non esse: veruntamen accuratius considerati, inclusa esse apparebit. Et si enim nō est inclusa simpliciter, videlicet ut pars essentiae: quo modo continetur in definitione priore: tamen inclusa est aliquo modo, videlicet ut effectum in efficiente. quo modo succus palmitū, inclusus erat in vite: quo modo fructus, inclusus erat in semine. Etenim *ὑπερτέλεια* ex arte veluti manat ac gignitur. Sed utra artis definitio melior? Aristoteleane, quam ego: an *Platonice*, quam tu sequeris? Age, primo omnium cōsideremus conjugatum, id est artificem. Quē ergo intelligimus artificem? nūm eum qui praecepta catholica methodicè informata, vel libro descripta habet, vel mente comprehensa tenet? an potius eum qui praecepta illa non solum tenet: verum etiā is jam sæpe multumque ad usum adhibitis atque exercitatis, quoties opus est, promptè atque expeditè uti, eorumque vi præclarum opus parere potest. Certè usus artem facere, usitato proverbio dicitur. Et nos Germani artem ex ea facultate vocamus *Kunst*, à verbo *Kennen*, id est posse: Græci verò appellarunt *τέχνην*, à verbo *τίκτεν*: quod parere significat: Nam *ἔτυμον* illud Socratis in Cratylo, quod *τέχνη* quasi *ἰσχυρόν* dicta sit, eo quod cum intelligentiam mentis conjuncta sit: subtilis magis quàm vera est. Quin etiam apud Latinos ut arx ab arcendo, sic ars ab artando videtur dicta: eo quod artifex partes materiae inter sese coartet, id est coassat, coagmentet, aptet. Quod si igitur artifex vocatur is qui præclarum aliquod opus potest parere: ars etiam rectè dicetur præclari operis pariendi facultas quædam. Hic dices fortasse, aliu d esse facultatem

tatem, aliud habitū: quarum qualitatum illam, *δύναμιν*; hāc veró, *ἔξιν* Aristoteles in Categoriis appellat, & pro diversis qualitatis speciebus proponit: ac proinde si ars recté definiatur bene quippiam efficiendi facultas: non recté eandem definiri bene efficiendi habitum. Hoc si diceres: responderem, Aristotelem τῇ ἔξιν id est habitui, tanquam diversam speciem opponere non simpliciter *δύναμιν*, id est facultatem: sed μετὰ προσθήκης, cū additamento, *δύναμιν φυσικῶν*, id est facultatem naturāle, h. e. á natura insitam: unde equidem colligo, esse etiam *δύναμιν* quandam ἢ φυσικῶν ἢ γὰρ ἑμφύλιον, ἀλλ' ἐπικλητόν, id est facultatem non á natura ingeneratam, sed consuetudine acquisitam: qualis nimirum est illa *ἔξις* quam in categoria qualitatis definit Aristoteles. Nec veró quicquam vetat ut una eademque res, & *ἔξις* id est habitus dicatur, ratione subjecti á quo habetur, cuique inharet: & etiam *δύναμις*, id est facultas, ratione finis, nimirum operis ad quod efficiendum destinata est.

Hiscæ præmissis, videamus nunc quid tua demonstratio contra primam meam animadversionem instituta, pōderis habeat. Primus syllogismus tuus hic est.

*Artis essentia constituitur ex præceptis tanquam materia, & præceptorū methodo tanquam forma:*

*Atque artis finis nihil ē materia formæq; constituta artis assumit.*

Quid hinc efficitur? nempe, artis finem, nihil assumere ex artis constitutæ essentia. Hanc demonstrationem de fine artis in genere, si ad speciem quæstionis propositæ, de arte scilicet Dialectica, applicare velis: sic nimirū colligendum tibi erit, ut syllogismum principalem proponas.

*Nullius artis finis quicquam assumit ex artis constituta essentia.*

*Bene differere, finis est alicujus artis, nimirum Dialectica.*

Quid jam concludetur? nempe, Bene differendi actio-

rem nihil assumere ex Dialecticæ constitutæ essentia. Pluscerté ego ex verbis á te positis elicere bona cōsecutione non possum. Jam illa tua conclusio an cum animadversione mea pugnet, tu videris: hoc quidem apparet, te vocabulū *artis* aliter usurpare, atq; ego illo usus sum. Ego .n. artis vocabulo usus sum ad significandum habitū quendam & facultatem in mēte artificis: tu veró idē vocabulū usurpas ad significandū legitimā præceptorū descriptionem, quorū ductū artifex in agendo sequitur. Sed nec illud mihi probatur, quód negas, finē arti propositum ullā partem é materia formaq; cōstitutæ artis assumere. Primū ipse sermo, lubricus & incōstans est. Quatenus enim arti finis aliquis propositus esse dicitur: intelligitur ars ut habitus in mente artificis; cui propter artem seu ratione artis, finis certus, videlicet, certi operis effectio, pprié loquēdo dicitur esse proposita. Quaten⁹ autē ars dicitur esse constituta ex præceptis tanquā materia, & methodo tanquā forma: non jam pprié ut habitus intelligitur in mēte artificis; cū possit etiā extra artificis mentē ars, h. e. artis descriptio, sic cōstitutā esse, ut sané est in monumētis librorū. Sed rem ipsam videam⁹. Tu finē artis nullā partē é materia formaq; artis cōstitutæ assumere dicis. Ergo finē cōsideras ut rē é suis partib⁹ constantē. quibus illis? nonne materia & forma? at nō omnis finis, neq; etiā cuiusvis artis finis, ita cōparatus est. Hoc igitur nō est κατὰ πᾶν, fini artis absq; ulla exceptione partes attribuere. Deinde alienū hoc ipsū est ab eo fine de quo tu mecū disputas. Etenim bene differēdi actio, non est res é partibus constituta: nam bonitas illa seu perfectio actionis, ipsa inquam εὐπεξία, si cum actione differēdi conferatur, non se habet, nec ut materia ad formam, nec ut forma ad materiam, sed ut adiūctum ad subiectum. Sed intelligamus sermonem tuū commodi⁹, & improprié partes fini attributas esse sentiamus: eamq; catachresin, tanquā tolerabilē admittam⁹: maximé quū in εὐπεξία (qui finis artis est) ipsa πεξία seu actio, materiæ: τὸ εὐ veró seu bonitas atq; perfectio

formæ analogiam quandam habere videatur: sed negabisne, finem artis, & nominatim *ὑπερτέλειαν*, quicquā ex artis constitutæ materia formaque assumere, aut ulla ex parte iis contineri atque comprehendi inclusamve esse? Unde igitur *ὑπερτέλειαν* manat ac depromitur? Negari non potest, quin ex ipsa arte, ex ipsa inquam artis essentia seu natura, denique ex artis materia & forma. Quod si *ὑπερτέλειαν* ex arte depromitur: necesse est ut in arte sit inclusa. Quæris hîc ad confirmandum tuam de finibus artium sententiam, Ecquid finem constructi ædificii, materia ejusdem ac forma, aliqua ex parte contineri dicemus? Ego verò non puto verendum nobis esse, ne si hoc dixerimus, quisquam nos falsæ affirmationis coarguat. quis enim constructi ædificii finis est? nunquid cōmoda habitatio? at tota commodè habitandi vis nonne ædificii materia formaque continetur? Sive enim materia ædificii non sit bona; sed vitiosa, putris, pestilens; habitatio non erit salubris: sive forma; aut nimis angusta, aut nimis ampla, aut alieno loco, posita conclavia contineat; non erit habitatio jucunda. Quid? quod hîc opus artis cum ipsa arte confundis. Dixeras, finem arti propositum nullam partem ē materia formaque constitutæ

„ artis assumere. Hoc probaturus, subjungis: Quid enim?

„ ecquid finem constructi ædificii, materia ejusdem ac

„ forma, aliqua ex parte contineri dicemus? Ecce pro exemplo artis, exemplum operis artificiosi attulisti. Quod quidem erratum, novæ subtilitatis inventionem (ut spero) nobis suppeditabit. Ecce enim quatenus ars ex præceptis & methodo, tanquam materia & forma constituta dicitur: nonne sic operis cujusdam artificiosi rationem habet? quomodo videlicet ædificium, ē sua materia formaque constructum, opus artificiosum aut certē artificiale est. Quæro igitur, cujus artis vi bps illud artificiosum, ē præceptis methodoque quasi compositum sit atque effectum? Equidem eam artē Logicā esse, promissimè respondebis. Logica igitur illa ars est, cujus beneficio artium præcepta legitimè conformantur? sanè.

Quæ-

Quæramus nunc ulterius. Nonne ipsius quoque Logicę præcepta legitimè informari possunt? quis neget? maximè quum **P. Ramus** tanta legum Logicarum observantia Logicam constitutam descriptamque videat: ut quæ legitima non sint, non multa occurrant. At cujus artis vi **P. Ramus** artem Logicam tã legitimè informavit? Nèpe ipsius Logices. Mirares, idem à se ipso ortum habere? At profectò ita hîc res habet. Atque hinc (ut opinor) vulgaris illa distinctio Logicę in *docentem* & *utentem* manavit. Etsi enim Logicę usus nihil aliud est quàm docere: tamen appellatione docentis Logicę eum illius usum notasse videntur, quo ad se ipsam docendam, h. e. Logicę artis præcepta describenda, adhibetur. Utentem verò appellarunt, quum sese extrã proferret, & ad alias artes ac omnino res quasvis alias docendas explicandasque adhiberetur. Sed ut ad propositum revertamur, excipies fortasse contra Aristoteleam artis definitionem, non esse eam *κατὰ παντός*: quippe quæ de solis artibus mechanicis sive *ποιητικαῖς* intelligenda sit. Equidem negare id non possum: quum ipse Aristoteles eo in loco *πρᾶξι* ab arte excludat: quo tamen nomine nō quamvis *πρᾶξι*, sed eam tantum quę morum est, intelligit: quippe quam postea prudentiæ ut propriam attribuit: Veruntamen mihi videtur nihil vetare, quo minús verbum *ποιεῖν* generaliter accipiatur, per synecdochen speciei; quum generale nullū extet quod *ποίησις* & *πρᾶξις*, id est effectiōne & actionē, tãquã species oppositas cōplectatur. Ita ut omnis ars sive *ποιητικὴ* sive *πρακτικὴ*, habitus quidam sit in mente artificis, quo is idoneus est ac promptus ad finē arti propositum bene recteque efficiendum. Verum enimverò ut ars dicatur habitus, id tibi in disputatione tua Ethica alienū videtur. Quid ita? Quoniam (inquis) “ habitus perceptionem usumque artis potiús notat, quàm “ illius essentiam accuratè complectitur. De perceptione, “ si rem ipsam perceptam eo verbo intelligis; quod dicis, aliquo modo concedo: habitus enim seu habitudo notat rem, quæ habetur: quæ si à natura non inest, ut sæpe ho-

minis corpori sanitas, agilitas, pulchritudo; perceptione in habentem introduci solet, atque ita perceptio, h. e. res percepta nominari possit. De usu vero quod dicis, nequaquam concedo. quis enim non videat, aliud esse habitum, aliud usum? Usus non est *ἔξω*, sed *ἐξω*. utitur enim artifex habitu mentis suæ, id est arte, quando aliquid suæ artis opus molitur: sicut athleta utitur robore, habitu scilicet sui corporis, quando ad colluctandum cum antagonista congreditur. Verum in definitione artis Aristotelæ, nec illa tibi particula satisfacit qua differentia à fine sumpta expletur, videlicet *μετὰ λόγον ἀληθῆς*, id est, cum ratione vera. Nam ut ars vera ratione nitatur, inquis, id satis arti non est. potest .n. id vera niti ratione quod fortuitę naturæ est. At vel in mechanicarum artium præceptis requiritur, ut nunquam in errorem artificem deducant: quod hercle (inquis) fieri potest, si contingentem veritatem comprehenderint. At, inquam, præstantissime Tempelle, tum demum reprehensio hæc tua vim aliquam habere videretur, si artis vocabulo præcepta artis, ut tu intelligis, ab Aristotele intelligerentur. at is artis nomine habitum quendam, h. e. qualitatem quandam in mente artificis, crebris actionibus cōparatam, se intelligere profitetur: Artis verò præcepta, quæ in agendo artifex sequitur, iis ipsis verbis, meo quidem iudicio, notare voluit. quippe is demum artificiosè & cum vera ratione agit, qui in agendo ductum certorum legitimorumque præceptorum sequitur. Quanquam tu ipse hic inter artem & artis præcepta distinguere vidēris, ubi *artium* mechanicarum *præcepta* appellas: quæ distinctio si vera est, ut est: nō igitur rectè rursus præcepta artis cum arte confundis, ubi præceptis cōtingentem veritatem attribuis, quam antea ipsi arti tribueras. Sed revoco me ab ethica tuā disputatione ad epistolam tuam dialecticam.

Quid igitur in hac prima velitatione (sic enim hoc  
certa-

certamen nostrum appellare tibi visum est) quid in-  
 quam peragendum restat? Nempe ut ad tertium quo-  
 que prosyllogismum tuum respondeam: ubi meo (ut  
 ajunt) gladio jugulare me conaris. Tu quum fini, in-  
 quis, nomen externæ causæ affingis: eumque extra ef-  
 fectum consistere, non autem effecto inclusum esse dis-  
 seris: non vis hercle aliquam finis partē materia rei cō-  
 positæ formæq; cōprehendi. Quid si ego hīc par pari re-  
 feram: & tuo vicissim gladio tuum ipsius jugulum pe-  
 tam? Dicis, me fini nomen causæ externæ *affingere*. Sē-  
 tis igitur, finem causam externam non esse. Quare erit  
 tuo judicio finis causā interna, & effecto inclusa. Sed  
 quæres, adhuc ne finē nominari velim causam externā?  
 Equidem sic nominari posse puto: quia etsi finis in desti-  
 nato est, quod attinet ad finis efficiendi potestatem: nō ta-  
 men finis in destinato inest ut pars essentiā constituens:  
 quo modo insunt materia & forma. Exemplo declarare  
 conabor. Munio pedis, finis est calcei. Et inest calceo  
 vis muniendi pedem, quem tamen non semper munit,  
 sed solum quū indutus est: non autē inest calceo vel ipsa  
 munio pedis, vel muniendi pedis vis, ut pars essentiā  
 calcei constituens: sed altera quidem ut adjunctum  
 contingens, altera verō ut necessarium. Verū ani-  
 madversionis meæ conclusionē reprehensa, conaris e-  
 tiam ejusdem rationem atque argumentum pervelle-  
 re. Dico, quamlibet artem habitum esse bene agendi.  
 Excipis: Quid tum? Illa *ἐνέργεια*, quæ finis est cujusvis  
 disciplinæ, nulla ex parte materia aut forma artis con-  
 tinetur. Nempe hīc rursus eandem (quod pace tua  
 dixerim) cantilenam canis: & sententiam partim fal-  
 sam, partim à proposito alienam identidem repe-  
 tis. Sed addis: Quod de arte generatim dicitur, id ex  
 lege καὶ ἐκ πρῶτον speciatim in Dialectica expli-  
 catur. Artis finis, est bene agere: Dialecticæ verō, be-  
 ne differere. Bene, inquam, habet. Si artis finis,  
 est bene agere: ergo ars ē suo fine rectē definitur,



habitus bone agendi: ac proinde Dialectica, quum sit ars, habitus etiā erit bene agendi seu efficiēdi. sed quam actionē? nempe actionem docendi, seu differēdi. Quod quid aliud est, quā Dialecticam esse docendi seu differendi artem? adverbio scilicet *Bene* non expressio, sed artis voce comprehenso.

Ad extremum huius primæ disquisitionis fateris: perfectionem actionis (id est *ὑπερτέλειαν*) totius artis viribus effici, & ab ipsa arte proficisci: ac negas tamen, eandem in ipsa arte esse inclusam. quam quidem negationem dubitatione quadam corrigis, quum ais: Nisi fortasse, quicquid ab efficiente in effectum transfunditur, id efficiente comprehendi fatendum sit. Ego verò, si unicū hīc verbum addatur, & transfusio non solum *Ab*, sed etiam *Ex* efficiente fieri dicatur: (quo quidem modo dicendum fuit, ut ad propositum diceretur accommodatē) omnino fatendum esse affirmo, de quo tu hīc dubitas. Quomodo enim transfundi quippiam ex efficiente posset, nisi ipso efficiente comprehēderetur? Verbi gratia: Quomodo succus ex vite in palmites posset transfundi, nisi vite succus contineretur? similiter si perfectio differendi, ex arte Dialectica (sive *ῥητορικῇ*, sive Aristoteleam artis definitionem sequare) in actionem differendi transfunditur: ut certē transfunditur: quis negaverit, perfectionem differendi in arte differendi esse veluti inclusam? Sed satis, ac fortasse plus satis de prima mea animadversione disserui: quæ disputatio si illustrioris explicationis vim continere tibi videbitur, equidem operam me non luisse gaudebo.

2. Sequitur nunc de verbo *differendi*: cui ego in Dialectica definienda verbum *docendi*, tanquam proprium modificato, anteponendum censeo. Tu tropum esse fateris: sed quia & illustris & usitatus sit, justam ejus rejiciendi causam subesse negas. At ego tropum hunc nec ut obscurum damno, nec ut inusitatum rejicio: quin potius quā illustris hic tropus sit, ex Varrone declaravi: quamque frequenter, apud Ciceronem præsertim, optimum

num dicendi magistrum, occurrat, admonui: Verum hinc non efficitur, *docendi* verbum non merito, in definitione quidem constituenda præferri. Ut enim præferatur, iuxta hæc causa subest: quia proprium est. quò accedit & altera, non minoris momenti: quia nimirum omnes differentiarum partes complectitur: quum disserendi verbum non omnem Dialecticæ vim (quod tu nimis confidenter asseveras) comprehendat: id quod ex tropi declaratione quam in animadversionibus meis posui, manifestum est. Sed negas, docendi verbum (ut à me quidem accipiat) ad omnes Dialecticæ partes communiter attingere: quippe cum mihi omnis docendi ratio, enunciati & syllogismi usu vertatur. ubi ergo (quæris ex me) in tua definitione, argumenti inventio? ubi methodi disciplina? tum asseveras, Utraque certè exclusæ est. At ego inventionem argumenti inclusam, disciplinam verò methodi si non sit inclusa, non tamen exclusam esse dico. Quid enim? Qui docet, id est vel quæstionem simplicem enunciato declarat, vel conjunctam syllogismo demonstrat: nonne quatenus hæc agit, argumentis inventis utitur? quis enim sine argumentis docere quippiam possit? At ubi manet methodus? Illi scilicet tum demum locus est, quum ad docendum quæstiones complures sunt propositæ. Qui autem uno tempore quæstiones plures tractat, is non magis docet, quam qui unicam tantum quæstionem explicat. Plus quidem docet, & plus artis adhibere opus habet: at non docet magis. Quare vides (ut opinor) docendi verbo methodum non excludi: sed potius tanquam docendi partem, aliquando necessariam, includi.

Præterea aliena tibi videtur mea de materia & forma Dialecticæ explicatio: verum si explanationis illius rationem expendisses, fortasse minus aliena tibi visa esset. Nunc tu explanationis meæ ratione ommissa, contra ipsam solum explanationem disputas. Dixi, materiâ Dialecticæ esse argumenta. Rationem apposui: quod ex argumentis constet explicatio quæstionis. Formam esse dixi,

argumentorum cum quæstione dispositionem. Rationē adjeci: quoniā illa dispositio faciat ut explicatio quæstionis judicari atq; intelligi possit, ac proinde nomē explanationis mereatur. Hic fateor, me arti tribuisse qd̄ propriē cōvenit operi artis. ut si quis diceret, materiā artis ædificandi esse lapides, cæmentū, ligna: formā verō, illorū inter sese dispositionem: quum hæ partes propriē loquēdo non artis ædificandi, sed ipsius ædificii sint. Peto igitur ab æquis lectoribus, ut me tanquam *ματωνυμικῶς* locutam intelligant: ut qui destinato ascripserim quod propriē fini convenit. Etsi autem habitudines mentis non videantur é materia formaque constare: tamen ut hæc illis *λογικῶς* tribuantur, á ratione alienum non videtur. Sicut igitur explicatio quæstionis quæ Dialectici opus est, ex argumētis tanquā materia, & argumētiorū dispositione tanquā forma videtur constare: sic ipsa Dialectici ars ex argumētorum inveniendorum facultate, tāquam materia: & ex facultate eorundē disponendorū, tanquam forma, constare videtur. Hic tu rursus ex artis definitione disputas: nec me aliter artem definiisse, recordaris. In constituenda logicæ artis structura, seu

» Dialectici artificii fabrica, ipsa (inquis) præcepta materiæ

» rationē obtinent. Cōcedo. Sed ego materiam non structuræ artis, id est, præceptionis: sed ipsius artis, quatenus in mente artificis ut facultas quædam consideratur, indicare volui. Porro formam Dialecticæ artis non esse argumētorum cum quæstione dispositionem, ideo tibi non placet: quod artis forma toti arti convenire debeat.

» Hanc verō quam affers (inquis) nec capere inventio, nec

» sustinere enūciatū, nec method⁹ ferre potest: immo verō

» nec doctrina syllogismi. Hic rursū artis Dialecticæ partes enumeras, quaten⁹ ea voce ipsa artis descriptio intelligitur: at ego Dialecticā ut habitū seu facultatē quandā disserendi in mēte Dialectici seu disputatoris cōsideravi. Qua sanē ratione dispositio argumētiorū cū quæstione, h. e. facultas disponēdi argumēta cū quæstione, si cū ipsa

argu-

argumentorum inventionem, hoc est, argumentorum inveniendorum facultate comparetur, ut forma ad materiam se videtur habere, & utraq; hac facultate universam artis differendi vim atque naturam contineri. Hic autem miror, te isti meæ formæ tam iniquum esse, ut ne quidē doctrinæ syllogismi eam convenire concedas. At ego non solū doctrinam syllogismi, verū etiam enunciatī ista forma cōprehendi dico. quorum illud ē syllogismi definitione p̄spicitur: hoc verō intelligi ex eo potest, q̄ dispositio argumēti cum quæstione simplici, hoc est, cum ea re de qua quæritur simpliciter, nihil aliud est quā enunciatum. ut, quid est peccatum? Peccatum est ἀνομία. hīc definitio disponitur cū nomine definito: quæ dispositio scilicet enunciatū est. Cujus exēpli occasione obiter admonere placet: definitionem absolvi posse uno verbo. id quod prima fronte mirū v̄ deatur ei qui didicerit, partes definitionis duas esse, genus nimirū & differentia: ad quæ utraq; enuncianda aut mente concipiēda, duabus vocib. videtur opus esse. At istud necessarium non esse, & interdū utrāq; partem voce unica cōprehendi posse, definitio illa peccati Apostolica aptissimē evincit. Esse. n. definitionem, articulus in Græco additus admonet: quippe ait Apostolus, ἡ ἀμαρτία ἐστὶν ἡ ἀνομία. Verū hęc vox ἀνομία etsi unica est, tamen propter compositionem vim duarū obtinet. Quum enim composita vox sit ex particula privante α, & nomine νόμος: perinde est ac si diceretur σίρησις τῷ νόμῳ, privatio legis, id est, conformitatis cum lege: quam fortasse ἐννομίαν haud inscitē aliquis appellaverit. Quid enim aliud est peccatum quā inconformitas cum lege seu á lege discrepātia? sed hęc extra propositū. ¶ Venio nunc ad quartam quæstionē disputationis tuæ: an scilicet argumenti vocabulum rectē adhibeatur ad significandam rationem qua aliquid de quo quæstio simplex instituta est, nudē & absque syllogismo declaratur. Tu κατὰ χριστιανικῶς in eo sensu usurpari, non valde te mihi assentiri dicis. At catachresin exempla probatissimorum linguarū Latinæ au-

I. Joan. 3, 4.

4.

thorū, maxime Ciceronis, abunde evinceret: apud quos argumentum quoties docendi instrumentum notat, semper ad quæstionem conjunctam syllogismo demonstrandam refertur. Ais, nullum ex omnibus vocabulis occurrere huic loco aptius, nullum elegantius. At mihi quidem perquam ineptum ac ridiculum videtur novum hoc, & ante Dialecticam à *P. Ramo* traditam inauditū loquendi genus, quo jam illius sectatores dicere solent:

” In hac oratione, *Ignis urit* { duo argumenta sunt. Unde præclara illa scilicet cujusdam Ramozelotæ distinctio nata est, qua iste divisit argumentum in arguens & argutum. O argutum acutissimi philosophi inventum!

” Sed nullum (inquis) occurrit elegantius: meumque illud *declaramentum* vel *documentum* cum verbo *arguendi* nulla ex parte conferendum putas. Parcior ista viris. Ad elegantiam sanè quod attinet: fateor libenter atque etiā profiteor, *declaramenti* vocem tam malè meas ipsius aures ferire, vix ut apud quenquam pronunciare auserim.

Sed non ideo nulla prorsus ex parte *declaramenti* vox cum vocabulo *arguments* conferenda est: quin potius illi *καταχρησικῶς* usurpato longè, tanquam propriè rem significans, anteferendum est. Etsi enim elegantia verborum meritò laudatur: tamen philosophis quoties docendi perspicuitas postulat, *δνοματοποιεῖν* (ut Aristoteles loquitur) concessum est. Hinc Jul. Cæsar Scaliger, purissimus alioqui scriptor, quum Græcum verbum *ἀνομιμασία* in disputatione contra Cardanū ei occurrisset: *Quæ* (inquit) quam ob causam à nobis dici nequeat *improportionalitas*, nō video. Non. nāq̃ foro versamur, aut in Romano comitio: sed in communi theatro sapientum,

sub oculis veritatis: cujus suppellectilem atque apparatus, non tam nitidum, quā opulētum esse decet. Nec ipsius *ἀνομιμασία* diversum hac de re iudicium fuit: ut qui in appellatione specierum pro vocabulo formarum, perspicuam logicæ veritatis intelligentiam (ut Talaus ait)

” maluit, quā rhetoricam Ciceronis elegantiam: ac si  
 ” peccandum hīc sit, iudicavit multo satius esse peccare in  
 ” volupta-

*Consensit  
 Cicero lib. 3.  
 de finibus,  
 non procul  
 principio, i-  
 tem lib. 1. A-  
 cadē. quæst.  
 De subtilit.  
 exercit. 1.*

voluptatem aurium, quàm in rerum notionem & sensum: quod accideret, si duo argumēta uno verbo appelleremus. Nec propterea in fingendis vocabulis monstrosam illam barbarorum (qui scholastici vulgò dicuntur) temeritatem probo: sed analogiam prudenter observandam judico: qua equidem, vocabula illa à me usurpata, *documentis* inquam & *declaramentis*, tueor atque defendo. Porro duplicem argumenti usum P. Ramo planè incognitū fuisse non sentio: sed tamen nec distinctis appellationibus ab eo explicatum, nec in exemplis Inventionis distinctè & quantum satis erat, proponendis observatum esse conqueror. Id quod uno atque altero exemplo demonstrare non gravabor.

In capite de materia, item de forma, item de effectis, nullum ponitur exemplum demonstrationis. nam qui syllogismus ex facto Alexandri, qui Parmenionem & Philotam propter conjurationis suspiciōē morte multavit, elici potest: eo non demonstratur quæstio ex effecto, sed ex causā: Et si enim conjuratio ac deliberatio Parmenionis & Philotæ de necando Alexandro, effecti cujuspiam rationem habere videtur, si comparatur cum iis ipsis viris: tamen collata ad quæstionem quam Alexander concludebat, causæ rationem habuit. Sic enim nimirum ille argumentabatur:

*Qui in necem meam conjuravit, is morte multandus est:*

*At Parmenio & Philotas in necem meam conjurarunt:*

*Ergo morte multandi sunt.*

Hic certè conjuratio, id est peccatum: ad mortem, id est pœnam, sese habet ut causā ad effectum. Jam exempla declarationis ac demonstrationis nō esse distinctè proposita, passim animadvertere licet. In prima distinctione efficientis, primū ponitur exemplum argumentationis ex Ovidio, Fuge otium: & effugeris amorem. Secundum exemplum ex Virgilio de parentibus Æneæ, continet quidem illud argumentationis cō-

clusionē: sed quæ procedit ab effectis: Æneas non miseretur amantis Didonis, hospitæ beneficentissimæ: Ergo non est natus matre Venere & patre Anchisæ. Quatenus verò istud exemplum huc pertinet, declarationem continet quæstionis simplicis qua quæritur, Quibus parentibus ortus sit Æneas. At declarationis exempla videntur exemplis demonstrationis præponenda, tanquā priora τῷ φύσει. quippe quemadmodū se habet enūciatū ad syllogisum: ita se habet declaratio ad demonstrationem. Mihi certē confusio ista probari non potest, qua diversarum actionum vocabula, declaratio nimirū & demonstratio, promiscuē & tanquam synonyma usurpantur. quemadmodum Talæus illud Virgilianum exponit, *Degeneres animos timor arguit*. id est, ostēdit, declarat. At, inquam, *declarare* nō est idem quod *ostendere* seu *demonstrare*, seu denique *probare*. Hoc enim nō nisi syllogismo, illud absque syllogismo fit. Sic nomē definitione declaratur, non demonstratur seu probatur. Itaque atguendi verbum in isto Virgilii loco exponendum est verbo demonstrandi seu probandi, non autem declarandi. Argumentatur enim iis verbis Dido apud Annam sororem de novo hospite Ænea, cumque virum generosum esse, concludit tali syllogismo:

*Degeneres animos timor arguit:*

*At Æneas non timet:*

*Non gerit igitur animum degenerem: sed generosum.*

In summa, optarim ego, lucē hujus distinctionis quā clarissimē omnib⁹ veritatis studiosis innotescere. Quod quidem fieri plenē non potest, nisi simul distinctio quæstionis quam attuli, observetur. Mihi quidem certē utraque ista distinctio magnam lucem doctrinæ Inventionis logicę afferre videtur. Tibi verò, mi Tempelle, (ut ad quintam quæstionē accedam) distinctio illa quæstionis probari nō videtur ipsa quidem meam de quæstione præceptionem trifariam reprehendis. primū, q  
expli.



explicatio subjecti non videatur in artis præceptis esse  
 informanda: deinde, quod, si informanda subjecti ex-  
 plicatio sit, subjectum generale & ad omnes artis partes  
 pertinens indicari debeat. tum assumis: quæstionem  
 generale Dialecticæ artis subjectum non esse: ut quæ nō  
 sit inventionis, non semper axiomati judicii, non me-  
 thodi subjectū. Postremo præceptum quæstionis, utpote  
 quæ ex argumentorū conjunctorum ambiguitate ori-  
 atur, in arte dialectici judicii exponendū fuisse. Age sin-  
 gula ista ordine consideremus. Subjecti præceptio vi-  
 detur sanè non semper necessaria esse: ut apparet in A-  
 rithmetica & Geometria: quarū illa distinctionem rei  
 numerandæ, hæc metiendæ nullam (ut videtur) postu-  
 lat: attamē est quādo subjecti distinctio utilis, immo ne-  
 cessaria videatur. ut quando in Musica cantus in mollē  
 ac durū dividitur: cujus utriusque canēdi non eadē certē  
 est ratio. Sic mihi videtur de distinctione quæstionis in  
 Dialectica, quum illa dividitur in simplicem & conjun-  
 ctam: eo sensu qui à me in animadversionibus declara-  
 tus est: quippe quum utriusque quæstionis explicandæ  
 non eadem sit ratio: nisi declarare ac demonstrare idem  
 sint. Atque hæc mea de subjecti præceptione sententia  
 est. Sed esto, præcipiatur de subjecto Dialecticæ: tum  
 certē notari debet subjectū generale & totius artis cō-  
 mune: quale subjectum Dialectices, quæstionem nō ef-  
 se contendis: quippe quod nec invētionis sit, nec semper  
 axiomati judicii, nec deniq; methodi subjectū. Hic tu  
 rursum artis vocabulo artis præcepta, nō ipsam secundū  
 illa præcepta agendi facultatē intelligis: quū ego quæ-  
 stionē Dialecticę ut facultati in mente artificis, subjectā  
 esse sentiā: quippe quum in quæstione explicanda omnis  
 disserendi vis occupetur atq; exerceatur. nā præceptionis  
 de bene disserendo (quā nonnulli Dialecticā docentē ap-  
 pellāt) subjectū, sunt ipsa disserēdi seu docēdi instrumē-  
 ta: q̄ nimirū sunt ea quę tu enumeras, invētio argumēti,  
 axioma seu enunciatum, syllogismus & methodus. nam  
 q̄ Scaliger ponit, non sunt omnia, nec rectē enumerata:

*De subtilit.*  
*exercit. I.*  
*sect. 3.*



- ” videlicet propositio, divisio, definitio & demonstratio. Propositionis nomine intelligit pronunciatum, quod tu cum *ῥα* veteres Græcos, Cicerone teste, secutus, axioma nuncupas. Divisio & definitio duæ species argumenti sunt: omittuntur ergo tot reliqua argumenta. Denique demonstratio Scaligero (nisi fallor) non quivis syllogismus intelligitur: sed is tantum qui constat ex materia necessaria: qualem intelligit ac describit in suis Analyticis Aristoteles. Excluditur ergo is qui ex materia constat contingente, quem syllogismus dialecticum Aristotelici nominant. Sed ut ad reprehensionem tuam redeam: illud quoque te considerare velim, me usum loquendi magistrum sequutum, quæstionem appellasse *μὴ τὸν μὴ κῶς*, id ipsum quod ad docendum est propositum. quod si considerasses: animadvertisses profecto, me Dialecticæ subjectum revera idem cum *ῥα* ponere, nimirum generale illud quod *ῥα* verbis Aristoteleis *ὅντος καὶ μὴ ὄντος* notare solitus fuit. Tu verò vocabuli *quæstionis* propriam significationem hîc sequeris: quâquam non satis constanter de quæstione sic intellecta
- ” differere mihi vidêris. dicis enim, quæstionem non semper esse subjectum iudicii axiomatîci. quibus verbis sane innuis, interdum esse. id quod ego sic intelligo: non semper, sed interdum axiomatis seu enunciati usum hîc esse ut eo ad quæstionem aliquâ respondeatur. Quod si ita intelligis: fatearis igitur necesse est, esse quæstionem aliquam simplicem. nam ad hâc solam nudo enunciato respondetur. At paulo pòst affirmas, quæstionē oriri ex argumētorum conjunctorum ambiguitate, hoc est (ut ego loqui malim) ex dubitatione de enunciati alicujus veritate. id quod de conjuncta solum quæstione verum est. Simplex enim quæstio non ex dubitatione de veritate, sed ex rei obscuræ ignorâtia proficiscitur. Nec verò quum *ῥα* quæstionis divisionē à præceptione Dialecticæ alienam esse disputat, ea quâ ego attuli, divisio in mentem ei venisse videtur: sed solummodo distinctio illa Aristotelea in quatuor genera, *ἢ ἔστι, ἢ οὐκ ἔστι, ὅ, τι ἔστι* seu *ὁποῖόν τι*

ἑποῖόν τι ἐστὶ, καὶ διότ' ἐστὶ. item divisio illa τῶ ὄντος in decē genera, substantiam, quātitatem, qualitatem, & cetera. Cōtra has enim divisiones nominatim disputat. Et meritō: quum illæ non sint rationis, sed rerum. At nostra divisio, rationis est. nam certē alia ratio quærendi est qua quæritur de natura rei simpliciter: alia, qua de duarū rerum inter se logicē (per affirmationem scilicet aut negationem) conjunctarum, hoc est de pronunciati veritate.

Restat nunc ut consideremus, quo in loco & in qua artis parte de quæstione præcipiendum videatur. In arte Dialecticæ judicii, inquis. Quid ita? Quoniam quæstio, “ inquis, ex argumentorum conjunctorum ambiguitate “ oritur. At præterquam quod hæc ratio non est in totum vera: (quæritur enim non solum de pronunciati veritate: sed etiam de rei natura: ut paulō antē admonui) non etiam videtur firma. neque enim major ratio videtur esse ut de quæstione præcipiatur ibi, ubi præcipitur de ipsius originali causā: quā ubi de adjuncto. Adjunctū autem quæstionis, est ipsa in universum differendi ars, ut suprā declaratum est. Ut autem statim in principio post Dialecticæ definitionem definitio divisioq; illa quæstionis tradatur, prorsus gravis videtur esse ratio: quod ex illa distinctione quæstionis, pendet admonitio de duplici argumentorum usu: quæ mihi quidem videtur doctrinæ inventionis permagnā lucem asferre.

Sed meam documenti distinctionem vehementer 6. improbas. An una eademque res (inquis) pro duplici usu “ duplex statuetur? Si intelligis unam eādemq; rem generalem, simpliciter affirmo: quæro enim vicissim ex te, an non ex fine æquē atq; aliis causarum generibus partiri liceat? non negabis, opinor. At quidnam usus aliud est, quā rei destinatę ad suum finem applicatio? Quod nisi distinctionem quæ ex rei usu petitur, ad distributionē ex fine referre placet: referri tamē meo quidem judicio poterit ad distributionem ex adjunctis. Etenim utilitas rei, est qualitas quædam rei inhærens ad certum finem

efficiendum. Si veró intelligis rem specialem & singula-  
rem: equidem multiplicitem illā (ut ita loquar) aliquo  
modo concedendā puto: etsi enim res numero una ma-  
net, tamen pro vario usu seu utilitate, varias rationes re-  
cipit. Sed pergis interrogando me urgere: Idem e-  
quus (inquis) arationi scilicet & vecturæ deservire po-  
test: ideóne in duo genera distrahetur? Emphaticé scili-  
cet hoc verbo uti voluisti; metuis enim fortasse (patere  
quarso me tecum jocari) ne si idem equus nunc aret, alio  
tempore vehat, in diversas partes miser distrahatur, atq;  
ita pessum detur. Sed tu híc elenchum committis ho-  
monymix. nam documentum (cujus tu distinctionem  
meam reprehendis) á me consideratur ut genus: tu veró  
equum consideras, non ut genus: sed ut speciem specia-  
lissimam. nam quid verat, quó minus equus ut genus, re-  
cté & logicé ex adjuncta utilitate, aut ex finibus ad quos  
destinari equi solent, in certa genera distribuatur: ita sci-  
licet ut equorum alii dicantur esse aratores, alii vecto-  
res: cujusmodi esse solent, illi quidem rusticorum, hi ve-  
ró nobilium. quam quidem distinctionem ipse usus, lo-  
quendi magister, approbavit. hinc enim nostræ gentis  
appellationes illæ, quum equos rusticorū vocant *acker-  
pferd*, id est, equos aratores: nobilium veró, *reutpferd*,  
id est, equos vectores. Etsi enim & rusticorū equi ad ve-  
hendum, & nobilium ad arandum natura sunt idonei:  
tamen educatione alii ad aliud opus magis assuefacti  
sunt, ac proinde magis etiam idonei: unde vulgó tan-  
quam á principali (ut loquuntur) fit denominatio.  
Tertia tua interrogatio de Sequana Parisiensi parum-  
per me commovit: sed mox vidi, eandem illius cum præ-  
cedente rationem esse. nam Sequana re quidem unus  
manens fluvijs, plures tamen propter varios usus ratio-  
nes recipit. Sed membrorum divisionis meæ consi-  
deratio, & ὑποδιαίρεσις majorem iustæ reprehensionis  
speciem habet: eó quód dissidentibus generibus eodem  
species affingi videātur. At ego hic equitatem á te postu-  
lo: neque enim distributionem documenti meam prope-

perfe-

perfecta generis in species divisione, sed tantum pro quadam distinctione accipi volo: cujusmodi distinctiones causae efficientis a praeceptore nostro P. Ramo traditas esse non ignoras. Atque hanc meam esse sententiam, ex verbis meis percipere plane potuisti: ubi dixi, rationes quae tum ad declarandum, tum ad demonstrandum, id est, omnino ad explicandum docendumve adhibentur, easdem esse recipi: sed ratione usus differre. Itaque mihi sic sentienti necesse non est, declaramentum & argumentum tanquam *ἐξ ἑνὸς ἀντιθέμενα*, seu (ut tu eleganter loqueris) dissidentia genera, peculiari unumquodque *ὑποδιαιρέσει* partiri: satis est, si documentum in eadem illa genera distribuam, in quae argumentum a Ramo dividitur. Quam meae sententiae declarationem si æquus admiseris: spero, inchoatam illam meam Logicae artis delineationem, elegantiores tibi deinceps visum iri.

Sequitur septima quaestio, recte ne argumenta per se 7.  
considerari dicantur. Reclamo: idque (nisi vehementer fallor) merito: quia scilicet argumentum, sine eo quod arguitur nec esse nec intelligi potest. Tu quid contra. Quid Ramus velit (inquit) non assequeris. Fieri potest ut non assequar: sed siue ante tuam declarationem, siue nunc demum assequutus fuerim: non tamen in ea sententia mens mea acquiescere potest. Quid enim? potestne ullum relatum quod merè ac purè relatum est (quod *secundum esse* vocat) sine eo considerari ad quod refertur? Minimè, inquā. At argumenti nomen & natura tota in relatione quadā consistit. neque enim ante argumento cuiquam nomen certi generis attribuere potes, nisi ipsum cum quaestione contuleris: quippe pro diversitate rerum de quibus queritur, notio quae ad explicandum adhibetur (id est argumentum) varias rationes admittit. Immo unum idemque argumentum in uno eodemque syllogismo, pro duplici ad partes quaestionis concludendae ratione, duplex nomen admittit. Verbi gratia,

*Omne animal sentit:*

*Omnis homo est animal:*

*Ergo omnis homo sentit.*

Hic argumentum *animal* si conferatur cum quaestionis parte antecedente, rationem habet generis: subiecti veró, si cum consequente: cum quo quidem potius in omni syllogismo conferendum videtur, utpote cum principaliori parte, de qua quaritur an parti antecedenti veré attribuat, nec ne. Jam veró hæc argumenti cum altera quaestionis parte collatio, potestne á mente institui aut perfici absq; axioma seu enunciato? Equidem si hoc sit: quomodo fiat, me non assequi fateor. Ego quidem certé id non interveniente enunciato, tãquam necessario instrumento, facere posse mihi nō videor. Quñ enim unde argumentum sumtum sit, inquiró: ita cogitationem instituo: Argumentatur ille ad hunc modum: Homo est animal: ergo homo sentit. quomodo igitur animal ad sensum se habet? certé ut subiectum ad proprium adjunctum. Ex quo enunciato, nempe (Animal ad sensum se habet, ut subiectum) jam intelligo, argumentum istius enthymematis á subiecto sumtum esse: quod certé absq; illo enūciato quomodo intellexissem, aut intelligere possim, non video.

8. Jam in prima argumenti partitione reprehendenda non minús tibi errasse videor. Gaudeo certé si utriusque reprehensionis pars ratio: nam in priore me nequaquã errasse, evidenter modó demonstravi. Sed quam ob causam testimonium argumentum inartificiale á Ramo indicatur, non satis acuté me interpretatum dicis. Ego veró non moror, quo sensu Ramus eo verbo usus sit: sed quã bené usus sit, animadvertendum mihi esse putavi. Quæro igitur: Argumentum artificiale cur sic appellatur? Num quia ex sese arguit? at hæc definitio ad nominis rationem nihil attinet. Cur igitur? Nempe ideo, quia (ut recté Aristoteles explicat) διὰ τῆς μεθόδου καὶ δι' ἡμῶν καὶ ἀσκεύαδ' ἡναι δυνατόν ἐστι. hoc est, quia per artificiosam institutionem ac per nos acquiri atque comparari potest. Quare contrá, inartificiale ideo dici intelligendum est, quia per artis præceptionem ac per nos comparari

parari non possit: quorum posterius de testimonio Aristoteles affirmat: sed falsò. Etsi enim testimonia ad confirmationem alicujus causæ (nam de forensibus causis Aristoteles propriè ibi loquitur) in potestate oratoris nō sunt: tamen in ejus potestate est, ex admonitione & præscripto artis Dialecticæ, de testimoniis cogitare, & testes in medium producere. Tu verò quam hujus nominis expositionem affers? Testimonium ideo, inquis, inartificiale dicitur, quia arguendi vim ab artificialibus assumit. At hæc interpretatio quā acuta sit, tu videris. Mihi potius quodam modo artificiale argumētum appellandum testimonium videtur, si ab artificialibus vim suam assumit. At reperes, artificialibus argumentis credi propter se ipsa: inartificialibus, id est testimoniis, propter artificialia: nempe propter testantis adjunctos mores aut ingenium. Esto: sed quid hoc ad nominis rationem, de qua sola hīc quæstio est?

Porro ad causarum tractationem quod attinet: non placet tibi, quòd verbum *Fis* ad perficiendam causæ definitionem adjungendum puto. videtur enim tibi particula *Est* cujuslibet causæ vim satis enucleatè cōplecti. Optarim equidem, unico verbo differentiam in causæ definitione absolvi posse: valde enim rotunda illa brevitās nescio quo modo jucunda est; & verbum *Fis* verbo *Est* ad complendum differentiam adjectum, divisionem sapit. Sed meminisse debes, plures esse res quā rerum vocabula: ac proinde quum generale nomen desideratur, nominibus specierum ad significandum genus anonymum adhiberi quadam necessitate solere. id quod aliquot locis à *P. R. uno* *Διχολομία* consuetante observatum esse non ignoras. Sic enim efficientem causam & materiam pro uno genere anonymo proponit: similiter conjungit formam & finem: item cōjugatā & notationem, denique distributionem & definitionem. Quare quum verbum *Esse* efficientem causam & finem non satis enucleatè notet: (neque enim dicere usitatū est, aliquid ab aliquo, aut alicujus rei gratiā *esse*: sed

*fieri* aut *factum esse*, aut *factum sri*) Verbum autē *fieri* singulis caussarum generibus cōveniat: sanē si alterutrum in definitione causse omittendū sit: satius fuerit omitti verbū *Esse*, quā *fieri*: p̄sertim quū quaten⁹ res ex materia & forma *esse* dicitur, materia & forma non tā causarū quā partium rationē habeant. Essentia. n. rei ex materia & forma, tanquam integrum ex membris constat.

10. Non etiam tibi placet quod causam divisi in externam & internam: quarum illā in efficientem & finē, hāc verō in materiam & formam rursus distinxisti: meque mones ut videam, ne dum partitionis elegantiam cōsecter, a lege methodi descivisse videar. Nam si rei effectus finis extiterit, inquis: necesse est, p̄cessisse materiā & formā: at si materia fuerit, non ideo sequitur finem esse. Hic primū animadverto, apodosisin antitheseos tuę imperfectā esse. Cū. n. de antecessione materiae & formę dixisses, in apodosis solius materiae mentionē facis. Deinde harum sententiārum prior laborare mihi videtur eo fallaciae genere (fallaciae mentionem facio, non quod sententiā te fallere velle, sed quod te falli existimem) eo in quā fallacię genere quod Aristoteles vocat *παρὰ τὸ μὴ αἰτιον ὡς αἶτιον*. nam quod necesse est p̄cessisse materiam & formā, si extiterit rei effectus finis: nō ipse finis, sed potius res effecta in causa est: quippe quæ ex materia & forma generata atque constituta est. Finis autem etsi materiam nō semper antecedit, tamē antecedere potest, & quidē in prima rerū creatione antecessit: in quā hic caussarū ordo sese offert. prima, efficiens; Deus: proxima, finis; gloria Dei: tertia, materia; chaos: postrema, forma; sex dierum spatio partim ē materia ~~et forma~~, partim in eam introducta. quod postremum de forma hominis intelligo: quam creator in nares hominis teste Scriptura insufflavit. Etsi autem gloria Dei ab æterno proposita Deo fuit, ac proinde tempore simul est: tamen ordine naturæ Deus ipse ut prior in cōsiderationem venit. Unde quoq; intelligitur, finem in rerum creatione priorem materia fuisse. materia. n. ab æterno nō fuit, sed eo quo visū Deo fuit.



fuit, tempore creata est: ad creandum autem tum illam, tum ex illa mundum, ipse finis, gloria scilicet sua, Deum permovit. Hic causarum ordo aliquo modo etiā in rebus humanis observari solet. Verbi gratiā, qui domū edificare vult: is primū ad hoc faciendū movetur fine, nimirū ut cōmodē habitet: deinde querit architectū, cuius ea ferē est ratio, ut jam ante ædificaturi deliberationem ac propositū in rerum natura fuerit: vix enim quisquam tam longē in futurum de ædificanda sibi domo deliberat, ut nasciturum aliquem architectum velit expectare. porrō architecto cōducto, curat illi materiā, ex qua educat sua arte ædificii formam. Objiciat hīc fortasse aliquis ē sacra historia, denunciationem illam consilii Dei ad Davidem de Salomone nascituro qui domū nomini ipsius ædificaturus esset. Cui objectioni breviter respondendum puro: quæ hominum respectu futura dicantur, ēa Deo esse præsentia: coram cujus oculis (teste scriptura) omnia resupina jacent. Jam ad posteriorem hujus loci sententiā tuā quod attinet: falsam eam esse, ex iis quæ jam dixi, apparet. nam si materia fuerit: sequitur inde, finem præcessisse. Sicut enim finis primum efficiētem (nempe Deum) in mundo cōdendo impulit ut materiam ex nihilo crearet: sic etiam finis efficientes secūdos, (ut homines) in operibus artificiosis efficiendis, ad materiam comparādā ac præparandā impellit. Sed negas, si in re componēda de fine primū cogitetur, idcirco illum ceteris causis natura priorem dicendum esse. Neque veró ego hoc dico: nam efficientem fine priorem statuo: nō autem simul materiam & formam (ut tu facis) illi præpono.

In undecima quæstione de amplificata prima efficiē-  
tis distinctione, diligentia mea paulo æquior es: quæ si  
cuiquam inutilis aut supervacanea videtur, per me licet  
ut illam non valde curet. præsertim quum cōtrarietas in  
aliis quoque argumentorū generibus locū habeat. neq;  
.n. solæ efficientes causæ contrarietate recipiunt: ita ut  
generati corrūpens, procreati abolens, cōservanti labe-



factans ē regione opponatur: verum etiam opponi inter se possunt contrariæ materiæ, contrariæ formæ, contrarii fines, contraria effecta, contraria subiecta, contraria adjuncta: similiter contraria nomina, contrariæ notationes, contrariæ distributiones, contrariæ definitiones: denique etiam contraria testimonia. Veruntamen contrarietatis usus in efficientibus causis uberior esse atque illustrior videtur.

12. Jam in ea quam attuli, partitione formæ, omnes illas de artis materia formæque leges violari affirmas: sed affirmationis tuæ nullas rationes affers. nam quam affers, non ad ipsius partitionis, sed ad membrorum partitionis definitiones pertinet: in quibus equidē me hallucinatum fateor: ut qui voces latius patentes, angustioribus significationis limitibus circumscripserim. Sed ut affirmationi tuæ fidem faceres, quatuor ad minimum rationes in medium attulisse oportebat: continet enim illa enunciatum copulatū quatuor partium: nempe hoc, Partitione formæ in substantialem & accidentalem violatur & lex κατὰ παντός, & lex καθ' αὐτό, & lex καθόλου πρὸς τὸν, & denique lex methodi. Ad quæ singula quid respondeam, attende quæso. Ad primum: Omne Ens, aut substantia est aut accidens. Ergo omnis forma per quā ens est id quod est, aut substantialis est aut accidentalis. Est igitur divisio proposita κατὰ παντός. Ad secundum: Formæ definitio ad præcepta Logicæ propriè pertinet: Ergo & formæ partitio. Partitio igitur formæ in Logica est καθ' αὐτό. at num ideo partitio proposita erit καθ' αὐτό? Sanè. Est. n. & κατὰ παντός; ut demonstratū est: & rei quæ est καθ' αὐτό. Jam ad tertiū. Sicut omnis forma aut substantialis est aut accidentalis: num sic vicissim quicquid aut substantiale aut accidentale est, id etiam forma est? Hoc quidem affirmare non aūsim. Nam & reliqua argumenta partitione eadem continentur. Sunt enim & causæ substantiales, ut parentes causa sunt liberorum; & accidentales, ut otium causa est amoris aliorumque vitiorum. similis est ratio in reliquis. Fateor igitur, partitione

tionem ista violari legem *καθόλου πρῶτον*. Restat lex methodi: num & illam violari dicemus? Equidem quara-  
tione id dici possit, non video: sed formæ partitionem  
definitioni formæ convenienti loco annexam judico.

Finis distributionem ex Rodolpho Agricola repeti- 13.  
tam illustrare volui: non quod illam planè necessariam,  
sed quod utilem esse judicarem: sed eam negligi faci-  
le patior: maxime quum finis qui subordinatus dicitur,  
quatenus talis est, non jam ampliùs finis, sed destina-  
ti rationem habeat. non secus ac genera subalter-  
na quando cum superiore aliquo genere conferuntur:  
tum non ampliùs generum, sed specierum rationem  
fufcipiunt.

Reprehensione decimaquarta sic scribis, Quod verò 14.  
ad parem rei explicandæ & illustrandæ facultatem at-  
tinet, quam in subjecto & adjuncto esse vis, in eo mihi  
non persuadebis, nisi aliqua ad auctoritatem tuam ra-  
tio accesserit. Primùm attendas velim, me non de vi  
rei explicandæ & illustrandæ, sed sententiæ probandæ  
seu demonstrandæ locutum esse: id quod verba mea  
apertè profitentur. ita enim scripsi, Immò par adjun-  
cti & subjecti in *argumentando* vis est: interdum qui-  
dem necessaria, interdum verò probabilis: ut paulò  
post in exemplis intelligetur. Et hîc, tu, quasi ego pro  
auctoritate præceperim, rationem adjungi postulas!  
An non satis magnam ad propositum demonstrandum  
rationem continent *exempla*? quæ Plato haud inscitè  
vocat *ὁμήρου τῶ λόγῳ*, id est vades disputationis. Ea au-  
tem exempla partim ab ipso autore proposita sunt,  
partim à me adjecta. Author exempla argumentationis  
ab adjunctis tria proponit: primum ex Cicerone de Fan-  
nio Chærea, secundum ex Martiali de Zoilo, tertium ex  
Platone de miseria civitatum. quorum exemplorū duo  
priora vim argumentationis probabilem seu contingē-  
tem: postremum verò necessariam continet. Similiter  
exempla à me annotata tria sunt: primum ipsius Christi  
de veritate sui corporis, secundū Eliæ prophetæ de vero

Exod. 34, 6.  
6 & 7.

falsoque Dei cultu: postremum de sacrificio Abelis: quæ singula argumentandi vim necessariam obtinent. Et certè in gravissimis theologorū de persona Christi controversiis, argumenta necessaria ab adjunctis proprietatibus ad demonstrandum veritatem utriusque naturæ, θεότητος καὶ ἀνθρώπουότητος, adhiberi solent. Nec non extra argumentationem maximus adjunctorum usus est in sacris scripturis, ad declarandum nobis naturam Dei: qualis est insignis illa Dei descriptio quam Deus ipse in monte transiens Moſen, pronuntiabat. Sed ais præterea, sententiam meam non esse κατὰ πάντας: Nam virtutis utilitas (inquis) magis est subiecto in quo exercetur, quàm ab adjuncta laude illustratur. Verùm hæc ratio cū mea sententia non pugnat: quippe quæ non de illustratione, sed de probatione loquitur.

15. Definitionem propriæ qualitatis **Romani** excusas  
 „ per illius consilium, quod scilicet non accuratè definire  
 „ propositum habuerit, sed cōmunem voluerit sequi lo-  
 „ quendi consuetudinem. At hoc **Romū**, tam acrem ser-  
 monis censorem, nequaquam excusat: præsertim quum  
 illa loquendi consuetudo non sit popularis, sed schola-  
 stica: quippe quæ ex ilagoge Porphyrii in scholas Peri-  
 pateticorū manavit. quod vulgò proprium quarto mo-  
 do appellant: eò quod hic proprii modus apud Porphy-  
 rium quartus sit. Quorum modorum definitiones Por-  
 phyrianas quum **Romus** in suis scholis iure reprehende-  
 rit: non satis cōstanter hoc loco inertis sophistæ somniū  
 potiùs quàm communem ac popularem loquendi con-  
 suetudinē secutus est. Sed negas, tibi rationem meam  
 „ satisfacere; quia non sit καθόλου πᾶσι, id est reciproca.  
 „ Est enim propria qualitas verè dicatur, quæ soli subiecto  
 „ convenit: non tamen vicissim, quicquid soli subiecto  
 „ convenit, propria qualitas est: ut liquet è duobus exem-  
 „ plis, anima & arbore, quæ tu hic ad me convincendum  
 attulisti. Verùm hic tuus elenchus sophisticus est, & ex  
 figura dictionis non observata fallit. Quippe quum di-  
 citur, *Propria qualitas est qua soli subiecto convenit:*

per ellipsin Grammaticam post verbum *Est*, intelligitur repeti nomen *qualitas*: quasi diceretur, *Propria qualitas, est qualitas qua soli subjecto convenit*. Quod certé enunciatum reciprocatur. Deinde falsó mihi attribuis, quód propriam *qualitatem* definiverim: definiti-  
vi enim *propríum* *ἰδικῶς*.

Videamus nunc, an meritó reprehenderim in disparatis exemplum de liberalitate & avaritia. Dixi, illa non disparari, sed adversari. tu affirmationis meæ argumentum expectas. Afferro igitur adversorum definitionem, ex eaq; affirmationem meam sic concludo: I 6.

*Contraria affirmantia qua inter se velut e regione perpetuó adversantur sunt adversa:*

*Atqui liberalitas & avaritia sunt contraria affirmantia qua inter se velut e regione perpetuó adversantur:*

*Liberalitas igitur & avaritia, adversa sunt.*

Assumptionem probo ex effectis. Liberalis dat liber-  
ter, quoties & quibus dandum est: avarus non dat, sed si-  
bi retinet. Sed affers meam ipsius refutationem, atq;  
ita meo me gladio scilicet jugulas. At observare potui-  
sti, refutationem illam in capite de contrariis, non i-  
ta á me allatam esse, quasi in ea acquiescerem: mox e-  
nim adjeci, definitionem illam Aristotelis qua refuta-  
tio ista nititur, falsam mihi videri: nimirum propter év-  
ς αὐτῶν exemplorum quę ibi á me enumerata sunt. Sed  
ne me, meo scilicet gladio vulneratum, absque vulne-  
ris obligatione dimittas (qua in re amici gladiato-  
ris officium facis) impertis mihi aliquid disciplinar-  
tux: & ais, tibi liberalitatem & illiberalitatem adver-  
sa esse: speciem veró illiberalitatis in avaritia, esse li-  
beralitati disparatum: quum non é regione eidem  
adversetur. Fateor, hanc institutionem mihi prima  
fronte arrisisse. Sic enim cogitabam: Quemadmo-  
dum homini ut adversum opponitur bestia: at species

bestiæ (verbi gratiâ equus) opponitur eidem homini ut disparatum: sic quum liberalitati opponatur illiberalitas, ut adversum: consequens est, ut avaritia tanquam illiberalitatis species, eidem liberalitati ut disparatum opponatur. Verum re diligentius considerata, deprehendi apodoseos, hoc est sententiæ tuæ, falsitatem. Etenim ut non dicam, prima fronte videri posse, illiberalitatem, quum sit vocabulum negans, non opponi liberalitati ut adversum (hoc enim non probo; quum & nomen Irrationale in divisione animalis, differentiam adversam notet) hoc quidem certè falsò mihi dici videtur, avaritiâ esse illiberalitatis speciem: quum illiberalitatis & avaritiæ nominibus una prorsus eademque res intelligatur. Nec obstat, quod appellationum diversa ratio est: Avarus enim ex eo dictus est, quod semper aveat & plura habere cupiat: illiberalis autem, quod non libenter det. Illud verò quod tu verbis tuis innuere vidèris, videlicet alteram illiberalitatis speciem esse prodigalitatem, item falsum est: quippe tantum abest ut prodigus pro illiberali habeatur, ut etiam nimium liberalis esse videatur ac dicatur. Dices fortasse, nimiam liberalitatem non esse liberalitatem: quia in virtute nihil sit nimium. Sanè verò, prodigalitas non est liberalitas illa quæ κατ' ἐξῆς sic appellatur: hæc enim laudabilis est, at illa vituperanda: veruntamen quum prodigalitas sit liberalitas nimia, necesse est ut eadem prodigalitas liberalitas quædam esse concedatur. Sic autem potius divisio videtur instituenda. Affectus ille qui in pecuniis & facultatibus occupatur atque exercetur, aut liberalitas est aut illiberalitas. Etenim qui divitias possident, aut ita affecti sunt ut divitias suas libenter cum aliis communicent, aut illibenter: quorum illi, liberales; hi, illiberales & avari nominantur. Jam verò liberalitas, aut est moderata & laudabilis, aut immoderata ac vituperanda: quarum illa, vocabulo generis *liberalitas* propter excellentiam nominatur: hæc verò, nomine speciali *prodigalitas* seu effusio dicitur.

Potró an exemplum argumentationis á contradicē- 17.  
tibus quod é prima Tusculana affert Ramus, consenta-  
neum atque accommodatum videri debeat, age ex il-  
lius loci analysi æstimemus: in qua quidem analysi non  
enucleaté ipsas etiam illustrationes persequar, sed solas  
argumentationes attingam. Initio dialogi, quæstionem  
proponit Atticus, *mortem sibi malum videret*. Hæc sen-  
tentiam quó commodiús refutare possit Marcus, deduci-  
cit inde per argumentationē á conjugatis: *Mortuos igitur  
esse miseros*. quod quū Atticus cōcessisset: tum Mar-  
cus ut istud falsum esse ostēdat, aggreditur demonstrare,  
*mortuos omnino non esse*. quod quidē demonstrat á ne-  
cessario adjuncto, nempe loco: *Mortui nusquam sunt:  
ergo mortui omnino non sunt*. Antecedēs probat argu-  
mento divisionis: *Si mortui alibi sunt, sunt aut apud  
inferos, aut alibi: sed nec apud inferos sunt:* (quas mi-  
serias Atticus ut Epicurēus fabulosas esse concedit) *nec  
etiam alibi sunt. Nusquam igitur sunt*. Hoc quum cō-  
cessisset Atticus: mox inde infert Marcus, *mortuos igitur  
ne quidem esse*. Quod quū & ipsum Atticus concessisset:  
& tamen propositū suum, videlicet *mortuos miseros esse*,  
pertinaciter & quidem per inversionem seu κατὰ τὸ  
πίσω (ut ipsi videbatur) iteraret: tum Marcus eum pro-  
pter contradictionis implicationem, tanquam magnæ  
incogitantix atque etiam hebetudinis argumentum,  
gravissimé reprehendit: eumq; pugnantia loqui osten-  
dit. Hoc autem ostendit argumentando primum ab ad-  
iuncto, ad hunc modum:

*Mortui sunt miseri: ergo mortui sunt.*

Antecedens affirmavit Atticus: fateatur igitur neces-  
se est & consequens: ac proinde fateatur, se loqui pugná-  
tia, quum dicit, *mortuos non esse*. Deinde eandem con-  
tradictionis implicationem demonstrat á subiecto:

*Mortui non sunt: ergo ne miseri quidem sunt.*

Antecedens concessit Atticus: concedat igitur neces-  
se est & consequens: ac proinde rursus fateatur, se loqui  
pugnantia, quum dicit, *mortuos miseros esse*. Postea in-

terjecto inepto effugio Attici per omissionem vinculi  
 (verbi scilicet substantivi) in enuncianda sententia hac,  
*Mortui sunt miseri*: Atticus tandem concedit, *mortuos*  
*miseros non esse*. sed quonam quæso argumento motus,  
 „ hoc concedit? Audiatur ipse: *Quoniam extorsisti* (inquit)  
 „ *ut faterer, qui omnino non essent, eos ne miseros quidē*  
 „ *esse posse*. at unde hoc argumentum est? num a contra-  
 dicentibus? Minimé, quia contradicentium alterū tan-  
 tūm, non utrumque, negat: at hīc negat utrumq; , nem-  
 pe, *Non esse*, & *Non esse miserum*. unde igitur? Mihi qui-  
 dem a subiecto (sicut in animadversionibus exposui) vi-  
 detur argumentum hoc sumitum esse: id quod tu quodq;  
 concedis. Sed nihilominus (quasi Atticum illum perti-  
 „ nacem imitatus) urges propositum. An idcirco (inquis)  
 „ Marcus contradictionis argumento illam Attico con-  
 „ fessionem non extorsit? Non, inquam. Si enim extorsit  
 „ argumēto subiecti: certé non extorsit argumento con-  
 tradictionis. at argumento subiecti extorsisse, ex ipsius  
 verbis Attici manifesté liquet. Sed ne excipere possis,  
 Attici iudicio standum hīc non esse, quippe cujus hebe-  
 tudo atque imperitia Dialectices hoc ipso in loco a Mar-  
 co reprehendatur & vincatur: age rem ipsam paulo  
 accuratius spectemus. Quæro igitur exte; posteaquam  
 Atticus contradictionis a Marco convictus esset: ut qui  
 utrumque fateri cogeretur, & *mortuos esse*, & tamen  
*mortuos non esse*: an vi hujus contradictionis per mortū  
 fuisse Atticum putas, ut tandem cōcederet, mortuos nō  
 esse miseros? tu quidem sic post Ramum sentis: sed cur  
 „ tandem? Quia aut nullo consilio (inquis) contradictio i-  
 „ sta explicatur, aut idcirco ut istam confessionem Mar-  
 „ cus eliceret. Esto, hoc Marci consilium fuisse: quia scie-  
 bat, Atticum ut Epicurēum facilé cōcessurum, mortuos  
 non esse. at num propterea vi propositæ contradictionis,  
 confessio ista ab Attico fuit elicitā? Minimé veró. Nam  
 ex illa contradictione plus elici non potest, quā si alte-  
 rum istorum enunciatorum verum sit, tum alterū esse  
 falsum. utrum autem verum sit, id aliis argumentis æ-  
 stiman-

stimandum est. Non igitur Atticus vi istius contradic-  
tionis persuasus fuit ut opinaretur, mortuos non esse, ac  
proinde nec miseros esse: Sed istam opinionem, quod  
mortui non sint, tanquam Epicuræus pro vera habuit.  
Quum igitur opinio ista ex proposita contradictione  
non concludatur: fatendum tibi erit, nec illam confessi-  
onem Attici quæ ex ista opinione dependet, proximeq;  
concluditur, ex proposita contradictione concludi. Ex  
his quæ exposui, intelligi potest: fallaciam accidentis vel  
non causæ, in hujus exempli ad contradicentium locū  
applicatione commissam esse. Etenim contradictio ista  
per se in causâ non fuit, ut Atticus mortuos non esse  
miseros fateretur: sed per accidens: quoniam scilicet At-  
ticus eam contradictionis partem unde confessio ista  
dependet, aliam ob causam pro vera habuit.

Quod de consecutione exempli illius é Martiali in 18.  
capite de privantibus, dixi, veré dixi: Veruntamen quod  
iis verbis innuere volui, & quod tu inde collegisti, exem-  
plum illud á loco privantium propterea abjudicandum  
& tollendum esse: id veró non prorsus recté judicavi.  
Neque etiam illud satis Logicé á me pronunciatum fu-  
it, consecutionem pendere á natura proprii. quasi veró  
vel *proprium*, certum argumenti genus notaret: vel cō-  
secutio á natura ullius argumenti, non autem ex vi dis-  
positionis syllogisticæ pendéret. Verum quidem est,  
consecutionem hujus enthymematis (*solum divites  
opes dantur, non igitur pauperibus*) ex vi particulæ *so-  
lus* quæ proprii nota est, pendere: sed cur istud? nisi pro-  
pter vim dispositionis syllogisticæ in secunda figura, ad  
hunc modum:

*Quibuscunq; nunc opes dantur, ii divites sunt.  
pro quo dicit poëta, Dantur opes nulli nunc  
nisi divitibus.*

*At AEmilianus non est dives: quia est pau-  
per.*

*Quare AEmiliano non dabuntur opes.*

Ex qua analysi apparet, exemplum hoc aliquo modo



ad locum privantium pertinere, videlicet ratione pro-  
 syllogismi quo confirmatur assumptio: veruntamen ra-  
 tione syllogismi principalis, ad locum subjecti pertinere  
 videtur. Accidit enim divitibus, ut eis opes dentur. Sed  
 quæris ex me, quid sit, cur argumentum à proprio esse  
 putem? Et quoniam ejus dicti causam ex verbis ani-  
 madversionum mearum tua sponte colligis, nempe pro-  
 pter particulam *solus* (quam quidem poeta expressè  
 non ponit: veruntamen æquipollentibus verbis utitur)  
 „ tu contrà disputas, Particulam (*solus*) si per se spectatur,  
 „ propriam semper qualitatem non designare. id quod  
 ego perlibenter tibi concedo, atque etiam jampridem  
 ultrò profiteor. Neque verò ego quum *proprii* appella-  
 tionem hinc usus sum, propriam qualitatem intellexi: ne-  
 que hoc ex verbis meis potest colligi. Sed ampliùs  
 „ quæris: An si particula *solus* propriam semper qualita-  
 „ tem designet, idcirco à Martiali in illo disticho, adjun-  
 „ cti argumentum adhibeatur? At ego in animadversio-  
 nibus non dixi, argumentum adjuncti hinc adhiberi: ita-  
 que hoc falsò mihi attribuis. Sed pergis attexere ab-  
 „ surdum consequens: Si dixeris (inquis) dicas etiam ne-  
 „ cessè est, argumētum illud (*SOLOS DIVITES*) esse vel  
 „ pauperibus vel opibus adjunctum. At istud nec dixi, nec  
 dicam: hoc autem dico, te perperam hinc particulam (*SO-  
 LUS*) cum argumento propositi enthymematis, tanquā  
 illius partem conjungere. Quòd si particula *SOLOS*,  
 pars argumenti esset: oporteret eam repeti in assumptione:  
 ne: id quod non fit. Ecce enim:

*Solis divitibus dantur opes:*

*Æmylianus non est dives:*

*Ergo non dabuntur Æmyliano opes.*

Dices fortasse, syllogismum hunc vitiosum esse: quip-  
 pe ex assumptione negante in prima figura Aristotelis.  
 Quod etsi prima fronte ita videri alicui possit: tamen ac-  
 curatius intuenti apparebit, syllogismum hunc in secun-  
 da figura conclusi: ita ut paulò antè à me est propositus.  
 nam propositio æquipollet huic, *Quibuscumq; dantur*

*opes.*

*apes, si desites sunt.* Ab exemplo Martialis transis ad exempla duo M. Tullii, alterum é Miloniana de morte Clodii: alterum é prima Catilinaria, de voluntate populi Rom. erga Catilinam. Hic tu affirmas, vitam & mortem, item tacere & loqui, in privantibus numeranda esse. quis negat? at num propterea consecutio illorum enthymematum (quæ in animadversionibus explicavi, ex natura privantium pender? Ego veró etsi in istis consecutariis privantia inter se opponantur: vim tamen consecutionis non é natura privantium, sed é natura parium principaliter & proximé pendere judico. id quod ex explanatione quam in animadversionibus exposui, studioso veritatis liquere potest. Non nego, in istiusmodi exemplis duplicis affectionis rationem spectari posse: sed utra affectio principalis sit, unde scilicet consequens proximé dependeat, inquirendum censeo. Spectemus igitur (si placet) pauló familiarius.

1. *Si possideris vitam Clodio restituere, nalletis:*

*Non debetis igitur mortem ejus ulcisci.*

Quæro ex te, an consequens ex antecedente ideo sequatur, quód vita & mors privantia sint? an ideo potiús, quód par sit antecedentis & consequentis probabilitas? equidem hoc posterius potiús opinor: tu si secus sentis, facile me & libenter á te doceri patiar. Sic,

2. *Perspicis voluntatem tacitorum:*

*Ergo ne expectes auctoritatem loquentium.*

Quæro iterum ex te, an hujus enthymematis consequens ex antecedente efficiatur, eó quód tacere & loqui privantia sint? an veró potiús, quód par sit utriusque sententiarum ratio: id quod ego potiús opinor.

Sed tempus nunc est, ut locum *comparatorum* quam accuratissimé disquiramus: ad hunc enim te cum singulari quodam desiderio pervenisse, & in hac quæstione vehementer tibi, meliore doctrina opus esse video. ita mihi quasi veterno quodam (pace tua dixerim) falsæ doctrinæ Rameæ oppressus videris. Quamquam autem in hoc congressu, unum atque alterum vulnus mihi infli-

cturus es: tamen spero, te tandem manus daturum, &  
 » herbam (ut ajunt) porrecturum. Reprehendis primúm  
 » definitiones meas, quód non explicant comparatorum  
 » naturá atque essentiam. At ego quid par, quid majus,  
 quid minus sit, definitionibus meis explicare mihi non  
 proposui: sed quid sit quod dicitur argumentum vel po-  
 tiús argumentatio á pari, á majori, á minori. Nihil igitur  
 hæc reprehensio lædit definitiones meas. Secunda re-  
 » prehensio priori non absimilis est: reprehendis enim  
 » quód argumentum Logicæ inventionis, per syllogismi  
 » partem antecedentem & consequentem definierim.  
 Equidem fateor, me argumentum á pari, item á minori  
 appellasse: sed communem loquendi consuetudinem  
 secutus, & *μετὰ τὴν ἀρχὴν* locutus, argumentationem in-  
 tellexi: sicut etiam argumentationem á majori appella-  
 » vi. At argumentationis definitio in præceptis Inventi-  
 » onis heterogenea atque aliena est. Fateor: & hoc ipse já  
 tum inter scribendum animadverti: sed existimabam,  
 satis esse, si appellationes illas adeó usitatas, ac in omniú  
 feré vel mediocriter Dialecticis imbutorú ore versan-  
 tes, veris definitionibus (quantum possem) declararem.  
 Nunc autem á te admonitus, definitiones non argumē-  
 tationis á comparatis, sed argumenti, meditabor. Age  
 igitur, novas definitiones proponamus.

Argu mentū á	{	pari, majori, minor,	}	est argumentū comparatū á sententia	{	æque probabili. probabiliori. minús pprobabili.
--------------------	---	----------------------------	---	---	---	---

» At dices adhuc definitiones istas non convenire compa-  
 » ratis omnibus: non enim conveniunt iis quæ ad declara-  
 » tionem rei adhibentur, sed iis solummodo quæ syllogi-  
 » sticæ demonstrationi inserviunt. Hæc enim tertia tua  
 reprehensio est, de pristinis quidem illis definitionibus  
 meis enunciata: Veruntamen ad has novas æque perti-  
 nens. Ego veró nego, definitiones has comparatis, qua-  
 tenus ad declarandum adhibentur, convenire debere.  
 sunt enim definitiones *argumenti* á comparatis, non  
 autem

autem *declaramenti* per comparata. Cujus quidē definitiones, ex definitionibus à Ramo traditis, facile assumi possunt, ad hunc modum:

Declara  
mētum  
per { par,  
          { majus,  
          { minus, } est declaramē-  
                  { tum per id cu-  
                  { jus quantitas } { eādem seu æ-  
                                  { qualis est.  
                                  { excedit.  
                                  { exceditur.

Sed pergis, & quartam reprehensionem adjungis; quam tantummodo attinere vis ad definitionem *majoris & minoris*: quam utramq; in alia etiam argumenta cadere dicis. hoc autem, exemplo speciali probas, his verbis: Nam si quis hoc modo argumentetur (inquis) Catilina est doctus, ideoque bonus: hinc enthymematis antecedens, est magis probabile, quàm cōsequens: nulla tamen á majore argumentatio est. Ex hac reprehensione agnosco, definitiones illas meas imperfectas esse: singulasque sic explendas fuisse:

<b>Argumē-</b> <b>tatio á</b>	{ pari, }	{ est quū }	In antecedente & cō- sequente enthyme- matis sive affirma- tivē sive negativē cō- cepto, par est pro- babilitas, & antecē- dens verum est.
	{ majori, }		Enthymematis ante- cedens affirmativē conceptū magis p- robabile est quā cō- sequēs itidem affir- mativē conceptū, & tamen verū non est.
	{ minori, }		Enthymematis ante- cedens affirmativē conceptum, minús est probabile quā consequens itidem affir- mativē conceptum, & tamen verum est.

Verum enimvero ut pristinae meae comparatorum definitiones imperfectae fuerunt ita praesens tua demonstratio imperfecta est: imo ipsa etiam quaestio. Etenim quum duarum definitionum reprehensionem proposuisses: priorem tantum reprehensionem confirmas. Et pari jure definitionem parisi vel potius argumentationis a pari reprehendere potuisses. Nam si quis ita argumentetur: Catilina sentit: ergo Catilina est animal: hic enthymematis antecedens videtur atque esse probabile atque consequens: & tamen nulla hic a pari videtur esse argumentatio. Sed satis ad hanc quoque reprehensionem responsum puto. Quanquam praecavendas similes novarum definitionum reprehensiones video. Similiter enim fortasse dices: In enthymemate illo de Catilina, argumentum sumtum est a sententia probabiliori: & tamen non est a majori. At non est clausis oculis vel auribus praetereunda vox h. ec (*comparatum*) quam in definitione posui. Non enim satis est, ut sit argumentum a majori, sententiam argumenti esse probabiliorē quam est sententia quaestionis: sed requiritur praeterea ut vel utraq; vel minimum altera argumenti pars, cum utraque vel altera quaestionis parte collata, comparati quantitate rationem habeat. Id quod in proposito enthymemate non sit. Doctrina enim cum virtute ut quantum non comparatur. Etsi autem enthymema illud de Catilina, definitioni meae argumentationis a majori recte opposueris: tamen observare etiam debuisti axiomata illa seu argumentandi a comparatis regulas quas ex Aristotele protuli. His namque defectus definitionum mearum compensatur. Quibus observatis (quas certe ut veras, atque etiam utiles, merito observandas censeo) intelligitur, enthymema illud de Catilina ideo non procedere a majori: quia affirmativum est: quum axiomata illa doceant, a majori tantum negando argumentationem procedere. sicut a minori, tantum affirmando: a pari autem, & affirmando & negando. Unde etiam judicari potest, quid de altero enthymemate, quod tu de satrapa mirifice disputas,

24p  
 putas, dicendum sit: *Satrapes non potest sufferre tantos sumtus, tu igitur non potes.* An probabilius est (inquis) «  
 minús in satrapa ad perferēdos sumtus inesse facultatis, «  
 quám in homine mediocris fortunæ? tum respondes: «  
 Equidē hujus enthymematis & cēterorum similiū quib. «  
 tu argumentū á majore contineri vis, antecedēs minús «  
 probabile est. Concedo, si consideretur quatenus cōce- «  
 ptum est negativé: at ex regulis argumentandi á majore «  
 percipere potuisti, antecedens in hujusmodi enthyme- «  
 matis, quū ratio argumenti investigatur, considerari af- «  
 firmativé, sicut & consequēs. Quam meā responsionem «  
 tu prævidisti, ac proinde præcavere voluisti. ais enim: At «  
 dices, probabilius esse, satrapā posse sufferre tantos sum- «  
 tus, quám alium quēpiam inferioris conditionis homi- «  
 nē. Ego veró illud dico. tu veró quid respondes? Cōcedo, «  
 inquis. Bene facis. Et ego ex illo concessio infero, enthymema hoc, (Satrapes non potest: ergo multó minús te- «  
 nuis) esse á majore: quia á probabiliori: sed negato. Ve- «  
 rúm tu rursus, quasi talem responsionē olfecisses, mox «  
 addis, Consecutionis rationem jam plané mutatam esse. «  
 Satrapes potest sufferre tantos sumtus. quid hinc cō- «  
 sequetur? inquis. an illud? Tu igitur potes. tum respōdes: «  
 At (inquam) tibi argumentatio á majore semper negā- «  
 do conficitur. tum quæris rursus, An ergo illud? Tu igitur «  
 non potes. Respondes rursus: At ejusmodi á majore «  
 consecutio ridicula fuerit, & allatis abs te majorum «  
 axiomatis minimé consentanea. Hoc veró illud est, «  
 quod si tu á principio hujus disceptationis de consequē- «  
 tia propositi enthymematis attēdis: nihil horum quæ «  
 contra sententiam meam hīc disputas, afferre potuisses. «  
 Quippe docent illa axiomata, á majore non nisi negan- «  
 do argumentationem procedere: á negatione scilicet e- «  
 jus quod probabilius est ad negationem ejus quod mi- «  
 nús est probabile. Concludis, te in comparatorum a- «  
 nimadversionibus assentiri mihi non posse: præsertim «  
 quum de quolibet feré enthymemate, sive comparato «  
 sive simplici argumēto concludatur, id dici possit, ante-

cedens esse vel pari cum consequente probabilitate vel impari. At ego spero, te in iis quæ modò disputavi, mihi assensurum. Nec verò si jure mihi non assentiebaris in argumentorum à pari, à majori, à minori definitionibus: idcirco etiam justa tibi causa fuit à me dissentienti in applicationibus exemplorum: nituntur enim illæ axiomatis Aristotelicis; quæ vera esse haud (opinor) negabis. Et ut applicationes illas rectas atque legitimas esse, planè possis perspicere: duas has loquendi formas, tãquam symbola seu notas diligenter observabis: videlicet, **MULTO MAGIS & MULTO MINUS**. Quoties enim in consequente dicitur, vel saltem intelligitur hæc nota, *multo magis*; certum est argumentum esse à minori, h.e. minùs probabili. Quum verò dicitur, *Ergo multo minùs*, tum dubitari non potest quin argumentum à majori sit, hoc est, probabiliori. Quare enthymema istud, (*utrapes non potest tantos sumtus ferre: Ergo multo minus in potes*) quin à majori sit, negari certè non potest.

20. Porro exemplum illud dissimilitudinis ex prima ecloga, merito à me tanquam perperam à Ramo explicatum, reprehensum esse: planum faciam ex illius loci analysisi: Quæstio est, *an Roma similis sit Mantua?* Fatetur Tityrus, se id putasse: sed falsò. Propositio igitur illius loci est & ad quæstionem propositam responsio: *Roma Mantua similis non est*. Tum sequitur illustratio: *Sic canibus catulos*, &c. Quam autem sententiam his verbis Tityrus illustrare vult? Certè confessionem illam sui erroris, id est, hanc sententiam: *Roma Mantua similis est*. Hoc manifestè evincit coherencia sententiarum: Cohereret enim sententia illustrationis cum sententia confessionis per conjunctionem (non enim certè adverbium) per conjunctionem inquam similitudinis *Sic*, quæ licet regulariter symbolum sit apodoseos: tamen hic per anastrophèn protasi similitudinis inservit: sicut etiam in illis Virgilii versiculis, *Sic vos non vobis*. Illustratur ergo verbis (*Sic canibus catulos similes, sic matribus hædos*

*hædos Nôram*) nō ut tu dicis, dissimilitudo contracta, id est sententia hæc, *Mantua non est Roma similis*, vel potius, *Roma* (de hac enim quæstio est) *non est similis Mantuæ*: sed sententia isti contraria quam pastor ille falso se concepisse fatetur, nēpe, *Roma est similis Mantuæ*. ait enim, Sic nôram canibus catulos similes esse: scilicet, sicut putavi, Romam similem esse Mantuæ. Itaque verba illa violenter in contrarium sensum detorquentur, & à quæstione propositionis illustrandæ aberratur, quum ita exponuntur ut tu cum Ramo exponis; quasi pastor ille dixisset: *Ut nec canibus catuli, nec matribus hædi: sic nec Mantua Roma similis est*. Etenim pastor affirmat, inquit: Sic nôram canibus catulos esse similes: at expositio negat, Canibus non sunt catuli similes. Quare immeritò [REDACTED] Columellā in suis prælectionibus reprehēdit: ut qui collationem hanc aliter assumserit: Nihil enim dubium est (ait referente Ramo Columella) quin ipsa natura sobolem matri similem esse voluerit: unde etiam pastor ille in Bucolicis ait, *sic canibus catulos similes, sic matribus hædos Nôram*. In quo tamē (ait [REDACTED]) magis suum quā Virgilii sensum Columella sequitur. Quis sic? Pastor enim (inquit) hic errorem suum significat, qui magnis parva compareret, naturæ similitudinem in sobole non indicat. Equidem miror, P. Ramum acri aliās iudicio & expolito præditum, tam longē hic à scopo aberrasse. Quid enim? pastor Tityrus naturæ similitudinem in sobole hic non indicat? quid ergo sibi volunt ista ejus verba, *Sic canibus catulos similes, sic matribus hædos Nôram*? quid nū enim nosset probèque exploratam haberet naturam pecudū, pastor? At fatetur errorem, ut qui magnis parva compareret. Ego verò nego, pastorem istis verbis (*sic parvis componere magna solebam*) de suo errore confiteri: sed illis in principio, *Putavi stultus ego*. Quasi dicat: sicut nôram, canibus catulos esse similes: sic putavi, Romam similem esse Mantuæ, sed hoc posteriùs putavi stultè: nam falsum est: ut postea declarat antithesi: *Verum hæc tan-*



*tum alias inter caput extulit urbes, &c. Quorsum ergo addit? Sic parvis componere magna solebam.* nempe ut ostendat simplicitatem suam in comparandis rebus politicis sibi ignotis, cum rebus pastoralibus sibi notis: cujus simplicitatis occasione in errorem illum inductus fuit; ita nimirum comparationem instituentis: sicut canibus catuli, & capris hœdi similes sunt: sic etiã Romæ similis est Mantua.

21. Divisionem meam generis subalterni, & speciei item subalternæ (illius nimirũ, in intermedium & infimũ: hujus verò, in intermediam & summam) verã quidem esse fateris: sed minimẽ necessariam judicas. At si tibi divisio ista minimẽ necessaria videtur: pãtere tamen quãso, ut suo authori jucunda sit: qui illam tanquã charissimam filiolum scilicet osculatur. Siq; ista divisio necessaria ædificii logici pars non sit: attamen verũt vermiculatũ emblema habeatur. Verũ enim verò utilitatem non contemnendã divisionis prioris videre mihi vidẽor, ad constituendũ scilicet ordinem methodicum rerum in disciplinis explicandarũ. Quum enim ordo ille à genere generalissimo per genera intermedia ad infimũ usq; genus progrediatur ac descendat: ista autem generis divisio de tribus his generum generibus (ut de re Logica logicẽ loquar) admoneat: quis negaverit, divisionem hanc ad ordinem illum constituendũ aliquid lucis asferre? Quin etiam divisio altera, speciei nimirũ, non prorsus inutilis videtur. Videtur enim adjumẽto esse posse ad definitiones generum infimorum accuratẽ constituendas. Illorũ enim definitiones ut accuratẽ possint cõstitui: hoc est ut genus proximũ cum specifica differẽtia possit inveniri: videtur tutissima via esse, si primò à genere infimo per genera intermedia quẽ sese offerent, ascẽdatur ad genus summum: quo quidem invẽto, dividendo rursus descendendum est ordine, donec genus proximum cum differẽtia specifica generis ad definiendum propositi, fuerit repertum. Quam definitionis inveniendæ rationẽ ego in animæ diversionibus, duobus exemplis illustravi.

Ovidianum de animalium divisione exemplum, mi- 22.  
 nus idoneum mihi visum fuisse affirmas: quia in eo non “  
 generis in species divisio, sed distributio á subjectis con- “  
 tineatur. Ubi veró ego negavi, in eo exemplo divisionē  
 generis in species contineri? Num ubi dixi, divisionem  
 hanc sumtam esse é subjectis? At ex hac affirmatione  
 negatio illa minimé efficitur. Potest enim esse divi-  
 sio generis in species: sive species é subjectis, sive ex ad-  
 junctis, sive ex causis, sive ex effectis sumta: atque con-  
 stitutæ sint. Quare híc inconsideratè explicationem  
 pro reprehensione arripuisti: nec est ut putes, tibi hac de  
 re secus ac mihi videri. hoc uno excepto, quód dicis, u-  
 namquamque speciem in illa divisione enumeratam,  
 subjecto loco *illustrari*. Non enim ibi est propositum  
 poetæ, animal primúm in species dividere, deinde spe-  
 cies illas illustrare: sed recta species animalis suis locis  
 distinguere. Interim divisionem quandam animalis híc  
 contineri non negò. Quod autem de proposito poetæ  
 dixi, ex ipsius verbis manifesté liquet. ait enim:

*Neu regio foret ulla suis animalibus orba,  
 Astra tenent caeleste solum, &c.*

Appendicem quam præceptioni distributionis sub- 23.  
 jeci, suis ipsam viribus plané concidere dicis. Quí sic? in- “  
 quam. Nam ais, (inquis) te de vocabulorum ambiguo- “  
 rum significationibus præcipere. At distinguere ambi- “  
 guam vocem in sua significata, non est artis dialecticæ, “  
 quæ differendi præcepta tradit: sed hominis potiús Le- “  
 xicon aliquod meditantis. Hujus tuxæ ratiocinationis vi- “  
 tia quó apertíus possim ostendere, syllogismú é tuis ver- “  
 bis secundum artis ordinem formabo.

Distinguere ambiguam vocem, non est Diale-  
 cticæ docentis.

At Piscator præcipit in Dialectica docente de vo-  
 cabulorum ambiguum significationibus:  
 hoc enim ipse ait.

Quid jam his positis concludetur? Nihil certé: quum syl-  
 logismus conitet ex quatuor terminis, propterea quod

medium est (ut Aristoteles loquitur) διτλόν, id est duplex seu geminum. Aliud enim certé est, distinguere ambiguum vocem; & aliud, Præcipere de ambiguae vocis distinctione. Sicut aliud est, dividere rem quampiam in species, aut partiri in membra: aliud veró, de divisione generis & partitione integri præcipere. Quorum illud, Dialecticæ utétis; vel potius cujusvis disciplinæ arte Dialectica utentis: hoc veró, Dialecticæ docentis, hoc est ejus disciplinæ quæ præcepta disserendi tradit, officium ac munus est. Hoc igitur primum ratiocinationis tuæ vitium est, ἐλέχus παρὰ τὸ μὴ ἐπὶ μένον. Alterum vitium est falsitas assumptionis: eaque duplex. nam ego in ista appendice, nec de vocabulorum ambiguum significationibus præcipio: neque me præcipere dico. Hoc  
 ” tantum dico, videri ad bene disserendum & hoc perti-  
 ” nere, ut vocabulorum ambiguum significationes di-  
 ” ligenter distinguantur. E quibus verbis plus colligere non poteris, quam ego ipse deduxi: nimirum utiliter de distinctione nominis ambigui, in præceptis disserendi præcipi. Etenim quicquid ad bene atque artificiosè disserendum pertinet, de illo sine controversia inter præcepta bene disserendi præcipiendum est. Præterea quæ Dialecticæ subjecto non solum res, sed etiam verba continèantur: nā etiam de verbis bene diseri potest: quis negaverit, præceptū de distinguendis verbis ambiguis, ad præcepta Dialecticæ pertinere? Dices fortasse, verborū in suas significationes distinctionē ad aliquā distributionis genus exiis quæ à P. Ramo tradita sunt, revocari posse. Et certé videtur revocari posse ad distinctionem generis in species. non, quod vocabuli ambigui significationes (quarum scilicet una semper propria est, reliquæ modificatæ) revera species significant ejus rei quæ vocabulo ambiguo propriè significatur: sed quod quasi species seu modi significationis dici posse videantur. Utinam veró qui hodie tot in variis linguis Lexica (laudabili quidem illi studio) meditantur ac divulgant; Logicam hanc distinguendi, accuratiùs adhiberent; Non cerneretur in  
 ple-

plenisque Lexicis tanta significationum & ταυτολογία & confusio.

Pervenimus feré ad finem animadversionum in libro primo: restât enim duę tantúm quæstiones quę 24. ad doctrinam Inventionis, & quidem ambæ ad præceptionē de testimonio, postremo scilicet argumēti genere, pertinent. Earum quæstionum altera est de testimonii divisione, altera de vi probationis. Testimoniū igitur divisi quadrifariâ: primum á forma, in id quod cōtinetur verbis, & in id quod factis: deinde ab efficiente, in divinum & humanum: tum á subjectis, in promissionem & confessionem: postremo ab adjuncto quodam, in id quod cum jurejurando conjunctum est, & quod sine jurejurando est. Contra has divisiones tu disputaturus, easque (si possis) é civitate Logica tanquam legum violatrices exterminaturus, unica Rami excepta, sic proponis. Istas ego divisiones (inquis) nescio quid magnæ cōfusionis complexas esse disputo. Commodé profectó tibi excidit verbū illud, N E S C I O Q U I D. nam quod nusquam est, id ne sciri quidem potest. Ubi enim quæso est mirifica ista quam fingis, confusio? In eo scilicet, q̃ divisio testimonii ab efficiente, reliquas omnes cōprehendit: itemque aliæ alias. At unde hanc (quam tu hic temeré fingis) mutuam comprehensionem probas? Nēpe ex eo, quod quælibet testimonia sive verbis aut factis contineantur, sive promissiones aut confessiones fuerint, sive cum jurejurando aut sine jurejurando extiterint, quælibet (inquis) illa vel divina testimonia sunt vel humana. Sed qualis (obsecro) hæc probatio est? Dividatur primum homo ab efficiente (quoniam hoc tibi methodus videtur postulare) in creatum & generatum: deinde á subjectis, id est objectis, in philosophos & politicos & opifices & rusticos: tum ab adjunctis, in bonos & malos, ingeniosos & hebetes, doctos & indoctos, &c. Quæro nunc ex te: Num quia quilibet homines, sive philosophi fuerint aut politici aut opifices aut rustici; sive boni aut mali, ingeniosi aut hebetes, docti aut indo-

Et i: quivis inquam illi, quia aut creati sunt aut generati:  
 num idcirco duas posteriores divisiones in prima com-  
 prehensas esse dicis? At quomodo comprehenderentur,  
 quum sint diversi generis, sumtæ inquam é diversis rerū  
 generibus? num igitur heterogenea á se mutuo possunt  
 comprehendí? Pari ratione divisiones causæ efficientis  
 á P. Ramo traditas, reprehendito. Omnis causā efficiēs,  
 sive sola efficiat, sive cum aliis: sive per se efficiat, sive per  
 accidens: omnis inquam causā efficiens, aut procreat  
 aut tuetur: Ergo posteriores duæ divisiones in prima il-  
 la continentur. Ac proinde sicut in præceptione de testi-  
 monio divisionem in divinum & humanum á Ramo  
 traditam sufficere, reliquas veró á me adjectas redunda-  
 re atque expungi debere censes: sic etiam iudicato, suffi-  
 cere primam distinctionem efficientis á P. Ramo tradi-  
 tam: reliquas veró duas tanquam supervacuas & in pri-  
 ma comprehensas expungito. Concludis, quadruplici  
 » illa mea testimoniorum distributione, logicæ disciplinæ  
 » leges negligi: immó & methodi inversionem isthuc ac-  
 » cessisse. Non satis consideratē hīc locutus es: sic enim  
 methodū cum logicæ disciplinæ legibus copulas, quasi  
 ipsa in illarum numero non comprehendatur. Sed rem  
 videamus. Ais sine exceptione, leges disciplinæ logicæ  
 distributione illa negligi. quæ autem leges? utiq; leges  
 dividendi. at quæ sunt illæ leges? Equidem duas gene-  
 rales dividēdi leges á communi nostro præceptore tra-  
 ditas memini: alteram, ut partes cum toto consentiant:  
 alteram, ut partes inter se dissentiant. Peto jam á te, ut  
 duas has leges in quadruplici ista divisione neglectas es-  
 se ostendas. Equidem neutram in ulla earum violatam  
 video. Aut intelligisne leges illas de artis materia? In qua  
 igitur illarum divisionum, violata est lex κατὰ πάντος?  
 An non *omne* testimonium, aut divinum aut humanum  
 est? an non *omne* testimonium, aut verbis constat aut  
 factis? an non *omne* testimoniū, aut promissio aut con-  
 fessio est? nonne denique *omne* testimonium, aut iusju-  
 randum adjunctum habet, aut illius expers est? Non est  
 igitur

igitur violata lex κατὰ παντός. Sed forté violata est lex καθ' αὐτό, quid igitur? num rei causa efficiens, num forma, num objecta, num denique adjuncta, á natura rei aliena sunt, & illi heterogenea? Immo hæc omnia in argumentis consentaneis á præceptore nostro numerantur. Et veré. Quare nec lex καθ' αὐτό contempta est. Restat lex tertia, καθόλου πρῶτον: num hanc violatam esse fatebimur? Sané veró: sed non in omnibus: immó in una tantúm. Non enim in divisione ab objectis: nam certé quicquid aut confessio est aut promissio, id etiam testimonium est. Non etiam in divisione ab adjuncto: nam quicquid aut jurejurando caret (privatio enim híc, non simplex negatio intelligenda est) id utique testimonium est: est enim aut confessio aut promissio. Etenim jurisjurandi nullus alius est usus quám ut eo vel promissio vel confessio aliqua, ac proinde aliquod testimonium, confirmetur. Nusquam ergo jusjurandum extra testimonium reperitur. Jam veró divisio á forma, num & ipsa reciproca videtur? Mihi quidem videtur, nam ut omne testimonium aut verbis continetur aut factis: ita quicquid vel Deus divinique spiritus, vel homines faciunt, aut loquuntur, id testimonii alicujus, nempe vel confessionis vel promissionis (sub qua cōminationem comprehendo) continere vim videtur. Restat divisio á causa efficiente: num & hæc reciproca est? Haud videtur, nam omne quidem testimonium, aut divinum aut humanum est: at non quicquid vel divinum vel humanum est, continuó testimonium est. nam hæc divisio in alia quoque argumenta cadit. verbi gratiá, est causa efficiens divina, quæ vulgó dicitur prima: & est etiam humana, item naturalis: quæ dicuntur causæ secundæ. Sic est effectum divinum, ut creatio mundi, redemptio electorum, sanctificatio eorundem: est etiam effectum humanum, ut sunt omnia opera artificum: ut ædificia, arma, vestes, &c. Ex his perspicitur, tantum abesse ut tres meæ divisiones, tanquam supervacaneæ & illegitimæ expungi; unica autem Rami, tanquam sola

legitima, cæterasque omnes comprehendens, retineri debeat: ut potius contrâ divisiones meæ tanquam per omnia legitime, divisioni Rameæ vel potius Ciceronianæ, tanquam in legem καθόλου πᾶσι πεccanti, meritò sint præferendæ. Porro quod de methodi inversione admones, grato animo accipio: idque deinceps emendabo.

25. Jam verò expedita quæstione divisionis: restat ut etiã dicamus de vi probationis. De testimonio, Ramus absq;  
 » ulla exceptione pronunciat: quum exquisita rerum veritas subtiliùs exquiritur, illud per exiguam vim probationis habere. Hoc pronunciatum ego reprehendi falsitatis: quia testimonium verè divinum vim probationis habeat maximam. Quid tu contrâ? quomodo veritatem pronunciari Ramèi tuèris? Concedis mihi entymematis mei antecedens: quo concesso, quomodo consequens (id est veritatem reprehensionis meæ) negare  
 » possis, equidem non video. Sed quæris: Quænam ratio  
 » sit, unde divinum testimonium tantam ad probandum vim habeat. Quasi verò si aliqua ratio tantæ auctoritatis indicari possit: idcirco auctoritas ipsa ac vis probationis illa, nulla sit: ac non potius cōtrâ, cujus rei vera ratio afferri potest, eam ipsam quoque esse oporteat. Quare hæc de ratione auctoritatis atque ponderis in testimonio divino quæstio, merù effugiù est: ad pronunciatù quidem Ramèum à mea reprehensione vindicandù inefficax: ad veritatem autem animadversionis meæ stabiliendum efficacissimum.

Hactenus respondi ad ea quæ tibi in animadversionibus meis in librum primum non satisfaciunt: sequitur nunc ut quænam in animadversionibus libri secundidi desideres, videamus. Utrùm axioma, affirmatum an  
 » affirmans dici debeat, levem esse controversiam dicis:  
 » nec rationem quam exposui, cur affirmans appellare malim, refutas. Itaque nullam mihi occasionem plura dicendi præbes.

26. Ais, majorem esse controversiam de veri axiomatis defini-

definitione. Videam<sup>9</sup> igitur quāto tu illā studio disceptes. De veritate (inquis) definitionis Rameæ cōfiteris: sed tuā “ accuratiorē esse judicas. tum addis, Mihi tua nō satis vi- “ detur instructa commodē. Quī sic inquam. Quia in hoc “ enunciato, (inquis) *Quamquā Pīso est doctus, tamen im- “ probus est*, dissentanea affirmando componuntur: attā- “ men verū axioma est. At, inquā, hęc tua *ἐνταυτίς* cōmittit “ fallaciam *διαπείσις*. Non. n. verum enunciātū hāc sola differentia compositionis consentaneorum, itemq; dis- jūctionis dissentaneorū definivi: sed adjunxi differentiā alteram, videlicet compositionis consequentiū & disjū- ctionis inconsequentium. Quam quidem differentiam propter enūciata cōposita addendā judicavi: quippe quī cōpositi enūciati partes, sint enunciata simplicia, in qui- bus inter se cōparatis consequentia & inconsequentia spectatur: sicut in partibus enunciati simplicis quæ sunt notiones simplices seu *νοήματα* incomplexa, quum in- ter se comparantur, consensio dissensioque considera- tur. Dices fortasse, quod de consequentia & inconse- quentia compositorum enunciatorum affirmo, id non esse *κατὰ πείσιν*: quum videatur proprium esse enuncia- ti connexi: ut, *Si jam dies est, utiq; jam non est nox*. At, inquam, in disjuncti quoque enunciati partibus conse- quentia vel inconsequentia est: id quod inde perspicitur, q̃ enūciata disjūcta in cōnexa possunt transmutari: cuj<sup>9</sup> trāsmutationis causā exposui cap. 16. in doctrina de syllogismo disjūcto. Sed quid videtur de enūciato co- pulato? num & illius partes consequentiam aut incon- sequentiam habent? Sanē, si quodvis enunciatum sim- plex ex quovis enunciato simplici aut sequitur aut non sequitur: dubium esse non potest, quin copulati e- nunciati partes, alia ex alia vel sequatur vel non sequa- tur. Quæ quidem ratio quū omnium composito- rum enunciatorum communis sit: de singulis seorsim dicere nihil attinebat. Veruntamen ut inductionem in stitutam absolvamus, dicamus etiam de enunciato discreto: hoc enim ē compositis enunciatis solum restat,



Discretum igitur enunciatum videtur æquipollere copulato, quantum quidem ad partium ipsius, id est, simplicium enunciatorum in eo contentorum affirmationē negationēve attinet. verbi causa, *Quaquam Piso est doctus, tamen improbus est*: æquipollet huic, *Piso & doctus est, & improbus*. Quum igitur partium enunciati discreti eadem sit ratio, quæ est partium enunciati copulati: hæc autem inter sese cōsequentiam vel inconsequentiam habeant: ut paulo antè demonstravi: de consequentia & inconsequentia enunciati discreti dubitari amplius non potest. Hisce ita ad refellendum tuā ἐνστασιν expositis, videamus nunc quam vim habeant ad definitionem nostram à quavis merita reprehensione vindicandam. Et si enim tibi meritò allata expositione satisfactum esse debeat: tamen quoniam fieri potest ut definitio mea justioribus reprehensionibus obnoxia sit: age ad laudem veritatis, quàm poterimus acerrimè ipsimet in nostra inquiramus, eaq; si falsa sint, repudiemus: sin vera, cōlibentioribus animis amplectamur. δὲ γὰρ (ut graviter Philosophus pronunciat) ἐπὶ σωτηρίᾳ καὶ τῆς ἀληθείας, καὶ τὰ ἴδια ἀναρεῖν, μάλλον δὲ καὶ φιλοσόφους ὄντας. Age igitur, definitiones nostræ in conspectum proferantur: & an lucem ferre possint, dispiciatur.

1. *Ethic. 6.*

Verum enūciatum est, in quo consentanea cōsequentia ve componuntur, aut dissentanea vel incōsequentia disjunguntur: Falsum cōtrā, in quo dissentanea vel inconsequentia cōponuntur, aut consentanea vel consequentia disjunguntur.

Definitioni veri enunciati tu opposuisti exemplū hoc, *Quaquam Piso doctus est, tamen est improbus*. hoc enunciatum, verum est; (inquis) & tamen in eo dissentanea componuntur. Sit ita. Sed quid, si in eo componeretur cōsequētia? nōne adhuc staret mea definitio? Quod si autem nec consequentia in eo componatur: tum certè definitionum mearum veritas ex parte labetur, nondum tamen tota corruet. Quid igitur? Hæc duo enunciata (*Piso est doctus, Pise est improbus*) suntne consequentia,

quētia, an inconsequentia? Si consequentia sunt, necessē est ut alterum ex altero sequatur: idque vel utrumvis, vel alterum tantū. At neutrum ex altero sequitur. Non igitur sunt consequētia. At componi possunt in enunciato vero: ut exemplum abs te allatum demonstrat. Ergo verum enunciatum non verē à me definitum fuit esse id in quo consentanea consequentiave componuntur, aut dissentanea vel inconsequentia disjunguntur. Etenim nihil horum fit in enunciato illo discreto de Pisone: & tamen illud vivente Pisone verum erat, aut certē verū esse poterat. Habes igitur, Tempelle, quod est accusatori maximē optandum, consistentem reum: sed tamē hoc ita consistentem, ut si velit, propositum suum obtinere per te quidem possit. Posteaquam enim verē dixisses, in isto enunciato (*Quanquam Piso est doctus, tamen improbus est*) dissentanea affirmandō componi: tum tibi ipse objicis, At fortasse dices, ratione vinculi disjungi ista dissentanea. & subjicis: Sit ita. At non vides Tempelle, te nimis inconsideratē id mihi ultrō largiri quod ego nunquam petere ausus fuissē: quippe quod sit *μῆλα λίαν αἴτιμα*: non secus ac si peterem, mihi credi, si dicere, *Sol non lucet in meridie*. Quod enim quæso vinculum est in isto enunciato? nonne duæ illæ conjunctiones discretivæ, *Quanquam* & *Tamen*? at num duo illa dissentanea, *Doctus* & *Improbus*, in proposito enunciato ratione istius vinculi disjūguntur? Minimē verō: quippe quā istud vinculum careat adverbio negandi præposito. Veruntamen tu concedis, in proposito enunciato dissentanea disjungi: quo concesso definitio mea non concutitur, sed stabilitur. Sed addis: Dicamus igitur hoc modo, Non quanquam Piso est doctus, tamen est improbus. & subjungis: Vides jam, dissentanea utroque modo disjungi: falsum tamen enūciatum est: at ex tua definitione verum esse debuit. Hic demum video, præcedentem meā verborum tuorum reprehensionem non ad mentis tuæ sententiam, sed ad τὸ τῷ λόγῳ φαινόμενον pertinere. Etenim tua verba ita comparata sunt, ut non nisi ad præce-

- dens enunciatum, de quo est quaestio, referri possint: al-  
 27 enim, Ratione vinculi dissentanea ISTA disjungi. at que-  
 nam ISTA? nempe quæ in illo enūciato de Pifone fuerūt  
 proposita. Et ais, DISJUNGI: tanquam de re quæ jam  
 ante oculos conspiciatur. At ex iis verbis quæ modō re-  
 citavi, cōjicio: te dicere voluisse, nō DISJUNGERE sed DIS-  
 JUNGI POSSE. Afferens enim deinceps exemplum ubi  
 dissentanea ista disjunguntur. Sed tamen, quid est quod  
 ais, *Ratione vinculi*: num igitur & alia in enunciatis vel  
 disjungendi vel conjungendi ratio aut modus est, quā  
 ipsum vinculum? te quidem alium quoq; modū fingere,  
 verba tua manifeste innuunt. ais enim, in hoc enūciato  
 (Non quanquam Pifo est doctus, tamen improbus est)  
 dissentanea utroq; modo disjungi. quibus nam illis? Mi-  
 hi quidem non nisi unicus ille vinculi modus cognitus  
 est: tu, si & alterum quendam nosti, velim ut eum mihi  
 communices. Hic obiter & illud admonere libet: non  
 videri mihi in discretis enunciatis negantibus adverbium  
 negandi præponendū esse conjunctioni illi quæ attrahit  
 (ἐπιδιχα enim μόρια Græci Grammatici vocant) sed  
 illi quæ attrahitur: id est, non conjunctioni *Quanquam*,  
 vel simili: sed conjūctioni *Tamen*. Nam prior illa loquē-  
 di ratio, obscura videtur & inepta & inusitata: posterior  
 autem, concinna & perspicua & usitatissima. ne dicā de  
 conjunctionis *Tamen* principatu: de quo præceptor (ut  
 meministi) admonet. Sed definitionis meæ falsitate de-  
 monstrata, expectas fortasse, ut pro illa veriores inve-  
 niam ac reponā. Equidem illud per otium conabor: in-  
 terea autem temporis, in definitione Ramea acquiescā.  
 27. Sic igitur definitione enunciati veri discussa, proxi-  
 mum est ut transeamus ad ipsius distributionem. Distri-  
 butionem igitur veri axiomatis in contingens & neces-  
 sarium, non immeritō a me reprehendi fateris: quū non  
 27 sit καὶ ὁλα πρῶτον: sed quomodo adhibita correctione  
 27 subtilius limanda sit, interrogas: & ad opus me cohorta-  
 ris. At res, inquam, a me jam peracta est: inspicere. n. (si pla-  
 cet) animadversiones meas. *Quanquam* quid vetat,  
 etiam

etiam hic nonnihil ea de re dici, præsertim quum juxta Platonē *δὲ καὶ τῆς λεκτέον τό τε καλῶς ἔχον*. Judico igitur, enunciatum dividendum esse sex modis: quos oculis subicere libet:

- |                                 |                                    |
|---------------------------------|------------------------------------|
| 1 { Affirmatum,<br>Negatum.     | 4 { Homogeneum,<br>Heterogeneum.   |
| 2 { Verum,<br>Falsum.           | 5 { Reciprocum,<br>Non-reciprocum. |
| 3 { Contingens,<br>Necessarium. | 6 { Simplex,<br>Compositum.        |

Hæ divisiones omnes observant legē *κατὰ παντός*, & legem *καθ' αὐτό*: sed duæ tantum primæ observant etiā legem *καθόλου πρῶτον*, reliquarum verò nulla. Cujus diversitatis causa hæc est, quod prima divisio à forma, secunda verò à propriis adjunctis sumta est: at reliquæ omnes ab adjunctis communibus. Ac ne mirum tibi videatur, quod dico, primam divisionem sumtam esse à forma: eo quod Ramo postrema divisio à forma sumta videatur, priores verò omnes ab adjunctis: (id quod intelligi potest ex principio capituli quarti, ubi de axiomate simplici præcepturus, hujusmodi transitionem facit: Atque hæc de communibus axiomatis affectionibus: species sequuntur. tum divisionem istam subjungit: « Axioma (inquit) est simplex aut compositum) age cur nobis secus videatur, demonstramus. Affirmatio & negatio dāt enunciato suum esse: seu (ut Ramus loquitur) per affirmationem & negationem enunciatum est id quod est, & à cæteris omnibus rebus distinguitur. quippe quicumque aliquid enunciat: is quatenus enunciat, aut affirmat aut negat. Quare affirmatio & negatio, enunciati forma est. Secunda divisio (ut dixi) sumta est à proprio adjuncto. Etenim veritas & falsitas, propriæ enunciati qualitates sunt: quæ ex ipsius forma emergunt,

adeoque ipsius essentiam sequuntur: (non minus quam ridendi facultas vim ratiocinandi sequitur in homine) nec ulli præterea rei competunt. Jam cæteras divisiones omnes, ab adjunctis communibus sumtas esse, age de singulis demonstremus. Tertiæ igitur divisionis differentias, contingentiam scilicet & necessitatem, qualitates communes esse censeo enunciatorum & rerum tum naturalium, tum humanarum, tum verò earum alterâ etiam divinarum. In rebus naturalibus contingere dicitur quod ita evenit, ut etiam si secus evenisset, nihil tamē propterea contra naturam accidisset: ut si (verbi causa) quum heri vesperi cælum rubuerit, hodie manē serenū sit. Necessariō autem fieri in rebus naturalibus dicitur, quod per naturam fieri aliter non potest: quodque si aliter eveniat, contra naturam evenit: ut quum ignis non urebat juvenes illos Israëlitæ in fornace ardētissima regis Babylonii. Jā in reb<sup>9</sup> humanis cōtingere dicuntur quæ ita ab homine fiunt, ut etiam si secus fierent, nihil tamen contra naturam humanæ voluntatis (qua nihil mutabilius est) fieret. Necessariō autem fieri in rebus humanis dicuntur, quæ fiunt ab homine ex vi decreti divini. quo modo Judas Iscariotes necessariō prodidit dominum, ut satisficeret scilicet decreto Dei de redimendis per filii sui mortem electis: quæ tamen Judæ actio, sua natura fuit contingens. Etsi enim Christum non prodidisset Judas, nihil tamen contra naturam voluntatis humanæ qua Judas erat præditus, actum vel potiùs omissum fuisset. Porro in rebus divinis contingentia locum nullum habet: sed sola ibi necessitas est. Deus enim quicquid est, necessariō est: & quicquid agit facitve, necessariō agit & facit: veruntamen voluntate liberrima. Necessitas enim quæ in Deo est, libertatem voluntatis non tollit: & est summa Dei perfectio: qua fit ut Deus non possit non esse bonus: & ut quicquid agit aut facit, non possit non bene agere aut facere. Ex his quæ exposui, intelligitur: cōtingentiam & necessitatem proprias enunciatorum differentias non esse. Sequitur divisio quarta, qua enunciatum

enunciatum dividitur in homogeneous & heterogeneous: differentis non sané propriis enunciati, sed aliarum rerum communibus. Etenim *ὁμογενὴς* sive *συγγενὴς*, & *ἑτερογενὴς*, in rebus fuit antequā homo esset á Deo conditus, ac proinde antequam quicquam de rebus enunciare posset. Verbi causa, herbæ, & arbores, & stellæ, & aves, & pisces, & quadrupedes: singula inquam hæc cū inter se homogenea, tum alia aliis heterogenea fuerūt: antequam primi nostri parentes fuissent á Deo conditi. Jam nec quinta divisio differentias proprias habet. nam reciprocatio ejusque contrarium, non enunciatorum propriæ affectiones sunt: sed communes etiam notionibus simplicibus: ut relatis, ut definitioni, ut distributioni, ut proprio adjuncto, ut denique proprio cuiusvis. Restat postrema divisio, in simplex & compositum. At hæ differentiæ, extra enunciatum latissimé sese proferunt. Quippe non solum in Logica inventione argumentum in simplex & comparatum, ac postea in doctrina dispositionis seu iudicii, syllogismus in simplicem & compositum dividitur: verum etiam in Phisicis, corpus naturale in simplex & compositum distinguitur: denique differentiæ istæ in pluribus rebus locum habent. Elaboravi quātum in hoc tempore potui, optime Teinpelle: ut non solum distributionem axiomatis veri, quæ est á Ramo tradita, sed etiam ceteras enunciati divisiones, & adhibita correctione limarem, & addita explicatione illustrarem. Et sané distributionem illam axiomatis veri subtiliús limavi quā erat: nondum tamen quantum satis est. nam etiam sic limata, adhuc peccat in legem *καθόλου πρῶτον*. Quid ergo restat, quā ut diligenter quantum cuique otii dabitur, distributionum istarum emendationes meditemur?

Porro vindicationem sententiæ Talæi de enunciati discreti contradictione, metuo ne frustrā contra meam reprehensionem susceperis. Quum discretum negatum (inquis) affirmato connexo contradicit: illius antecedens non alio modo conceditur & ponitur, quā

antecedens connexi: Hic tu primùm pro confesso assumis id quod in controversia est positum: nempe, discretum negatum affirmato connexo aliquando contradicere. at quæstio est, an contradicere possit, ac proinde an unquam contradicat. Talaus affirmat: Piscator negat. & suæ negationis rationem hanc affert, quia diversa sit ratio antecedentis. nam in connexo antecedens non verè affirmatur, sed tantùm affirmatio ejus fingitur: at in discreto antecedens, tanquam verè affirmatum, conceditur. Quod discrimen à te negari miror: quum ex communi rectè loquentium sensu atque intelligentia desumptum sit. nam si quis ita loquatur, *Si iste abest à culpa, caret etiam suspitione*: is hoc sermone non fatetur tacite, ac (ut vulgò loquuntur) præsupponit, istum de quo sermo est, à culpa abesse: sed tantùm docere vult, quid inde sequatur, si iste à culpa abesse concedatur. At verò qui sic loquitur, *Quamquam iste abest à culpa, non tamen caret suspitione*: is utique in antecedente fateatur & concedit, istum à culpa abesse: sed opponit negationem rei diversæ: illum scilicet non carere suspitione.

29. Non majori successu vindicationem sententiæ Rammi de significatione enunciati disjuncti, suscepisti. Ait Ramus, enunciato disjuncto significari, è disjunctis unicum verum esse. Ego contra disputo, hoc non esse *κατὰ πᾶν*: quia falsum sit de enunciato disjuncto in quo divisio enunciatur de ipso genere diviso: id quod manifesto exemplo demonstravi. Quid tu? quod tandem in tam clara luce effugium quaeris? Pro-
- » posito illo exemplo, *Omne animal vel rationale est*
  - » *vel irrationale*: subjungis, & in hoc disjuncto signifi-
  - » cari, unicum è disjunctis verum esse. Nam si illud dis-
  - » junctionis membrum (inquis) de animali quovis ve-
  - » rum fuerit, hoc certè de eodem falsum erit: quum utrū-
  - » que nulli animali conveniat. Sed quid hoc, inquam, ad
  - » rem? Quasi verò nunc quæstio sit, an si alterum è dis-
- junctis



2-7  
 junctis verum fuerit, tum alterum necessario sit falsum: ac non potius hoc quærat, an semper disjuncto significetur, è disjunctis unicum verum esse. Id autem non semper significari, satis perspicue (ut opinor) in animadversionibus demonstravi.

Sed sententiam Rami de significatione disjuncti 30.  
 contra alteram quoque reprehensionis in eam partem tueri conaris: & ais, me non solum falli, quum axioma istud falsum esse dicam in eo disjuncto, in quo de ipso genere enunciatur divisio: sed etiam non minus errare, quum verum esse contendam in eo tantum disjuncto in quo divisio enunciatur de specie generis divisi. Cur verò? inquam. Equidem (inquis) in omni è disjunctis divisione parem veritatem obtinet: sive sit divisio generis in species, sive subjecti in adjuncta, aut adjuncti in subjecta: præsertim quum Ramus non disserat, unicum è disjunctis semper esse re ipsa verum, alterum falsum: sed id ab enunciante significari & intelligi, è disjunctis propositis unicum esse verum. At (inquam) hoc effugium nullam ad elabendum vim habet. Nemo enim sana mente præditus, quum divisionem de genere diviso enunciat, vel ipse intelligit vel aliis significare vult: unicum è disjunctis verum esse: sed nihil aliud agit, quam ut species ejus generis de quo loquitur, enumeret. Nam hoc genus disjuncti enunciati præcipue adhibetur ad declarationem ejus quæstionis qua quæritur, quot partes speciesve res proposita habeat. ut quum quæritur, Animalis quot species sunt? Duæ: nam animal vel rationale est, ut homo: vel irrationale; ut bestia. Alterum verò disjuncti annuntiati genus, quo scilicet divisio enunciatur de specie generis divisi, non solet adhiberi ad declarationem quæstionis simplicis, ut prius: sed ad demonstrationem conjunctæ: ut, Rabirius aut cum Saturnino fuit, aut cum consulibus, aut latuit. quod enunciatum orator adhibet ad demonstrandum, Rabirium cum consulibus fuisse.



Petes fortasse á me, ut demonstrem, hoc enunciato enunciari divisionē de specie generis divisi. Id veró haud invitus faciam. Divisio ista trimembris quæ de Rabirio á Cicerone enunciat, divisio tunc erat civium Romanorum, quum seditionem moliretur. Saturninus. Tunc enim cives Romani in tres quasi species ex diversitate locorum distincti erant: alii enim cum Saturnino erant, alii cum consulibus, qui contra Saturninum arma ceperant: alii denique domi latebant. Quód si quis jam dicat, Omnes cives Romani eo tempore aut cum Saturnino fuerunt, aut cum consulibus, aut latuerunt: num is vel ipse intelligit, vel aliis significare vult, é tribus istis disjunctis unicum verum esse? Minimé veró, quia nihil aliud docere vult, quám in quot partes tūc scissi fuerint cives Romani. Ex qua commentatione & illud liquere potest, quám sit utilis illa inter duplicem argumenti usum distinctio: *declarationem* inquam & *demonstrationem*. Quæres fortasse, an igitur enunciati disjuncti quo de genere diviso enunciatur divisio, nullus usus sit ad demonstrandum? Est quidem: sed tantúm in syllogismo simplici: ut,

*Omne animal, aut homo est aut bestia:*

*At Socrates est animal. vel,*

*At arbor, nec homo est nec bestia.*

Enunciati veró disjuncti quo divisio enunciatur de generis divisi specie, usus totus syllogisticus est: nec nisi in syllogismo composito locum habet, ut,

*Rabirius aut fuit cum Saturnino, aut cum bonis, aut latuit:*

*At neque cum Saturnino fuit, nec latuit:*

*Fuit igitur cum bonis.*

Sed antequam ad sequentia pergamus, parumper quædam tua verba castiganda sunt: ubi scilicet ais, *Si ve sit divisio generis in species, si ve subjecti in adjuncta, aut adjuncti in subjecta*. Non híc reprehendam τὸ ἀνακόλouthon seu ἀκατάλληλον conjunctionis ΑΥΤΡΟ ΣΙΝΕ, in membro divisionis tertio: levis enim hæc ἀνωμαλία videri

deri possit: Sed quid sibi volunt illa verba, quum subiectum in adjuncta, itemque adjunctum in subiecta, dividi dicis. Nunquam enim subiectum in adjuncta, sed in species secundum adjuncta seu per adjuncta: nunquam item adjunctum in subiecta, sed in species secundum seu per subiecta dividitur. Verbi causa, quum dicitur, *Hominum alii sunt sani, alii ægri*: hinc subiectū homo, dividitur non in adjuncta, sanitatem & ægritudinem: sed in species, videlicet duo genera hominum, secundum duo illa adjūcta. Sic quum dividitur febris in ephemeram & putridam & hecticam, dividitur in tres species secundū subiecta, videlicet partes cordis in quibus singula illa febrium genera inhaerent: non autem in illa ipsa subiecta.

Superfunt animadversiones duæ quæ tibi immerite 31.  
& falsæ videntur: de duabus scilicet divisionibus syllogismi simplicis: altera in affirmatum & negatum; altera in generalem, specialem & proprium. Priorem negavi esse καθόλου πρῶτον, seu reciprocam: quia communis sit etiam syllogismo composito. Tu primū quidem accuratissimè acutissimeque contrā disputas: sed tandem nimio quodam studio obtinendi propositi, ad eam sententiā delāberis: qua concessa, totum illud acumen totaque illa ἀκρίβεια demonstrationis, pēnitus evanescit, meamque animadversionem nihil lædit. ais enim sub finē disceptationis hujus: Quid est cur syllogismus nomen α negati, potiūs ab aliqua antecedentis parte, quā a cō- α  
clusionē acciperet? videtur ergo tibi, nullā justam causā α  
sam firmāve rationem afferri posse, cur syllogismus denominandus sit affirmatus aut negatus, potiūs ab antecedente quā a conclusionē. Vis igitur denominationes has sumendas esse a conclusionē. Bene est: consentiunt judicia ac voluntates nostræ. Et hoc ipso iudicio mea nititur reprehensio. Quod si ergo a cōclusionē syllogismus, vel affirmatus vel negatus nominādus est: affirmatus utiq; cuius conclusio fuerit affirmata: negatus, cuius negata: quid est cur syllogismus compositus non

debeat æquæ ac simplex, vel affirmatus vel negatus nominari? nonne enim omnis enunciatio, ac proinde omnis cujuscunq; syllogismi conclusio, vel affirmata vel negata est? Interim utcunque mea animadversio per se spectata, vera est vel teipso consistente: tamen si cum sententia Rami conferatur, alienam esse, nihilque eam lædere, fateor. Ramus enim appellationes syllogismi affirmati & negati, non é conclusione, sed é syllogismi antecedente petivit: ut ex ipsius definitionibus liquet. Sed acuta illa tua ex multiplici distributione demonstratio, præterquam quód principale propositum non obtinet, sententiam etiam quandam genuit, quæ temere tanquam absurdum innuit quod tamen revera absurdum non est. Etenim de definitione compositi negati disputans, inter alia hanc sententiam profers:

» Si syllogismus negatus definiendus est ex negatione  
 » conclusionis, non cadit (inquis) in primum disjun-  
 » ctum: id quod tu scilicet tanquam absurdum inferis.


At (inquam) hoc absurdum non est. nam ut syllogismus compositus negatus is dicatur, qui conclusionem habet negatam: non est necesse ut propterea quivis syllogismus disjunctus, negatus sit. sicut non est necesse ut ullus syllogismus secundæ figuræ sit affirmatus: si syllogismus affirmatus definiatur ex conclusione affirmata. Ita vides mi Tempelle, te hîc angustis illis tuis interrogatiûculis (qualibus Stoicos usos fuisse testatur Cicero) non tam me pupugisse, quàm te ipsum penitus confodisse.

32. Transeamus nunc ad quæstionem postremam, an syllogismus simplex recté divisus sit in generalem, specialem & propriû. Partitionē hanc reprehendi, eó quód duo posteriora membra consentanea mihi viderentur. Tu consentanea non esse, é definitione syllogismi specialis demonstras: ut quæ proprio syllogismo attribui nō potest. Qua quidem ratione sensum Rami á mea reprehensione fortiter vindicas: at interim tamen nō evincis, Ramû appellationes istas recté ad eum modû usurpasse.

Etenim

Etenim ut enunciatum proprium species enunciati specialis ab eo efficitur: ita etiam syllogismus proprius, species syllogismi specialis effici debuit. unde enim has appellationes syllogismi, nisi ab enunciatis est quibus constat, imposuit? Sicut ergo enunciatum dividerat in generale & speciale: deinde speciale in particulare & proprium: similiter postea dividere syllogismum debuit. Quare non est ut dicas, me vocabuli similitudine falsum ac in errorem inductum fuisse: sed potius Ratum inconstantiae in loquendo arguas: ut qui vocabulum illud (S P E C I A L E) nunc generaliter usurparet, sub illo Particulare & Proprium, tanquam duas species cōplectens: nunc verò specialiter ad solū Particulare significandum. Mihi quidem paulò accuratius rē contemplantī, vocabulū illud S P E C I A L E, in divisione enūciati, nec pro genere Particularis & proprii: nec p̄pariūpollēte seu synonymo Particularis rectē accipi videtur: sed potius pro synonymo Proprii. Quod ut planē possit p̄spici, age paulò altius rē totā repetam, & hac veluti coronide disputationē hāc nostrā cōcludamus. Enunciatū simplex ē quātitate antecedētis (quod subjectū vulgo nominant) dividendū videtur in universale & singulare. nā antecedēs illud, aut cōmune est aut p̄priū, seu (ut Logicē loquamur) aut generale aut speciale. Jā quādo antecedēs enūciati simplicis, cōmune est: tū cōsequēs seu (ut vulgo appellant) prädicatū de eo potest dici bifariā. Aut enim dicitur de ipso toto, hoc est de omnib⁹ & singulis speciebus sub eo comprehēsis: idque vel adjecto signo quātitatis, ut, *Omnis homo est animal*: vel omisso, ut, *Homo est animal*. Aut dicitur antecedens enunciati istiusmodi, de subjecto communi non toto, sed tantūm ex parte: idque semper adjecto signo quātitatis: ut, *Quidam homo fuit reliquorum omnium pater*, *Quidam homines sunt à Deo el. Et ad vitam aeternam*. Hoc genus enūciati videtur nominandū *infinitum*; quia signū quātitatis particulare, et si genus ad speciē speciēsve aliquot restringit: tamen speciē speciēsve illas nō definit, nec discretō indicat. Sic certē Grāmatici Græci φ̄νomen τῆς, τῇ

id est, aliquis, aliqua, aliquid) quum non accipitur interrogativè, infinitum vocât. Aristotelici hoc genus enunciati vocant propositionem particularem, haud incommodè: quia consequens ipsius de antecedentis tantum parte enunciatur. Alterum verò illud, propositionem universalem nominant: quia consequens de antecedente universo dicitur. P. Ramus appellavit generale: & particulare complexus est sub speciali: non rectè. Nam quod particulare est, id etiam generale est, non minùs quàm id quod est universale: quippe quia æquè atque illud, ex antecedente generali constat: ut ex positis & declaratis exemplis intelligi potest. Itaque quod Ramus appellat enunciaturum generale, id potiùs universale vocandum est: & nomine enunciati specialis intelligendum solummodo enūciaturum proprium: quod quidem potiùs cum vulgo appellandum videtur singulare. Quo modo ipse quoque Ramus in doctrina de methodo, universalis & singularis (nempe enunciata) inter sese opposuit. Quæ omnia ut meliùs pervideri possint, age veluti in tabella in conspectum proponantur.



Sed fortasse divisio mea enunciati universalis non videbitur tibi κατὰ παντός: eò quod recepta in scholis opinio est, propositiones (uti loquuntur) indefinitas seu indeterminatas, interdum quidem æquipollere universali-

salibus, in materia scilicet necessaria: interdū veró particularibus, ut in materia contingente. Quæ opinio si verà sit: tum etiam particulare enunciatum, aut determinatum fuerit aut indeterminatum. At ista, inquam, opinio falsa est. nam enunciatum ἀδῖσσις, id est, signo quantitatis non determinatum seu definitum, semper universali æquipollet. Et si enim non semper universaliter vera sunt quæ indefinitè enunciantur: tamen eo sensu enunciantur, ac si universaliter vera essent: id quod probatorum authorum exempla comprobabunt. ut illud Virgilii Æneid. 10. *Audentes fortuna juvat.* et si universaliter intellectum, falsum est: tamen tanquam universaliter verum, à Turno pronunciatur. Hortatur enim horum verborum argumento Turnus socios Rutulos ad fortiter adventantibus Trojanis resistendum: pronuncians, eos beneficio fortunæ victores fore, si fortiter restiterint. Sic igitur argumentabatur Turnus:

*Si audentes fortuna juvat, audendum est.*

*Sed audentes fortuna juvat:*

*Ergo audendum est.*

Hic si enunciatum illud quo argumentum continetur, particulariter intelligas: tum Turnus nihil concluderit. quis enim ad audendum moveatur hoc syllogismo?

*Si aliquos audentes fortuna juvat (vel, Si aliquando fortuna audentes juvat) jam igitur vobis audendum est.*

*Sed aliquos (vel aliquando) audentes fortuna juvat:*

*Ergo vobis jam audendum est.*

Habes jam (doctissime Tempelle) responsionem ad rationes tuas quas in tua ad me epistola exposuisti, cur quibusdam animadversionibus meis non valde assentiri possis. In qua responsione si quid me attulisse intellexero, quod non tam tibi (qui mea institutione minimè eges) quàm iis qui harum rerum nondum satis periti sunt; prodesse nonnihil possit: equidem & illis gratula-

bor, quód suæ lectionis, & mihi gaudebo, quód meæ  
 scriptionis fructum aliquem ceperim.

Porro quicquid hîc scripsi, á te (optime Tempelle) pro  
 tuo candore in optimam partem acceptum iri confido:  
 equidem testor, ea ab homine tui amantissimo, qui te tû  
 propter eruditionem, tum propter eloquentiam, tum  
 verò etiam propter varias magnasque virtutes admire-  
 tur & magnificiat, profecta esse. Quod superest, Deû  
 patrem luminum oro, ut præclarissimis tuis studiis suc-  
 cessum largiatur: & lucem Logicæ veritatis, dispulsis so-  
 phisticarum argutiarum tenebris, in florentissimi An-  
 glia regni academiis quotidie magis ac magis, tua tuiq;  
 similibus, hoc est veritatis studiosorum, opera accendat:  
 ad gloriam nominis sui, & regni Christi amplifi-

cationem. Amen. Vale. Scripsi

Mœrsæ. 6. Octobr.

I 5 8 I.

FINIS.



INDEX

## INDEX RERVM

## PRÆCIPVARVM

- A** Djunctum nō in sub-      stinctæ      54  
   jecta, sed in species      Argumēta sint ne dialecti-  
   secūdum subiecta      cæ materia      6, 30  
   dividitur      77 Argumentorum cum quæ-  
 Adjuncto & subiecto an par      stione dispositio sit ne  
   in argumētando vis in-      forma dialecticæ      ibid.  
   sit      10, 45 Ars an habitus dici possit 25  
 Affirmatio & negatio, enū-      Ars & artis præcepta diver-  
   ciati forma est      71      sa.      26  
 Ambigua distinguēdi præ-      Ars quatenus opus artifi-  
   ceptum, dialecticum ef-      ciosum      24  
   se      62 Artis definitio Ramea an  
 Arguere apud Virg. quid      Aristotelea melior 21  
   34      Artis etymon      ibid.  
 Argumentum unum & i-      Artis natura quibus con-  
   dem, duplex nomen ad-      stet      5  
   mittit      39 Artis vocabulum dupliciter  
 Argumēti definitio Ramea      sumitur      23  
   vindicitur      7 Artifex quis      21  
 Argumenti divisio qua ra-      Avaritia liberalitati adver-  
   tione reprehensa      40      satur      47  
 Argumenti in arguens &      Avaritia non est illiberali-  
   argutum divisio irride-      tatis species      48  
   tur      32 Axiomatis veri definitio  
 Argumēti usum duplicem      Ramea ne sit accuratior  
   Ramo non incognitum      an Piscatoris      16, 67  
   fuisse 7, sed distincté nec      B.  
   explicatum, nec obser-      Bene vocabulum in dialc-  
   vatum ab eo      33      cticæ definitione redun-  
 Argumenta an recté per se      dare 21. non redunda-  
   cōsiderari dicantur      9, 39      re      5  
 Argumenta & argumenta-      C.  
   tiones à comparatis di-      Causæ definitio Ramea  
   F ij



perfecta est	9	Declarare & demonstrare	
Causæ definitio verbo	<i>Fit</i>	non esse idem	34
complenda	41	Declarationis & demon-	
Causæ divisio in externam		strationis exempla non	
& internam defenſa	42	diſtincte ſunt à Ramo	
Comparatorum locus ex-		proſita	33
cuffus	12, 53	Definitio interdū uno ver-	
Connexo affirmato an diſ-		bo abſolvi poteſt	31
cretum negatum cōtra-		Dialecticæ materia & for-	
dicat	16, 74	ma	30
Conſequens de anteceden-		Discretum enunciātū qua-	
te ſimplicis enunciati cō		tenus copulato equipol-	
muni biſariam dici po-		leat	68
teſt	79	Discreti negatio, ſit ne legi-	
Conſequentia & inconſe-		tima connexi affirmati	
quentia enunciatorū	67	contradictio	16, 73, 74
Contingentia & neceſſitas, in		Discretis enunciatis ne-	
qualitates cōmunes ſunt		gantibus ubi negādi ad-	
omnium rerum	72	verbium ponendū	70
ad Contradicentia illuſtrā-		Diſjuncta enūciata ubi ad-	
da exemplum ē	<i>1. Tuſc.</i>	hiberi ſoleant	75, 76
ſatis conſentaneum	11	ē Diſjunctis unicum verū	
Contradicētium exemplū		eſſe, an ſit κατὰ παντός	
ē	<i>1. Tuſc.</i>		17, 74, 75
non conſenta-		Diſjunctio enunciatorum	
neum eſſe, loci analyſis		per vinculum tantū ſit	
evincit	49		70
Contrarietatis uſus in effi-		Diſſerendi verbo omnem	
cientibus illuſtris	44	dialecticæ vim compre-	
Copulati enunciati conſe-		hendi	6
quentia & inconſequē-		Diſſimilium animadverſio	
tia	67	examinata	14
D.			
Declaramentum per par,		Distinguere ambiguā vocē	
majus, & minus, quid	55	in ſua ſignificata, non eſt	
Declaramenti vox, argu-		dialecticæ	15
menti voci anteferenda		Dividendi leges duæ gene-	
32		rales	64



tionem à Pisc. traditam	Particulare malè Ramus	
aliis quoq; argumentis	complexus est sub Spe-	
competere	ciali	80
Martialis exemplum é pri-	Pauper & dives privantia	
vantibus fit ne tollendū	sunt	12
12, 51	ποιήν	25
Materia dialecticæ quæ 6,	Privatium exempli é Mar-	
30	tiali desumpti consecutio	
à Minori argumentatio	unde pendeat	51
quid	in Privatium exemplis du-	
à Minori argumentū quid	plex affectio spectari po-	
54	test	53
Mortuos non esse, ideoque	Prodigalitas quatenus li-	
nec miseros, quomodo	beralitas	48
Cicero probet	Propositio indefinita sem-	
Multo magis signum argu-	per æquipollet universa-	
menti à minore	li	81
Multo minus signum argu-	Propositio universalis &	
menti à majore	particularis	80
N.	Propriæ qualitatis definitio	
Necessarió quæ fieri dicantur	reciproca	46
72	Proprium enunciatum po-	
Negandi adverbium in dis-	tius singulare appellan-	
cretis enunciatis negan-	dum	80
tibus ubi ponendū	Proprium falsó à Ramo	
70	definitum	46
O.	in Proprii definitione redū-	
ο'μογένεια & ἰσπογένεια c-	dent ne particulæ <i>Omnis</i>	
nunciatis non est pro-	& <i>semper</i>	10
pria	Q.	
Ovidianum exemplum de	Quæstio non est dialecti-	
animalibus, divisio ne fit	cæ subjectum	8
an distributio à subjectis	Quæstio quomodo fit dia-	
14, 61	lecticæ subjectum	35
P.	Quæstionis divisio in sim-	
à Pari argumentatio quid	plicem & conjunctam	
55	non fuit à Ramo im-	
à Pari argumentū quid	pro-	
54		

I N D E X.

probata	36	inesse	16
de Quæstione ubi in arte		Syllogismus cõpositus, af-	
præcipiendum	37	firmatus & negatus no-	
R.		minari potest	ibid.
Reciprocatio communis		Syllogismi partitiones an	
etiam notionibus sim-		meritò reprehensæ	17,
plicibus	73	18, 77, 78	
S.		T.	
Sic similitudinis conjun-		Τέχνη	21
ctio	58	Testimonium cur Ramus	
Simplex & compositũ non		inartificiale dixerit	9, 40
folis enunciatis compe-		Testimonium divinum ad	
tunt	73	probandum vim maxi-	
Solus semper propriã qua-		mam habet	15, 66
litatem non designat		Testimonii divisiones à Pi-	
13, 52		scat. propositas, magnã	
Speciale in divisione enun-		cõfusionem complexas	
ciati, synonymum pro-		esse 15. hoc refutatur	63
prii est	72	V.	
Speciei subalternæ divisio		Veri enunciati natura di-	
minimè necessaria	14.	spicitur	67
attamen utilis	60	Veritas & falsitas, propriæ	
Subjectum dialecticæ qua-		enũciati qualitates sunt	
le esse oporteat	8. &	71	
quod sit	35	Vinculum solum disjungit	
Subjectum non in adjun-		aut conjungit	70
cta, sed in species secun-		in Virgiliano exemplo, <i>Ur-</i>	
dum adjuncta dividitur		<i>canibus catulis</i> , &c. sit ne	
77		dissimilitudo	14, 58
Subjecti præceptio quando		Ufus rei multiplex nõ facit	
necessaria	35	rem multiplicem	8, 37
Subjecto & adjuncto parè		pro Ufu vario res una vari-	
argumentandi vim non		as recipit rationes	38.

F I N I S.







